


河海大學出版社

恬養移詩

蒼雪詞



姚鵬雛詩詞集



題 簽： 屈 武
楊紀珂


責任編輯： 王國儀

封面設計： 章耀達





1







姚鵬雛詩詞集

恬養簪詩
蒼雪詞



河海大學出版社

恬養移詩·蒼雪詞

雲間 姚錫鈞 鵝雛 著

責任編輯：王國儀

出版者：河海大學出版社（南京市西康路一號）

發行者：江蘇省新華書店

印刷者：河海大學印刷廠

一九九三年八月第一版

彩插：南京新中彩色印刷廠
一九九三年八月第一次印刷

印張：24.4 插頁：12

印數：2000 冊

書號：ISBN 7-5630-0461-0/H·78

定價：25.00 元（精裝）

20.00 元（軟精裝）



（蘇）新登字第013號

姚鶴維

詩詞集

厲武



恬

養

繆

詩

蒼



詞

楊絳珂敬題





自題造象

華顛短髮久飄蕭
 自撫頭顱轉自豪
 空許腹中容百輩
 何嘗頰上欠三毫
 老者皺面添新嗣
 醉摩生肩壓老髻
 莫笑問年迫衰朽
 尚堪怕首與韉刀


鷓鴣

→一九三九年在重慶
左起 楊紀璋 姚明華
虹英 姚玉華 姚鵠雛 沈



一九四八年在南京

姚鵠雛與長女姚明華





程十髮《日照春山》軸

黃賓虹「梅竹」軸



呂鳳子「瑟瑟秋風」軸





豐子愷《鑼鼓響》卷

終能睜眼向千塵清生微情
水石妍相對山陰道上完
蘭亭非後永和年

紀璋賢甥

姚鵠雛



鴻飛詩言之吉

詩有宿根證僂佛

書如快刀斫蛟龍

方還

置爾清尊，
知明日事。

蘇軾書溫帖△漢石門頌字遺之體，雖方折，源成也。

自戍高格，
不是出山涼。

吾氏五卷劉三書對聯



鴻離先生以放翁詩句屬寫程牒料以其中近者爲圖

鏡中衰鬢難藏老

扁家三脈爭爲最爲合之端老惟書二極尚溪山

明以新記

漢內虛名不殊質

廿三年初冬月張澤陽

出版前言

本書作者姚錫鈞（一八九三——一九五四），字雄伯，別署鵝雛，筆名龍公。江蘇松江縣（今屬上海市）人。清末肄業京師大學堂，辛亥前夕回到上海，加入柳亞子等發起的文學革命團體南社，歷主太平洋洋報、民國日報、星加坡國民日報及七襄、春聲雜誌等報刊筆政。人民國後，先後任南京市府秘書長、江蘇教育廳及省政府秘書、監察院主任秘書暨監察委員等職。解放後息居鄉里，旋應聘為上海文史館館員，並由于蘇南區有司之薦舉，鄉人之屬望，出任松江縣民選副縣長，為桑梓服務。一九五四年病逝。在京師大學堂讀書時，與同學閩侯林庚白各以詩百首合著《太學二子集》，始以詩駢露頭角，後乃一意為詩。初篤好陸劍南，服膺江西，繼從南社諸君子為唐音，故所作既有宋詩的發露，又有唐詩的蘊藉。晚年亦喜填詞，以和婉雅正，聲律嚴謹，為時所稱賞。入蜀後詩詞風格一變，摒去浮華，臻于清新自然，晚律尤細。著有《恬養謠詩》五卷，都千四百餘首，《蒼雪詞》三卷，百八十餘闕，都是生前所手自訂定，從舊作五六千首中刪存的愜意之作。本書即由上述二書合編而成，反映了作者自民初起，經歷抗戰，以迄新中國成立，各個時期的家國興衰，個人身世之感，以及山水游涉、朋樽聚散唱酬之樂。姚老往年從政餘閑，嘗執教南京

河海工程專門學校，即今河海大學前身，主講國學課，故本社樂於出版他的這本遺集，作爲奉獻給我校老教授、老詩人的一點紀念。

河海大學出版社

一九九三年八月

序

柳無忌

南社前輩姚鵠雛先生，與先父柳亞子爲莫逆交。久耳令名，未親瞥欸。比讀其遺著《恬養簪詩》及《蒼雪詞》，益仰慕先生之爲人。蓋文以人傳，文亦傳人，交相輝映。先生高才樸學，淳蓄義理，醞釀詩書，有感于懷，輒付吟詠，以抒其積抱，以鳴其素志。日惟孜孜，除詩文外，一若無足以撓其慮者。而其才力又足以驅使筆端，發爲瑰偉奇麗之辭。所著古近體詩及長短句，俱見功力，風華婉約中，別饒雅淡深遠之致。三十八年，避寇西遷巴蜀，慨國難之深重，民生之凋敝，于是撫時感事而更多接興行歌之作，斷句如「島夷本小醜，鯨浪初跋扈……群情誤苟安，割肉喂豺虎；今遂恣跳梁，深入據堂廡」；「士卒苦暴露，道路多饑疲，念之芒在背，忽忽良不怡」；「卒歲支梧我何幸，齊民一飽亦難營」等等。亦有振奮激勵之作，如「中原陣雲深，三鼓氣不竭，何當下陽夏，亟爲收吳越」；「前方軍訊急，戰血紅于榴，拙語補饒歌，此筆未可投」；「油江清水同開捷，喜極翻看涕在裾」；「國家他日沿溪石，自要文章日月光」。對抗戰勝利充滿信心。無論寫牢愁喜悅，均有清新自然之感。或謂先生入蜀後，詩格一變，觀此信然。先生治詩數十載，篇什之富，宜可與誠齋十集放翁萬首相媲美，然手訂《恬養簪詩》五卷，收錄才千四百餘首，《蒼雪

詞》三卷，才得百八十二闕，蓋自謂早年所作，隨手散佚，而「芟其尤冗濫者太半」。昔杜老有言：「文章千古事，得失寸心知」，劉縵亦云：「才核者善刪」，先生好學不倦，晚年心力愈細，手眼愈高，則去取自愈嚴。此刪存之詩詞千數百首者，可知皆歲月磨煉，披沙揀金，怵心鏤骨之作，其傳世固無疑已。聞先生拙於治生，身後所遺，詩文手稿及書籍數篋外，一無長物。今詩詞集即付剞劂，名山之藏，得傳不朽，繼承雲間詩派之餘緒，充實我國古典文學之寶庫，使後世讀其詩而知其爲人，則其高下得失，又豈鐘鳴鼎食，車烜馬赫之徒，歿而寂寂無稱者所可比擬哉！

先生嘗師事林紓、陳澹然、陳散原諸大家。交游甚廣，與南社社友如于右任、葉楚傖、蘇曼殊、劉三、李叔同、陳巢南、高吹萬、姚石子、陳陶遺、胡樸安、寄塵昆仲，以及汪東、沈尹默、吳梅等，均締文字深交，而尤與先父直諒相友。先生少先父五歲，辛亥相識於太平洋報。訂交之初，即有「讀君詩與書，諳我用心苦」（《答柳亞子》）之契合，而君子之交淡如水，益以人事紛紜，風雲百變，萍漂蓬轉，聚散無常。「密邇猶疏闊，……閑淡續詩盟」，「老至成漂泊，書來慰闊疏」，此皆先生與先父唱酬中之紀實語也。抗戰期間，相繼避難渝都，竟無緣見面，僅有先生致先父一詩代簡（《亞子過訪不值，君武書來言之，賦此代簡》）。獨解放後一再會晤於滬濱京師，白頭重見，情摯益親。「卅年文字因緣在」（《再簡亞子》），「卅載難忘盟社情」（《紅桑一首，用鵲雛韻》）。蓋君子以義合，不以勢交也。先生於一九五四年捐館，越四年而先父亦棄世。

集中論詩詞之作，數見不鮮，尚論近代作家者尤夥，蓋自謂「自近而遠，溯流及源，時代相同，譬效如接，不煩研索」也。撰《南社瑣記》意有未盡，則再紀以詩，於社友胡石予之詩，龐檠子之詞，楊了公之書，蘇曼殊之畫，各系一絕，以誌向往。《續論詩》十一首之一云：「時流似未知南社，但道撻撻龔定庵」，誠慨乎言之。當時有謂蘇曼殊、柳亞子詩源於定公，冒鶴亭氏撰《孽海花閑話》，亦謂：「光緒戊子以後，龔定庵文盛行，南社詩家尤宗之」云云，此皆知一不知二，坐井觀天，道聽途說之論耳。

先生一代詞家，嘗問律於詞壇巨匠朱彊村，手自遙寫《彊村語業》三卷，盛稱其「氣格凝重，筆力蒼堅爲不可及」（《減蘭》附小序）。分詠所慕名及交游之近代詞家二十人，甄搜殆遍，評量點最，不失銖黍。與汪東、夏承燾尤投分有素，時相唱和。自云：「文隨情至，音無繁縟」，亦詞家之正則也。《蒼雪詞》始作於抗戰初期，兵塵漲陌，戰血連江之際，先生方提携弱小，轉徙湘黔，憂國懷鄉之思，觸緒紛生，於是詩詠之不足，則繼之以倚聲。卷首《望江南》十二闕，堪稱絕唱，錄二如下：

江南好，黯慘望烽烟。起陸龍蛇吞象腹，臨江胡馬斷流鞭。此日是何年！
江南好，父老盼霓旌。欒韞三千齊射日，橫磨十萬快屠鯨。東海始銷兵。

悲壯雄渾，正氣凜然，即在今日讀之，猶令人擊節稱快。惟綜觀先生全部詞作，其風格仍以和婉雅正爲主，似於花外白雲最爲相近，此實倚聲家之準繩也。

先生早歲亦好爲說部，長短篇行世者，不下數十種，然自謂戲作，不甚重視，「生平

無一書一稿之留存」。一九二九年撰長篇《龍套人語》，記述民初江南舊事，有裨史價值，先父藏有抄本，曾爲題跋有云「第十九回中之楊無忌，即影射余」。孰料六十年後之今日，「楊無忌」之子柳無忌，有幸爲先生詩詞集作序，父子真假名字偶然巧合，可發一噱，倘亦藝林之佳話歟。先生長女公子明華女士，純孝兢兢，藉通家之誼，不遠萬里，轉輾寄語，爲刊印尊人遺集，屬序於余，余雖世晚，未敢固辭，爰贅數言，聊誌景慕之忱云爾。

一九八九年七月于美國加州孟樂公園

序

施蛰存

雲間姚先生雄伯既謝世，其女明華、婿楊紀璋、次女玉華抱守其遺文，辛苦弗墜。越十年，寫印其蒼雪詞三卷，既已流播人口，又十餘載，繕寫其手定恬養簃詩五卷成，待付印，索余一言爲序。余受知於先生幾三十載，然會合不常，晤對承教之緣尤罕，何足以知先生，又何足以序先生之詩哉。先生未弱冠，以詩文說部鳴於時。柳亞子創南社，先生羽翼之，紹東林幾復之緒風，鼓吹革命，意氣甚盛。辛亥鼎革，入仕金陵，浮沉郎署者三十年。抗戰軍興，流移湘黔巴蜀者又十年。家國興亡之感，朋尊聚散之迹，一以著於詩。遇愈窮，詩乃愈工。解放以後，蘇南有司從鄉人望，舉先生爲松江副縣長，先生欣然拜命，歸鄉里，將以發其經世之略，爲桑梓布新政。俄而嬰疾，遽損其壽，功績未就，而懷抱具見於詩，誦其詩者，足以知先生之爲人矣。往者余居昆明時，先生自渝州惠書，謂方刊定其集，且言：「少日作詩，步趨散原石遺，好爲硬語，既而從南社諸君子爲唐音，境界漸得開朗，及間關入蜀，得山川之助，遂法自然，效元遺山放筆爲直幹，至是而詩乃爲自家生活」。先生作詩五十載，不甚收拾，多散亡者。此恬養簃詩五卷，存詩才千四百首，其刊落者，於早歲詩尤甚。印以先生晚年放筆之說，亦可以知先生之爲詩矣。夫文載道，詩

言志，詩文皆心聲也。先生中年以後，貞介謙退，不偶俗，罕交游，而名重於士林，士之知先生者，皆誦其詩文而得之。今先生往矣，嘉言懿行，耳目不可得而接，然詩文猶存，雖百世之下，後生小子猶得以知先生，此其女若婿之所以亟亟於傳其遺著也。嗚乎，孝思不匱，有足尚已。余荒僮下才，文不足爲先生重，既不可辭，爰以所知聞於先生者書之，聊或有助於後生之誦斯編者。若先生之道與志，余安足以發其大哉！

甲子上元鄉後學施舍蟄存拜序

目次

出版前言	一	重五書感時去宜南將一歲矣	四
序 柳無忌	三	葉楚儉屬題分堤弔夢圖圖爲蘇曼殊所繪(二首)	四
序 施蛰存	七	太平洋報館夜坐時將歸里	五
恬養謄詩		晚步	五
第一卷 搬舊集		睡起	五
起一九一〇年庚戌		故山	五
訖一九三六年丙子		冬暮雜詩四首	六
清明次辟疆韵	一	答柳亞子二首	七
春暮	一	簡沈道非	七
秋夜示辟疆	一	七月十七日夜樓外樓坐雨作	八
小極	二	龐檠子 ^{贈和} 游西湖貽書索詩	八
贈辟疆	二	得林一庵汕頭書却寄	八
聞蟬	二	踪迹	八
雜詩四首	二	與楊幾園 ^{了公} 丈游近郊歸飲市樓作	九
河漢	三	傷時一首呈幾園丈	九
感秋三首	三	江關	九
人海	四	北城	九
過陳陶遺城西旅次有作	四	移燈一首示亞子	一〇
		夏夜偶成	一〇

龍丁屬題所畫朱蘭	一〇	小除夕和吳遇春	一六
讀近人詩作呈幾園丈	一〇	乙卯除夕	一六
滬上逢張企韓 ^{仁修} 即贈	一一	丙辰元日	一六
市隱樓坐雨論詩再呈楊丈	一一	馬崎寺作呈錢劍秋師楊幾園丈并示俞白華	一六
甲寅秋夜	一一		一六
寄懷李中 ^{日本}	一二	齋中紅梅二月始作花旋即零落悄然成詠	一七
夜飲有懷劉三季平	一二	高吹萬閑閨山莊	一七
雨後小吟寄季平	一二	竹邊庵外王母何儒人幕下作	一七
時序	一二	渡海赴新加坡舟中作	一七
蓮花庵放生池同幾園丈作	一二	渡海舟中有憶	一八
懷林畏廬師北京	一三	還家二首	一八
將有遠行答里中諸子見贈	一三	車中口占	一八
答張韞斯	一三	送劉三北行	一九
雨過二首	一三	寄杭州友人因念曼殊葬處	一九
徙倚	一四	滄海	一九
雁聲	一四	行吟	一九
詠懷四首	一四	將之南都姜粟香爲設飲話別	二〇
初晴	一五	鷄鳴寺雨中望玄武湖作示章漢秋金巨山	二〇
歲暮雜感二首	一五	雨中出儀鳳門	二〇
劉三以所藝梅鬻之市上爲作此詩	一五	曉起	二〇

偶成	二二	走筆似公約	二五
簡金左臨	二二	詠史	二五
書興示閔瑞之	二二	歸里小休楊幾園丈吳遇春出際近詩時吳	
車中示閔瑞之	二二	方有絕糧之嘆次日滬寧車中成此寄	
題金松岑南岳紀游詩草	二二	楊丈并示吳君	二六
歲暮懷劉三即寄	二二	雨夜懷人拉雜成詠	二六
雜詩二首	二二	滬寧車中	二七
河房茗坐示王劍賓二首	二三	追暑閑坐綠陰在几因念舊游寄幾園丈	二七
贈梁公約二首	二三	七月晦夜坐憶北京故人	二七
署中臘梅一株花落欲盡徘徊其下慰以此詩		寄聞在宥	二七
得費龍丁松江書題寄	二三	秋夜	二八
幾園丈送余去寧過滬小病各舍作呈即以爲	二三	忽然二首	二八
別	二四	感嘆有作寄楚儉海上	二八
上陳劍潭師 <small>儼然</small> （二首）	二四	過蘇州懷金松岑	二八
春寒驟雨梁公約寫示近作梅花詩戲答二		裘匡廬來白下與偕游清涼山鷄鳴寺鍾	
首	二四	山諸勝別後却寄	二九
寄呈沈思齊 <small>惟賢</small> 丈南梁	二五	九日公約邀登高即答	二九
梁公約招同殷墨卿倪伯符餘園看牡丹遂		瞻園雜詠二首	二九
過龍氏寓園花事尤盛	二五	胡園菊花二首	二九
		暮秋書感呈沈述翁	三〇

得可生杭州書却寄	三〇	斷雁	三
大雪思登豁蒙樓賞之未果歸途作	三〇	悼亡弟換仲	
贈胡位炎	三〇	姜粟香張韞斯諸君要飲鎮江酒樓罷歸愴	
呈蔡師愚先生	三一	念亡弟	三五
有以我近狀作諸語語公約者戲成	三一	夢痕	三五
松風社集後一日簡耿伯齊楊幾園兩丈	三一	秋光	三六
過鎮江望金焦	三一	題陳散原手錄別墅詩卷	三六
春夜聞胡琴聲二首	三一	秋末游竹林寺	三六
江干旅邸題壁	三一	壽畏廬師七十	三六
莫愁湖晚眺	三二	石帆樓作	三七
與公約齋舍相接而兼旬不見戲書投之	三二	登清涼山掃葉樓望莫愁湖	三七
朱疆村先生自汴梁歸吳過白下止于散原	三三	壬戌除夕	三七
精舍奉呈井上伯嚴先生	三三	鎮江城外荒池荷花	三七
寒夜有作簡蔡師愚	三三	莫愁湖茗話同朱叔建	三七
滬寧車中曉望	三四	公約見過時方午食戲呈	三八
聞雷鐵崖卒于滬上感賦	三四	喜陳巢南吳瞿安至即同夜飲	三八
江干春望	三四	九月十五日夜坐	三八
春日里居寄劍賓玲生	三四	贈方唯一	三八
綉花巷夜坐	三四	伯嚴先生七十生辰以大集見貽賦謝	三九
中夏綉花巷即事	三五	秀山公園夜步	三九
		梅花	三九

梅庵飲席放歌似同坐……………	三九
汪辟疆北行過白下握手其歡書贈……………	四〇
送陳匪石還北平……………	四〇
去年之秋與巢南瞿安日貨舫游青溪彌 月今陳吳歸里未至獨過溪橋有憶二 首……………	四〇
清明後二日郊游似巢南瞿安……………	四一
題瞿安詩稿即送其北行……………	四一
携家人登燕子磯……………	四一
八月十四夜坐……………	四二
以淮陰白酒一尊餉劉三并寄……………	四二
題林鐵尊半櫻詞卷兼悼彊村先生二篇……………	四二
方唯一挽詩……………	四二
偶興……………	四三
村行……………	四三
戲示嚴賓杜……………	四三
橫林道中……………	四三
滄浪亭詩……………	四三
四十一歲初度答侯病驥 <small>附箋</small> ……………	四四
舟過分湖寄顏文樑蘇州……………	四四

儲南強易君左夜過二首……………	四四
寒燈課讀圖爲俞慧殊題……………	四四
尹碩公招飲焦山碧山庵柳翼謀自京金松 岑自蘇來會余以病辭賦此代簡……………	四五
同人集焦山送程天放大使德意志國……………	四五
陳巢南卒于吳江寄挽……………	四六
上海城東弔朱蓉鏡之喪歸作……………	四六
冬夜簡尹碩公兼似萬君默……………	四六
武霞峰偕碩公見過小飲……………	四七
碩公君默邀同項致莊李翼中葉心恒過江 天寺飲中濡泉飯于香積風日煦然神 觀清越紀之以詩……………	四七
立春後一日雪碩公要登紹宗樓謝不往作 示并示李翼中……………	四七
碩公人日北歸以詩贈行……………	四七
簡碩公……………	四八
黃家山劉園看櫻花時已將謝……………	四八
上京一首簡楚儉……………	四八
江天寺青權長老挽詩……………	四八
七月十五夜月……………	四九

曉起陰霾以風示碩公	四九	二首	五五
偶成二首	四九	題畫四首	五五
碧山庵	四九	初春二首似畧安	五六
蕪湖中江學校校舍新建懷爽樓祠故皖南	五〇	贈二生詩二首	五六
道袁公爽秋沈述翁丈徵題	五〇	雜詩四首	五六
朱錫百 ^{壽彭} 挽詩四首	五一	南來	五七
四月十八日曉起	五一	春晴一首時將別長沙	五八
十月二十一日值宿書感時海上兵訊正亟	五一	荒江一首時將有巴渝之行	五八
與濮一乘尹碩公劉孝威雜談往事作示諸	五一	懷劉三	五八
君三首	五一	芷江將行留別舒澤卿	五八
歲暮與都中故人夜話作	五二	雜詩五首	五九
第二卷 西南行卷	起一九三七年丁丑	貴筑作似繆鎮繁陳行素	六〇
得金葆光重慶書却寄	五三	七月二十七將夕大雷雨	六一
長沙初雪寄吳瞿安湘潭	五三	筑市南郊僧院茗坐遂過市樓晚飲作似同游	六一
天心閣	五三	黔靈山偕何仲簫	六一
星州歌	五四	聞劉季平卒于滬上感賦	六一
長沙寓感二首	五五	偶書東翁敬六	六二
聞尹碩公柳翼謀尚澹揚州園中念之成詩	五五	答林庚白	六二
		二十八年元旦聞歌	六二

閉門二首……………	六二
白題四十八歲造像……………	六三
題旭初仿改七鄉山水小幅……………	六三
聞吳瞿安以三月十八日卒于大姚感賦……………	六三
宋學勤將飛赴滇南任蠶桑場工程師走筆送之……………	六三
書漢書韓安國傳後……………	六四
哀五子詩五首……………	六四
携家居北碚鄉間雜詩四首……………	六六
移居示金葆光……………	六六
端五示碩公二首……………	六六
自丁丑流亡以來作詩頗富暇日檢視遂題……………	六七
五月十六夜枕上……………	六七
立秋後一日晨起讀畏廬師集……………	六七
論詩十四首……………	六七
中秋夜月……………	六九
秋來忽酷熱一夕大風雨驟涼走筆呈楚儉……………	六九
重九前三日尹碩公見過……………	六九
重九答林庚白……………	七〇
江樓夜坐……………	七〇

雜詩二十首……………	七〇
正月十三夜命酒獨酌偶書……………	七四
張聿光肅宗忠簡威懾金人直幅……………	七五
再題張肅郭令公單騎見回紇二首……………	七五
暫歸北碚故居……………	七五
書宗忠簡事……………	七五
連雨不止春已過半燈下蕭然成詠……………	七六
右任院長六十二歲生日呈……………	七六
戲爲長句簡沈尹默……………	七六
尹默次韵見酬復聞極論臨池之妙遂中其意仍用前韵……………	七七
孔家巖贈陳漱六……………	七七
酒後露坐念思齊蘊和二君之歿泫然有作……………	七七
重五寒雨忽憶去歲看到榴紅五月花之句遂以爲韵仿山谷體作小詩七首……………	七八
金剛坡官舍夜坐……………	七九
簡章行嚴并示旭初……………	七九
次韵行嚴柬同人之作……………	七九
讀行嚴挽馬君武詩有感作詠……………	七九
華亭魚化石歌……………	八〇

縮手·····	八〇	山中雜詠八首·····	八五
病中作四首·····	八〇	狄君武來山中一宿而去·····	八六
自北碚移家金剛坡車覆田塍間行篋沒水 衣裳盡敝檢視有作二首·····	八一	論荆公詩四首·····	八六
松杉·····	八一	歲暮曉起東經宇·····	八六
列鼎二首·····	八一	除夕寄楚儉·····	八七
聞鷄·····	八二	除夕·····	八七
于範亭 ^{洪起} 挽詩·····	八二	聞亞子將至·····	八七
尹默見過出示近詩因贈并簡行嚴旭初·····	八二	今夕何夕行，贈漆鑄城 ^{應鈞} ·····	八八
明華女隨婿赴衡陽念之成詠四首·····	八二	假歸北碚陳漱六邀飲寓樓示同座·····	八八
趙靜侯 ^{世康} 夜過山居別後却寄并示程叔彪·····	八三	漱六丈屬題吳仲圭畫真迹·····	八九
懷人四首·····	八三	題鄒海瀨畫竹爲姚雨平丈六十壽·····	八九
王新令君言曾見余呈右任先生詩舉其首 二語憶爲丁卯歲見公首都從游燕子 磯諸勝時之作忽忽十餘年矣舊稿亡 失補足成之·····	八四	鴛鴦自記(文)·····	八九
偶成·····	八四	第三卷 山雨集 起一九四一年辛巳 訖一九四五年乙酉	
讀荆公詩·····	八五	歌樂山中央醫院省葉楚儉沈尹默疾二首·····	九一
寒意·····	八五	家人擲山間野花雜貯一瓶對之欣然有作·····	九一
贈錢經宇·····	八五	山居始夏憶江南風物 ^(六言四首) ·····	九二
		山居雜興 ^(六言一首) ·····	九二
		入城宿磨盤山舊寓作·····	九二

東坡……………	九三	讀樊榭詩集二首……………	九八
禽言四首……………	九三	晨起口占 <small>（六首一首）</small> ……………	九八
郭公 <small>（四首各島）</small> ……………	九三	漫書二首……………	九八
剪春……………	九四	尹默見示山居短籬二集漫題即寄二首……………	九九
挂紅燈……………	九四	秋夜讀尹默詩遂作……………	九九
渴殺哉……………	九四	尹默見示和章再用原韵……………	九九
夏日閑居……………	九五	三懷詩三首……………	九九
七月二日夜坐……………	九五	乞綺雲作巴山秋雨圖遂題……………	一〇〇
旭初書詢近况漫成即簡……………	九五	雜詩二十四首……………	一〇〇
簡劉民生……………	九五	有感于陳簡齋窗明窗暗之句漫成……………	一〇二
晨起……………	九六	頌酒……………	一〇四
雁蕩朱氏詠莪堂二首……………	九六	飲席似同坐……………	一〇四
碩公有貴筑之行書寄……………	九六	陸玄南挽詩……………	一〇四
枕上……………	九六	得施蟄存長汀書却寄……………	一〇四
得逢一海上書有懷……………	九七	十二月九日書事……………	一〇五
夜起……………	九七	渝市喜晤行嚴先生賦呈……………	一〇五
德兒遠適衡陽湘北告警念之成夢起紀以詩……………	九七	壽繩先……………	一〇五
中秋書感……………	九七	靜石灣即事三首……………	一〇六
中秋夜月二首……………	九八	風霾竟日漫成……………	一〇六
		雜詩三首……………	一〇六

金剛坡四首	一〇七	姜粟香以六十生日宴客攝影見寄皆鄉人	一一四
戲鴨陂	一〇七	也爲題一詩	一一四
讀梅歐集有感簡錢經宇	一〇八	蜂蝶二首	一一四
游北碚還寄陳丈漱六	一〇八	寄懷喬大壯	一一五
五十初度旭初并默鑄城洪父達五諸君以	一〇九	文物	一一五
詩兄貽漫賦奉謝五十韵	一〇九	懷抱	一一五
詩并默六十	一一〇	泓一上人李叔同挽章四首	一一五
林庚白挽章二首	一一〇	沈君弼風雨一廬圖二首	一一六
病起二首	一一〇	許玄谷獨樹山房圖兼懷漱滌諸老	一一六
感春三首	一一一	寄大壯二首	一一六
題施鰲存武夷行卷二首	一一二	雜詩二首	一一七
酒坐聞少蘇談中一瞿庵往事感賦	一一二	贈楊別士二首	一一七
雨中書所見	一一二	夜大風寒其戲成二首	一一七
不寐	一一二	壬午歲除贈漆鑄城時漆將告歸	一一八
夜宿望龍門水步作	一一三	癸未元月二日大風雪僚友會飲有作	一一八
漫成	一一三	右任院長賴餉食物賦詩誌謝三首	一一八
暑早彌月立秋前二日得雨霑足遂書	一一三	襄粟	一一九
姚味辛將軍出示近詩即贈	一一四	山谷間有木本小花黃英白跗土人謂之夢	一一九
蔣仲翔 ^{改正} 白滄寄示集劍南詩抒懷之作	一一四	花戲作小詩	一一九
讀罷遂題	一一四	即目二首	一一九

歸棹和大壯	一九
偶讀杜詩世亂鬱鬱久爲客路難悠悠常傍人之句慨然有作	二〇
偕目寒訪旭初于三聖宮別后却寄并示黃葆齋	二〇
重五書感時頻得鄂西大捷之報	二〇
贈李印泉	二〇
潺湲	二一
碩公自貴陽寄示近詩賦此爲答	二一
姚味辛見示哭弟詩和作二首	二一
粵壑	二二
初寒	二二
寄懷亞子桂林四首	二二
閑意	二三
題張大千溥心畬合作黃山手卷	二三
饑鶴	二三
秋雨三首	二四
歌樂山雜詩四首	二四
山洞官邸謁右公命酒止宿遂呈	二四
爲目寒題峨嵋手卷	二五

獨往	二五
題嘉興金敬淵 <small>問淵</small> 昆仲感事詩卷	二五
陶園坐雨	二六
聞姜粟香 <small>世履</small> 卒于松江感賦三首	二六
贈袁道冲 <small>榮豐</small>	二六
贈沈能五	二七
一雨	二七
右任院長六十六齡生朝四首	二七
句曲	二八
論詩寄陳仲陶四首	二八
暫至城中金敬淵 <small>問淵</small> 爲設食招陳仲陶同坐談詩別后書寄兼似仲陶	二八
獨行二首	二九
驟暖	二九
五月八日夜大風驟寒	二九
不辨	二九
余髫齡家居偶得劍南詩抄特喜誦之數十年間詩格屢變獨于陸詩篤好如故頃復攬其篇章感念往昔悵然有作二首	二九

雨中作	一三〇	集白石詩寄旭初北碚	一三五
村居漫興和旭初	一三〇	閑感	一三五
五月二十九日作時將移居	一三一	漫題	一三六
閑咏三首	一三一	夜坐	一三六
六月十三日歸金剛坡官舍	一三二	積雨兼旬短述八首	一三六
聞金松岑 <small>天翻卒</small>	一三二	人生思少日四首	一三七
漫成四首	一三二	觀身	一三七
錢雲鶴挽詩四首	一三三	亞子見過不相值君武書來言之賦此代簡	一三八
君武五十生朝	一三三	曉起漫書	一三八
微醉	一三三	楚儉力子招集江蘇同鄉會爲民國日報創刊卅周年紀念并謀復刊作寄楚儉并似同坐(五首)	一三八
雜詩四首	一三四	雨後作雪晚望	一三九
山中寓齋題壁二首	一三四	雜詠二首	一三九
小年讀詩即嗜陸劍南篇什積數十年平生		哀鄒窺鏡 <small>陽賓州人</small>	一四〇
樂閑曠安貧寡退而自足蓋有深慕于		劉禹老七秩二首	一四〇
翁者比歲遷流東川泰關中于公賓僚		漫興二首	一四〇
之末或者以爲亦略似翁參石湖幕府		題馬元放歸漢記	一四一
也景止前賢豈敢攀附緬懷芳躅聊紀		寄喬大壯	一四一
小詩云爾	一三四		
病瘡閑坐信筆遣懷四首	一三五		

戲作俳體二首	一四一
甲申歲暮大雪作寄汪東 <small>寄庵</small> 九首	一四二
聞柳翼謀先生抵渝尚未得見日從報章讀	
其近詩因作奉寄四首	一四二
契闊一首用尹默韻	一四三
余祖明覓句圖二首	一四三
雜言（六言九首）	一四三
夏夜大雨口號三首	一四四
柏烈武將軍七十	一四四
讀史絕句四首	一四四
楚儉六十生朝飲席歸賦呈	一四五
磨盤山故居夜望	一四五
秋感四首	一四五
游仙四首	一四六
重九上清寺集限韵成詩呈右公并示同會	
覆雨	一四六
舒澤卿挽詩二首	一四七
冬雷三首和尹默	一四八
哀薛原	一四八

雜詩四首	一四九
元日漫成四首	一四九
第四卷 還都集	
起一九四六年丙戌	
訖一九四九年己丑	
二月十五日飛機自渝還京作分寄柳翼	
謀沈尹默二首	一五一
還都雜詩六首	一五一
寄答高一涵監使二首	一五二
題黃葉樓遺稿二首	一五二
二月十五日楚儉先生逝世一周年矣愴懷	
夙昔莫罄言辭敬成二章即題其所著	
世徵樓詩集二首	一五三
簡碩公二首	一五三
紀璋居滬山陰路文華別墅寄之以詩二首	一五三
丙戌冬月前京師大學堂預科同學之在南	
京者集于曬布廠汪宅談宴極歡改歲	
經月余始成此篇呈商藻亭劉禹生兩	
先生兼示同座并由藻亭世丈以寄雲	
亭師天津	一五四

鳳九姑丈六十生朝常州馮超然貽之以畫

頃將付裝池命鵷雛爲詩紀之……………一五五

在渝時尹默以東川詩友合語成詩叙友朋

文酒之盛加以品藻還都以來踪迹稍

疏爰成此篇仍以原句發端寄尹默海

上兼際旭初二首（附和作）……………一五五

將之松江寄張叔通琢成兩丈并際白蕉……………一五六

白蕉寫似新詩賦此却寄……………一五六

懷常任俠蔣阿仙二生……………一五七

題吳遇春詩稿……………一五七

題沈天鶴殘灰集……………一五七

寄懷王心織王達五……………一五八

君鑄將歸松江作此送之……………一五八

小園……………一五八

戲簡辟疆……………一五八

題袁道冲松江懷古記……………一五九

錢經宇智修先生挽詩……………一五九

寄王支林號芳九嶺松江二首……………一五九

感興……………一五九

滬寧車中作寄劉禹老兼似伯欣居士……………一六〇

車過蘇州作……………一六〇

過滬追悼陳陶遺先生……………一六〇

費潤泉謫號要過其居共飯別后却寄……………一六一

同社姚君鳳石之歿感念久之成此追挽……………一六二

呈陳景韓世丈……………一六二

雪堂品硯圖爲李中及題……………一六二

題于仲選手抄改玉壺吳越紀游詩草……………一六二

偕琢丈過叔建即呈……………一六二

吳存甫姻丈重游泮水征詩……………一六三

題鄉賢徐孚遠開公先生遺扇……………一六三

逍遙是日家人游玄武廟……………一六三

徐正言學醫于鳳九姑丈業成將去師弟

合攝一影余爲題春風歸思四字并

系小詩……………一六三

四月七八兩日展先墓追紀四首……………一六四

贈仁春學勤二生……………一六四

往來……………一六四

叔建寄示和遼宇韵詩賦此還寄……………一六五

讀杜詩（三首）……………一六五

寒流……………	一六五	企留今殘本尚存篋中展開有作……………	一七〇
濮伯欣來游山下以所畫山水見貽旋將		續論詩十一首……………	一七一
還常州賦此贈行……………	一六六	龍蟠吟贈柳翼謀先生……………	一七一
寄答沈瘦東見贈……………	一六六	友人歸白于湖爲言中江校舍懷爽樓已改	
右任院長六十有九生朝……………	一六六	建緒山滴翠樓亦榛莽矣感賦并悼沈	
題張大千畫杏花蜀箋即似仲少楣二首……………	一六六	道翁丈……………	一七二
江都卞孝萱乞詩娛親作此贈之……………	一六七	題覃孝方萬山吟草四首……………	一七二
薄寒……………	一六七	作書……………	一七三
讀升默酌江月詞更廣其意反傷春爲願夏		吹唇……………	一七三
依進退格……………	一六七	題嚶鳴集即贈頑鐵道人蔡北崧……………	一七三
春暮思爲北湖之游漫書……………	一六七	端午詩人節分韵得後字……………	一七四
雜詩……………	一六八	寄蔣山青……………	一七四
贈馮心俠……………	一六八	越鳥……………	一七四
偶憶南徐舊游即簡升頌老……………	一六八	高曙青先生挽章二首……………	一七四
雜詩四首……………	一六八	胡樸安先生挽章二首……………	一七五
濮伯欣游太湖馬磧山以詩奉簡……………	一六九	題庚白遺著二首……………	一七五
詠庭隅楓樹二首……………	一六九	金鐵芝貽余小印并爲治之皆精絕賦此爲	
偶成……………	一七〇	謝……………	一七六
論詩似白蕉四首……………	一七〇	夏日休沐讀國學叢選有金松岑先生見贈	
追悼張擷錢企留昆仲余嘗假元遺山集于		詩及周子芷願論詩見及之語兩君已	

逝念之慨然有作	一七六	壽金錢孫 ^兆 八十	一八三
草南社瑣記竟意有未盡再紀以詩四首	一七七	崇讓篇	一八四
題劉永平詩稿三首	一七七	十月五日夜起讀書作字久之乃旦	一八五
寄浦江清教授北平	一七七	散木惠寄楹帖刻印及游臺詩卷復謝代簡	一八五
讀采風錄五首	一七八	并示白蕉	一八五
秋暑即事寄白蕉二首	一七八	琢成丈繪風雨重陽圖便面見貽作此奉寄	一八五
高吹萬七十	一七八	琢成丈寫巴江圖爲紀璋甥題	一八五
七月十日夜坐寄松邈故舊	一七九	漕河涇冠生園農場	一八六
贈陳孟釗	一七九	車過鎮江車站旁荷池舊歲經此有獨無人	一八六
高一涵寄示近詩答贈	一八〇	處作高花之詠今垂卅年感而更賦	一八六
曉發南京作寄陸保權	一八〇	書感	一八六
車過常州即目兼懷濮伯欣居士二首	一八〇	假日園望	一八七
小憩雲深處示白蕉	一八一	一涵贈詩戲答	一八七
金培德成婚勉之以詩	一八一	朱念孝 ^{廣惠} 柳濱草堂檢書圖	一八七
樓安追悼會歸作似高吹萬錢白巖	一八一	重九紫金山天文臺登高余病未與賦呈右	一八七
贈鄧散木	一八一	公并簡諸先生	一八七
松青紀游詩十一首	一八二	黃玄翁施叔範寄示新篇即答	一八八
京滬道中	一八三	柳翼謀濮一乘二老見過	一八八
九月將盡熱甚偶書	一八三	棲霞看紅葉短述九首	一八八

高瘡安錄示近詩作寄	一八九
過金鐵芝家看金石書畫留半日二首	一八九
鄭權伯以便面屬書走筆成此兼謝其贈桂之華軒詩文集	一八九
寄田楚僑	一九〇
一嘆	一九〇
聞友人談下京事感賦	一九〇
雲亭師見賜字幅書遺山虞坂行倒次其韵	一九一
作呈	一九一
範伯子集有題東坡十六快事圖詩率然繼作	一九一
十二月十九日赴滬道中作	一九四
公祭張溥泉先生歸感賦	一九五
題陳仲陶劍廬詩草	一九五
戲簡慧殊	一九五
答叔範兼訂杭游	一九六
送葉楚倫先生靈柩歸葬吳門二首	一九六
有懷劬堂翁即用其酬高二適韵并簡二適	一九七
雨雪趨直車中作二首	一九七

臘雪二首	一九七
雪	一九七
懷人（六言四首）	一九八
印度聖雄甘地贊（一九四八年二月一日作）	一九八
投陸保權	一九八
拂衣	一九九
讀濮居士湘黔道中詩稿	一九九
丁亥除夕	一九九
歲首有懷散木白蕉叔範	一九九
戊子元旦過汪大	二〇〇
寓齋戲題	二〇〇
夜讀江弢叔鄭子尹莫友芝諸家詩率題	二〇〇
久不見尹默以詩問訊	二〇〇
佳晴	二〇一
雜詩十四首	二〇一
題向伯祥	二〇三
乃	二〇三
詩卷	二〇三
閩市答劉永平	二〇三
商藻亭丈屬題寒燈聽雨圖	二〇三
夏日家居	二〇三
散木郵示春游草即題却寄并示白蕉叔範	二〇三

七月六日颶風大雨 （臺灣抗日紀念前一日）	二〇四	曉起	二一〇
喬大壯教授挽章	二〇四	許來青屬題所藏冒氏水繪園圖	二一〇
露坐口號	二〇四	黃晦木先生澄泥硯叔範屬題	二一〇
啾啾	二〇五	重九集五亭山	二一一
初暑	二〇五	懷人詩十二首	二一一
答散木	二〇五	琢丈河上來書并示近詩賦答都下市容淩	二一二
豈意	二〇六	寂不可爲懷（二首）	二一二
延篤	二〇六	叔範書來知將歸姚江附示近詩詠味無盡	
七夕	二〇六	而余以衰老重嬰世難前瞻却顧根觸	
投張雲石蘭州	二〇六	百端漫浪成章匪言投報（二首）	二一二
簡白蕉	二〇七	胡節母陳氏誄辭	二一三
題唐玉虬入蜀詩稿即贈	二〇七	禮春（二首）	二一三
叔範爲洪太璞求題夢妃圖	二〇七	朝暮	二一四
九月七日坐雨至暮	二〇七	余以叔範言罷禪聲越兩先生文辭之美遂	
藝樓飲席作似叔範空我雪泥白蕉	二〇八	因陸君微昭以求通既而夏君書至乃	
上海豫園同黃譜衡張叔通	二〇八	盛道余卅年前舊句以爲嗣響黃陳感	
游蓮花寺作呈琢老	二〇八	推挹之過情維荒落之滋懼俯仰今昔	
石家莊竹園詩	二〇九	書此奉投二首	二一四
散值歸寓看家人種菜	二〇九	偶述	二一四
	二〇九	雜感	二一五

罷禪損和詩詞意並美連句愁坐百緒索然

勉成此篇聊答嘉貺

檢書納藤緘將寄之滬感作

夜讀元遺山江弢叔詩因憶民廿六年避寇

西上携是二集以行今又十年感喟書

此

檢朋舊書札得葉楚傖吳瞿安喬大壯遺箋

感喟不已各系一詩（三首）

慰林立山喪偶兼答來訊

院宿酬陸微昭

燈下讀詩率題

寓感四首

十二月三十日白京去杭州

車過松江有懷張琢丈二首

湖上

游湖歸得徐聲越手寫詩卷因題即寄

湖上雜詩五首

題韓子穀荀廬印存

平襟亞屬題秦十二字瓦硯拓片

藝樓酒集作似獨鶴空我白蕉秋翁并寄叔

範

汪東寄庵自言畫法出錢叔美余方讀東生

詩而好之爰成一絕似寄庵

黃賓虹繪梅見貽賦此寄謝二首

讀金鶴望却金記

野人

惻惻

兆豐公園

慧殊節飲索寄國史館刊物賸以此詩

答叔範

贈散木

贈空我

懷夏瞿禪

懷徐聲越陸微昭

孝陵衛探梅二首

贈白蕉

把誦瞿禪叔範惠投篇章率題

遣病

懲過

上已

李夢彪劫餘贖稿題句	二二五
題黃晦聞手寫詩稿后	二二六
海霞白蕉見過明日奉簡	二二六
第五卷	
老學集	起一九四九年己丑夏
訖一九五三年癸巳	
一窮兩首似慧殊	二二七
前見范伯子集有詠東坡十六快事圖詩漫	
爲繼作夏中多暇輒復廣其意別擬如	
干則命曰廣快事仍系以詩(十六首)	二二七
燕京行贈費磊安	二二一
江南水樂辭五首	二二二
爲慧殊題了公先生遺墨	二二二
單紹衡屬題淳化閣帖殘本	二二二
叔範將行復留以詩訊之	二二三
處暑日雨止轉燠偶書遣興	一九六
答王巨川	二二三
贈朱書樓先生	二二三
及令嗣季海尊兄	二二三

題松陵贈言圖卷	二三四
題牧牛圖	二三五
陳蒼虬挽詩	二三五
送張琢成丈北上兼示令坦浦江清教授	二三六
清華	二三六
過尹默談詩歸賦簡	二三六
讀莊列	二三六
雜詩	二三六
尺牘	二三七
贈法審仲	二三七
寄吳次藩鎮江四首	二三七
簡呂鳳子丹陽	二三八
虬公書言治乙部著述成稿并附和詩走筆	二三八
再寄	二三八
呈自嚴丈	二三九
金錢孫先生挽詩	二三九
松隱雜詩四首	二三九
暑晨乘車之松江	二四〇
贈豐子愷四首	二四〇
追挽阮芙士二首	二四〇

豐子愷贈畫作一童子牽老婦行手指前

方曰「鑼鼓響了」戲成二絕……………二四一

追悼于秋墨……………二四一

亞子函索近作既雜錄詩詞爲報復成此

篇再寄……………二四一

喜亞子至奉贈長句即題其北長集後……………二四二

百老匯大樓夜集流連勝會慨念舊游聊

復短述八首……………二四二

重九前一日偕亞子佩宜石公白蕉諸君游

梁溪居城南賓館翌日而病兩首……………二四二

錫游病歸作似亞子石公白蕉……………二四三

再簡亞子二首……………二四三

題柳叟廬食古齋詩錄二首……………二四四

連日過翼老雜談近事因書所語成詩二首

……………二四四

周熙亭索詩即贈……………二四五

久不與聖禪通問寄詩道意……………二四五

入冬多病畏寒特其戲詠星嘉坡熱帶風物

星洲故舊游地也（二首）……………二四五

題舊月簪詞卷即似沈羹梅……………二四六

寒夜松江寓次作似鳳九姑丈潤泉學兄……………二四六

松江南關觀農民子弟參軍……………二四六

歲暮雜感……………二四七

門西雜詩十二首……………二四七

薄游梁溪夜侍自嚴丈小飲市肆尊俎蕭

然而意味殊勝丈謂不可無詩以紀

之歸后成此奉呈……………二四八

壽陸小波七十（二首）……………二四九

三月十五日偕支會同人慰勞本縣浦濱渢

口等處圩堤工程人員舟中作……………二四九

余自癸丑歲賃居松城不數年携家流浪迄

無一椽之托今年還里下榻洪錦隆小

樓軒窗明淨終日婆娑其間戲拈此解

二首……………二四九

初夏閑居偶憶前歲青浦之游因悼俞君慧

殊時君以余病邀至浦城小住留九日

而別……………二五〇

病腰痛困甚戲書白遣二首……………二五〇

偶書排悶時在辛卯農曆七月……………二五〇

秋日寓興簡費磊安……………二五〇

重九書感……………	二五一	夜聽京劇唱片因寄張聊止二首……………	二五七
投張聊止四首……………	二五一	城西巷陌中見桃花戲詠二首……………	二五七
題沈約齋手書詩稿五首……………	二五二	友人貽牡丹一枝插瓶成句二首……………	二五八
友人頗以時花相餉插瓶獨賞率然成詠……………	二五二	偶閱張廣雅詩有懷漆鑄城二首……………	二五八
報載北方寒流南來將有劇冷二首……………	二五二	檢得劉三黃葉樓詩稿翻閱漫書二首……………	二五八
句前松澗道中得此詩前半章久不能續頃……………		奉酬張聊止兄懷即用杜工部秦州雜詩首……………	二五八
以蘇南急徵復白松江赴無錫車中有……………		四章韻（四首）……………	二五八
感始足成之……………	二五三	冒鶴亭 <small>廣生</small> 八十壽……………	二五九
題張海澄詩稿三首……………	二五三	立秋漫書二首……………	二五九
費韋齋集中有疏枰詩爲錢白巖先生作也……………		新秋即事……………	二五九
感成數絕句即寄白老（五首）……………	二五三	窗間見蜥蜴俗傳此物能毒人證以科學則……………	二六〇
大風雪中經城北吳遇春故居感賦三首……………	二五四	非也偶成此篇庶理其枉……………	二六〇
二月二十四日夜坐……………	二五四	七月十四夜坐有懷分寄瞿禪西湖旭初海……………	二六〇
以石印汲古閣仿蘇寫本陶淵明集投潤泉……………		上……………	二六〇
易杜詩鏡銓戲成奉簡……………	二五四	寄酬章行嚴（附章原作）……………	二六〇
題張伯賢 <small>孔鑑</small> 鑄史軒詩稿四首……………	二五五	夜坐偶成四十字 <small>中秋前三日</small> ……………	二六一
大風雨夜偶書二首……………	二五六	秋夜養疴寓居小詠……………	二六一
閩山香山詩戲用其意自嘲……………	二五六	繆子寫似近作拈此奉簡兼報近況四首……………	二六一
鳳九姑丈六十九壽詩……………	二五六	論詩絕句 讀遺山作隨有所感輒書十二……………	二六二
若瑟樓小集示費潤泉王槐安二首……………	二五七	首……………	二六二

重九作似磊安二首	二六三
重至吳門感懷金鶴望吳瞿安兩亡友	二六三
硯銘	二六四
枕上得一絕句時壬辰臘月十七日也	二六四
讀沈約齋潭東雜識感懷先哲詠嘆成此	二六四
二首	二六四
韓鳳九姑丈七十索詩	二六四
三月十五日近游書感	二六五
絕句二首	二六五
張琢丈挽詩	二六五
友人饋芍藥一枝戲爲絕句二首	二六五
浦南雜詩五首	二六六
喜雨詞 <small>五月二十七日久旱得雨作</small>	二六六
讀劍南詩鈔戲書二首	二六六
偶成	二六七
兩老翁行 溪北費潤泉城西則余也	二六七
自題詩稿	二六七
碩公書言偕江翊老游京口三山因憶舊日焦	二六七
岩之集勝概稱最廿年電逝往來于心	二六七
作寄碩公并塵翊老二老夙有松游之	二六七

興次首乃并及焉（二首）	二六八
聞蟬 憶三十年前偕楊了公先生消暑松	二六八
江孤兒院	二六八
八月八日晚松江舉行慶祝朝鮮停戰協定	二六八
簽字大會是夕大雷雨	二六八
八月十九日偶成	二六九
北游草（三十二首）	二六九
蒼雪詞	二六九
汪岳尊題詞	二七二
夏承燾題詞	二七三
卷一	二七三
望江南十二首 江南好	二七四
蝶戀花三首 秋思	二七五
雙調南鄉子二首 瓶中紅梅	二七五
寧城路 枯樹	二七六
浣溪沙二首	二七六
柳梢青 本意	二七六
蘇武慢 題馬元放歸漢記	二七七
高陽臺 梨花	二七七

小重山 春晴	二七七	減蘭 李義山硯	二八二
臨江仙 和倦鶴	二七八	踏沙行 百駿圖	二八三
虞美人 和倦鶴	二七八	鳳凰臺上憶吹簫 (附汪東和作)	二八三
千秋歲引	二七八	南鄉子 思歸未得寄雲間諸故人	二八四
風蝶令	二七八	浣溪沙	二八四
水調歌頭 壽右公	二七九	鵲踏枝 滄寓曉起聞烏啼聲甚美時將去	二八四
謁金門 爲鄭權伯題畫	二七九	松江	二八四
江月晃重山 初夏	二七九	點絳脣 松江呈琢成丈	二八四
踏沙行	二七九	壺中天 游南埭草堂觀白皮松作似琢丈	二八五
望江南 三首	二八〇	慧殊念孝	二八五
小梅花	二八〇	甘州 寄濮伯欣居士兼呈柳劬老	二八五
憶舊游 聞碩公白貴陽至因寄	二八〇	浣溪沙 二首 六月四日書感	二八六
青玉案 和尹默飲茅臺酒	二八一	踏沙行	二八六
浣溪沙	二八一	南歌子	二八六
南歌子 院齋清晝碧桃海棠盛開風日妍	二八一	鵲踏枝 酬包朗生天笑自臺北寄詠近詩	二八七
麗拈此寫之	二八一	虞美人 二首 院庭細桃海棠已花休沐日	二八七
鵲踏枝 明準沈君公葬日余阻事未赴賦	二八一	獨賞賦此	二八七
寄琢丈	二八一	臨江仙 寄倦鶴渝州	二八七
唐多令 玄武湖同易君左	二八一	浣溪沙 病起有感於大壯「自持殘燭照	二八七
鵲踏枝 上巳後湖修楔分韻得地字	二八二		

樓臺」之句作此……………二八八

卷二

虞美人 初秋與客話渝州舊游……………二八九

拜星月慢 檢簾得大壯詞數闕誦竟書悼……………二八九

宴清都 罷紹衡飲席呈白嚴叔通諸衡諸……………二八九

老……………二八九

永遇樂 積雨初霽秋綠四圍拈管賦之……………二九〇

木蘭花慢 黃葉……………二九〇

木蘭花慢 題吳遇春小鹿樵室詞卷……………二九一

渡江雲 讀青梅館詩詞稿有懷曩日里中……………二九一

文酒之歡依聲賦此感不絕心……………二九一

法曲獻仙音 和述居士遺作……………二九二

西子妝慢 憶昨歲西湖之游寄夏鞏禪……………二九二

夢揚州 和寄庵即贈（附汪東原作）……………二九二

法曲獻仙音 吹萬滄叟諸老招飲實爲懷……………二九二

超社集余以局外獲與賦此簡吹萬并……………二九三

謝滄叟……………二九三

浣溪沙 寄庵詞有蠶蛾絲盡只留桑之句……………二九三

戲反其意成此解……………二九三

金縷曲 題四十年來之北京……………二九四

定風波 慧殊藥月季佳種曰藍田碧玉南……………二九四

皮張之萬譜列第一者未花而萎作此……………二九四

慰之……………二九四

滿江紅二首 論詞……………二九四

月中行 朱念孝惠墨賦謝……………二九五

踏莎行 題夢秋詞卷……………二九五

綺羅香二首 落葉 琢老郵示落葉詩四……………二九五

律奉酬……………二九五

月下笛 題俞慧殊藏陸宣公墓古柏重青……………二九六

圖……………二九六

月下笛 罷紹衡招飲爲陶冷月畫家祝生……………二九六

日因賦贈……………二九六

花犯 初寒懷故鄉節物即寄琢丈北京……………二九七

減字木蘭花 白題詞卷時有人都意……………二九七

定風波 閑意……………二九七

尾犯 寄費潤泉並眎袁道冲……………二九八

側犯……………二九八

減蘭 近偶發興擬輯清道咸以來詩爲九……………二九八

家詩選茲于所選諸家各系小詞聊摭

詠嘆云爾

二九八

攤破浣溪沙

二九九

臨江仙

二九九

西江月

二九九

點絳脣

二九九

琴調相思引

三〇〇

浪淘沙

三〇〇

清商怨

三〇〇

鷓鴣天 慧殊屬題泓一大師遺墨

三〇一

虞美人 和旭初(附汪東原作)

三〇一

雨中花慢 十月菊

三〇二

霓裳中序第一 和白石

三〇二

浣溪沙 入秋以來課詞白遣旬月之間遂

三〇二

得數十闕合舊作凡百章矣漫題其後

三〇二

踏沙行 題雲間邦彥圖刻本寄張琢丈

三〇三

風入松 送漆鑄城還北京

三〇三

倒犯 寒林

三〇三

清平樂 補九家詩選系詞第九首

三〇四

鷓鴣天 葛天民清明訪白石不值詩云老

三〇四

懷那得似錫甜心有所觸成此

三〇四

探春慢 懷曾洪父

三〇四

浣溪沙 衰草

三〇五

泛清波摘徧

三〇五

采桑子 雨絲

三〇五

洞仙歌 冬至夜書所見

三〇六

隔浦蓮近 簡旭初(附汪東原作)

三〇六

摸魚兒 夏瞿禪月輪樓校詞圖(附夏承

三〇六

燕和作)

三〇七

鷓鴣枝

三〇七

瑞鶴仙 巨川見示放翁生朝社集分韵詩

三〇七

余亦成此

三〇八

水龍吟 東坡生日作似詩庭諸君

三〇八

卷二

鷓鴣天 題明抄本玉田詞選即用集中題

三〇九

周草窗武陵舊事原韵

三〇九

虞美人 題蓋廬過眼錄

三〇九

浪淘沙 自滬之杭過松江已昏夜

三〇九

定風波 庚寅初正重經湖上距戊子仲冬之

游陶息年余人事多更躋攀亦倦聊賦

短章索罷禪和（附夏承燾和作）……

三一〇

洞仙歌 西湖呈鬬豐（附馬湛翁和作）

三一〇

小重山

三一〇

望江南 分詠近代詞家十二首……

三一〇

高陽臺 西湖春雪作似洪翁罷禪……

三一〇

浣溪沙 清連寺……

三一〇

踏莎行 題吳野人陋軒詩集……

三一〇

望江南 續詠近代詞家六首……

三一〇

虞美人二首 武林歸滬得潤泉松江書漫

題即寄……

三一〇

南鄉子

三一〇

齊天樂 憶龍華桃花……

三一〇

烏夜啼

三一〇

點絳脣 憶俞慧殊家月季……

三一〇

望江南 再續詠近代詞家二首……

三一〇

臨江仙 題杜詩庭雙壺畫屋圖……

三一〇

金縷曲四首 俞慧殊挽詞……

三一〇

齊天樂 任渭長百花手卷爲張青蓮……

三二七

玉樓春 春盡日讀彊村詞至似酒流年禁

幾度觥船狂瀉之語悄然興懷作此

即當春歸賦也

三二八

減蘭二首 讀海藻所收趙韵丞朱錫百兩

先生詩感題其後

三二八

霜花腴 暫歸故里薄游城郊風日不殊坊

巷猶是夜與磊安清話援筆紀之用夢

窗韵

三二九

浣溪沙

三二九

水龍吟 海上春暮逢陸保權賦贈

三二九

八聲甘州 鳳石歿后五周年今歲五月二

十七日正其在世六十生朝也海上知

舊假覺林莫釵成此抒哀其遺書捐贈

上海文物管理會皮藏嘉惠來學因并

及焉

三二〇

洞仙歌 雲間雷太母百齡壽詞

三二〇

玉樓春 罷禪郵示新詞戲題

三二一

浣溪沙 施養勇六十

三二一

霜花腴 題片玉山莊詞存即似叔建	三二一
鷓鴣天二首 松江海塘堤上作	三二一
鷓鴣天 夏日松江笏溪草堂小住作	三二二
浣溪沙二首 松江海塘雨中望戚家墩作	三二二
虞美人	三二二
望江南二首 秋已過半風意含霜鹿鹿道	三二二
路久疏詞翰明窗晚坐淒感忽生作此	三二三
分懷吳越間故人聊代書簡	三二三
定風波二首 費龍丁作鱸鄉去思圖爲張	三二三
秉三	三二三
減蘭 去夏白阻禪許假彊村語業手自迄	三二三
寫頃甫畢事倚此誌之	三二三
虞美人 初春寒甚戲作用彊村除夕高陽	三二三
章詞中語發端	三二四
南歌子 寂寥中忽憶數年前巴中歌樂山	三二四
祝旭初疾日月不居情事如昨而有感	三二四
于近年之離合也因拈短章爲故人問	三二四
減字木蘭花 辛卯二月二十四日作寒雨	三二四

中春過半矣	三二四
蝶戀花 壬辰二月將盡沉陰作雨春寒彌	三二五
峭	三二五

附錄

(一) 唱酬 題贈 像贊 題詞	三二六
(二) 冒效魯函	三五〇
(三) 附記二篇	三五二
後記	三五三

恬養移詩卷一

搬薑集

起一九一〇年庚戌

訖一九三六年丙子

雲間 姚錫鈞 鵠雛著

清明次辟彊韵

感事傷時計已疏，閉門直欲老春鋤。一春歸夢詩能說，三月閑愁酒不如。策路輕烟分絳蠟，江頭細雨上銀魚。沉吟抵暮知何意，正展南中故舊書。

春暮

春事宜南漸欲過，半晴天氣落花多。愁來頗似髮難數，貧甚都無雀可羅。豈有黃金求燕駿，真看白壁別荆和。王城浩浩人如海，獨我陽狂解放歌。

秋夜示辟彊

蟲聲如咽畫欄前，銀漢雲開碧落天。自覺肺肝生白露，獨支皮骨對風烟。管寧皂帽投荒久，張翰莼羹發興先。欲乞一竿江海去，拍浮且辦酒如泉。

小極

科頭小閣擁秋衾，積慘殊方自不禁，舉世創痍同我病，平生哀樂比人深。關心藥裏成閑睡，出手詩篇尚苦吟。亂帙滿床燈在几，殘宵街柝亦沉沉。

贈辟疆

懷此欲誰語，惘惘付獨適。眼中君可人，堅定故不易。清言足回味，文獻勤致力。昔聞輯夏詩，君嘗搜集我鄉夏允彝先生父子文字。光氣耿丹墨。自待已可想，抗手視古昔。時乎好自愛，少壯真過隙。

聞蟬

高樓雨過見晴嵐，千樹蟬聲聽正酣。一樣晚風殘照裏，可憐冀北似江南。

雜詩（四首）

移床就初涼，檐牙散禽語。此間無弋羅，相忘我與汝。自愛松聲佳，倚石不知冷。閑雲亦何心，茫茫弄孤影。槐風灑然來，微添澗水綠。幽人待月生，自起掬寒玉。

西山致最媚，與我適相直。一笑開簾迎，房櫳滿秋色。

河漢

澄澄河漢夜何如，碧落秋清月太孤。千古晉人知道者，微雲點綴未宜無。

感秋（三首）

池塘碧暗生微波，秋風忽已飄庭柯。毛髮蕭疏坐自嘆，塵埃合眼懷巖阿。歡樂苦短憂情多，人生不偶當如何。自胡之反足悲咤，殺人不復持干戈。巖疆日蹙一百里，江愁海泣天無那。王導大臣習蘭閣，景君客氣虛橫磨。吾生二十走燕市，荆高酒客時相過，醉來擊筑狂來歌。五湖可去不速去，側身南望長蹉跎。

銀韁金絡大宛馬，朝來騎出朱門下。朱門五侯生即貴，錦帶貂裘花底醉。畫堂燕雀自娛嬉，瓊瓚寧馨安足異。道旁老翁識滄桑，但話庚辛已淒淚。霓裳歌舞日更番，白髮龜年亦憔悴。當門有樹桃李枝，枯槁使我心骨悲，繁華零落非一時。

朔方秋來風蔽天，塵沙落葉隨風前。秋乎愁乎俱不見，但念夙昔生悲憐。有弟有弟江之湄，繞床梨栗憶兒時。朱顏綠鬢今何似，皮骨雖存軼欲死。一身淩落尚殊方，青眼高歌望吾子。九月霜濃寒奈何，南飛北雁今宵多。

人海

三年人海欲何成，直擬爲傭變姓名。不分論文推彥伯，那須酌酒及公榮。歸鴻天際依山杳，好月林梢過雨明。浪迹四方皆我土，登樓王粲莫頻驚。

過陳陶遺城西旅次有作

人海浩茫茫，閑踪誰比數。肩摩轂擊中，乃有我與汝。水窗美新霽，朝旭澹初吐。征塵猶在衣，握手話良苦。奔波已自厭，病翻那更舉。茲來復胡爲，尙瘡犯塵土。留溪清可掬，松實亦可茹。歸去莫徘徊，子房倘儔侶。

重五書感，時去宣南將一歲矣

去年今日眼中人，日下雲間意自親。重見榴花紅映鬢，獨持蒲酒夢成塵。已欣宙合開新紀，却許烟波作幸民。才盡戴憑難奪席，倚裝欲發尚逡巡。

有勸仍歸京校舉所業者。

葉楚傖屬題分堤弔夢圖，圖爲蘇曼殊所繪（二首）

堂荒夢斷鬱榛荆，雛鳳何如老鳳聲。愁絕江頭舊苗裔，焚香開卷說朱明。
海南才子老浮屠，來往垂虹一棹孤。借得君家眉子硯，疏鴉殘月寫分湖。

太平洋報館夜坐，時將歸里

簾波燈影澹高樓，街柝沉沉夜更遒。百里歸程勞望眼，一場塵夢倦回頭。亡秦未可憑三戶，沉陸誰能挽萬牛。抵掌中原付餘子，不妨散髮弄扁舟。

晚步

晚雨已復歇，庭槐氣逾蒼。霜燈分暝色，初月迸幽光。積慘殊難拔，離愁黯自傷。平生須護惜，何用問行藏。

睡起

閑愁了不着，小睡起西軒。雲影淡和雨，苔痕綠上門。地偏心更遠，事去夢無痕。恰悟黃庭意，惟應靜與存。

故山

九峰清峭入憑闌，殘雪微雲并作寒。久客歸來應一笑，故山肯讓別人看。

冬暮雜詩（四首）

夜氣漫高樓，萬族俱栖息。索居易感舊，語笑恍可憶。陳大昔振奇，陶遺憂患苦磨蝕。被收過一載，堅定見風力。抗志追范滂，酣睡同蘇軾。竭來辭赤松，塵埃面黧黑。值我但累唏，世事餘閔默。復念吳江柳，亞子閉門避羅弋。觥觥葉水心，楚伯偉貌山崩劣。冷交締文字，坦蕩謝雕飾。向來輕異同，所懷不自匿。論議或參差，心期在諒直。浮雲一分散，踪迹遂南北。嗟余失群鳥，安用生羽翼。含意故難申，殘燈耿孤壁。

自貶抑何道，自捫肝腸寒。去去一揮手，黃鵠摩空翻。陸機著辨亡，杜牧陳罪言。強聒復誰省，棄置同秋紈。歸來益不樂，倦翮依邱樊。方當事教學，深山且挂單。任嘲搬薑鼠，瑣瑣非所嘆。三吳俠少年，裘馬爭豪歡。不妨窮措大，苜蓿供盤餐。猶勝浣花翁，炙冷兼杯殘。

好我有高吹萬姚，石了英多而磊落。憔悴在里間，聲華久寂寞。遺我尺素書，懃懃詢近作。經生賦顏軺，我亦耻蕭索。玄理試微探，群言觀大略。諒哉子胡子，機庵相規意不薄。藝精勿兩能，予齒去其角。黽勉事湛深，力耕當有穫。毋徒作才語，朱霞共白鶴。

高視而獨行，取徑誠亦孤。和光同其塵，衆醉孰則扶。水清者無魚，人察者無徒。鷄群無立鶴，侯門多濫竽。誰能執厥中，不瑕真瑾瑜。休休楊夫子，幾園人世還支吾。雖有韓非室，矢來非所虞。惟應任自然，大智一若愚。幾聖乃狂狷，忘情何毀譽。知公自了然，

游心太古初。

答柳亞子（二首）

騰蹕少年場，流輩疇足數。讀君詩與書，諳我用心苦。我儕社木朽，於世良鮮補。誰知磊珂性，槎枒出肺腑。平生輕世事，擇術近莽鹵。鄉庠試教學，技已窮梧鼠。黃齋飽腐儒，且復講訓誥。忍事或未能，得句向天吐。

是非無終窮，物論有彼此。行藏時利鈍，得失生愠喜。北窗企脚眠，襟情淡于水。知君澄清志，書生大言耳。即論契稷業，肯挂高人齒。不如專湖山，輒比天隨子。漁者容世外，我亦可襲美。浮沉風月中，請事斯語矣。

來詩有「無邊風月倦浮沉」之語。

簡沈道非

魏塘沈子兵家徒，長身竦立頰無鬚。狂來意氣敵萬夫，手持如意碎唾壺。一語乃聞千唏噓，平生孤憤與衆殊。豈得要路顏敷腴。昨年松江參軍符，指畫形勢張輿圖。今年海上霜燈孤，燈下挂劍談孫吳。臬廬一擲不可呼，風塵瀕洞雙鬢枯。歸去鱸香飯雕菰，肯復啄食隨鷄鳧。烟帆葉葉天際影，有人賃屋瀕湖湖。

七月十七夜，樓外樓坐雨作

吳歌掩抑不成歡，車走雷聲漸夜闌。歲月崢嶸悲往事，雨風料峭入初寒。浮名寂寞應無惜，世態回旋已厭看。去去吾儕宜物外，江湖準擬辦漁竿。

龐檠子

樹柏

游西湖，貽書索詩

昔者劉生言，西湖落渠手。今君又繼之，直欲負而走。湖山佳勝處，俊語與不朽。好景錄憑詩，客懷持以酒。俞樓應在眼，夢想支筇叟。君詞信雅冶，秦七過黃九。看拈殘月句，占斷蘇堤柳。平生出世懷，擾擾百無取。待築湖濱舍，相期歲寒守。

劉三湖上詩，「西湖落我手，流宕復安

之。」俞樾湖樓聯「好景須憑詩記錄，客懷宜與酒維持。」

得林一庵汕頭書，却寄

海南瘴雨人歸後，江上秋風雁到初。燈下開緘頭欲白，欹斜淡墨數行書。

踪迹

空將踪迹數江邊，憔悴浮沉又一年。健者飄零復何說，餘生慷慨故依然。西風吹鬢秋行盡，獨樹經霜晚更妍。極目郊原轉蕭索，不如爛醉瓮頭眠。

與楊幾園了公丈游近郊，歸飲市樓作

坐覺流光到鬢絲，行吟又及暮春時。山平水淡不驚衆，月白風清非有私。玄理莫窺徒問字，道心偶寫豈鳴詩。栖栖鶚羽歸來者，猶許芳原載酒隨。

傷時一首，呈幾園丈

花光浮夜色，蝸篆映燈微。明月生林端，娟娟上我衣。傷時有離亂，齊物無是非。詩成還獨詠，掩袂聞累啼。

江關

獨客江關暮，歸來百感生。芳菲空到眼，跌宕總無名。計拙徒詞賦，時艱更甲兵。小園初料理，愁絕庾蘭成。

北城

碧影扶疏柳幾株，北城清絕世應無。家家水閣簾初下，微雨微風啼鵲鳩。

移燈一首，示亞子

移燈微嘆想無端，乍覺春風到酒寒。去日是非誰復省，頻年哀樂未全闌。江頭蓬鬢扁舟在，劫外鶯花淚眼看。剩摺檀槽一回顧，可應招恨解人難。

夏夜偶成

絺葛當風過，床敷待月生。流螢止深碧，素壁淨虛明。物我終難一，身名孰可輕。祇應遺萬事，簾底聽瓶笙。

龍丁屬題所畫朱蘭

舊聞所南翁，國破身在野。畫蘭不畫土，寄恨誰會者。研朱寫香祖，清露共涓瀉。意境彌孤復，風情更姚冶。佳人餐流霞，微醉覆玉墀。雖異心史心，瑤愁亦盈把。

讀近人詩，作呈幾園丈

原本性情寫孤抱，流傳神理在陳編。誰與獨往千春上，自吐殘燈萬籟前。界宋分唐聊莞爾，是丹非素漫紛然。低頭杜老多師語，青出冰成待後賢。

滬上逢張企韓^{仁彦}即贈

吹裾寒雨荒荒夜，握手相看百不期。日下舊游諸老在，眉間英氣幾人知。江亭秋好衝杯罷，海舶潮生解纜時。剩恨臨歧慳一醉，明朝分手又天涯。

市隱樓坐雨論詩，再呈楊丈

我憂作雨散寥落，坐聽知公意亦降。沉隱欲同管北海，苦吟稍愛賈長江。寒蟲窮鳥相酬答，哀玉清金自擊撞。莫便浩瀾夸海大，嗟余曹鄴不成邦。

甲寅秋夜

孤檠橫壁今何世，殘夜星辰人倚樓。地老天荒空有恨，夢回酒醒又驚秋。滂膺落落名長在，牛李紛紛事未休。隱几頽然吾亦倦，把茅誰爲辦滄洲。

寄懷李中一日本

秋老疏花尚作妍，相望萬里更相憐。江山寂寞惟緘口，書劍蕭條僅滿肩。去國衣冠胡至此，中年哀樂會當然。銀尊檀板人何許，好譜夷歌入管弦。

夜飲，有懷劉三

季平

浩蕩閑愁不可名，斷蛩吟月過三更。一秋剩遣詩人老，四壁微憐夜色清。渴肺何緣生白露，枯顏且欲餌黃精。傲霜未便成憔悴，試向東籬叩落英。

雨後小吟，寄季平

微雨黯遙岑，高樓坐獨吟。風槐搖夜氣，水竹散秋心。草草傳詩簡，斑斑浣酒襟。聽呼泥滑滑，解事有山禽。

時序

時序催衰鬢，秋光斗病身。雲陰才吐月，霜白欲疑晨。屐笠非山賊，戈船有島人。微生猶望遠，危涕一沾巾。

蓮花庵放生池同幾園丈作

花木蒼然百步陰，龍潭西北勝初尋。知魚與我同遨樂，觀水隨人爲淺深。飯罷伊蒲僧共話，秋來溱浦雁長吟。遠公結社今難得，誰識淵明避世心。

懷林畏廬師北京

聘幣除書浪相逼。蕭然花木自成娛。戒壇松下秋風勁，野史亭邊落照孤。聊欲短衣從李廣，記曾游屐繼髯蘇。孤山尚有梅千樹，杖履能來一笑無。

將有遠行，答里中諸子見贈

病起頽唐攬九秋，西風兀自念重裘。清歡已許頻年續，遠適還爲數日留。水閣煎茶成獨憶，山程聽雨恣冥搜。江湖浩蕩饑鴻影，却嘆勞生苦未休。

答張韞斯

并時陳董久名傳，鐘鼎山林定孰賢。筆底萬言羞十上，懷中一刺已三年。相過每憶從容話，作計猶貪自在眠。便擬東余築茅屋，看君畫稿潑雲烟。

雨過（二首）

疾風萬木號，一雨江湖漲。天公作深秋，用筆殊清壯。
衝決倏已過，檐溜猶潺潺。冥想縱扁舟，出沒烟波間。

徙倚

徙倚忽不適，浮生苦鮮歡。微風吹寒澗，回澗有層瀾。夕陽一鳥下，川原莽紆盤。攬衣振高眇，孰知天宇寬。

雁聲

樓高地迥晚崢嶸，獨倚殘秋望眼明。帆影疑烟來淑浦，雁聲帶雨過江城。閑中心力猶堪惜，物外生涯強自名。莫道陶潛久憔悴，酒邊詩尚詠荊卿。

詠懷（四首）

忍寒先鳥起，負手恣行散。凝陰撥不開，晨氣尚淒暗。剝復見天行，安攘念世難。欲和叩角歌，徒深廣武嘆。

霜氣侵微燠，袖手味獨適。向來抱散性，間巷安冲寂。薰燒膏以煎，有能即爲役。知稀我自貴，相賞在松石。

楓落冷江城，曉角靜無聲。英華一消歇，既悴不復榮。荒庭來悲飈，高堂含崢嶸。奮衣起低昂，新情非故情。

蕭條枯樹枝，搖曳虛樞影。微風動閑籟，初月晝清景。愁心澹千瀾，紛紛生夜靜。真

性故不波，君試鑒於井。

初晴

初晴物先感，蟲鳥聽號翔。餘霜若殘絮，侵曉歸消亡。踽步試行散，淝茲朝曦光。微生叢多艱，未老心已蒼。堅持轉蕭瑟，積慘良難降。譬當率殘軍，臨彼敵壘強。疲羸終不前，凶銳安可當。慰藉賴簡編，尚友及漢唐。古人窮過我，俯仰殊堂堂。念此心灑然，冬日如春陽。

歲暮雜感（二首）

着我倪迂粉本間，短筇敲雪正蕭閑。遙林雨霽牛毛樹，夕照雲開鼠尾山。

風勁重裘力漸微，酒痕猶在舊春衣。海東老衲勞相念，剩覺浮生種種非。

凄斷之音
矣語。

曼殊寄劉三札有
久不聞鶉雞哀艷

劉三以所藝梅鬻之市上。爲作此詩

寒香鄧尉已凋殘，却遣虬枝入市欄。放手便成春萬樹，出山應憶路千盤。向人肯斂橫斜意，與汝猶能寂寞看。酌酒街頭聊一笑，我儕懷抱若爲寬。

小除夕，和吳遇春

疾風萬竅聽號鳴，急景凋年劇可驚，月黑轉添虛室白，春寒未礙野梅紅。桃符便欲題先日，竹琰何勞問此生。稍喜比鄰鷄黍局，一燈草草付微醒。

乙卯除夕

髡柳搖天接冥鴉，彤雲作雪晚來加。愁懷便欲高于屋，歡意真憐散似沙。錢歲杯盤回舊夢，嬉春簫鼓雜微嗟。青紅兒女燈前樂，負手何人感歲華。

丙辰元旦

城根水落石崢嶸，遼廓江山爲眼明。描寫春寒須曉吹，破除雪意在微晴。浮沉閭里慚新歲，寥落朋儕話故情。隨分壺觴供作達，閉門我已謝時名。

馬崎寺作呈錢劍秋師楊幾園丈并示俞白華

芳辰出東郊，迤邐沿溪流。花木頗明蒨，風日且清柔。招提已在眼，曲徑殊未修。地偏會遠懷，幽鳥忘啁啾。丈人耽禪悅，淨室且小休。香定鐘魚靜，庭荒苔蘚稠。山僧斟苦茗，與客相勸酬。我師妙翰墨，退筆如山邱。俞生亦工書，行草追翁劉。素壁試與題，勿

勒鴻爪留。

齋中紅梅二月始作花，旋即零落，悄然成詠

我詩寒瘦不成妍，爲著斯花屏几邊。向晚搖春才數點，國香和雨又今年。
看物外還成惜，乘興尊前轉自憐。却對空枝坐閑夜，蘆簾殘月淡於烟。

東坡梅詩國香和雨入梅苔。相

高吹萬閑閑山莊

避世行吟已十年，虛堂聽雨愛高眠。巉岈自長荒烟外，莽曠偏宜落照前。相保歲寒聊獨善，共存國故有叢編。把茅未辦我滋惡，問舍誰言計未賢。

君方主纂國學叢刊

竹隱庵外王母何孺人墓下作

荒藤斷蔓暮蟄吟，一徑松楸尚可尋。客子情懷衣綫在，兒時歲月鬢霜侵。辭家猶戀原頭土，去國終傷地下心。徙倚暮門欲何語，頻年狂走負恩深。

渡海

赴新加坡舟中作

短後單衣渡海船，南風欄檻拂晴烟。年華鄧禹方籌筆，骨相虞翻欲問天。賊浪滄溟原自若，驚烽歐墨已囂然。十洲倘許舩前見，便擬麻鞋上翠巔。

渡海舟中有憶

暑雨炎風落海天，冰盤進果想芳鮮。外家舊事心頭過，瓷鉢煎茶十五年。

還家（二首）

辭家俄數稔，去若下水船。飄流豈自持，奔濤來無端。西灘老屋在，時時挂夢痕。兒時所盤桓，歲異情常存。今朝排百事，暫還省我親。門前河逶迤，河外殘陽殷。隔河廣林莽，空翠稍細緼。石橋故猶昔，倒影橫寒津。憶嘗夏日夜，露坐憑樓欄。笛聲度水起，流螢復紛紛。淒情破我睡，竟夕疑有聞。此景尚如昨，往事難具陳。

我親年力衰，天相各強健。父鬢已斑白，病目屢昏眩。見兒意似驚，熟視審兒面。母乎太自苦，顫手尚針綫。日晡愁兒饑，遣僮鬻湯麵。諸弟歸自塾，喧呼競索飯。人言阿兄歸，遲疑不敢見。兄誠愧吾弟，猶得侍寢膳。行踪隘江海，顛躓亦云倦。問年三十弱，短髮雜霜霰。歸來百不售，所恨非貧賤。桑榆景欲暮，寸草情自戀。惘惘倚庭柯，夕陽殘葉結。

車中口占

衰柳欲搖天，薄霜初着地。小車爾何人，須眉帶秋氣。

送劉三北行

南歸尊酒數相過，北去樓船狎海波。小立又成萬里別，一歡終抵百書多。稻梁爭遣饑鳥下，風雨俄驚客鬢皤。從此詩龕須料理，紙窗燈火夜嵯峨。

寄杭州友人，因念曼殊葬處

聞道秋湖態最殊，放船來看屬吾徒。狎游溟海人終倦，乘興江山意未孤。已恨侵尋成晚晚，兼能蕭瑟易歡娛。梅花萬樹成新塔，鷄絮應教一慟俱。

滄海

滄海應知最淺清，重來便欲看桑生。酒痕在袂渾疑夢，春恨如塵詎可名。雲合星飛從聚散，花明柳暝幾陰晴。三年踪迹成追憶，聽取琵琶惜別聲。

行吟

漠漠輕寒上鬢絲，疏林秋意已離披。行吟只恐驚凡目，斗酒班書獨下帷。

將之南都，姜粟香爲設飲話別

檐深燈邃雨如繩，酒攪離腸意不勝，歲月坐看藤老大，庭有紫藤一架，數十年矣。江山遙想雪嶒嶒。鼠跳懸榻虛成憶，雁老長雲未可憑。剩欲相期蠟游屐，南朝舊寺訪枯僧。

鷄鳴寺雨中望玄武湖，作示章漢秋金巨山

江山與我俱不偶，萬頃秋湖落誰手。沿江山容亦奇絕，虎擲熊蹯驤其首。今朝一雨散寥廓，山色湖光共昏黝。蕭疏花木送殘景，灑落樓臺豁塵垢。我來登臨偕二妙，隨意流連因坐久。看天聞雁感兵氣，便覺風雲生戶牖。暮歸還及酒尊同，燕市前游念屠狗。章曾同客北都

雨中出儀鳳門

又成飛轡去，龍性故難馴。湖水隨萍長，江潮入海新。鍾山寒欲雨，堤柳夜生塵。欲話宣南事，明燈對故人。

曉起

宿雨脩脩過，幽居性地空。知恬信交養，真妄已雙融。攬景慳成句，齋心欲課功。道人閑倚几，窗度一銖風。

偶成

青氈故物休相棄，黃耳傳書漫欲尋。一月借人亭館坐，萬山無語作春陰。

簡金左臨

白門風物舊曾經，兩度東南有客星。雪後微憐斜日好，病來強對亂山青。過江玉霏，高論，大府紅薇照夜冥。愧我嶽崎無一可，伯仁長醉次公醒。

書興，示閔瑞之

短褐駸駸歲欲除，地爐灰冷夜何如。待公來挈西樓帖，冰落狼毫看作書。

車中示閔瑞之

揮手匆匆別莫愁，江山重複古吳頭。經行別有蒼茫感，殘雪寒鴉是潤州。

題金松岑南嶽紀游詩草

宗君卧游何足數，滿眼山川散吳楚。溯江渡湖意自壯，靈景紛紛憑斷取。巒影波光互吞吐，扁舟夜落瀟湘浦。九疑青入一燈吟，衡嶽秋生數峰雨。祝融絕頂更支策，想見舉頭

天尺五。天風颯颯發高唱，栖鶴潛虬驚欲舞。杜陵南游及斯土，阻水避兵久羈旅。先生好游世所許，健翮橫秋時一睹。試拈退之山石句，寫遍奇踪貯囊楮。

歲暮懷劉三，即寄

客散空庭月滿衣，北游計子應言歸。十年斫指成風氣，一紙論書有是非。老菊初梅俱可念，酒尊詩卷欲何依。江樓黃葉看都盡，剩許相携送落暉。

雜詩（二首）

陪都鬱嵯峨，水深土亦厚。醫言宜病軀，聊復謀升斗。朝曦何蕭爽，曹署事趨走。小車聲隆隆，欹坐稍仰首。過橋水始波，綠意在初柳。懽騰入市塵，吟諷未去口。路人或竊笑，指點問誰某。身微名字晦，顏色且老醜。鍾山獨識我，排闥欲相友。小詩倘不負，山色落我手。

我詩固未工，頗亦愛政治。篤嗜僅數家，師法略已備。才鋒驚子瞻，落筆風雨至。介甫勁在骨，秋隼比悍鷲。劍南擅閑適，俊語尤可味。蒼堅取遺山，綽有幽并氣。古人雖往矣，光耀綿萬世。跛羸望神駿，十駕詎能跂。發篋視少作，零落多佚棄。格律誠莫臻，光景差足記。嗟哉失華年，并此而俱逝。會當惜心力，紙賤且勤置。

河房茗坐，示王劍賓（二首）

烟外鍾山一角青，秦淮潮長雨冥冥。畫船弦索西風冷，付與閑鷗盡日聽。
寒烟漠漠柳疏疏，幾點昏鴉晚照餘。獨倚紅欄人不識，一甌苦茗爲澆書。

贈梁公約（二首）

眼熟鉢山色，看君振苦吟。微茫鍊萬象，消息在初心。殘抱依江盡，餘春中酒尋。市樓飛茗碗，雲氣坐深深。

石城子梁子，識面十年遲。語比春醪雋，詩還秋士悲。擁門多槁葉，嚼墨寫霜姿。摩眼風塵際，憑教瀉一卮。

署中臘梅一株，花落欲盡，徘徊其下，慰以此詩

百卉從華落，婆娑此樹強。禁寒知氣力，避世奈風香。曲檻憑能久，朝曦忽已涼。漫嗟生意盡，老幹鬱蒼蒼。

得費龍丁_視松江書，題寄

彝鼎摩挲值幾錢，書來鬱鬱語纏綿。一流行盡知誰可，萬法能忘覺汝賢。山色晴妍猶

抱檻，江光春靜自浮天。相從却憶邱灣夜，酒氣長圍翠墨烟。

幾園丈送余去寧，過滬小病客舍，作呈，即以爲別

勞生斗室一方羊，健復何如病亦忘。海上初春且強起，今朝對酒不能狂。未須苦口思良藥，爲語安心是禁方。明日懷思定何許，秦淮烟水正茫茫。

上陳劍潭師

澹然

（二首）

夫子不世出，其道古之直。縱橫吐文字，謀道更憂國。睥睨隘八荒，堅卧桐江側。一官經變亂，肝肺餘愴惻。當年地安門，講論親記憶。非材人所棄，匠石誤雕飾。浮辭送壯歲，瑣瑣徒自惡。

曾聞石遺語，身世同江都。述學自雅言，術業非一途。夫子文章伯，氣欲陵韓蘇。著書滿天下，踪迹依孤蘆。門人有私議，或者龍川乎。永嘉擅縱橫，酌古論孫吳。發舒會有時，卓絕固非迂。

春寒驟雨，梁公約寫示近作梅花詩，戲答（二首）

瞻園分付梁居士，急雨鳴檐索笑時。絕嘆相看渾世外，起搔頭髮寫新詩。夕陽如水下危欄，的皪初花照酒乾。晝燭銀燈仍寂寞，祇應無奈是春寒。

寄呈沈思齊惟賢丈南梁

泮泮猶爲世所尊，蒔棉百畝已成村。角巾錦里多閑日，竹箭南州出坐論。瓠落自慚三語掾，嬖姝獨抱一家言。斜陽烟柳傷時語，傳寫應教萬本存。

梁公約招同殷墨卿倪伯符餘園看牡丹，遂過龍氏寓園，花事尤盛

城根花事殿春殘，來及妍晴負手看。世外心情依絕艷，尊前風味笑閑官。繁英密蕊愁應亂，錦幄雕欄見每難。莫便巾車各揮手，他年惜此片時歡。

走筆示公約

先生今日百無營，睡起西窗夕照明。袖底銜書方下值，襟前漉酒足閑情。高梧疏雨吟初就，瘦菊叢簞寫恰成。絕嘆兩人百僚底，還能雙笑送平生。

詠史

談兵澤潞仗雄文，閑愛揚州月二分。却向燈前檢緘札，風情微累杜司勛。

歸里小休，楊幾園丈吳遇春出阮近詩，時吳方有絕糧之嘆，次日滬寧車中成此，寄楊丈，并示吳君

逕春涉夏惜花殘，錯綉秧田已可看，豈意收身遠朝市，坐令覲面有饑寒。餓鄉小住良非惡，舊侶重逢亦暫歡。一飽終知樂豐歲，吳杭如雪待登盤。

雨夜懷人，拉雜成詠

健者飄零不相見，百書不如得一面。我聞此語久低徊，陳雷李杜皆蒿萊。世間朋友定何物，如水着鹽肉附骨。鹽亦非鹽骨非骨，惟有長庚能配月。殘宵耿耿各無言，夜雨浪浪轉愁絕。葉生二十得名早，燕頤虎頭偉天表。鵬翼培風秋天矯，篆刻蟲雕非所好。楚伯劉

郎新從朔方歸，大書小草爭森羅，有酒不飲長苦饑。劉三柳生別我吳江去，浩渺分湖望雲樹。殘月曉風湖畔路，惟有枯蟬寒咽露。亞子我從黃歇浦頭來，偶值幾園顏暫開。窮宵達旦苦不足，願更秉燭三千回。幾園或如翠袖倚修竹，包君四十顏如玉。天笑或如千尺松峨峨，

陳君絕塞販維摩。

陶道

沉潜飛動各異態，有三不朽無寸柯。我儕粗願衣食足，那用世態窮

譏詞。形骸可委迹可掃，精誠所照終難磨。奇哉李子竟截發，玉泉泉水清無波。豈渠于世不稱意，勇猛精進良殊科。息霜平生交舊略可數，參商出處當如何。收身人海幸可必，微

雨貪與蘇端過。

滬寧車中

袖中縮手意何如，雷動森輪破曉初。吳甸山川紛向背，殘春風雨莽蕭疏。愁多祇辦匆匆老，事怪空成咄咄書。欲向金焦蘇倦足，眼中塔影是南徐。

這暑閑坐，綠陰在几，因念舊游，寄幾園丈

橫簷炊烟斗大城，草堂突兀眼中明。茶甘酒醞閑歡足，詞艷詩狂奇氣并。客散桐陰疏雨過，睡餘藤簟午風清。相從岸幘城根路，更聽千蟬嘒晚晴。

七月晦夜坐，憶北京故人

今年又覺秋風起，聽取空階蟋蟀鳴。去日歌呼燕市酒，閑身飄泊石頭城。蕭蕭脫葉初無雨，黯黯殘星却未明。聊欲題詩道相憶，休從人海問枯榮。

寄聞在宥

相知垂十年，往者絕可記。君弱不勝衣，氣度極溫粹。文辭苦雕鏤，名姓俄騰沸。詞壇集疲羽，驚見一鸚鵡。我嘗論君詩，風格比晚翠。咄哉此末技，傳誦亦何貴。坐令號文人，身世遭棄置。睽違遽逾歲，耿耿在寤寐。頗聞治許書，平易即深邃。當時殉名者，華

實各殊致。期君誠未吝，窮經先識字。

秋夜

秋夜淒清月似霜，添衣猶自怯深涼。殘荷映水離披老，病桂依階細碎香。已見揚塵消海水，真思把釣老江鄉。年來才思緣愁盡，且許燈前讀老莊。

忽然二首

忽然夢深山，藜杖引馴鶴。長松三千年，山花自開落。
忽然夢絕巖，懷袖天風寒。袖中丹篆書，字字非人問。

感嘆有作，寄楚僧海上

坐摩便腹酒杯乾，磊落欽崎世所嘆。午夜江樓唯我共，西風海氣逼人寒。典衣索醉誰能惜，煮字爲餐乃爾難。我亦頻年一囊粟，拔刀割肉強爲歡。

過蘇州，懷金松岑

暮雨瀟瀟對酒杯，朱樓一半畫簾開。真憐楚俗餘珠履，却聽吳歌撥篆灰。海內文章思復社，眼前風月吊荒臺。結廬今在桃花塢，讀畫論詩待我來。

裘匡廬來白下，與偕游清涼山鷄鳴寺鍾山諸勝，別後却寄

烟柳秦淮晚欲迷，相携選勝更攀躋。目光早已超牛背，山色猶能到馬蹄。避世不妨三日醒，舊游閑覓十年題。南朝裙屐今無復，倘許風流比阮嵇。

九日，公約邀登高，即答

莼滑鱸肥但憶歸，閑愁病思兩依依。冷踪便許遺人海，散性胡堪耐世機。秋老樹留殘葉看，天高雁帶夕陽飛。不須短髮羞吹帽，自欲科頭上翠微。

瞻園雜詠（二首）

露氣林光入曉鋪，方塘寒綠淨眉須。欄邊袖手三年客，不記今吾與故吾。老樹穿檐復拂欄，秋來風雨更盤盤。莫言生意婆娑盡，合作遺民宿土看。

胡園菊花（二首）

雕欄粉砌花無數，瘦蝶翩跹入堂廡。本來公自見朱門，貧道何殊在蓬戶。倚天照海非虛語，試看胡園無數花。霜氣泠泠妍道念，本來無夢到風華。

暮秋書感，呈沈逋翁

微恨秋陰不及花，轉看林暝便藏鴉。無多殘葉隨寒吹，又覺荒城動暮笳。晚計猶堪歸隴畝，高情直欲老烟霞。風流宏獎今能幾，餘論知難惜齒牙。

得可生杭州書，却寄

相看猶應一涕洟，書來失喜更增悲。八年萬事飄風過，一夕深談夜雨知。莫更逢人還說我，可憐無母憶爲兒。關心英氣今都盡，始是人間老大時。

大雪，思登豁蒙樓賞之，未果，歸途作

蟄冬世逾遠，離索成高情。白雪試和歌，庭階忽已盈。攬衣還一出，樓觀遙崢嶸。噤寒仍回車，坡陀漫欲平。奪潔愁鶴羽，失耀嗟玉瑛。翳余篤素守，肝肺騰光明。相視有不遑，無煩道平生。

贈胡位炎

二十以內兒童顏，二十以外神形全。人生三十爲一世，忽復飄瞥如奔烟。壯者有愁老將至，少之視壯復何異。有儒一生爲我言，少日意氣如飛仙。耳後風生鼻端火，餓鴟怪叫

聽鳴弦。胸中海岳自搖兀，頭上歲月俄翩躚。三十不官溷塵土，空有萬古生悲憐。我嘗搖筆成百篇，已恨崔顥在我前。又曾放曠爲晉賢，嵇康龍性不可蠲。衆中子子自顧影，但欲歸去茅庵眠。我年視生過數歲，用世輸生才力銳。語生蓄銳更韜精，知我者稀我愈貴。

呈蔡師愚先生

賈善

微命飄飛不自驚，祇餘詞老送平生。一寒作雪天初大，盡日看山夢不平。談麈風流傾幕府，瑤章嘉惠敵連城。未須清渭成回首，已有閑鷗識此情。

蔡善有詩題
余近稿

有以我近狀作諧語語公約者，戲成

立錫舊說貧無地，彈鋏今聞出有車。世味真成和蠟盡，冷交直欲并詩疏。猶餘狂態供描畫，可許閑心到毀譽。又手高歌一杯酒，祇應歸去理春鋤。

松風社集後一日，簡耿伯齊楊幾園兩丈

丈人厚我性情真，文酒招要不厭頻。里社風流存二老，溪山晴意入新春。故家喬木看猶在，往事殘棋話已陳。人日題詩渾漫與，等閑願乞草堂鄰。

過鎮江望金焦

晚鐘已歇出林聲，古寺層樓爲眼明。塔畔一鈴惟獨語，烟中短棹亦孤行。江山北固風和雨，人物南徐酒共兵。獨抱奇愁對雄鎮，傷心一片畫難成。

春夜聞胡琴聲（二首）

白門春雨晚如烟，根觸閑愁一惘然。誰向宣南徵舊事，紫裘腰笛十年前。辛亥前在北京韓家潭訪晤梅曉華法曲飄零莫漫嗟，翠尊檀板舊豪華。龜年老去朱門換，江上春寒到落花。

江干旅邸題壁

雲陰風晦暮空哀，兀兀高樓負酒杯。縱有欄干莫徙倚，雨聲時挾市聲來。

莫愁湖晚眺

潑眼名湖水，荒茫重與尋。樓臺扶柳氣，城郭罨春陰。樂也子非我，傷哉後視今。真如濠濮未，掩袂一沉吟。

與公約齋舍相接，而兼旬不見，戲書投之

與君各復謀一口，濡足泥塗困趨走。君之出矣我弗歸，亦勿相思記誰某。人言氣類有相感，醞釀芳馨比醇酒。病來我久斷杯觴，故宜不更思其友。昨朝我出鍾山下，燈蘂轅前馬如狗。春風雖至我更瘦，但見綠肥萬楊柳。君行口口何處所，頗似冥鴻忘澤藪。我齋庭右兩青桐，略有清陰張戶牖。君齋桃樹已發花，想見出門更回首。春物雖美人意非，空復推排成老醜。近代詞人重達官，此言激宕殊傷厚。君亦勿拈髭，我亦勿叉手，飲醇披紈自無咎，人生何者爲不朽。

朱彊村先生自汴梁歸吳，過白下，止於散原精舍，奉呈，并上伯嚴先生

東城一老負崔巍，更喜詞仙犯暑來。園屋交交圍紫氣，江天漠漠入黃梅。梁園舊夢餘詞賦，洛社閑情付酒杯。俯首文壇尊兩大，却看聲咳動風雷。

寒夜有作，簡蔡師愚

雲荒木落夜嵯峨，餞歲驚心對逝波。白日笑人嗟寂寞，青山待我未蹉跎。拂衣世事兼身事，招手長歌更短歌。莫爲封侯惜無命，下中李蔡世原多。

滬寧車中曉望

山寒草木堅且瘦，霜白星辰淡欲無。細沈粗文誰一手，憑渠寫出曉行圖。

聞雷鐵崖卒於滬上，感賦

南薰海嶠憶分襟，滬館初燈迹再尋。爲別三年殊草草，相望萬里更沉沉。溪山人去風流盡，橡栗烟荒歲月深。剩欲生芻將涕淚，遺篇惆悵廣陵琴。

江干春望

雨中樓閣萬鴉鄰，春草離離綠向人。乞與哀時飛一盞，大江爲照白頭新。

春日里居。寄劍賓玲生

雙柑斗酒在江城，聽盡黃鸝百囀聲。便覺春寒無些子，梨花雪後近清明。

綉花巷夜坐

門外微風春水生，長堤老柳復縱橫。惱人儘有閑蛙黽，一夜陂塘閣閣鳴。

中夏，綉花巷即事

手版藏名世漸忘，更從塵土得江鄉。荒陂戲鴨添新綠，疏柳鳴蟬帶夕陽。天際真人惟跂脚，酒邊詩句尚回腸。平生晚遇良非淺，絳葛輕清入晚涼。

斷雁

悼亡弟揆仲

中道橫分豈自知，西風斷雁有深悲。可憐超果庵前路，細雨危橋共蓋時。

甲寅里居，寄宿何氏外家，弟亦

習業其肆中，雨中共一蓋行過超果寺抵何宅。

姜粟香張韞斯諸君要飲鎮江酒樓，罷歸，愴念亡弟

西風吹雁過江城，庭樹懸知失舊榮。落葉無聲秋暗至，微雲不滓月孤明。花開酒美傷今日，地迴樓高識此情。異地故人能念我，對床閑話盡殘更。

夢痕

霜繁月落罷傳尊，耿耿殘燈獨掩門。多謝西風吹夢去，從今無夢更何痕。

秋光

還家淒惻集千端，挂眼秋光付獨看。黃葉蕭蕭飄砌滿，疏花漠漠繞欄寒。凋殘骨肉存遺像，隔闕親知憶舊歡。壯歲多哀已如此，酒杯何用更相寬。

題陳散原手錄別墅詩卷

白頭卧江海，拄腹萬言辭。道大天所壽，詩鳴世可知。東城清水石，老屋古鬚眉。一卷碎金在，撻搏欲自私。

秋末游竹林寺

樓觀出林杪，登臨倦百盤。雲容依佛定，風意入山寒。短景忽已暝，清歡未覺闌。歸途踏殘葉，一笑整驢鞍。

壽畏廬師七十

布衣到老薄朝官，獨以文章接古歡。闕下舊游今欲盡，蘇門堅卧好看。哀傷時世成高詠，點染烟雲亦大觀。桃李芳菲春信覺，長松磊砢更禁寒。

石帆樓作

樓在北固山甘露寺

山上層樓樓上客，居然人境亦高寒。舉頭江月去我近，便作瓊樓玉宇看。

登清涼山掃葉樓望莫愁湖

湖上風陰湖水明，傍湖樓觀舊經行。江山脉脉爭迎客，榆柳蕭蕭自抱城。佳處留龜知早計，閑時蠟屐笑平生。回車又指龍潭路，薛顧當年不世情。

壬戌除夕

世亂身窮歲欲遷，寒氈坐擁不成眠。十年興廢空經眼，一士升沉敢問天。井底微陽春已動，壚中宿火夜猶燃。明朝殘雪應消盡，覓句休愁凍合肩。

鎮江城外荒池荷花

柳絲風軟不藏鴉，十畝荒潭翠蓋斜。一種懷奇誰與賞，獨無人處作高花。

莫愁湖茗話，同朱叔建

夕照屢收人事去，獨留臺榭對荒寒。一湖春穀才勝槩，四面烟鬟欲入欄。褒鄂丹青雄

概在，齊梁金粉艷歌殘。却憐蓑笠隨漁具，好作仙源世外看。

公約見過，時方午餐，戲呈

四海梁侯鬢有絲，叩門過我一伸眉。誰知貨廡將妻子，正爾烹雌炊戾戾。歲運龍蛇知剝復，世情鵲蚌有然疑。我儕所得餘閑味，擁鼻吳吟莫漫嗤。

喜陳巢南吳瞿安全，即同夜飲

孤吟盡日閉衡門，失喜君來肯見存。欲話栖栖十年事，看成落落一家言。真憐避世文焉用，剩覺傷高酒可溫。約重九登高秋與雲平斜照外，各飄霜鬢看中原。

九月十五夜坐

志業區區漫自矜，放懷經世兩難憑。故人疏闊多千里，往事蒼涼對一燈。孤月當頭秋自迥，候蟲無語夜如冰。蕭然擁褐南窗下，微嘆幽憂已不勝。

贈方唯一還

十年一別方唯老，再見江南又歲除。廣坐軒眉哦大句，冷攤負手對殘書。蛟蛇鬱律揮毫際，肝肺槎枒把酒餘。人事不堪同極目，殘陽烟柳正蕭疏。

伯嚴先生七十生辰，以大集見貽，賦謝

身依岩谷名江漢，詩鬱風雷氣斗牛。此老支頤娛萬象，一尊對客寫高秋。已驚泰岱窮千仞，更見滄溟匯百流。傳遍退之山石句，故應天地與長留。

秀山公園夜步

泉石聊消暑，茲游誰與偕。蟲聲近人寂，月色借燈佳。世亂難安處，身微負遠懷。回車成一笑，簫鼓沸秦淮。

梅花

嚼蠟已知成至味，立錐真覺未奇窮。春寒欲盡微陽動，看吐梅花細雨中。

梅庵飲席放歌，似同座

十人飽食百不營，鍤鉢肝腎銷其精。藝府淵淵大瀛海，人虱片席還自榮。梯新闢古絕光怪，縋幽繫險餘崢嶸。今朝收拾共一室，錯百珍味成盤羹。曾君孟樸纒纒譚佉盧，嚴法刻律能持平。群兒謗傷可絕倒，雋語一掃蚍蜉爭。方翁孟樸唯一霜髯映玉觥，行書鬱律蛟蛇橫。此時呷酒忽不樂，冰落衣袂成宵征。坐中吳儂顧安最感舊，悼念江夏還吞聲。顧安談黃摩西逸事驚才絕

艷竟底用，嘆惜遺稿如飛英。揚州王生^{先生}亦閎肆，筆墨落紙凝光晶。神州當日聚豪彥，忽

復飄散殊幽明。十年海上勝流盡，南溟垂翅愁老僧。^{楚伯}亞廬稿卧曼殊死，使我對酒無高

情。嗚呼：使我對酒無高情，有酒還共陳^{巢南}吳傾。松陵笠澤好烟水，浩歌一曲堂初成。坐

中顧絳^{錢生}獨無語，低垂白首歸書城。

汪辟疆北行，過白下，握手甚歡，書贈

宣南携酒攤書處，歲月番番憶此情。久別稍憐雙鬢減，中年都覺萬緣輕。還家草草仍如客，入洛栖栖又送行。却喜淵源證江水，五陵裘馬謝平生。

送陳匪石還北平

賦罷江南樹不春，脂車又作北歸人。閉門禪悅謝何肉，揮扇諧詞托庾塵。堆眼官書聊送日，填胸世味各傷神。韓陵片石應猶在，好向西山墊角巾。

去年之秋，與巢南瞿安日賃畫舫游青溪彌月，今陳吳歸里未至，獨過溪橋有憶（二首）

惆悵芳時祇自憐，梨花如雪雨如烟，青溪溪畔青螭舫，擬笛燒燈已隔年。酒徒散盡總堪悲，却對殘春靳一卮，愁絕復成橋畔月，初堂楊柳已成絲。

清明後二日郊游，似巢南瞿安

蹙然屐齒印莓苔，勝侶相携倦眼開。幾樹穠華春半過，連宵風雨夢初回。長歌當哭寧求和，急酌攻愁亦可哀。欲共閑僧掃花去，不須更話劫餘灰。

題瞿安詩稿，即送其北行

身後百世名，生前一杯酒，滴水微塵復何有。文字垂名古亦稀，不如顛倒角逐相娛嬉。東野昌黎門光怪，廬陵宛陵爭清奇。我雖塵垢塞胸腹，亦欲與君雲龍上下隨所之。天平石湖最秀逸，君於其間卓短筆。引商刻羽已成家，嘯月歌風亦入室。頻年朔漠寫寒森，仍見芙蓉艷初日。南來講席餘二年，今年北駕思狨轡。袖出詩稿付我讀，靜如松根聞流泉。詞家能詩數石帚，虛堂聽雨成高眠。他年羈客會有莚鱸興，更與扁舟斗酒吟破具區萬頃蒼蒼烟。

携家人登燕子磯

層陰黯江皋，雪浪無朝暮。我來衝曉寒，積潦艱行路。遙山青微茫，初日與吞吐。登巔一引眺，在遠仍昏霧。帆檣過磯下，來去日無數。來者乘長風，去者不得渡。反風指顧間，通塞又易遇。造物本偶然，孰能言其故。

八月十四夜坐

一枕勞生夢欲翻，醒聞繞屋萬蟲喧。江天浩浩秋將半，桑海茫茫事莫論。微喜疏花媚庭戶，自排舊草了晨昏。時將寫定舊作詩文壯懷莫遣消沉盡，隔歲河山認戰痕。

以淮陰白酒一尊餉劉三，并寄

門外秋陽十丈塵，薜蘿老屋四無鄰。看天暫忍尊前泪，避地還尋湖上春。

君春間避亂杭州，留湖

上座風度南窗容散朗，諫書北闕自嶙峋。遺君一盞蘭陵酒，且可亡何日飲醇。

題林鐵尊半櫻詞卷，兼悼彊村先生（二首）

一舸蒼茫度海時，東風塵污素衣縑。於今覩國能歸報，自昔行人善屬辭。狼藉凋英縈客夢，倉皇急劫覆殘棋。江城秋雨閑吟遍，磨盾看君賦出師。

詞派常州孰典型，浙西山水孕英靈。悲秋只合傾殘淚，避地終憐隕客星。酒拔花銷仍意氣，瓊愁瑤想接芳馨。黃梅衣鉢今無嗣，得見南能眼暫青。

方唯一挽詩

瞻園殘客老華顛，過我淮濱一慨然。貌瘦猶存饑鶴態，書狂獨得怒猊傳。剗肝寫怨從

誰吐，張目哦詩祇自憐。剩與蟲沙同歷劫，空山哀響失枯蟬。

偶興

亭亭窗外兩株桐，霜葉離披漸作紅。草木榮枯原細事，只驚天下已秋風。

村行

毵毵水柳拂春晴，淺黛山光上酒襟。記得湖濱舊行處，落花如雪沒鞋深。

戲似嚴賓杜

案頭焦蒜新詩本，便面鐘彝古籀文。退值歸來無一事，哦松看竹最思君。

橫林道中

吳霜着樹損清陰，稻隴黃雲漸欲深。正覺征衫滿秋色，疏烟淡日過橫林。

滄浪亭詩

顏文樑君創美術學校於蘇州滄浪亭故址，既歷十年，謀所紀念，書來徵題，遂賦此篇。吳會冠蓋游，風日美清揚。南城尤絕勝，駕言息滄浪。芙蓉曉逾妍，古木蔭連章。曲

闌迎初日，陂路散微芳。高亭偶徙倚，遙山共低昂。拂衣念斯世，物外從回翔。暫止已良慰，聊足傲羲皇。古賢寂聲咳，壁畫終堂堂。矧有俊流人，於茲興序庠。濯纓水自清，玉笋森門墻。願從二三子，面壁長心香。

亭中吳郡五百名賢畫像石刻猶存。

四十一歲初度，答侯病驥

鴻鑒

崢嶸冰雪送殘年，陽羨謀歸未有田。閱世但供杯酒話，論才誰許上床眠。歌呼投馬心還壯，媿促揮毫望若仙。

侯君即席成詩見贈。

曠代東坡空比擬，誕生差許一旬前。

余以臘月九日生。

舟過分湖，寄顏文樑蘇州

風帆葉葉雨疏疏，衰柳寒鴉舊畫圖。一自曼殊圓寂後，待君才筆寫分湖。

曼殊舊爲梵僧作分堤中夢圖。

儲南強易君左夜過（二首）

主人重士數相聞，片席名山許我分。慚愧入林期把臂，郵書語語帶烟雲。葛巾蕭散氣沉雄，真隱華陽倘許同。誰是淵明誰慧遠，過溪三笑月明中。

寒燈課讀圖，爲俞慧殊題

自我識俞子，忽忽將廿年。其人秉質厚，執理頗貞堅。緣知自母教，語母輒涕漣。木

靜風不寧，抱撼真終天。示我寒燈圖，丐我題其端。茅茨光映壁，織機置牆根。午夜讀書聲，聲與機聲翻。此境不可追，時時在夢魂。披圖宛猶昨，歲異情自存。母幼不自知，兒憶摧心肝。區區托圖畫，聊寄母苦辛。諦聽俞子言，至性無飾文。天地有甘節，龍雖今長孫。

尹碩公招飲焦山碧山庵，柳翼謀自京、金松岑自蘇來會，余以病辭，

賦此代簡

靜坡瘦谷俊流人，勝會還依寂寞濱。共許深杯能作健，微憐淺夏却勝春。遙知江介衆星聚，卧看庭階萬綠新。禪榻茶烟慵百事，敢言詩筆尚如神。

同人集焦山，送程天放大使使德意志國

焦岩宜夏無陰晴。嵌空虛閣來江聲。蒼波四繞一丘壑，獨仗隱者留其名。去年烹鰯集裙屐，詩成愧負江神聽。今年乃復有此會，酒坐焜燿使者星。使者於學無不涉，蠻書具草群夷驚。餘事亦復擅韻語，誦詩顓對古所稱。歌咏聘問實一事，詩學乃與縱橫并。珠盤玉敦領百國，會有雅什傳寰瀛。錢公以詩義在此，差勝酬勸傾百觥。公行念此倘一笑，樓船橫海天青冥。

陳巢南卒於吳江，寄挽

壇坫東南有主盟，酒龍詩虎氣崢嶸。卅年奔走餘高蹈，萬卷縱橫付短檠。故里近聞真率會，虛堂無復浩歌聲。君新成書堂，遂以名集。松陵客歲郵書在，檢點吟箋和未成。

上海城東弔朱蓉鏡之喪，歸作

人生重氣類，沆瀣非一端。識子壬子初，文酒追清歡。狂狷習性殊，相得無間言。酒酣語肫摯，往往鑄肺肝。遷流我去鄉，故土子所安。鍾山歇浦間，一歲百往還。舊交漸零謝，得子聊自寬。明燈就逆旅，造次羅杯盤。別去輒午夜，含意殊未闌。廿年彈指耳，妄子今一棺。到門認庭梧，猶有徙倚痕。升堂憑靈几，觸眼餘悲酸。總幃對稚幼，慘默不能嘆。此來真隔世，莫招已逝魂。落日小石橋，君所居地名。海氣吹裾寒。

冬夜簡尹傾公，兼似萬君默

積陰連日失斜曛，燈火青熒入夜分。有約不來思舊雨，無心偶出是閑雲。勝情應續丁橋句，奇字還尋甲骨文。好共移家萬季野，茶烟經卷對爐薰。

武霞峰偕碩公見過，小飲

人生去日皆堪憶，荒徑重勞二仲過。人世祇應銷歲月，卜居差得比巖阿。所居巖左，霞老謂巖曲之至。

大風作雪寒初勁，小飲回春意已多。各有千秋憑秃管，表淮澗乘待如何。

碩公君默邀同項致莊李翼中葉心恒過江天寺，飲中濡泉，飯於香積，

風日煦然，神觀清越，紀之以詩

懶殘煨芋便經冬，咫尺江天勝未窮。已嘆王郎成轉塵，用樊山吊王可莊詞語，是日遊王公祠，憩久之。猶餘詞客共

談空。卅年帆楫俄爲陸，百丈淵源見此翁。青樵丈人禪宗老宿世臘七十六矣，碩退居寺中。逕上安車君莫笑，登山腰脚已

疲癯。

立春後一日雪，碩公要登紹宗樓，謝不往，作示，并示李翼中

占年喜雪例成詩，更得高樓一賞之。氣暖難期蝗遠蟄，春回已遣鴨先知。義山錦瑟低頭久，長吉奚囊出手遲。老我懶行還健筆，偎爐且守甲辰雌。

碩公人日北歸，以詩贈行

殘雪高低欲到燕，看君思發在花前。樓中客醉須三雅，江上梅開又一年。京洛舊聞供

夜話，關山歸興入詩篇。羈栖庾信誰堪語，倘有韓陵片石妍。

簡碩公

老覺狂言不合時，已成退鷁欲何之。峭寒忽釀春中雪，大句先裁酒畔詩。影事花前足回盪，幻軀病後尚支離。與君憶取涪翁句，禪板蒲團欲付誰。

黃家山留園看櫻花，時已將謝

好攝黃山襟袖間，筇吟自覺健無前。坡陀犖确疑無路，風霧陰霾欲滿天。松作怒濤殊鬱勃，花非故土也妖妍。繁英力盡飄零近，會看重來一惘然。

上京一首，簡楚儉

細靄輕雲滿上京，十年踪迹若爲情。舊游傭保猶相識，老去儒冠久自輕。便坐稍摠經歲別，長岡終念百年成。張皇幽眇吾何敢，聊欲無涯視此生。

江天寺青權長老挽詩

古寺衍南宗，巍然餘一老。前年瞻德儀，儼若孤松矯。丈室涵冬陽，佛香肅襟抱。機語笑箭鋒，溫言甘栗稻。卅年遭世亂，鹽醬猶粗好。勸客伊蒲饌，挹德固已飽。別來逾一

載，人事殊草草。淵明狂嗜酒，蓮社迹如掃。忽聞偶示疾，遽證無生道。猶遲再過門，新塔出林表。黯然望招提，江風長浩浩。

七月十五夜月

了無風雨作秋聲，零露霑衣已自驚。俯仰太空誰點綴，尋常世事有虧盈。橫流將及寧求免，浩劫無方敢厭兵。減盡游情付堅卧，却憐此夜最淒清。

曉起陰霾以風，似碩公

曉枕喧鳴四壁蟲，橫流真嘆道終窮。沉霾無地窺初日，慷慨何人唱大風。水底戎容嫌躁蟹，天邊兵氣落哀鴻。過江猶是栖栖者，剩遣酡顏對晚楓。

偶成（二首）

木落霜寒萬事非，縱橫風雨入秋悲。年來銷盡飛騰意，說與檐前鐵馬知。
曉角頻於枕上聽，忍寒窗紙待微明。放翁老去思河朔，淒絕嚴城喝馬聲。

碧山庵

虛閣臨流接素秋，雜花抱檻照清愁。二年不踏焦山土，依舊江聲欲上樓。

蕪湖中江學校校舍新建懷爽樓，祠故皖南道袁公爽秋，沈逋翁丈徵題

袁公篤忠憤，赴義志不屈。深心憂世變，傲傲質天日。此詎爲一姓，所痛金甌缺。頗傳繫詔獄，終夕聞訛叱。自全非無計，奈此腸中熱。矧公實鴻儒，旁通及莊列。文辭風澹定，垂老轉激烈。清奇北宋音，此技抑已末。皖南曾小試，遺愛棠勿伐。嵯峨見重樓，登者懷先哲。丹楹表何色，鬱鬱葳弘血。

朱錫百^{壽彭}挽詩（四首）

世變浩未已，涼燠亦異恒。春寒連匝月，痴鈍成凍蠅。忽傳子噩耗，入耳如轟霆。初聞意非信，自慰殊難憑。病肺亦已久，神完支其形。持此傲岸意，強與鬼伯爭。逆知終不敵，時至遂長行。萬千家國恨，鬱鬱歸幽冥。彌天戢一棺，眶熱誰能勝。

意氣老勿衰，勁直表其軀。傲上不陵下，凜凜古丈夫。往者偶被酒，深語問唏噓。連年遭家難，慘惻難爲娛。海寇狂攫人，人脫廬爲墟。名城盡灰燼，我廬良區區。立國恃何道，語罷頻拈鬚。白門得再見，驟覺神形枯。餘年已自厭，逕去翻爲愉。殘陽滿鍾阜，倦鳥歸相呼。出門更執手，欲別姑徐徐。

嫉惡真如仇，愛人必以德。友朋俱相憚，見子每翼翼。一語偶及私，畏子怒於色。三年侍言笑，幸未遭割席。詩文嘗求定，欣賞屢見飾。君豈終文人，掩卷聞太息。惟子良史

才，老去成棄擲。江干謝乘樓，待子爲上客。宿願今已虛，江山空自碧。

妖讖傳茲年，橫流欲沉陸。昆岡行盡燭，何擇石與玉。竟如祝宗祈，安知非子福。倚枕與我書，細字仍盈幅。賢郎我小友，端謹頗不俗。所冀盡鄙陋，聊欲相磨濯。少須春雨霽，駕言脂我轂。臨門望素帷，酬子以一哭。檐溜猶侵階，樞風時射燭。中宵起撲筆，愴惻滿心腹。

四月十八日曉起

南徐倦客一青氈，支骨藤床坐欲穿。凋悴已嗟民力盡，迂疏獨賴長官憐。壤流微末慚叨祿，風雨蕭騷更廢眠。世計身謀俱失望，蹉跎豈僅在求田。

十月二十一日值宿書感，時海上兵訊正亟

南街殘柝夜蕭森，畫省銀燈照擁衾。孤月猶成人影對，繁憂祇遣鬢霜侵。較量心力應非昔，開闔雲雷始自今。國事方殷人已老，起彈長鋏一沉吟。

與濮一乘尹頃公劉孝威雜談往事，作示諸君（三首）

故人偶憶多黃土，往事閑談即史書。十二年前濮居士，冰天躍馬意何如。問柳居中畫隱梁，年年酒債那能償。移家真傍燕支水，卧病還依錦綉坊。

梁公約初居四象橋，即范伯

子瞻詩所謂秦淮一帶燕支水，回向北流微覺清者也。後移石壩街臨秦淮，歿前更遷錦綉坊。梁於問柳酒肆多風連，年有所償，而不能畢理。灋尹與余皆與之秘云。

兵氣蕭森滿白門，新蒲細柳漾春塵。江頭繫馬樓頭醉，妄尉無須問酒人。

歲暮，與都中故人夜話作

橫流何地得安居，風雪蕭條一敝廬。落落長身大隱意，寥寥厚祿故人書。宵寒似水添衣第，舊夢成塵被酒餘。此夕相過良不易，共看霜月滿前除。

恬養謠詩卷二

西南行卷

起一九三七年丁丑

訖一九四一年辛巳

雲間 姚錫鈞 鵝雛著

得金葆光體乾重慶書，却寄

故人相念不相忘，道山句急遞郵書勸促裝。不分江湖成泛宅，依然風雨得連床。干戈滿地吾將老，霜雪漫天路更長。伫待收京好相見，深杯酌酒話流亡。

長沙初雪，寄吳瞿安湘潭

裊裊湘江外，流人感暮寒。烏絲填曲罷，白髮引杯看。同輩凋殘甚，高歌去住難。愁腸當歲晚，正賴酒相寬。

天心閣

飛閣臨江表，浮雲事萬端。回旋休恨小，登眺若爲寬。作賦憐枯樹，行吟渺楚蘭。天心終可問，漫整遠游冠。

星州歌

余以民國戊午歲游星加坡，距今將二十年矣。屬抗戰軍興，流寓長沙。友人有將南艤

海外者，以其地土俗爲問，俯仰今昔，述爲此篇。

憶我初年二十七，心雄志猛豪無匹。看花載酒海上倦，萬里南荒思奮翼。葉君楚愴

笑出不意，欲起沉沔須此術。維時民國歲戊午，令節恰逢上巳日。送者栖栖聞在與周，

芷願念我羈孤動顏色。我詩尚憶外家茶，時序推移憐節物。是日作詩，有外家舊事誰能憶，一盞藍茶十五年之句。孤舟日日狎滄

溟，香島蒼茫路始經。大半飛車盤石路，夜深列炬燦繁星。薰風入衣欄檻醉，軟浪鋪海蛟

龍平。海行十日始登陸，但畏盤詰無將迎。鐵崖深山一葵扇，解衣相對歡生面。千樹亭亭

羅橡榔，山園更與開宵宴。星洲炎蒸無盡時，草樹三月乃變衰。椰子甘芳椽實小，獨有異

嗜馨留梨。粵酒甜俗無韵致，惟許青梅稍得味。一樽能致越溪春，酒徒蕪飲猶堪記。晚出

詩人短後裝，輕車駢坐過夷場。海山蒼蒼夜無月，南風橫鬢生微涼。是時歐陸龍蛇起，萬

里鼓聲迭生死。橫海樓船久絕踪，騰空鐵鷁徒虛指。世運推遷廿紀來，中原真見劫餘灰。

歸來久作南都客，病後常空池上杯。酒人星散思楊顧，在星洲所識海客鴻冥憶謝雷。費川、鐵公、下

世十餘載，薛謝本本文進二君
僑爲余東道主中年皆健在。剖鯉且通一紙書，白頭有願重觀海。

長沙寓感（二首）

春寒閭巷益蕭然，遺山句閉戶繩床坐欲穿。細雨檐花增遠思，東風園菜換流年。時名竊忝原非分，暮景飛騰祇自憐。少日疏狂非失計，陸沉那用更求田。

繞樹無枝當奈何，南來何事不蹉跎。釜魚漫嘆溝中瘠，山鳥空嗟石上禾。歡意漸稀知老至，名心略盡尚情多。荒荒凍雨兼春雪，呵手窗前且放歌。

聞尹碩公柳翼謀尚滯揚州園中，念之成詩（二首）

尹君言語妙天下，柳老圖書擁百城。二士風流天所祐，一江烽火夢頻驚。入山有路逃羅弋，變服無人識姓名。風雨湖湘遠游客，夜闌搔首黯愁生。

斟乘樓中暖玉杯，酒闌絮語挾深哀。有生祇覺懷柴棘，偷活何緣托草萊。豺虎當關愁蹣跚，鱗鴻戢影枉疑猜。彌天矰矯期孤羽，安得長風送汝來。

題畫（四首）

枯枝數點花，寒蔬兩片雪。老屋荒江邊，蕭然自怡悅。梅花菜服

相期共寒歲，人生無百年。采采黃菊英，見之每悠然。松菊

地偏香自遠，零落當深秋。瑟瑟蘆花老，與余共白頭。殘荷蘆葦

蜘蛛何所恃，懸空惟一絲。沉者還能升，燕雀彼不知。

楓葉蜘蛛雀

初春二首，似瞿安

初春蕭瑟似殘冬，坐榻無氈不諱窮。百里屢期知我懶，一燈高詠與誰同。客懷長對婆娑樹，寒意微添料峭風。賴有佳兒能負米，不妨投老作逋翁。

列戍沉沉動暮笳，晚窗一一數歸鴉。瓶中儲粟支朝夕，衣上征塵閱歲華。人似閑雲不成雨，詩如老樹偶能花。故山夢里烽明滅，想得閑緘一嘆嗟。

贈二生詩（二首）

南強北勝兼材美，土沃泉甘得氣深。此日元章惟石癖，早年皇甫是書淫。白頭自愧傳衣事，焦尾誰彈繞指音。飽飯桃花潁水曲，他年卜宅許相尋。

常任俠

囊中粉墨奪春妍，鏡里新霜失少年。黑白斂枰聊莞爾，丹青送口亦悠然。無魚未免彈長鋏，有酒差能學散仙。莫與朽株同懶廢，春風桃笑五溪烟。

蔣福森

雜詩（四首）

陰霾輒兼旬，朝陽忽穿牖。虛窗納晴色，春意動初柳。遙念平生歡，吳生別我久。稱詩每見及，愛而忘其醜。吾詩工規撫，少作頗自負。果能亂楮葉，已落前人後。近來稍有

得，意興任奔走。放筆爲直幹，繩尺不復受。顧惟辭氣間，胎息必深厚。比如禮法人，言笑自不苟。微尚有如此，聊復珍敝帚。荷君謬許與，快如得清酒。

屋角啼鴉鳩，今朝復有雨。凝陰若堆墨，春雪不入土。斯世酷喪亂，衢路滿豺虎。餘生老戰伐，國策無醜虜。衆志苟不渝，亡秦在三戶。西風吹大旗，肅肅鳴笳鼓。道旁老病翁，奮袂亦起舞。

小年嗜讀書，旁鶩非精專。既長走四方，頗得接豪賢。風塵日潦倒，文酒稍俄延。虛譽驚老宿，落筆矜詩篇。望洋輒興嘆，所得徒眈眈。廿年困吏牘，枘鑿殊方圓。文史束高閣，蕪穢南山田。心力漸朽鈍，開卷但欲眠。行年及五十，自分終棄捐。所幸脫匠石，木以不材全。白頭工飲噉，送口殊悠然。湘中多春雨，老柳行飛棉。紙窗延虛明，聊復陳簡編。

往昔好飲酒，初不辨酒味。歡呼盡一斗，顧盼增意氣。近來屏麴生，臨觴輒引避。酒人多故交，非類競相棄。喧呶捫戟場，隅坐頗自異。或憐迫憂患，遂爾減豪致。請陳狂生言，一與飲者戲。不飲未必醒，能狂胡必醉。古人游物外，托興各有寄。淵明常沉醉，湛然轉和粹。東坡少年時，見杯即欲睡。吾以止酒身，領略飲酒意。陳編比醇醪，引人入勝地。

南來

南來虛說看衡山，身落溪烟峒雨間。積潦有時妨散步，垂條無恙試閑攀。春歸客路休

回首，老傍人門亦強顏。邂逅亂離君莫嘆，猶能詞賦動江關。

春晴一首，時將別長沙

落棟風中雨復晴，殘春消息過清明。滿樓初日烘衣暖，剗地飛花着袂輕。樽木一生辭大匠，空桑三宿有餘情。明朝挂席資江水，側帽看山不計程。

荒江一首，時將有巴渝之行

憔悴荒江一腐儒，廿年塵土走名都。不知華省簪裾貴，何害茅檐山澤癯。人既未貪羊似馬，溯江見說粟如珠。閬渝中米貴白鹽赤甲風塵際，杜老高吟未可無。

懷劉三

江海詩人劉季平，早年意氣小寰瀛。酒家遺帶猶題壁，山墅栽花當將兵。綉解一官秋士老，鏡鸞雙舞草書成。橫雲大馬烽烟遍，何處芒鞋踏落英。

芷江將行，留別舒澤卿

長沙西行千萬山，鏤青削翠紛孱顏。車行盡日看不足，泉聲松籟非人間。停車却踏沅州土，山靈揮手嗟我頑。此邦熙熙民食足，栽禾萬頃芟榛菅。雖經喪亂逼烽燹，猶喜弦誦

峨儒冠。舒翁屋廬霜月靜，書史滿榻羅古歡。爲哀流亡許相假，軒窗明淨庭除寬。安床移几解衣坐，妻孥盥濯欣相看。匆匆再閱月圓缺，來時白袷今冰紈。竭來十日雨不止，笛簾瑟瑟生清寒。更聞黃流決汴洛，崩奔濁浪何浩漫。凶災兵革遍海宇，倭氛漸欲污中原。元樞命將選英傑，六軍猛士齊揚干。以茲感激失衰病，偃息肢體真偷安。翁雖儒士識兵勢，關河形勝胸飛翻。廿年作吏惜哉老，微吟剩伴南窗閑。黃昏酒罷共清話，撫髀往往聞笑嘆。我今行復別翁去，直上三峽聽啼猿。與翁會合良不意，人生萬事寧非緣。試留一紙誌行迹，峨眉衡嶽長嶺岵。他年重至天或許，松菊無恙陶潛園。

雜詩（五首）

文人例窮愁，妄意身後名。冠蓋雖滿眼，藐若秋毫輕。以茲安韋布，頗亦樂其生。達官盛名位，顛動一世傾。乘時策高足，意氣彌崢嶸。顧視此區區，吐棄如陳羹。用意各有取，得失難爲衡。相輕更相詬，此訟誰能平。我意曷置之，各自勉所程。君子疾沒世，處士懲虛聲。

陳公

陶道

卧海隅，顏貌黝且癯。神完中有恃，味道實全腴。小樓避萬嶺，客坐寒無飢。

披帷得一見，兀若枯松株。深語遂至夕，靜意含眉鬚。早年苦謀國，探囊盈智珠。翩然舍之去，庾塵休相污。中歲益不恭，柳下真吾徒。竭來觀世變，張目惟盱眙。惟聞遁南荒，局脊溷賈胡。世罕大自寬，意高迹彌孤。思公不可見，千里同明蟾。

二張并俊流，邇和叔通大張尤篤厚。區區稱報人，豈足盡我友。頻年過滬濱，念此支離叟。向來號緘默，見我語必久。市樓共苦茗，回味猶在口。我生輕去鄉，蹄鐵銷奔走。歸來乃如客，苦爲設卮酒。世亂隨驚飈，相望但搔首。里鄰鷄黍局，何日更相守。

仲明

胡邇玉字

邇以和，季塵

懷孫字

清而栗。

涇歙士知學，

二子益秀出。

頗聞耕溉餘，

釋耒

猶著述。仲子走滬市，貿絲給口食。以暇更宏覽，百氏供爬櫛。積書滿屋廬，漫不辨門閥。長髯稍自喜，屹立氣充實。云何守一官，焦勞遽成疾。罷官病良已，老至庶可佚。季子但尪削，宴然在蓬簞。小文如秋花，珊秀氣四溢。我曩逐世塵，二子并所昵。結駟狂貸錢，意態殊可啞。少年苦無賴，輒復勞記憶。近傳海上謠，鵲原傷折翼。異哉事豈信，疑痛在胸臆。

世衰士益益，苟焉取容悅。上益奴蓄之，棧豆與羈紲。佻巧競奔騰，庸材祿姑竊。亡其所以重，俯仰但如箴。以茲禦疾風，安得不摧折。矯之亦有道，禮意不可缺。與爲厚其生，不若養其節。人重斯自重，相與慕芳潔。庶期挽波靡，士氣屹如鐵。昔者清中衰，曾胡并人傑。益陽善下人，湘鄉惟樸拙。村儒俱從戎，布褐清於雪。用能集大勛，後世景休烈。我言或非誣，願以獻明哲。

貴筑作示繆鎮繁陳行素

少辭粗豪老閉藏，剝摩病眼看滄桑。鐵爐事去空留步，北斗名存不挹漿。江左衣冠歸

月旦，黔南松竹鬱風香。文章交道餘端復，便欲傾囊買草堂。

七月二十七將夕，大雷雨

山樓雨未來，涼意已滿屋。陰雲俄欲合，林影微搖燭。少須屋瓦飛，檐溜如傾瀑。堂坳旋泛濫，將出還縮足。此邦衆山底，閉置儼深谷。震雷欲破耳，搖悸到心目。一怒天下安，夷氛迅掃逐。大哉亦如是，作雨蘇萬木。

筑市南郊僧院茗坐，遂過市樓晚飲，作示同游

九死還回去國吟，相携繭足萬山深。稍看水閣先秋雨，已辦風梧盡日陰。兵氣自飄天遠大，羈懷坐閱歲侵尋。老饕快意惟今夕，把酒呼魚力尚任。

黔靈山偕何仲蕭

人間相對已無歡，暫借尋山緩百端。樹影穿烟橫瘦勁，泉聲激石墮荒殘。稍驚悴葉先秋下，終許叢林得地寬。西北輕陰知雨至，共君摩眼倚危欄。

聞劉季平卒於滬上，感賦

剛介平生老益堅，誰知嗜酒得天全。耐窮端使臺綱重，疾俗真看世事捐。卅載玄亭人

海外，一樓黃葉夕陽邊。尋常游處皆陳迹，不待重經始泫然。

偶書東翁敬六

十日雨深泥沒踝，相望百武亦迢迢。肯同劇飲知心許，偶接清言便意消。天下已秋蟲語苦，檐前初日鳥聲驕。從君怕說尋山去，濟勝真同老鶴超。

答林庚白

簸揚百代掃秕糠，大睨高談見此狂。詩教已衰誰復起，酒人都盡世堪傷。長身奉米容恢詭，束髮朋交各老蒼。博籥讀書俱失計，欲將無用托蒙莊。

二十八年元旦聞歌

嵐氣林霏罨薄陰，偶然炙背美兼金。兒童亦識從軍樂，琴筑都成破陣音。久斷鄉書無夢到，獨居窮巷比山深。聞歌起舞支離叟，老病難銷是壯心。

閉門（二首）

說劍吹簫意久闌，更拋蠟屐罷尋山。閉門書味濃於酒，願得常偷片晌閑。
老向叢殘慕蠹魚，朱門萬軸意何如。黑貂敝盡行裝減，堆案新增百卷書。

自題四十八歲造像

一九三九年

華顏短髮久飄蕭，自撫頭顱轉自豪。定許腹中容百輩，何曾頰上欠三毫。老看皺面添新繭，醉壁生肩饜老饕。莫笑問年迫衰朽，尚堪帕首與靴刀。

題旭初仿改七薌山水小幅

花氣澹欲出，林風清可呼。孤亭映寒流，危石欹相扶。有人憑烏皮，覓句時拈鬚。此境夙往來，初不在畫圖。

畫爲張君兼三作，君言兼境酷似其季父靜江先生家圖

老阮携阿咸，故園足清娛。至今萬里外，展卷

思規模。昔夢原已幻，今見焉可誣。尺幅涌樓臺，非有亦非無。若文擅妙手，餘事追玉壺。令我遽懷歸，未秋思莼鱸。

聞吳瞿安以三月十八日卒於大姚，感賦

期會終虛一見難，思君惟檢手書看。聲家規律空前古，老境壺觴鬱百端。得失鷄蟲非所意，摩挲金石尚能歡。人情真嘆風流盡，萬卷丹鉛劫火殘。

宋學勤將飛赴滇南任蠶桑場工程師，走筆送之

宋生靜者更和悌，好學兼能効所事。十年別我若焱風，疏闊獨看敦氣誼。渝城春來好

烟景，萬木遮山交濕翠。儘教霧重晝如昏，亦有妍晴月三四。流亡萬里忽復聚，真覺入林快把臂。清談共對電炬明，小飲微憐焦葉醉。匆匆匝月又言別，飛隼凌空渺雲翅。人生離合本無常，相許區區惟道義。神州奇耻蒙倭氛，誓與偕亡更焉避。田園已燼不足歸，豈忍低頭對異類。滬濱有母撫諸孫，知生未免揮酸淚。甘旨無缺聊姑慰，努力勿負平生志。挽危亦賴農桑術，囊底新知期一試。別君無物持贈君，聊作常談意則摯。馳書爲質稚川翁，莞爾倘不嗤以鼻。

葛運成兄時主蠶桑場。

書漢書韓安國傳後

漢武號偉略，和戰下廷議。王恢職大行，頗識虜中事。和親率數歲，背約即橫恣。虜雖悍而貪，獨可誘以利。誘人致之邊，我則選臬騎。審地遮險阻，陰伏早爲備。當前迅挺擊，絕後善窺伺。強弱情未殊，主客勢已異。突起搗中堅，單于可坐致。千古誦其言，凜凜有生氣。島夷忽肆虐，貪狡實其類。軍謀若合符，殲滅勢必至。漢武事外攘，其意在略地。今我仁者師，自衛扶正義。抗戰垂二年，綱維賴不墜。我揭古人言，昭然日月示。漢土好男兒，古今同此志。

哀五子詩（五首）

抗戰以來，親故凋喪，五君尤所投契，歷久彌新。追想平生，笑言如昨，幽明永隔，

綦轍莫追。爰仿顏詩，聊書悼嘆，感逝自念，情餘於辭。

上海劉季平三

劉君渠先德，沉飲庶韜精。篇章流秀逸，金石況堅貞。綉豸表所操，驚人時一鳴。荒畦薺稻花，橫舍羅髦英。養育有深意，孰謂遺世情。老病思枕戈，奇淚猶縱橫。

松江費龍丁硯

龍丁如龍泓，古情怡金石。漢印鐵畫妍，秦尊土花蝕。閉關同退僧，無處安瓶錫。艤舟火城外，彈雨已飛集。一暝擲荒原，陣雲黑於墨。高人血亦芳，入地三年碧。

長洲吳瞿安梅

三吳人文藪，皓首抱典墳。霜崖專聲律，用志良不分。爬梳理繁曠，精思時通神。芳醪每夕引，比德同溫醇。巽辭却幣聘，旅食甘終貧。矚然見所守，眼底何紛紛。

涇縣胡寄塵懷琛

寄塵文如人，清癯饒逸致。比似籬下菊，離披葉三四。弱不禁世氛，食力甘閑地。骨肉禍尤酷，奚止奪名利。百罹豈能久，柴立對醜類。地下長吞聲，茫茫問天意。

松江沈

明隼

聯璧

明隼稍後起，果毅亦絕倫。迅如秋隼擊，素翮騰颿塵。心雄魄則悴，含意嗟未申。育
育卒難拔，淚涸春江春。病夫手中筆，猶足掃千軍。區區不汝畀，壯氣空嶙峋。

携家居北碕鄉間雜詩（四首）

驅車別市間，回首上清寺。袖手車中人，區區成避地。
數家自成村，一廛來爲民。門前莫閑立，庾公塵撲人。
屋低樹覆檐，窗虛月入室。對月置胡床，飯罷一抱膝。
朝陽千峰青，夕陽萬山紫。不如曉霧生，茫茫落烟水。

移居示金葆光

身游江水發源地，夢落江流入海湄。快意共傾京口酒，危時同飽劍頭炊。劇憐求穴如
螻蟻，時復臨風聽子規。佳處留茅知不惡，兩家春在綠楊垂。

端五詠頌公（二首）

節物殊方致已難，瓦盆濁酒強相寬。亂離贏得身强健，却當閑游入峽看。

輕衾小簟竹方床，黃葛紗櫺午夢涼。只欠博山香一炷，與君聽雨坐虛堂。

自丁丑流亡以來，作詩頗富，暇日檢視，遂題

小年裘馬落京華，曉吹詩成儕輩誇。漸覺凡庸非故我，略工感慨未名家。自來閬白三巴路，看到榴紅五月花。矮紙細書記經歷，不須芟削索疵瑕。

五月十六夜枕上

蟲聲如雨復如潮，一枕蒼涼奈此宵。報國無能時耿耿，逢人可語轉寥寥。俱燔玉石應休惜，急變風雲倘未搖。待掬沉憂叩真宰，橫流何地托簞瓢。

立秋後一日，晨起讀畏廬師集

淡月火雲高不動，涼飄一葉便驚秋。偶披摩詰詩中畫，却憶春風口下游。早歲披猖辜匠石，同時名德各山丘。孝章老去叢譏謗，終見堂堂在九州。

論詩（十四首）

自少年時好披閱近人詩文雜著，愈於古人之作，蓋以時代略同，譬效如接，不煩研索也。辛亥後始多爲詩，卅祺之中，讀詩略夥，窺涉途徑，亦自近而遠，溯流及源，

嘗與門人論之，意殆學古之一法歟。流亡以來，篋笥所藏，盡付劫火，行裝所携，絕鮮文字，朋輩情況略同，一甌之借亦寡。新秋初涼，雜憶曾讀晚近各家詩，各系一絕，以誌向往。凡其人尚存，或平生雅故，夙已尚論及之者，均不復贅也。

哀情苦意筆能邁，家國蒼涼易白頭。寫到咸同兵燹際，詞家惟有水雲樓。江澂叔

浩瀚奔騰氣最豪，詩中此是海門潮。傷心吟到空波蝶，江北江南太寂寥。范肯堂

範漢模唐老更成，五言真欲號長城。雲鬢高髻非時樣，却許蒼涼是楚聲。王湘綺

淡雅清真見此才，一編集外亦瓊瑰。臞儒合向山林置，王式當年本不來。鄭子尹

唐音宋格不相師，領袖群賢亦自奇。感逝傷時蕭瑟甚，可憐不似達官詩。張廣雅

郎署徘徊七不堪，東華塵土老來諳。鏡湖風月依然在，身世何緣似劍南。李越縯

廬全月蝕世誰傳，錦瑟無人作鄭箋。別有詩人風骨在，亦饒瘦勁亦蒼堅。沈葆吏

老莊山水更相發，內典窮搜雜道書。拈出漸西閑活計，桐江波上我知魚。袁重黎

郊谷神情韓氣骨，高吟字字是精金。誰知少作風華甚，湘綺樓頭有賞音。陳伯嚴

西昆浮艷未堪師，長慶鋪排或近之。晚與劍南比蕭散，閑吟微醉到期頤。樊樊山

孤秀詩篇得氣秋，節庵少日足風流。海西庵畔重來客，脫葉嘶風泊潤州。梁節庵

譯書萬本畫萬軸，畫擬山樵文孟堅。攬遍集中題畫句，竹床合眼夢雲烟。林畏廬師

蕭森枯淡如秋樹，經月成篇最苦吟。誰識晚年懷抱在，獨將詩教溯亭林。
經生嫺雅工詞翰，季緒微聞好詆訶。却憶過江搜俊語，天將喪亂厄才多。

黃晦聞
黃季剛

中秋夜月

綺閣朱門萬事非，盈盈憐汝尚清輝。儘教對影不成醉，無奈流光欲到衣。一院寒生蛩自語，四山秋靜翠相圍。參橫斗轉憑欄久，豈爲殊方便憶歸。

秋來忽酷熱，一夕大風雨，驟涼，走筆呈楚儉

秋炎連日夕益蒸，毛髮焦灼心膏騰。蒲葵久捐復在手，豹脚利喙如飛鷹。山風徐徐拂庭戶，旋覺蕭蕭聲滿樹。起看碧落耿殘星，微有陰雲與吞吐。枕簟涼意逼酒醒，夜半勢若江湖傾。敲窗飄瓦狂不已，開門積潦猶縱橫。龍灘先生公居地名龍灘子病初起，却愛新涼固腠理。世間我亦耐寒人，吟眸澹對嘉陵水。

重九前三日，尹碩公見過

辛苦山興犯曉寒，彌天四海覺才難。自成老鶴眠蘭蕙，肯羨蒼鷹健羽翰。博簋讀書齊得喪，藥爐經卷了悲歡。逢辰作健須重過，待酌茱萸話夜闌。

重九答林庚白

漸覺金風換夕蒸，已教呵手怯嚴凝。人間世短誰能駐，高處寒多未可登。虛室燈檠增黯淡，荒衢車馬亦凌兢。年來藏蟄如螻蟻，求穴區區愧杜陵。

江樓夜坐

暗霧浮江入杳冥，隔江燈火動微星。高樓閱世人將老，往事看天酒易醒。故國音書仍久滯，殊方節物已頻經。市聲漸寂嵯峨夜，牆外巴謳試一聽。

雜詩（二十首）

鄉居逾半歲，一室如斗大。雖妨接賓客，亦足便坐卧。晨起淨掃地，習勤聊自課。蔽雨施竹簾，煮糜安土鏹。平生事事可，即此免寒餓。心夷夢亦坦，何者名坎壈。開窗面荒塘，時有歸牛過。老樹壓屋橫，落葉吹入坐。悠然稱野情，作計頗非左。較勝杜陵翁，秋風茅屋破。

過壯逢亂離，歡悰日衰謝。慰情止二女，亦欲畢遣嫁。阿德稍諳事，健碩男兒亞。平生畏雜務，賴汝得整暇。送去作人家，往來添姻婭。阿玉更嬌痴，但愁校師罵。離家酷憶家，日日盼休假，近年慣舐憤，遇事多寬借。生女聊寄耳，姑以自慰藉。淒清一室中，漫

漫此長夜。晚境殊難甜，誰言似啖蔗。

弱冠弄文翰，自命豈在茲。落落三十載，髮白復齒危。依然親筆硯，恃以續晨炊。幕府治簿書，作掾不名師。竊祿既有年，所愧作位卑。國貧民力盡，得飽亦已侈。退衙坐私寓，晚食雜粥糜。食罷更伏案，紺燈映書帷。老學詎伯業，把卷聊自怡。我生賴有此，舍此將焉爲。

未老筋力弛，出門事事懶。西南山水窟，負此登臨眼。紙上識峨眉，橫空翠色遠。茲來數日程，裹糧可容緩。會看凌絕頂，杖策振高眄。爽然復自笑，此意何年踐。說食終不飽，豈如強一飯。程子天放近相要，厚欲策楞散。念當從之游，相望已歲晚。

我生信不辰，三齡即甲午。島夷本小醜，鯨浪初跋扈。偶挫遽行成，止戈恨非武。滔滔四十年，蠶食勢莫禦。群情誤宴安，割肉喂豺虎。今遂恣跳梁，深入據堂廡。明知終驅除，凋敝已難補。念此痛自責，人侮必自侮。早年實荒嬉，何嘗憂爲虜。已矣不可追，遺禍及兒女。餘生幸支厲，收復端可睹。相期起灰燼，敢憚茹百苦。

開卷讀南華，高言齊得喪。饗飧偶失飪，終日不歡暢。褊心良可嗤，牢愁多激宕。元規塵污人，舉扇聊自障。茂宏擅清言，用意殊未曠。汲黯喻積薪，後來輒居上。妄發徒取憎，豈免懷快快。平生頗自牧，迹卑言不抗。舉足踵趨蹌，將手學揖讓。中懷亦鬱伊，強勉躋雅量。咄咄空自書，汪汪安敢望。

秋炎才收威，嚴冬復苦燠。時氣鮮凜烈，暢遂到百草。江南盼臘雪，蟬蛩始一掃。此

間固無患，巡畦多好稻。霧雨每兼旬，亦復不憂澇。地力時有餘，天富洵可保。流民防乏食，念此百事了。使我爲老農，亦足營一飽。

迂僻久成性，踪迹避時貴。朱門踞豪奴，一見已心畏。旅謁隨衆賓，隅坐生渴睡。歸來忽自笑，木強到項臂。足戢車前塵，字減懷中刺。京華盛冠蓋，兀兀獨憔悴。故人未相忘，歡然同一醉。重子原夙昔，意託在名位，故態真狂奴，不除湖海氣。

城居未浹旬，觸目已生厭。通衢馳萬車，欲步不能寸。朝來濃霧合，熟視無所見。澄江但杳冥，虛傳淨如練。崇樓十萬家，逼仄競華綯。此中着貴人，例有團團面。拂衣歸村舍，真覺心如箭。長林豐草間，眼明腰脚健。野性良難馴，此身合貧賤。

長女携婿歸，舉家慶團樂。昨宵適冬至，兼味足盤餐。相去三五里，聚會乃爾難。老懶厭市囂，俯仰一室寬。汝能愜我意，暫止且承歡。故鄉寇未退，何從樂田園。戚串盡貧罄，卒歲知多艱。我本無寸土，聞之亦愁嘆。袖手步空庭，薄暮西風寒。

終日玩殘編，兀兀無秋冬。過時始悅學，安能課其功。譬若爲博弈，有嗜將無同。楊婿貽嘉刊，快如得黃琮。眼中二百載，忽見長蘆翁。翁以七品官，歸來一畝宮。讀書數萬卷，古歡盡心胸。著書數百卷，飲水忘窮通。嗟翁真厚福，今人誰比踪。治世老書生，心不羨三公。

片月出山罅，人間萬籟靜。繞坡竹數叢，參差寫疏影。搖曳卧蒼苔，微茫惜清景。雲淨天愈高，柝殘夜自永。竹下負手人，非醉亦非醒。

少壯背人去，墮葉不復榮。賴有一尊酒，回我少壯情。冥茫來萬感，淒惻兼芳馨。酒豈但駐顏，尤能駐神明。絕者使復續，枯者使復生。頓覺胸膈間，浩落難具名。何怪古豪士，一醉僕射輕。故交多酒徒，此意試共評。

竹垞主南試，將事絕謹畏。矢誓對神明，關防屏客刺。歸裝書兩簞，匿笑到僕侍。惟有望蔚州，衣冠拜伏地。獨醒良亦難，違衆必取忌。自信尚無辜，卒乃誅吏議。群言本易淆，是非恒易位。失笑天下事，悠悠多此類。

端居念友朋，續續傷埋玉。季平^{劉三}亡幾日，墓草遂已宿。平生意跌宕，獨往驚流俗。咄哉百不酬，乃被酒人目。飲冰腸逾熱，中暑病已伏。一瞑謝世紛，安知非子福。知子誠未盡，遺稿從人讀。蠶老尚纏綿，荒江餘一哭。

君詩云「此身已似蠶將老」，又云「猶對荒江哭逝波」，皆最近所作。於美楚伯沈尹默二君處見之。

殘曆剩幾葉，今夕已小除。妻孥市酒肉，聊以慰勤劬。頻年苦流浪，一歲數易居。俯仰天地間，何宅爲我廬。人海賃一椽，湫隘才容軀。居然亦卒歲，几案紛魚蔬。生理本貧薄，日食尠所餘。雖乏通有無，亦喜無責逋。舐筆呵凍硯，移燈攤殘書。問翁何所樂，不語時沾鬚。

先民生太平，簡靜最可貴。百里數日程，尺書經歲至。離別故不恒，會合亦難致。伊人隔秋水，彌復珍氣類，相思必千里，命駕已多事。近代歲月促，萬國在階次。梯山更穿海，有術皆縮地。朝策倚父杖，暮騁穆王騎。人生大匆匆，一日爲一世。石火與電光，曾不待轉眄。世間情逾淺，倏忽定何味。願回蓬古初，莫笑先生醉。

古人亦有言，三十爲一世。我年行及艾，滔滔歲月逝。苟全復竊祿，本自甘粗使。束髮誦詩書，末技胡足憲。元老頗見憐，收錄期一試。拂拭及朽鈍，延接略名位。矧於廣坐間，掀髯夸所制。杜陵感賞音，回首望清渭。愛才古或有，念舊意尤摯。黽勉報深知，探囊盡餘智。中宵起看天，霜風帶兵氣。

得閑覺晝永，客至喜清話。名理或未窮，俗論齒豈挂。客散窗紙明，弄筆理詩債。華門雖迫迓，儼與市塵界。扶疏青繞屋，夕照與之畫。向陽橐駝坐，宿疾苦已瘥。人生無不可，適興即一快。遇事先安排，區區情亦隘。長笑嵇阮徒，君輩意易敗。

生民有史來，治少喪亂多。養息不百年，森然見干戈。亂定得小休，熙熙號平和。隱患實已伏，殺機俄滯摩。用知天地間，有生例折磨。湍流無恬鱗，風林無靜柯。惟彼出世者，鴻冥逃綱羅。鷦鷯巢一枝，偃鼠飲長河。庶幾得福廉，受禍亦不苛。今世無深山，巢由將奈何。

正月十三夜命酒獨酌偶書

羈客巴渝歲又新，紙窗燈火獨相親。功名可奈身將老，文字虛傳筆有神。少壯已教愁里過，悲歡但覺醉時真。餘生所望惟恢復，一壑能專是幸民。

張聿光畫宗忠簡威懾金人直幅

胡塵滿天天昏黃，銅駝荆棘宮闕荒。揚鞭一呼萬壘應，兩河忠義皆嚴裝。宗公收京經百戰，氣吞朔漠風雲變。吁嗟乎，權奸在內志不成，曷不回師先斬汪伯彥。

再題張畫郭令公單騎見回紇（二首）

掃平安史共艱難，便作中原赤子看。置腹推心非異事，連營突騎盡騰歡。
一騎傳呼毳帳開，健兒相語令公來。臨淮壁壘終難擬，磊落天生大將才。

暫歸北碕故居

未許山中效隱淪，暫從事外得閑身。風開舊帙仍橫榻，雨拂殘衫爲洗塵。老樹猶妨歸棹路，孤筇且伴趁墟人。蓋頭茅屋平生足，剩遣高歌惱四鄰。

書宗忠簡事

一旅勤王復舊京，兩河忠義盡歸誠。出師先懾權奸膽，論陣遂成大將名。百疏莫回航海計，千秋如聽渡河聲。碧山庵畔松風勁，褒鄂英姿記眼明。

焦山庵中藏公家譜圖像。

連雨不止，春已過半，燈下蕭然成詠

閑愁牢落過春分，旅思蕭條入斷雲。世事自嗟棋屢北，生涯人訝井常勤。荒園雨長貓頭笋，暗室雷轟豹脚蚊。自是塵囂難着足，閉關漫道定香薰。

右任院長六十二歲生日呈

官舍不尋丈，卧起憂天下。厨傳亦蕭然，勤勞屏杯罍。樞衡日萬幾，揚扅到風雅。冠弁逾三千，奉手受陶冶。平生不朽業，繼往開來者。猶饒憶弟心，惓惓念鄉社。老槐新着花，柔桑昔被野。堂堂卅年事，根觸付吟寫。世將啓中興，黃髮重華夏。精神長少年，道勝得天嘏。

戲爲長句，簡沈尹默

往歲我游黃葉樓，時開酒座談尹默。爭道詩才翻水成，誰知書勢奔泉疾。久客宜南厭塵土，忽落巴渝生羽翼。鳳池課士廿年勤，鵬背培風六月息。邂逅一官何得喪，俯看萬事真蟣虱。卜居未礙市井囂，坡道下窮樓閣出。小軒才受一蒲團，課酒裁詩便終日。忽憶當年蘇子穀，平生爲口殊無術。歌筵呆坐恣大嚼，獨許錚錚見風力。材非常材用無用，大樗本不中繩墨。湘綺論人重秋扇，不用見珍藏乃密。齊紈趙絹長留傳，惟許美人閑拂拭。蒲

葵有用旋作塵，那更區區較名實。試爲無益遣有涯，看君飽染猩毛筆。

尹默次韵見酬，復聞極論臨池之妙，遂申其意，仍用前韵

聽君纒纒談用筆，藝苑傳燈能得實。熨毫理穎護惜勤，也似靈臺須拂拭。但教物性莫天闕，使轉隨心任疏密。我於此論識治理，豈止區區矜翰墨。天生百材殊品質，任柱爲蒿視其力。剛柔洪纖俱有成，甄陶萬匯非無術。渝州淺夏勝春日，簾筍輕舁時一出。芳辰能幾尊浮蟻，世法何堪禪處虱。平生逸興富篇翰，朝披夜吟不得息。清操自堅漱石齒，回翔人惜垂天翼。北客差同庾子山，南來欲北辛棄疾。上說下教徒爲爾，問君強聒何如默。詩仙草聖君一手，此事於今定鷄肋。不如火速盡棄捐，後世焉知池水黑。

孔家巖贈陳漱六

家居撞壞自纖兒，星火燎原事可知。

君談東北往事甚悉

鶴髮人歸桑海改，烏皮几在草堂移。陰崖

細瀑寒侵骨，苔地叢篁綠映眉。小坐更端閑話盡，更勞分茗出軍持。

酒後露坐，念思齊蘊和二君之歿，泫然有作

天上人間兩邈然，繁星隱見月如弦。縱教有海傾爲淚，安得持杯滴到泉。里社鷄豚虛故約，江山文物漫陳編。十年期我知孤負，欲把遺言待後賢。

重五寒雨，忽憶去歲看到榴紅五月花之句，遂以爲韻，仿山谷體，作小

詩七首

人生露電過，何者堪把玩。向來性疏慵，澗谷從槃散。騎曹作馬曹，吏牘任堆案。羈流閱三年，霜鬢徒自看。敢比杜陵翁，夔巫身放竄。

尊浮麴米春，萬事付一笑。小窗微雨歇，默坐送斜照。客來更洗盞，未怕玉山倒。作健陳太丘，拄策事登眺。我懶惟卧游，芒鞋不須到。

陳漱老方游北溫泉

入夏山雨寒，擁褐意如秋。斗室飛蚊絕，笛簾且暫收。徐思親筆硯，益念躬戈矛。前方軍訊急，戰血紅於榴。拙語補鐃歌，此筆未可投。

耽吟坐成癖，真賞誰與同。手鈔四家詩，開卷首荆公。劍南次雙井，遺山殿宗風。最憐攝山句，淚作山花紅。綢繆真性情，乃在執拗翁。

節物動鄉愁，登盤又角黍。江鄉四時佳，融和最夏五。草木暢生意，新綠滿天宇。此邦多沉陰，往往騎月雨。舉頭失青山，出門無乾土。

茗坐美晚晴，市聲忽暫歇。銀光涌海東，復此山吐月。一杯花露馨，澆我腸中熱。中原陣雲深，三鼓氣不竭。何當下陽夏，亟爲收吳越。

山居日益深，曲徑穿桑麻。長至具湯餅，速客斟流霞。喪亂見老成，感往餘嘆嗟。鼎鼎百年內，真同赴壑蛇。再來會涼秋，霜菊當已花。

夏至飲漱老新居

金剛坡官舍夜坐

群峰環合勢崢嶸，萬木凝陰不放晴。龍睡寧忘爲雨意，鳥啼猶作入山聲。自耽寂寞和雲住，獨向高寒待月生。小簾匡床且尋夢，夢中五岳尚縱橫。

簡章行嚴并眎旭初

暫看黔突識行踪，却詫持筇扣大鐘。脫手文章驚的破，隨肩豪俊想風從。深山是處聞啼鴉，古洞何年起睡龍。更喜青氈同述學，墨箋勝日且從容。

次韵行嚴東同人之作

躡屐相過不厭頻，行吟枯槁意能春。未妨捉麈談名理，微覺揮毫帶戰塵。廡下伯鸞非遁世，墅中謝傅自留賓。映門萬頃青禾秀，倘許資軍足稔因。

讀行嚴挽馬君武詩有感，作眎

懷人桂海久相違，感逝巴山夕掩扉。同輩已稀君愈貴，舊游可念世今非。徙薪曲突言終負，問舍求田事豈微。愁絕金剛坡下客，青熒燈火亂書圍。

華亭魚化石歌

周平瀾自甘肅歸持贈，因作。

瀚海荒茫變陵谷，魚龍萬族皆偃伏。遙遙一十四萬年，石色猶如海波綠。中有游鱗二寸餘，皮肉化盡存形模。不須頰尾知勞止，便作明珠亦久枯。鴻荒太古知何世，榛狁應少猿猱類。惟茲鱗翅已宛然，掉影撥波若恣戲。具形雖早靈蠢殊，終復與人供庖厨。獨爾自偃脫湯火，億年偃卧無毒荼。已成漏網固可慶，肯向涸澈求沫濡。江湖相忘有如此，物理變化真區區。周君新歸自河渭，緘封餉我黃琮比。邑名我亦古華亭，但釣鱸魚聽鶴唳。

縮手

縮手誰憐晚計疏，杜門坐嘆出無車。刺天賦看群飛勢，斫地空歌衆醉餘。儘有蓬蒿翔鴈鷁，漫勞鐘鼓餉鷄鵒。江湖浩蕩平生意，剩對橫流賦卜居。

病中作（四首）

卅載痴頑慣忍窮，病來更欲策疲癯。丈夫困厄皆良藥，淬得精金是火功。
生事蕭然不自哀，布衣糲食亦悠哉。已知四壁無餘物，却笑穿墻鼠尚來。
莫道餘生費大倉，獨看意氣尚堂堂。國家他日涪溪石，自要文章日月光。
削轍窮居病榻眠，諸緣漸淡轉翛然。盈腔餘熱惟忠憤，撲面秋風一仰天。

自北培移家金剛坡，車覆田塍間，行篋沒水，衣裘盡敝，檢視有作（二首）

峻坂經行亦已頻，誰知風雨有摧輪。平生早薄貂裘客，此去真爲短褐民。前敵揮戈方暴露，在官叱馭敢逡巡。一竿憤鼻猶堪挂，生計休言北阮貧。

覆轍聊堪傲後行，故知世路本無平。淒風苦雨秋將盡，剩帙殘編眼尚明。成住壞空觀物化，東西南北慨勞生。入山計就應休恨，竹笠芒鞋不待營。

松杉

憔悴支離雪滿頭，燈前百念苦雕鏤。飄蕭暮雨常侵曉，斷續涼蛩已過秋。寧戚悲歌仍短褐，元龍豪氣漫高樓。松杉十丈山中遍，材大原非世所求。

列鼎（二首）

列鼎重裊謝不能，隨堂齏粥略同僧。書生溫飽視天下，却喜川湘歲屢登。移家且合住烟蘿，三匝飛鳥夜繞柯。一壑能專非易事，無人寄語與東坡。

聞鷄

巖谷荒鷄一再鳴，疏星淡月曉淒清。巖寒萬戶酣殘睡，誰識嚶嚶非惡聲。

于範亭洪起挽詩

白下南徐迹已陳，遷流重見倍情親。書生自以官爲業，物論終推國有人。萬事蓋棺無可語，一塵卜宅偶相鄰。天橋便作西州道，零落山丘祇愴神。

君住重慶北碚有天
生橋鎮與我鄰居

尹默見過，出示近詩，因贈，并簡行巖旭初

對君如遠山，穆然意無盡。君詩如佳茗，把玩色香靜。暫來肯見枉，小坐蘇渴吻。山容忽排闥，茶味在舌本。徐行穿叢篠，松氣落微冷。細磴盤羊腸，疏枝矯鴉影。緣岡力稍憊，度塹步殊穩。章汪高詠處，鳴脊望中近。虛廊不逢人，寒日下欄楯。送君過虎溪，破戒莫相哂。

明華女隨婿赴衡陽，念之成詠（四首）

南去千山更萬山，布裙風雪不知寒。隨夫侍父無全策，想爾當前去住難。絕巘陰崖日蔽虧，危梁仄徑命如絲。老夫飽飯支頤坐，是汝單車下坂時。

阿渝

外孫女周原小名。

雌物作英聲，乳睡啼痕枕畔橫。分與外家流浪味，未離襁褓即長征。

靈異芳菲絕世間，船山高處許躋攀。倘過回雁峰頭望，莫使心隨雁北還。

楊婿老家
江蘇松江

趙靜侯

祖康

夜過山居，別後却寄，并示程三

叔彪

風靈夕唵瀟，虛籟動松吹。森輪箭驚埃，欸若天馬至。稔子非長房，何術能縮地。緣岡識所向，排闥出不意，剪燈搖燭影，振袖落巒翠。我居類窮谷，儼欲遣人世。一壑暫自專，駝坐兩脚痺。陳編媚老眼，譬飲醇而醉。沉沔遂莫析，豈謂世相棄。念子個儻才，眉宇挺英氣。較年差少我，干略實可畏。繫道通旄牛，山靈避精銳。誰知五丁手，揮翰富佳製。眈眈百琲珠，潛輝騰篋笥。煦濡到駕朽，妍醜有偏嗜。平生罹百憂，探囊罄餘智。詎期逐上下，徒爾傷憔悴。寒柯栖暝鴉，等此把茅寄。瓦鐺試苦茶，酌子聊破睡。瀕行復小留，惜取物外味。抗顏得伊川，讀易足高致。歸踏月昏黃，更話少年事。

懷人（四首）

湖湘有巨子，九流歸一冶。揭來避時名，丹田控神馬。撐腸溢光怪，鍵戶自陶寫。恒公百煉金，豈患知者寡。未應擬宏景，謀謀獲於野。我憶莊生書，贊墨辭可假。枯槁而不舍，天下之好也。

章行嚴

了自無深意，悠然不可名。誦君前日詩，坐覺神觀清。遙山微呈黛，春樹初啼鶯。濠

濮廼尺間，會心即滄溟。東坡和陶潛，稍恨氣縱橫。石田擬倪迂，筆老殊未成。領取平淡味，畫理通詩情。沈尹默

汪生髯而腴，便便五經笥。絕學擅餘杭，微茫析精義。子瞻游歐門，放出一頭地。平生殊恂恂，灑落見高致。論事奮堅剛，須眉凜霜氣。調脂作紅梅，秀筆極嫵媚。誰知鐵石腸，廣平真好事。汪旭初

兩浙才人藪，錢君益精專。拄腹五千卷，名理渟深淵。放筆爲文字，書古詩蒼堅。微言尤感我，食酒知聖賢。長安多時貴，冠蓋紛駢闐。誰能似朱十，飲水數十年。懷哉曝書亭，呵手開陳編。錢經宇

王新令君言，曾見余呈右任先生詩，舉其首二語，憶爲丁卯歲見公首都，從游燕子磯諸勝時之作，忽忽十餘年矣，舊稿亡失，補足成之

落落風塵大布衣，一尊清酒十年違。原句江山勝賞因人重，幾復名流并世稀。憂國希文鬚已白，說詩匡鼎事終微。陪都巖壑饒雄秀，更許相從倚翠圍。

偶成

松氣冥冥合，巒烟往往青。愛閑僧退院，癖潔鶴梳翎。酒有兼人量，茶成徹夜醒。蘆

花渾似雪，來對鬢星星。

讀荆公詩

紅鶴真成揮不去，白雲未是淡無心。道人露坐渾閑事，只惜長松五畝陰。

寒意

殘荻哀蘆繞地哀，北風初至勃驚埃。伶俜宿鳥衝烟去，細瘦畦花背日開。短景難憑詩記錄，孤懷剩與月徘徊。濁醪自引南窗下，安得瀟船致舊醅。

贈錢經宇

起看鴉影矯荒寒，松櫪青青略已殘。相望衡柴無一里，獨行犖确倦千盤。篋中心史知誰省，劍外吟懷強自寬。索共閉門搜俊語，校量花品到文官。

山中雜咏（八首）

鮭菜常年未缺供，新來抱瓮學鄰傭。腹中豈有羊相蹴，翦韭烹菰過一冬。蔬甲青黃半已殘，伏雌啄食亦良歡。因人聊遂將雛計，笑我全家飽大官。妍暖俄看雨意成，昏霾轉見晚來晴。農夫歲久知消息，送老田廬不入城。

榆莢曾聞九府錢，夕陽一樹影團圓。
月黑松杉呈突兀，雲低燈火入青冥。
至後嚴凝益不勝，硯池鴿眼欲生冰。
鷄寒上距鴨藏嘴，覓食泥沙時一來。
百蟲專夜亂秋悲，曾記經秋每有詩。

錯金薦壁都無用，風雨山深自屈蟠。
更無微響搖岑寂，庖俎蕭然鼠未經。
自鋪繭紙書新句，却費山齋夜半燈。
與汝相看成瑟縮，羽毛雖具莫毳毳。
今日草根幽籟絕，長風撼樹雪來時。

樂俗名搖錢樹

狄君武^唐來山中，一宿而去

鄉味偶然思海物，故人頗復憶山家。
昏昏松栝雨數點，落落川原天一涯。

論荆公詩（四首）

中年刻意陵陶謝，老筆縱橫氣自遒。
定林丘壑老能專，雕鑿春工滿眼妍。
謀國終傷局屢遷，論詩久絕廣陵弦。
隨分芳辰一笑妍，綢繆清話酒杯邊。

微覺回旋殊少地，秋山峭峙急湍流。
便論文章成兩大，東坡散髮海南船。
文辭政事皆孤負，法乳分教呂鄭傳。
辨妍自是輕相詆，不近人情恐未然。

歲暮曉起，東經宇

岡巒回薄故依然，草樹周遭失舊妍。
迢迢衣冠非遁世，低徊燈火忽徂年。
松釵助鬢宵

還拾，筭束分封曉自煎。聞說屏居足幽事，縹緲坐擁想無眠。

除夕寄楚儉

人生各有一天地，鸚鵡鵬搏信所勞。已謝扶搖高羽翼，翻成鳴息美蓬蒿。廟堂清望行三座，山澤癯容亦二毛。却憶江樓飛酒碗，少年情味在粗豪。

除夕

山中率早眠，日入群動息。燈膏旋已燼，欹枕自轉側。宵長乃無夢，強起問時刻。披衣疑欲曙，屋瓦霜微白。明朝遂五十，老至真過隙。沉吟念兒女，繼緒思夙昔。等閑卅年事，堆阜在胸臆。孤生飽世變，喪亂晚尤劇。當前軒高波，熟視有眩惑。惟應益閉戶，一室獨盤辟。鷄聲度荒溪，鼠響搖暗壁。晨光漸熹微，堅坐盡此夕。

聞亞子將至

密邇猶疏闊，迢遙有合并。江湖殘臘盡，風雪急裝輕。樞府應前席，文場看後生。惟將歲寒意，閑澹續詩盟。

今夕何夕行，贈漆鑄城

選鈞

今夕何夕天澄清，繁星燦燦樺燭明。方筐圓簾各持送，肥鷄大戢紛縱橫。青松丹橘亦滿案，長腰如雪炊香秬。雜坐雖復無主客，少長序齒還硜硜。酒行笑語漸款洽，稍見捫戟聲訇訇。維揚一生起搔首，自說能爲泰州柳。驚木塵飛後主詞，四坐傾聽皆掩口。亂彈雜劇復間作，新譜琴歌味尤厚。載歌載飲子其許，一詠一觴古所有。枯腸得潤恣鯨吸，渴吻奔泉如驥走。朱顏白髮人四五，就中尤數黔南叟。叟昔峨冠游上京，郎官列宿傍春明。撐腸萬卷無不習，雅謔忽作巴謳聲。巴謳掩抑多淒感，老子婆娑興非淺。酒闌燈炮話平生，十九寓言何待辨。南園先生停酒卮，點頭無語但支頤。言者無罪聞者戒，此亦香山諷諭詩。我來西南論文筆，影山望山久高出。汪洋沕漠見道術，於今復在漆園漆。

假歸北碚，陳漱六丈邀飲寓樓，示同座

酒徒漸闊疏，暫聚已可喜。眼中四五子，卓犖天下士。主人專一樓，洞微究病理。要令箴穀梁，廢疾從此起。余生亦多疴，早衰遂至此。神醫能醫意，數語疾良已。

時病氣稍，醫者胡老在

坐共話疾竟不作

竹厨出精饌，不數蒸豚美。拇戰稍訇訇，詞翰亦滿紙。

余及石公巖雲皆有詩

開窗面縉雲，明滅殘

陽紫。一歡信可念，明日戒行李。

漱六丈屬題吳仲圭畫真迹

樹瘦山空石礧礧，樹杪疏花微破蕾。清寒入骨眼爲洗，儼見高人佩蘭茝。畫史紛紛誰得解，良工運筆俗所駭。但驚勁挺作分篆，奮腕濡毫恣揮灑。至元至今六百歲，絹素漫滅神理在。紙壽千年絹更促，藝稱四子名無改。行質散落失蹊徑，元氣淋漓泣真宰。當日衡門望時手，車馬喧闐看競買。先生閉門謝繒彩，冷笑掉頭如有待。信知能事薄一閔，猶恨成名遲廿載。流傳顯晦故難言，特立獨行終不悔。

題鄒海瀕畫竹，爲姚雨平丈六十壽

雨葉烟條翠欲浮，有人逸興托湖州。輪囷直節亘千尺，突兀高竿橫九秋。春酒剛逢周甲日，此君能共入林游。元勛開國垂青史，削簡成書不外求。

自記

文

山居多暇，輒寫定近詩爲西南行卷一卷，繼復發篋校錄舊作，自庚戌迄於民國丙子爲搬薑集一卷。三十年所作略具於是。舊稿隨手散佚，迨後復轉錄諸他刻間，自留稿亦多旁行邪上，漫漶難辨，茲一檢視，謬誤舛錯，疵類百出。嗚呼，余少好爲詩，亦頗以是得長老儕輩稱許獎借，所存乃若是邪。世或矜其一片片語若有可與者，而未遑問其全也。用是

發憤加以訂正，芟其尤冗濫者太半，存者亦點竄涂乙，往往通篇僅留一聯數字，雖情思意境尚仍其故，而聲色格律非舊觀矣。文章公器，得失自知，閱者諒其意而已。

少時爲詩，好樸擬而鮮真意，幾於啼笑由人，呻吟無病，又震於綺偶不佞之詞，幽渺恢謫之語，撻擗剗襲，遺神而取貌，逐末而亡本，斯大病也。推其故，由於不學，學然後知不足。近數年來，竊稍欲刊落浮華，以真實自藥，雖不能全，心向往之矣。

幼年讀書郡學，泛濫無所主。嘉定章篆生先生誠之曰：願生由博返約，并歸一路。及負笈京師，復嗜雜覽，盡廢所業。粵東商瀛亭先生誨之曰：所望於生者，非若是也；生顧馳騖無規律，然所成就隘矣。今年已五十，百無一長，蓋病在爲學不能擇，擇焉而不能專篤，雖勉欲自附於文詞之囿，而又碌碌無以望古人於毫末也。編斯集竟，謹識往訓，悚仄無極。

恬養謩詩卷三

山雨集

起一九四一年辛巳

迄一九四五年乙酉

雲間 姚錫鈞

鴻雛著

歌樂山中央醫院省葉楚傖沈尹默疾（二首）

我暫停湯熨，君還苦砭箴。幻身原不實，老境各相尋。更事消英氣，隨緣長道心。渝州春酒碧，病起試閑斟。

仲子新來瘦，遮眸一卷書。稍看春晝永，微覺故人疏。却曲豈傷我，跼蹐亦任渠。淵明非老懶，遣興有肩輿。

家人擷山間野花，雜貯一瓶，對之欣然有作

平生不解游，槁卧謝五岳。胸中具邱壑，灑然亦自足。借令身市朝，乃心遠塵轍。況教伏田野，日日饜山綠。開門即林藪，曠望多松竹。清寒雖入骨，積翠固養日。今朝大富貴，穠英搜陂麓。衆芳俱來儀，蓬華溢餘馥。紅如朝霞妍，黃似蠟珠簇。細萼明點雪，小蕾繁垂粟。居然几案間，爛爛羅錦縠。向嘗陋平泉，異種致卉木。會心無揀選，得意在一矚。微憐落盆盎，未若漫空谷。風露失涵濡，枝葉苦拘束。散材供近玩，所遇良已酷。比類魏晉士，拄笏困簡牘。又類浣紗女，亂頭事薰沐。翳餘本閑曹，冷氎借官屋。繩床近瓮牖，

一笑容蟄縮。蔬筭採方鮮，茅柴醞初熟。量腹飽俊味，豈嘆厨少肉。詩情更春酣，賴汝媚幽獨。

山居始夏，憶江南風物 六言四首

三十六陂春水，四百八寺南朝。綠樹鳴鸝酒榼，紅蕖落日畫橈。
擘柳風來細細，分秧雨過疏疏。紫簾泥香鞭笋，銀盤膾雪刀魚。
葉裏櫻桃紅濕，簾垂湘竹翠流。坊巷烏衣非舊，夕陽燕子來不。
閣上江聲日夜，雲間塔影古今。欲認劫灰滿地，疏鐘幾杵沉沉。

山居雜興 六言

生理陶尊瓦硯，形模桐帽棕鞋。午夜微蘇酒渴，松杉雨滴空階。

入城宿磨盤山舊寓作

庭中積潦欲生魚，漏漬床床笑水居。
吾蘇尚藝龍讀
書處名此。繞屋先尋曾倚樹，移燈仍照舊攤書。履
綦迹已銷階砌，車馬聲猶送市墟。夜半驚雷驅猛雨，平生飛動意何如。

東坡

東坡當日嶺外行，驛隸官差爭迫逐。禁之不得居解舍，欲伍齊民誰假宿。桄榔林下暫
偃息，暑雨炎風徒躑躅。胸中萬事無不可，鷓鴣有枝猿有木。日營四海老作笑，自了一身
庶幾足。豈須畚鍤集千夫，躬率兒曹事版築。繩樞瓮牖隨所遇，竹屋紙窗俄在目。屋梁挂
錢供叉取，羊脊著鹽須熟漉。負瓢行歌樂田野，何如歸院金蓮燭。却憶連年守杭穎，細馬
紅妝滿山谷。即教荒瘠落膠徐，亦復齋厨多杞菊。人生便如水在地，坎止流行時起伏。一
泓真性何增損，旁觀強欲分榮辱。世上小兒多好弄，激之蕩之意殊毒。誰知本是在山清，
泥滓塵沙那得濁。拏舟海角波際天，天容海色蒼然妍。明日衣冠委沙岸，紛傳化作飛空仙。
北歸玉局君恩重，小兒後恭更惶恐。腹中可容君輩數百人，一任轟轟鼓翅同蚊蠅。

禽言（四首）

汪君綺雲疏山中所見禽鳥凡十餘種，戲取其聲可成文者，各系以詩

郭公

即播穀鳥

郭公郭公，隱於山中。一曰播穀，啼呼勸農。不爲霜林鴉，畦西拾麥種畦東。又不爲
摸魚翁，爲人取魚不自供。聲聲徒自苦，不勤四體與我同。君不見野田龜坼當炎夏，戴笠

插秧汗如瀉，插遲尚愁郭公罵。

翦春

翦春日夜鳴，春山忽然綠。翦春寂無聲，春去不可續。翦斷春光似錦殘，翩然獨向花間宿。春殘花盡汝亦老，羽毛雖好無人道。何如鴈鷄與斑鳩，猶向畦間啄梁稻。君不見玳梁綉閣燕雙翦，長得佳人畫簾卷。

挂紅燈

挂挂紅燈，今朝得好晴。秧針青青，水與壠平。不勞桔槔相送迎，溝澮決決常有聲，一年兩穫翻手成。陳困米，新芻酒，春非秋菰無不有，一生長自笑開口。連年抗戰抽壯丁，釋耒持戈豈敢後。君不見從軍之樂樂不勝，樹頭朝日送爾挂紅燈。

渴殺哉

渴殺哉！今日不雨，明日復不雨。大風揚塵沙礫舞，烈日中天正午。絳葛生烟灼胸股，草樹枯焦病痾僂。田水一滴如清醕，敢嫌渾濁多黃土，呼天祈雨天豈許。君不見瑤宮水殿群仙聚，玉碗冰漿最消暑，若到其間不得語。

夏日閑居

惘惘南風拂面吹，齊紈蕲簟正當時。鷄穿叢莽爭餘粒，雀踏殘陽颺斷枝。世事不堪閑處看，人情信有坦途危。晨來昏霧宵來月，却笑陰晴口數移。

七月二日夜坐

細葛清紗稱體柔，匡床笛簟小窗幽。山銜初月林陰轉，風送輕雷雨意收。瓶鉢便如僧結夏，文書且與馬籠頭。近來佳興憑誰會，漸厭吳吟愛蜀謳。

山中薄暮，秧歌聲四起。

旭初書詢近況，漫成即簡

閉關自喜久沉冥，清絕心知故未經。松下涼暉飄鶴氣，岩端飛瀑帶龍腥。衣冠可委身非隱，書素相存眼乍青。聞道說詩探妙理，空山片石靜能聽。

簡劉禹生

平生任俠薄儒冠，老去文章世所看。已喚孔楊是兒輩，更教屈宋作衙官。篋中詩史陽秋在，衣上征塵酒淚殘。却向巴山聽夜雨，杜陵茅屋不勝寒。

晨起

微風微霧有無間，雲似元人淺絳山。
欲驗夜來新雨過，陰崖細瀑尚潺潺。

雁蕩朱氏詠莪堂（二首）

異論爭傳物寄瓶，劬勞詩詠更誰聽。
主人家世宏儒行，欲挽狂瀾講孝經。
豺虎干戈久去鄉，湫龍長護讀書堂。
五經盡發中郎秘，應有庭前帶草香。

碩公有貴筑之行，書寄

經年聚處幾相歡，一舍真同萬里看。
今日崎嶇復言別，異時邂逅定非難。
亂山細路愁疲馬，冷雨高雲矯倦翰。
倘過經巢問遺著，知應料檢到叢殘。

枕上

西蜀南徐嘆轉蓬，十年彈指太匆匆。
白頭欹枕殘燈畔，依舊秋風響萬蟲。

壬申在潤州有
醒聞變屋萬蟲

喧之句，今
十年矣。

得逢一海上書，有懷

流浪平生慣去鄉，書來端欲觸離腸。青莼紫蟹尋常醉，叢桂黃花次第香。少日襟期應共惜，貧交風誼重難忘。羈栖五載空皮骨，礪齒猶堪啖蜀薑。

夜起

月黯星稀夜已分，秋來殘暑尚絪縕。清霜避汝堅牢物，帳外輕雷有聚蚊。

德兒遠適衡陽，湘北告警，念之成夢，起紀以詩

卅年撫汝作男兒，垂老分携故所悲。巴水夢回蛩語夜，衡峰秋晚雁來時。倉黃兵火知安適，沉滯音書每欲疑。去日布裙滿風雪，歸應風雪暖生肌。女去歲行時，余詩有布裙風雪之語。

中秋書感

坐看秋燠似春陽，林葉微黃未隕霜。栖歔餘糧知歲好，留燈小炷答更長。漫言鼻吸醋三斗，且可身支粟一囊。略有愁心寄新雁，雲天南去是衡湘。德兒將歸省未至。

中秋夜月（二首）

霏霏林際烟，泠泠松間露。望遠或未能，細書且著句。
月色入懷袖，若爲我所專。莫復照下方，下方多高眠。

讀樊榭詩集（二首）

身微才秀參軍亞，繪水雕山謝客吟。微恨幽纖如少過，欲將詞筆寫詩心。
越角吳頭著此身，棕鞋久謝帝京塵。梨花雪後酴醾雪，總覺江南最可人。

晨起口占（六首）

山川便如畫稿，端居漸覺秋深。未見郭熙風雪，先展李成寒林。

漫書（二首）

參軍才秀惜身微，寂寞當時故所宜。却笑劍南工自詭，無人愛處始爲詩。
樹身潭影澹能妍，十字吟成閱歲年。自是臞仙山澤語，底須浪向世間傳。

尹默見示「山居」「短籬」二集，漫題即寄（二首）

簿書久已甘粗使，詩卷何由到腐儒。霧季關河最淒黯，蟲鄉日月強支梧。諫官人自疏還往，句律誰堪效步趨。佇待誠齋成十集，未須厭蜀便思吳。

容齋隨筆：「居豪諫者爲人所疏。」

多君勃窣爲理窟，顧我謇吃無宮商。白雲閑閑自舒卷，春柳濯濯生容光。時賢下筆輒萬首，拙女臨機慚七襄。更了劍南一公案，清泉初月試評量。

秋夜讀尹默詩，遂作

一從秋意入山家，便覺清淒每夜加。作病已多拋酒盞，翻書稍久落燈花。黃柑綠橘知時價，瘦蝶寒蠶了物華。欲遣漫漫開醒眼，龍團新試建州茶。

尹默見示和章，再用原韵

才近重陽風雨橫，旋看頭鬢雪霜加。山泉錯落初歸澗，野菊淒涼也吐花。平世猶應成寂寞，餘生豈復炫才華。衡量得失知安取，薄酒何妨且勝茶。

三懷詩

宿將如退士，蕭然瓶鉢身。觀心空諸相，閉口向時人。雲路還飛錫，征衣暫浣塵。山

齋一尊酒，話舊最情親。姚雨平

一病蹢躅甚，因知世路非。清詞宗片玉，麗句失玄暉。磨盾依戎幕，傳經得祖衣。妻

孥仍別郡，獨客已忘歸。汪旭初

名并菰中士，才同稷下賢。劇談時卜夜，小坐便移年。珠履三千客，東吳萬里船。南

徐舊游伴，老眼飽烽烟。尹碩公

乞綺雲作巴山秋雨圖，遂題

巴山已無蛇，猶爲百蟲聚。君子竄草萊，豈免蟲爲伍。木虱上緣須，麥蚊潛刺股。蜘蛛人如錢，螳螂奮其斧。蠅螟落簾幃，胡蜂窺牖戶。蒼蠅最可惡，更有食蠅虎。周遭備百毒，倉卒難抵禦。往往罹噬攻，茹痛色如土。君子喟然興，蟲乎我語汝。城市我所居，陂澤汝所圉。我今來爲客，遂與汝狎處。齧齧出本性，非汝故相侮。敢言事埽除，但計可安撫。平生老畏事，願各寧其宇。遠徙我未能，相忘汝其許。暫容庇一椽，稍稍命儔侶。瓦盆傾茅柴，圍坐聽秋雨。

雜詩（二十四首）

一雨快決渠，門前泥浩蕩。比屋不可呼，身已落盆盎。莫騰鴻六尺，安問屐幾綱。折旋一室中，嶽崎萬里想。平生百不展，褊淺誰見廣。窮陰有銷時，容我曳藜杖。

嘉賓狡獪流，揮斥工作劇。既辦百萬資，遂起戴公宅。精整如官舍，中着隱淪客。緬想輒匿笑，真隱當割席。未遣纓絨情，兼慕泉石癖。眼中何紛紛，華屋在山澤。

倉廩粟如珠，不以飾冠帔。彝鼎稀世珍，不中作食器。從知世間物，乃以無用貴。長夜銅槃專，涼秋笛簟避。爲用復有時，非時故宜棄。棄置逾益高，胡爲嘆憔悴。

初晴日杲杲，霜風忽颯然。蕭瑟鳴壑松，崩騰吹澗泉。墮葉不至地，飛蓬遂上天。搖搖岩間草，獨得根株全。向陽半黃青，共我明窗前。物微故可感，板蕩誰自堅。

盤龍湛空明，不照有真性。鑢錙能截玉，不割銛在刃。躍冶金非祥，絕塵馬乃病。多足嘆蟹躁，頰尾憐魚競。已知無用用，方念不勝勝。我其游於虛，超然無悔吝。

伏波游二帝，說客獨見禮。孤立梁寶間，終忤貴人旨。發憤急事功，但耻死床第。晚節彌可哀，蕙苒叢謗毀。知賢誠亦難，況乃全終始。豈徒笑子陽，區區居井底。

迫冬日晷短，晝夜各居半。日出事遂生，連環不可斷。截之以晦夜，快若弛其擔。脫履各上床，勞生暫區判。客夢復紛然，悲愉一枕亂。覺夢更迭陳，終爲不了漢。

閑踪人誰覺，襜被行人市。陶園別經時，微見垣墉境。拉攏視崇樓，豈復中綵彩。危欄猶及遠，輕命恣一倚。罇陋事補苴，暫蔽亦可喜。寫酒祝棟梁，言者倘無罪。

介甫笑道原，讀到漢八年。泥經不據史，所見焉免偏。斷爛譏春秋，猖狂遂放言。字學尤穿鑿，溯流昧其源。托古實自怙，更張乃紛然。暮年逃虛空，一壑猶思專。

韓公諍撤簾，富公實未與。子瞻議免役，亦與涑水忤。賢者有異同，造次損雅度。同

歸恨殊遠，一致奈百慮。何況彼滔滔，腹心相抵牾。至道在常言，終身惟一恕。

入冬已數日，山氣逾凜烈。晴暉稍煦人，不貸風砭骨。凍蠅猶弄脚，饑雀遂卷舌。籬間十月花，枝葉殊瑣屑。寒香照白草，耿耿忘時節。既好何論遲，聊可銷中熱。

少時喜歸文，簡約何多感。爲詩規兩宋，刻意頗慘澹。老來了無奇，思苦語益淺。朋儕謬見與，乃謂近微婉。評騭世有公，冒竊我豈敢。或者厭猩駝，顧用甘茶荈。

無風獨活搖，出水石脾濕。物性任自己，初不移外人。云何士不戒，習染亡其質。洪爐鑄萬彙，變易在呼吸。丈夫有本根，波靡看山立。規壁隨方圓，笑謝非所及。

去日未爲多，卅年在一念。夢回欹枕尋，飄瞥劇過電。譬如溫故書，百遍讀不厭。人生有哀樂，事往皆可戀。羈人嘆久淹，觸眼已生倦。歸去思而今，豈免心緒繼。

朝糜不沃腸，夕酒不熱耳。取之蓋至廉，暫得頗以喜。汪君非藝人，充然古君子。村醪薄於糜，顧何必芳醴。思飲即一觴，不爾便須止。我獨嘆其言，爲能盡飲理。

崇桃與積李，綺炫在晝夜。門前老青樹，一色無冬夏。偃蹇坡陀間，意不近臺榭。長松伐爲薪，細竹編作架。閑置或交嗤，寧識天所赦。晴檐搖滿葉，碧玉自無價。

自我入山來，再見蘆頭白。避人聊半隱，尚恨對殘客。胡塵阻歸計，無處問田宅。微官殊可笑，勉強循繩尺。謀道道安在，爲貧貧過昔。敢謝同國憂，筋力猶堪役。

秋風思季鷹，鱸魚實以冬。急湍通湧潮，發發映寒空。登盤膾玉雪，臘酒時一中。嘉陵魚亦美，曠絕不可逢。細瘦兩三尾，珍與鰓額同。何年秀塘橋，舉網隨鄰翁。

竹深處中茶，醉白池邊酒。風流逸已遠，零落幾耆耇。劫火蕩連甍，壞墻走顧鼠。頗聞西門街，空欄無賈守。姜張各健在，頽然亦老叟。何當重款門，更喜杯在手。

永叔不論文，顧好譚吏治。豈徒懲自炫，功言本無二。從政不建文，子固頗蒙議。老嗤一行謬，抱牘真作吏。丹黃廢詩書，朱墨檢判例。相知慎勿笑，此自古人事。

霧雨冒寒林，霏霏無朝暮。複室地壚紅，輕烟亦成霧。一物異炎涼，孰能言其故。屢笠自凌兢，帷幕饒溫煦。人生本偶然，欣戚隨所遇。我固幸我遭，壚邊且著句。

善易不言易，管輅語頗峻。後來盛清談，狼藉義無剩。塵尾滿飯中，頗嫌太紛競。世風變逾下，口舌憑決勝，喙長不知疲，手重毋乃病。失笑今世間，何多陸餘慶。

禮行忠信薄，古人論殊高。變禮乃用法，禁約多例條。世衰徒文具，三加真弁髦。網疏漏吞舟，竊鉤無所逃。要當務施教，反樸銷澆洩。救僿文亦敝，尚忠端不桃。

旬月一出山，衝寒聊習步。平生閱世意，獨付門前路。茗寮試小憩，日色淡將暮。閑心無適莫，宴坐看來去。有生本如寄，休問歸何處。林邊下晚鴉，未必栖故樹。

有感於陳簡齋窗明窗暗之句，漫成

晚開瘴霧得新晴，晨見陽暉雨旋冥。一世窗明窗暗裏，幾人雙鬢未凋青。

頌酒

頌酒殊無賴，裁詩亦費才。胡床坐還起，書卷闔仍開。戲鴨呼群去，歸鴉識樹來。物生俱有托，拄杖一徘徊。

飲席似同坐

草草杯盤盡一歡，茫茫來日更知難。棄材無惜輸鷄肋，俊味能求重馬肝。林月鬚髯人影淡，澗泉洑漚酒波寒。醉中但欲遺身世，誰信膏騰有萬端。

陸玄南挽詩

詠黃子，年三十餘，抗日戰中就義南京。

慷慨非恒有，從容更過人。甘心游羿彀，苦志泣江神。碧灑臺邊雨，紅凋白下春。終看完大節，所痛訣衰親。易姓同張祿，忘情豈太真。氣還吞逆虜，義不帝殘秦。遜抗綿先德，楊方合比鄰。青山埋骨久，白髮感時新。入蜀思懷橘，歸吳肯爲莼。無窮家國恨，淚眼黯胡塵。

得施蟄存長汀書，却寄

勞勞水驛與山程，聽雨裁書見故情。老息交游成獨學，生同臭味肯相輕。鄉心魚市應

初雪，客況榕城更阻兵。他日從君辦歸計，袖詩無吝款柴荆。

十二月九日書事

天外狂飊欲撼山，海中陰火竟潛然。兵氛直欲生靈盡，陽氣終當金石穿。跋浪鯨鯢應膽縷，破空鷹隼恰聯翩。從來得道原多助，幅湊風同豈有偏。

渝市喜晤行嚴先生，賦呈

廖廓回翔未定居，又携行卷上安車。圍城玉貌春常在，閱世高樓意自徐。急景晚寒疑欲霰，疏燈小市且呼魚。山居昨過成閑憶，鼠迹微侵滿架書。

壽繩先

三茅閣橋數椽屋，春風燒海波搖綠。虎頭燕領口往來，中有羊裙美如玉。耳不聞管與弦，目不識釵與鈿。一燈午夜非逃禪，膝痕着榻真當穿。雄譚四座箭鋒起，君獨無言笑彈指。出門籠袖莫與偕，宴然一室妻孥喜。我少如君酷能狂，衆中一舉累十觴。醉挾吳姬叱駿馬，意氣飆發不可當。攬裾海島天蒼茫，傳書飛電遙相望。此時與君始相結，安得奮翅投君旁。白門邂逅復十載，十載茫茫事如海。鏡歌却換市中簫，章服稍看頭上綬。九衢杖策徘徊，酒人散盡黃壚在。今來滄海更揚塵，城郭山川潑眼新。不信干戈能送老，肯因

杯炙便求人。夷吾雖見尊前馬，汲黯方教嘆積薪。浮沉如我蟲食夢，魏闕朱門迹如掃。暫分官舍作山鄰，宇宙之間兩窮鳥。莫言富貴須年少，今日視君殊未老。輕衫小袖冶春華，比似諸郎應更姣。鰥生遠愧周公謹，伯符齊年匝月小。半生蹭蹬百不如，一事過君頭白早。

靜石灣即事（二首）

官舍從橫似列棋，眼中綽約見疏籬。此間別有閑生理，對案分箋口門詩。

尹默近作有門詩之語。

此生稍已倦津梁，丈室真成卧佛場。閑過春風一百口，便如汲黯領淮陽。

旭初卧疾，云明春可起。

風霾竟日，漫成

風若爲賓客，時來叩我門。崩騰翻澗谷，淒黯失朝昏。寒入殘年意，聲驚倦客魂。藏身幸有所，稍喜地爐溫。

雜詩（二首）

屢月戒飲酒，作意屏狂藥。百憂欺獨醒，不奈懷抱惡。故人見其然，稍勸近杯酌。一觴既已傾，快若囚解縛。涼寒資解說，酣暢誰禁約。宿醒且扶頭，午睡真軟脚。平生本酒人，肯將杜康薄。病來聊欲止，身健猶堪釀。止酒往成詩，進酒近有作。於德非二三，閑

趣偶所着。惟愁力易盡，醒眼終爲虐。杜老誠知言，歡娛更蕭索。

山中口轉促，又見歲曆盡。蕭然百無辦，惟聽沸茶鼎。旬來頗耽酒，此夕更暫屏。三萬六千刻。棄擲在俄頃。聊復愛須臾，未可付酩酊。寒月已滿地，疏星亦耿耿。忍寒出戶看，松栝意俱靜。明朝一年始，更喜開晴景。

尹默居屢徙，橫流誰得安。雋語聊自嘲，襤被爲應官。授簡數枚叔，了事夫豈難。焉須具章服，媿促從班聯。山居既斷手，短籬復葺編。袖中銜詩本，翩然來陶園。侵晨聞叩關，衝寒謁新年。主人驚起笑，拱揖衣裾翻。意子昨守歲，得句燈花妍。錄稿不待明，火急相傳觀。恨未解子帶，鏗然落佳篇。

山居、短籬，均尹默近著詩集名。

金剛坡（四首）

余居金剛坡山中，崗巒回薄，竹樹茂密，每有勝處，率無名稱，因取常所憩游可樂者，輒爲名而詠之。

戲鴨陂

群山擁荒陂，竊然見遠勢。冬枯猶蓄水，群鴨時下戲。便教雙鳥化，終作堤邊睡。

冷翠徑

密篠交亂松，岩氣相與冥。時聞落子響，復見翠羽停。夕陽不逢人，屐印誰此經。

雲霧海

晨霧彌山腰，一白成銀海。便疑航舶通，未信岡經改。少焉終烟消，田廬故宛在。

匯碧澗

洄沿百步流，澗畔時散策。清淺少魚蝦，晶瑩見沙石。時有雙白鵝，翩然下寒碧。

讀梅歐集有感，簡錢經宇

歐公畫舫誰頻過，惟有宣城每曳裾。供食每留圓鯽待，和詩喜得紫毫書。沉沉歲事春猶寂，落落寒盟迹任疏。慚愧望衡偏恃易，未將門狀到前除。

游北碕還，寄陳丈漱六

二年居北碕，不踏縉雲土。別寄仰止懷，蒼然顏貌古。春風能風人，胡必藉言語。茲來如得歸，無恙瞻堂廡。聯茵暫繼綬，別意已先貯。芳時恰一經，穠華謝零雨。獨看百尺

松，峨峨閱寒暑。登樓念昨歡，介壽缺清醕。吳歌聊將誠，剖簡試聽取。尊公丈人行，未敢相爾汝。

五十初度，旭初尹默鑄城洪父達五諸君以詩見貽，漫賦奉謝五十韵

一九四二年作

日月真不居，五十忽已至。疏慵出本性，老更耽閑味。少年事萬端，一一付棄置。蠹魚穿殘編，結習尚文字。望洋輒三嘆，豈敢矜腹笥。舍是即友朋，惓惓入夢寐。常期奉談笑，時復托末契。宦情未能無，苟祿非素志。山水亦娛人，寓目聊適意。揭來遭禍亂，宇內嗟鼎沸。播遷落窮鄉，寸步百憂悸。居然歷寒燠，饘粥亦僅濟。毛髮久凋零，肌骨辛支厲。功名愧黑頭，臣質惜瑩鼻。何圖多賞音，相視收危涕。寄庵九經師，從戎偶游戲。論詞第一手，詩文抑其次。仲子人如詩，澹雅饒深致。胸中無不有，百口美書勢。鑄老六十四，瘦骨撐傲氣，燈下臨石經，小楷極古媚。洪父共硯席，相劇以道義。話舊感我懷，卅載劇電逝。英英數王生，斯才可經世。詩歌亦間作，囊底出餘智。氣類不求多，得一已足意。況其備五君，誰謂知稀貴。微官雖自笑，相重非名位。卧游本自足，矧乃共游藝。猥寵我降辰，篇章賁鉅麗。溢辭詎宜承，蒲菹或偏嗜。重蒙意懇款，于此見風誼。豈須集衣冠，焉用拜牢饌。德音如醇醪，欲飲心先醉。平生不諱窮，潦倒及晚計。劇誇多文富，燦爛集佳製。十年前此日，南徐參幕議。賓僚亦小集，坐落金焦翠。維時值淮災，吳甸苦焦

悴。今遂舞蛟鯢，橫流遍大地。臨觴不忍飲，免脫殊自異。鄉園污腥膻，墳墓缺埽祭。百罹此云極，四顧安所寄。關西辱見收，簪筆更與試。坐慚邱壑材，未稱門墻置。晚學猶炳燭，自娛且破睡。文章思益澀，細謹難橫恣。齒增才欲盡，性拙世所啞。徒冀報瓊投，曷足珍敝篲。獨持繼絕情，相葆在寒歲。

壽尹默六十

南人北客啓宗風，南學昌明在北雍。一自落南尊老宿，仍從知北溯游踪。書爭虞褚應無敵，詩取楊陳肯自封。長我十年合師事，每持寸莛叩洪鐘。

林庚白挽章（二首）

人世異途轍，忘情斷簡書。誰知離亂際，未覺故人疏。狂奮談天口，悲回窮路車。南飛遂不反，此恨定何如。

少小燕臺路，空餘二子名。卅年成老宿，再面盡平生。花鳥春猶到，干戈夢亦驚。巴山炊黍地，淒絕隔幽明。

病起（二首）

病起翻教百感侵，藥烟花氣伴微吟。園林爛漫經春意，檐溜淒清昨夜心。晴雨及時應

不惡，溫寒無準故難禁。老來無復閑情思，猶對江流一往深。

乍暖輕寒一枕中，游絲飛絮總濛濛。未交梅子黃時雨，先受桐花凍日風。糜粥屏除腸不滓，塵埃掃盡室真空。病緣近道非虛語，藥裏關心欲課功。

感春（三首）

四時代謝無留行，春光獨發萬物情。蜂喧鳥哢花爛漫，各逞妍巧來相爭。粉蝶翩躚亦自好，芳茵十里芊綿晴。譬如淑世盛才彥，下至一技皆自鳴。又如文章出妙手，竭才盡思焉可輕。化工一氣極鼓蕩，萬竅安得闕其聲。我生老病百不事，奮飛頗欲窮滄瀛。激湍峻嶺縱復橫，馬煩車殆難爲程。東西南北不可去，意氣感激何由平。

渝州地燠時序迫，春風煦人如暫客。少焉命駕去無踪，真見栖栖不暖席。有時狂怒風墮瓦，或者愁淫雨漂麥。三旬難得一日好，况復駸駸晝成夕。芳辰易過不足悲，未過人生亦多役。夜游秉燭徒自調，挾冊亡羊豈長策。

一年三萬六千刻，一日亦復備四時。春生秋殺自慣見，朝氣蓬勃夕氣悲。於茲數刻爲一季，日日得之夫奚疑。朝菌蟪蛄俱老壽，百年鼎鼎同此期。壯夫意志不枯朽，經歷剝蝕彌英奇。便如桃李花雖盡，垂垂結實能滿枝。浮華刊落底用嘆，此事本不繫渴饑。盈筐堆筍足世用，豈藉顏色爲研媠。

題施蟄存武夷行卷二首

務觀南天躡屐來，山如嵩少水邛崃，俊游却得施郎繼，咳唾風雷第二回。
多生曾得江湖樂，紙上烟波亦眼明。生長水鄉原已足，憐渠更作萬山行。

酒坐聞少蘇談中一、瞿庵往事，感賦

觴詠湖山二十年，一時人物渺風烟。孫登老去惟工嘯，子敬亡來久絕弦。泉路猶應悲末劫，後生誰復省陳編。坐中剩有逋仙在，散策雲峰雪滿顛。

雨中書所見

無限風絲更雨絲，襜褕雙羽有安危。不知世上無乾土，苦欲將身過別枝。

不寐

薄暮微醒轉廢眠，笑將茗碗代觥船。風流頗復思前輩，意興何緣似少年。松影四山專夜色，蛙聲兩部咽繁弦。殘星旋隱雲陰滿，獨倚崔巍一仰天。

夜宿望龍門水步作

久失洄沿樂，誰憐躑躅勞。市聲萬籟合，夜色一星高。蜀道天難問，吳船夢已遙。長江故無恙，滿意作風濤。

漫成

窃窃簾波度小風，沉沉日影轉青桐。預因夏盡愁飄葉，已許秋來聽斷鴻。文叔直柔聊自許，次公狂醒定誰同。爐薰欲燼茶烟歇，人在微慵半睡中。

暑旱彌月，立秋前二日得雨霑足，遂書

晴雲冉冉高當頭，漲空惟有烟塵浮。稻畦龜坼蔬豆死，石泉涸絕沙穢留。懶龍酣眠鞭不起，金烏吐焰三萬里。誰能力挽天河流，天上桔槔不可求。先生畏暑如畏虎，槃礴解衣不出戶。曉窗稍喜霧掩山，不救驕陽燥亭午。時聞蚊雷繞帷簾，敢望汗雨收絺紵。一夕涼意生微風，疾雷激電俄隆隆。陰雲欲合仍未合，雲背猶作魚尾紅。初聽浙瀝不成點，作意矜持看電閃。慘淡終知造化功，褊心自覺丈夫淺。夜中湛灑意始狂，亂飛銀箭穿我床。排江決河真一快，夢回雲海天茫茫。茅椽滲漉自常事，天與水厄安所避。抱衾移枕就一乾，頓教頃刻炎涼異。不雨祈雨雨復愁，暑毒灼膚方眊秋。秋至百物苦慘悴，夢想顛倒何時休。

但使旱禾秀發，年穀賤如水，一任旁風上雨、依舊擊壤歌優游。

姚味辛將軍出示近詩，即贈

一酌金尊倚薄醺，已涼庭院正秋分。偶因好客還開徑，暫撥憂時且論文。高格欲窺天咫尺，微言徐埽世紛紜。山居便覺無詩思，五字長城每憶君。

蔣仲翔

汝正

自滬寄示集劍南詩抒懷之作，讀罷遂題

久識江湖有偉人，巍然嶽聲仰冠巾。憂時竟作東陽瘦，抗節何妨原憲貧。交舊漸稀猶古誼，鄉園已近更傷神。白頭雅似龜堂老，暖眼陳編味轉新。

姜粟香以六十生日宴客攝影見寄，皆鄉人也，爲題一詩

尺幅岡真萬里傳，苦摩病眼對郵箋。朋尊小集猶前日，鄉井難忘況暮年。欲滌湖山淨塵垢，好投簪紱伴林泉。橋南倘有如川酒，便擬壚頭日醉眠。

蜂蝶（二首）

拂曉衙參有定時，股沾清露采香歸。何如花底娉婷者，但向東風炫舞衣。
蜂勤蝶逸關天性，都在春風鼓盪中。未必粉衣徒外耀，敢矜蜜劑有微功。

寄懷大壯

山雨如絲鎮日垂，念君輦轂見塵飛。高樓詞意花連苑，短榻禪心鼠啗幃。老向書叢愁目顯，偶來人海覺身微。齊年我更輸玄鬢，青鏡真看萬事非。

文物

文物江山過眼新，微生真欲老風塵。疑年海內郵書遍，識面尊前感慨頻。但覺逢場猶故我，誰知閱世是陳人。干戈豺虎何時盡，好向承平早乞身。

懷抱

懷抱真應一笑寬，肯將客況上眉端。儲瓶脫粟焉能罄，掩胥單衣亦僅完。孫女聊堪同駭戲，老妻時復話艱難。毚肩斗酒猶豪舉，不似先生苜蓿盤。

外孫女楊周原方四歲

泓一上人李叔同挽章（四首）

海角驚初見，堂堂三十翁。侂侂饑似鶴，超忽意猶龍。世味俄然盡，凡言一掃空。入山真恨早，橫舍歇宗風。

孤迥西湖月，流輝到衲衣。寫經猿入定，施食鳥忘機。苦行寒能忍，時名識已稀。獨

聞宏戒律，此意豈終微。

南社論名彥，風雲道未孤。範張知勁節，華管有殊途。結駟高車去，誅茅一鉢俱。禪然映冰雪，先後兩浮屠。曼殊叔同均隸籍南社。

少賦高軒過，曾叨湘管書。文章有真契，踪迹任長疏。雁蕩兵氛外，巴江夜雨餘。雲歸無覓處，吟罷獨愁予。

沈君甸風雨一廬圖（二首）

江水無如別意長，故園松菊恐全荒。不須更憶鱸魚膾，燈火青熒話對床。北馬南船幾度曾，巫山巫峽更清靈。年年何處無風雨，留取茅庵盡日聽。

許玄谷獨樹山房圖，兼懷漱滌諸老

古木叢篁自宛然，眼前舊事已雲烟。試尋石鼎煎茶處，閑數風帆下水船。酒譜經綸真大敵，印人意趣有餘妍。山中諸老聞長健，想見吟懷勝昨年。

寄大壯（二首）

上值分曹比屋時，冷歡却憶覆深卮。酒悲端在頻叉手，詩誤真堪一解頤。退士自甘高閣束，微官終愧北山移。傷春傷別非吾事，祇辦蕭騷似牧之。

借瑣耗奇故不奇，看從澹定寄深悲。詩才頗以詞名掩，酒德何傷世法宜。龍性難馴傳好鍛，鳳城同隱托觀棋。沿溪未勒須椽筆，一笑銕前刊印時。

雜詩（二首）

鄉味蕪鱸溢齒津，老來懷土更情真。
橫街鴨臠長橋粥，愁絕吳船萬里人。
樓外沉陰欲雪天，霜燈清絕伴華顛。
何人能奪詩窗席，鐵筆金尊過一年。

常立窗下與譚詩，因目爲詩窗。

歲大壯所居前窗，尹默諸君

贈楊別士（二首）

斫地高歌一問天，錦裘玉貌故翩翩。
推排玄鬢成耆宿，彈指人間三十年。
向來子野好清歌，曲罷頻聞喚奈何。
見說尊前猶顧誤，當年同坐已無多。

夜大風寒甚，戲成（二首）

浩浩霜風嘯遠林，敝裘如水夜蕭森。
爐邊縮手秦駝坐，多愧平生避熱心。
少感飛騰意未殘，老支皮骨忍深寒。
不須和雪成高卧，且付人間作冷官。

壬午歲除贈漆鑄城，時漆將告歸

江海羈人有舊廬，朔風慄慄欲脂車。一寒至此春焉往，萬事難言歲又除。頭白仍爲繞樹鳥，尾禴誰念逆流魚。贏金何似傳經好，歸課諸孫莫廢書。

癸未元月二日大風雪，僚友會飲有作

連嶺漫岡一白開，玉鱗萬斛帶春來。雄風已掃千林葉，廣坐真宜百罰杯。有歲微開田父語，登高終愧大夫才。江山無際皆吾宇，振旅何時聽峽雷。

右任院長頻餉食物，賦詩誌謝（三首）

西域蒲桃紫，戎州荔子紅。晶盤分俊味，翠顆出筠籠。沁齒寒香重，流膏蜜理融。了知宜渴肺，却愧賦才工。甘肅香水梨

南國相思子，西來色味殊。開緘疑舍利，入饌佐伊蒲。鐵樹曾留質，丹砂自起枯。解推知略分，飯罷發顏朱。陝西紅豆

已識醍醐味，況看截玉同。膏煎渾不盡，脂潤有殊功。解凍寒猶勁，和甘理可通。肥濃非所忌，麥飯共秋菘。西康乳油。

囊粟

重霧沉陰晝已昏，寒鴉脫葉晚猶翻。平生萬事輸囊粟，何計懸車更閉門。

山谷間有木本小花，黃英白跗，土人謂之夢花，戲作小詩

春色原如夢，非緣開落殊。虬枝自蟠屈，粉朵亦清姝。入道黃絕淡，書空湘管粗。石瓶留供養，差勝委菰蒲。

即目（二首）

鵲引枯枝燕繞梁，綢繆都爲結巢忙。晚鴉亦有閑生理，但向檐端噪夕陽。薄暖輕寒未卸棉，梨花欲綻晚晴天。山崖水角春消息，都付幽人一惘然。

歸棹和大壯

長憶蘭芬抵酒濃，尊前語笑駐歡悰。新來惘惘吾安適，古有栖栖世莫容。去國五噫輸自得，叩門三仲倘相從。滄江歲晚成閑卧，魏闕關心聽曉鐘。

偶讀杜詩世亂鬱鬱久爲客，路難悠悠常傍人之句，慨然有作

世亂路難兼久客，客中六度見春來。游絲飛絮日正午，紫蝶黃蜂花盛開。腹有園蔬羊未蹴，瓶無儲粟鼠空回。粗繒大布生涯在，却笑春衣待剪裁。

偕目寒訪旭初於三聖宮，別後却寄，并示王葆齋

山紅澗碧過清明，閑試枯藤十里程。真見竹深留客處，時聞石罅沸茶聲。絕編老子仍談易，解甲將軍罷論兵。歸路懷人最無賴，桐花落盡峭寒生。

重五書感，時頻得鄂西大捷之報

漸覺南薰拂鬢疏，綵絲角黍訂盤初。一甌花露能忘酒，四壁驕陽但曝書。羈客頻教驚節物，浮生久已信舟車。浦江清水同聞捷，喜極翻看涕在裾。

贈李印泉

白髮籌邊矍鑠翁，甲兵十萬貯胸中。曾看木瀆雲藏壑，復對峨眉翠埽空。江海卅年憂國淚，熊羆百輩樹人功。蒲輪元老親迎日，天際回翔下晚風。

潺湲

宵深樺燭淚初乾，雨歇蟲聲却便繁。道眼觀人無醒醉，春風着物有溫寒。了知拄頰真吾法，且可將心與汝安。剩欲濁清問泉水，山窗橫枕聽潺湲。

碩公自貴陽寄示近詩，賦此爲答

君詩如佳墨，黝黝生古香。又如佳茶薺，躁者不得嘗。近來山川助詩力，黔蜀回翔健羽翼。日成嘉陵水，心悅縉雲雲，老筆回幹堪千鈞。得間一出黔靈道，山鳥山花皆夙好。頗聞旬月一入城，想見清言盡傾倒。與君爲別三載餘，函來字字蒼虬珠。直與半山爭理窟，頗笑范陸徒清娛。鰕生才力本非壯，勁翮高鶩詎敢望。倘教意境付詩評，微尚平生在閑曠。赤手袒馬巢經巢，縱橫萬里真嫖姚。知君聲歎與相接，一掃萬古隨風飄。

姚昧辛見示哭弟詩，和作（二首）

武功詩哭弟，奇淚忽縱橫。春草池塘夢，秋風獨雁聲。曰歸緣奉母，暫別遽辭兄。家國俱多難，長吟意未平。

窮陰匝旬日，愁絕誦君詩。家報艱黃耳，門才失白眉。連床歸有夢，分手見無期。更恨情難盡，紛論五色絲。

專壑

專壑平生計未成，空山仕隱兩難名。當門松竹晝無暑，堆案簿書官有程。王式不來孤盛世，魏舒便去愧高情。虛堂雨過泉飛處，却憶鷗波是舊盟。

初寒

大火西流略已殘，清商應節感初寒。不成穿縞憐強弩，但見回風有退翰。覆轍相尋天亦倦，連鷄作勢事尤難。紛紛會待驚飈起，報與林間一葉看。

寄懷亞子桂林（四首）

老至成飄泊，書來慰闊疏。賃春高志在，接浙遠游初。乍奮遷溟翼，旋驅叱馭車。驚濤兼峻坂，歷盡似安居。

雅意聞歌擅，何須顧誤能。陽關三疊曲，夜雨十年燈。花月春無限，冰霜語有棱。韜精豈荒宴，流俗莫相憎。

社事張幾復，南天處士星。吳江容獨秀，京口問中冷。雙洞涵靈異，重湖望杳冥。貽書從正則，殘醉爲君醒。

客邸依叢桂，征驂得小休。奚囊搜俊語，皂帽接風流。感逝新聞笛，傷高獨倚樓。衣

塵且莫浣，來賞劍門秋。

閑意

巖氣綿綿白，墟烟往往青。瓶花欹晚艷，壚篆散微馨。密樹寒通月，疏燈遠綴星。秋蛩休訴怨，閑坐祇閑聽。

題張大千溥心畬合作黃山手卷

高齋肅肅來秋風，尺幅勢已江山窮。微茫帆樹映湍瀑，山脊頗見霜楓紅。誰與作者張與溥，南能北秀皆宗工。黃山得名以古松，往往岩壑蟠髯龍。興酣落筆出象外，得意不取形貌同。我於黃山未識面，却緣展卷如扶筇。尻輪神馬遍天下，何必身造大都峰。

饑鶴

素翰丹頂栖籬落，瘦影伶仃無所托，幾曾洞壑伴沉冥，更謝雲天舉遼廓。不飛不鳴世已賤，豈止東方嘲俯噉。西成盡刈野無粒，泥潦漫天難着脚。麤糲本無乘軒志，稟賦況於祿料薄。枯腸咽露足平生，乃復低摧同燕雀。秋陰十日風雨惡，江自茫茫山漠漠。梅邊松下去何時，會有高人尋舊約。

秋雨（三首）

晝晦山腰重霧合，宵明樹杪百泉翻。
已教片刻分寒燠，更遣當前失曉昏。
嘉穀已收根任槁，商飈乍發樹終零。
無功最是秋來雨，但付幽人倚枕聽。
坐看飄瞥能騎月，起視風霾尚滿天。
却似吳中梅雨候，烏蓬愁滴太湖船。

歌樂山雜詩（四首）

一角山樓俯夕陽，樓前雲海接微茫。
我來試覓趺跏處，止欠蒲龕一炷香。

彌漫，坐間聞
山寺晚鐘。

楊婿寓樓三楹，
前臨空曠，晨霧

奧曠雄奇入夢魂，素書詩卷篋中存。
去蘇餘恨慳三見，善卷張公與闕園。

李印泉居蘇州小土山
闕園，亦未一見。

往儲南強要游宜
興二洞，未果。注

金石搜羅盡秘珍，內王外霸見經綸。
無端更起天涯感，開卷時時遇故人。

讀李印泉曲
石詩錄。

老子今嗟龍不見，遼東更有鶴歸來。
東南蒼舊垂垂盡，鷄絮難申孺子哀。

張仲仁陳漱六先
後卒於陪都。

山洞官邸謁右公，命酒止宿，遂呈

山墅雍容半日閑，却聞四海問加餐。
巡畦萸菊禁秋好，出屋松梧過雨寒。
話舊卅年詩史在，懷人今夕酒腸寬。
秦黃張晁難軒輊，齊向蘇門奉敦盤。

爲目寒題峨嵋手卷

莫道峨嵋遠，迢迢萬里程。發心終得至，凡事但須行。洞壑閑中話，烟巒紙上生。慚余無勝具，空托卧游名。

獨往

嚴霜皓皓夜漫漫，舉首空知天地寬。寥落朋尊悲末契，蹉跎頭鬢老微官。寒心體酒渾閑語，暖眼陳編亦強歡。便擬窮山成獨往，可憐迫近溷衣冠。

題嘉興金敬淵問源昆仲感事詩卷

咸同兵亂人才起，武略文辭成兩美。方看籌筆埽欃槍，便見奎輝照江水。誰與健者主敦盤，落落東南惟數子。越縵堂高古會稽，重黎寐叟得名齊。三吳更有金江范，淒惻孤吟和鼓聲。祖宋桃唐始一變，千秋於此開生面。夷藥番瓜盡入詩，文言盡俗今誰見。金君秩秩文雅宗，河東三鳳栖青桐。皋比獨擁儒林盛，尊俎人推海國雄。長公溫雅真儒者，青袍布襪淪山下。庖丁解牛悟養生，緣督爲經餘可舍。郵筒示我感事詩，烽火弦歌自陶寫。百年劫運不同時，魁傑英髦兩見之。看君卓犖迫衰沈，上溯小長蘆釣師。都門薄游慕耆老，君家舅氏真人表。曾爲文舉詣李膺，頗荷茂宏呼次道。兵馬司街赫橋東，聯茵接席時從容。

知君酷似何無忌，語笑猶存長者風。

陶園坐雨

霜重南臺晝不溫，微陽井底雨昏昏。人如禿穎中書老，世有饑烏廩粟尊。衣上栖霞初未浣，袖中縮手欲無言。東山何似丹陽尹，慣見名流祝保存。

聞姜粟香^{世綏}卒於松江，感賦（三首）

藿食憂時老益堅，祇將窮命敵時賢。酒人家世三千石，童稚情親四十年。黨籍有名誰復省，素風無忝子能傳。墓門一慟他年事，松檟蕭蕭何處阡。

餘年相守念君存，亂定歸來得款門。豈意流亡淹歲久，終成死別獨聲吞。瓦全斯世寧非福，蓬轉平生未有根。他日艱虞知更亟，却教子立向誰言。

賢兄置酒鱖鱸肥，健婦持家羨織機。舊事猶堪今日憶，他鄉更覺故人稀。腥風毳帳烏安止，劫火頽垣燕不歸。歸日重尋通德里，應知城郭已全非。

贈袁道冲^{榮史}

鴻飛雪盡苦追尋，自別中郎歲月深。一擊滄溟成荏苒，重逢巴剎嘆消沉。極言豈謂謀能用，多難寧辭老見侵。行卷百篇緘熱淚，廣陵斜日有遺音。

贈沈能五

我謁先公如子年，子來過我我霜顏。平生風誼今無足，異日薪傳事豈然。華屋山邱同歷劫，明燈客館記張筵。故鄉文物灰飛盡，振起猶堪待後賢。

一雨

一雨能歡萬衆心，養花更仗得清陰。天公豈是無分別，惡木還教長滿林。

右任院長六十六齡生朝（四首）

國老尊黃髮，中天耀德星。艱劬卅年事，剝復一身經。興發青神驛，題留綠水亭。酒酣庭舊什，湜籍在門庭。

治道通文運，儒林仰鉅公。精誠排世難，遐邇一宗工。呼籲宣民意，歌吟壯國風。即論當日事，在野亦元功。

江介烽烟定，南畿景運開。兩回提日月，一笑動風雷。詩酒存寒友，賓僚盡逸才。吟筇隨野艇，真爲看山來。

賤子少年日，詩狂不可禁。左丞一吟賞，清渭至今深。灑落風雲契，低徊夙昔心。藤蘿依偉干，雲壑共森森。

句曲

僚底平生鬢已皤，鐘鳴漏盡更如何。蕭蕭疲馬不知止，杳杳冥鴻焉用羅。引分故應安寂寞，效忠寧復計磋跎。挂冠神武真難事，句曲松風獨嘯歌。

論詩寄陳仲陶（四首）

意境能從澹處探，知教啖橄得回甘。貪多愛好皆詩病，却笑朱王苦未諳。
郊爲北宋開生面，歐讓東坡出一頭。我獨情深推拗相，昏昏燈火話綢繆。
楊劉而後歐梅出，具體蘇黃得二陳。取譬丹青工畫苑，却將淺絳付元人。
傳法爭誇得祖衣，不留一法法安施。便教赤手騎祖馬，玉勒金羈空爾爲。

暫至城中金敬淵

問源

爲設食，招陳仲陶同坐譚詩。別後書寄，兼似仲陶

向來趣城市，蹭蹭不三宿。此行如有戀，未忍脂我轂。淹留將及旬，殷拳果誰屬。玉人紉芳蘭，不必在空谷。飯我假名庖，紛綸具水陸。厭飫匪以味，清言相往復。樓前接江流，春靜江逾綠。坐久意無盡，翻疑日晷促。歸來若未別，溫醇恍在目。重尋敢告勞，一笑撫雙足。

獨行（二首）

獨行獨坐無言說，山鳥山花意最親。
著我倪迂圖畫里，蕭寥邱壑不逢人。
敬容殘客押難盡，庾亮污塵障未休。
淨几明窗方丈室，獨無人處得冥搜。

驟暖

驟暖初思單夾衣，微慵更喜款關稀。
舍邊偃蹇不材木。解帶量來可幾圍。

五月八日夜，大風驟寒

飛沙挾石意難平，却聽崩騰萬壑聲。
廣漠自來誰可馭，殘春已去若爲情。
坐思猛士邊能捍，稍慰勞農雨又成。
閨寂山林長鬱鬱，憑渠作氣一縱橫。

不辨

不辨晴鳩與雨鳩，茅檐晨夕颭如秋。
山埋宿霧猶爭出，水落荒陂更亂流。
客路送人多作郡，世緣隨地有監州。
暮年專壑平生事，車馬紛來一笑休。

余髫齡家居。偶得劍南詩鈔，特喜誦之。數十年間詩格屢變，獨於陸詩篤好如故。頃復攬其篇章，感念往昔，悵然有作（二首）

庭空月白記兒時，蠹簡塵封手自披。四十年來身萬里，風檐猶展劍南詩。
數椽老屋枕溪開，夜靜涼螢上露臺。剩有青燈餘味在，背人少壯不重回。

雨中作

屋角鵲鳩終日語，日色瞳瞳穿碧樹。山風徐起涼逼衣，便見長空滿烟雨。庭中紫薇才着葉，細枝酣飽如人俯。月季妖紅漸欲褪，秋羅影薄花微吐。萱草叢生隨意綠，蕉心齊放因風舉。信知生意足萬物，逞態爭妍窮媚嫵。蓬蒿自長莫町畦，蜂蝶紛來無齟齬。我生曠蕩隨所適，即事欣然失羈旅。棕鞋桐帽久安便，蛙鼓鶯簧皆律呂。不須更爲風雨愁，閑看老農理蔬圃。

村居漫興，和旭初

稍識荒寒趣，山居春復秋。舉頭驚語鳥，浮鼻過歸牛。烟窰陰崖樹，波迷遠渚鷗。滿天熟梅雨，不獨是蘇州。

五月二十九日作，時將移居

老病不任事，神形益支離。自觀猶可厭，豈免騰嘲譏。顧忝大官粟，一介知不遺。營茆安爾孥，給帛資爾衣。濩落一身外，何者非榮施。國家正攘夷，七八年於茲。士卒苦暴露，道路多饑疲。軍興及百政，挹注勞度支。更煩養士類，盤餐竭民脂。念之芒在背，忽良不怡。暫當躬力役，筋骸嗟久衰。身心無一效，奚以酬斯貽。在分合溝壑，轉徙詎非宜。行李憩官舍，寢處如其私。日月亦已積，決去殊恨遲。敢懷爭墩念，聊與襍被期。途窮天地窄，惘惘安所之。

閑詠二首

各自劬生理，交親一飯難。客來愁下榻，病起憚加餐。桎梏胡天地，籠笊失羽翰。結交豪貴在，我道合形單。

綠暗窗前葉，紅疏雨後枝。墮書知睡美，捐扇亦時宜。鼠迹真當埽，蟲鄉未可嬉。安知天下事，且理小茅茨。

觀物底須嘆，誰能盡物情。犬宜終夜卧，鷄有失晨鳴。海外魚濡沫，花間鳥勸耕。不齊原至論。亦各遂其生。

六月十三日歸金剛坡官舍

朝來一雨洗車塵，歸及戎葵弄色新。忍事幾曾心浩浩，避人長自走踈踈。羽書猶急傳烽遠，芻粟方艱發廩頻。聞向西京起韓國，佇看驄馬導蒲輪。

聞金松岑天翻卒

老應與世疏，矧於離亂際。流亡逾七載，舉目邈夙契。索居念師友，有作多感逝。鶴望起松陵，才筆最宏麗。九流供炊爨，百氏窮揉躋。清羸真鶴立，聽取烟霄唳。平生疏曠懷，泛若舟不繫。好游每自詫，五岳在階砌。山程兼水驛，乘興隨所詣。當年宴虎邱，紅梅如火齊。歡然始定交，臭味畢一世。比來苦避兵，煮字成晚計。沉憂集萬刃，交發不汝貰。尚冀海外謠，傳聞尚未諦。冥憶金閨門，愴淚已難制。

漫成四首

爭墩專壑日皇皇，却借瞿曇作退藏。何似東坡渾不省，眼前四大是禪床。
紙窗竹屋雨潺潺，懸瀑飛泉并作寒。想象茅龕如舴艋，橫流滄海好同看。
已入勝春淺夏時，薄棉未卸尚難支。燈前一笑吾猶幸，正讀遺山寒苦詩。
鴨棚鷄栖共短檐，鳴聲破曉即紛然。驚回一枕關山夢，更落烟波笠澤船。

夜讀遺山詩，喜其暫往西張一首。

錢雲鶴挽詩（四首）

矩矱仇唐自有真，爭教橐筆溷風塵。平生雅似藍田叔，幾復名流半故人。
肺肝垂老更槎枒，吐壁何須護碧紗。乞得渭川千畝在，不妨堅卧老烟霞。
分手金焦兩點烟，伯先園畔晚晴天。十年流轉巴江路，却對賢郎一泫然。
征衫猶浣酒痕多，萬劫滄桑瞥眼過。他日歸帆經歇浦，黃公壚下遡山河。

君武五十生朝

百罹不能怒，轉面作喜笑。狄兄故解人，一語破道妙。譬如科樞筭，順受豈須校。少
撓期未減，倍杖益呼噪。餘生老憂患，於此見同調。典記盛詞翰，議法中竅要。雖饒山林
姿，斯才合廊廟。平頭剛五十，玄髮儼年少。耄壽詎足云，知兄德彌劬。

微醉

林風震撼不妨眠，赤日流金亦宴然。閑聽山蟬吟抱葉，忽驚水鳥起穿烟。及時單複貧
何害，隨分蠶鹽老益堅。舉步看人三十載，却於微醉得大全。

雜詩（四首）

老樹高柯迴入雲，樵蘇斤斧日相存。殷勤語與樵蘇者，慎莫揮斤及本根。樹蕙滋蘭一畝陰，清霜肅肅便相侵。漫山蕭艾偏無恙，不省天公愛物心。紅鶴啼號白鶴飛，相看同類不相違。松間誦取荆公語，一樣仙禽有是非。設伏蛛絲能結網，聚訟蚊陣已成雷。老夫猶自蟲鄉住，懷抱何時得好開。

山中寓齋題壁（二首）

當門山色眼常青，繞榻松風意共冥。暫庇敢存華屋念，得居仍愧草堂靈。榮枯一葉秋先覺，盈缺千番月久經。若許他年覓鴻爪，還應曳杖叩巖扃。

敢比高材老更剛，獨憐寒碧對修篁。疆嚴并已慚元禮，疑謗何曾有孝章。遮眼蟻書心早倦，鳴秋蛩語夜初涼。書囊藥笈粗能辦，病乞閑身倘未妨。

小年讀詩，即嗜陸劍南篇什積數十年。平生樂閑曠，安貧窶，退而自足，蓋有深慕于翁者。比歲遷流東川，忝關中于公賓僚之末，或者以爲亦略似翁參石湖幕府也。景止前賢，豈敢攀附，緬懷芳躅，聊紀小詩云爾

早歲疏狂負壯圖，老來句律轉清腴。幕官頽放誰能擬，府主恢宏世亦無。蜀道偶然尋

轍迹，齊紈敢望畫形模。具區烟水平生足，不向官家乞鏡湖。

病瘡閑坐，信筆遣懷（四首）

內熱何曾夢飲冰，新來秋館苦餘蒸。已知偃蹇胡床便，始信扶持筇竹能。
小坐瓶花爐篆間，真安筆硯對溪山。人生倚伏君知否，不病何緣得此閑。
微雨蕭蕭竹篠風，燕談安得素心同。年來自是羈孤慣，咫尺蘇端懶復通。
子房納履遇黃石，元亮題詩憶狗屠。付與儒門收拾住，不妨身世落菰蘆。

見旭初懷陶遺詩，因題。

集白石詩，寄旭初北碚

髮已星星帶已寬，

竹友爲徐南卿作。

可憐投老客長安。

臨安旅邸答蘇虞叟。

如今漸覺知心少，

竹友第二首。

自琢春詞翦

燭看。

除夜白石湖歸苕溪。

閑感

蕉砌響秋語，松壚起定薰。愁懷桐葉落，禪意木樨聞。閑澹了無事，知恬不可分。寒螿兼晚蟀，竟夕漫紛紛。

漫題

漫思玉宇與瓊樓，碧落清輝總是愁。天亦多才賦常景，欲將風雨作中秋。

夜坐

痴雲不散雨浪浪，晝晦真疑夜更長。底遣深山成大澤，試從古井問微陽。心緣境起原無着，謗與名隨已兩忘。兀對一燈誰共語，却聽風葉響空廊。

積雨兼旬，短述（八首）

久雨槐生耳，頻年茅蓋頭。濛濛檐織縠，霰霰月藏鉤。
瘦竹起寒色，疏花委廢畦。風原無所住，雲自盡情低。
上山石崎嶇，下山潦沮洳。崎嶇猶可行，沮洳不可步。
一山復一山，山山冒霧間。不知赤文豹，何似鹿麕斑。
瑟縮莎棚旁，天囚孰解縛。跼汝縱汝去，松石矯獨鶴。
玄鵲晨噪檐，黃鸝午啼戶。一聲喚雨鳩，百羽不得語。
東家穿茅屋，西家傾篋墻。前山貴游宅，鴛瓦覆雕梁。
小窗暗復明，濕雲散更起。窗中澹詭人，解屣誦秋水。

蒼一鷗，盤旋檐廊下，驅之不去。

人生思少日（四首）

索居感舊，拉雜成吟，用漸西村人集中語發端。

人生思少日，樂事直窮年。水閣家家酒，神祠處處絃。谷陽門外寺，古浦蕩中船。喚起幾園老，新詩萬口傳。

人生思少日，難忘北雍時。嗜酒貧無禪，耽詩真掇皮。龍墀青瑪腦，鴛瓦碧琉璃。風撼景山樹，還將短髮吹。

人生思少日，白下與吳趨。抗手應劉輩，招邀簫筑徒。江山相映發，文酒足清娛。猶愧逃禪者，蒲龕坐欲枯。

人生思少日，日口海南春。蕉實長逾尺，椰漿甘沁唇。華燈蠻舞好，珠箔戰塵新。未試屠鯨手，空噴卅六鱗。

觀身

觀身如芭蕉，觀心如石火。塵塵剎剎間，何者乃名我。微雨坡陀勃率行，小風簾幕囊駝坐。如淵藏劍氣騰騰，似玉出柙光磋磋。尻輪神馬萬里周，蟲臂鼠肝一笑可。偶撝小極病緣督，不信忘履乃因跛。依然文酒氣縱橫，莫厭簿書叢細碎。平生恬智識交安，挺幹蓄銛真勁筍。

亞子見過不相值，君武書來言之。賦此代簡

先生落南一萬里，携家今泊津南村。聞道疏髯映玉頰，却如支遁游朱門。霜燈一片星所聚，石磴千盤雨又昏。剩饒麟脯斟鳳醕，世事茫茫誰與論。

曉起漫書

甲申十一月二十一日作

曙光欲動窗櫺色，乍晦俄看色如墨。堆盤蠟淚燭花微，餘焰斗作光輝輝。窮力盡氣供一擲，殘燼乞留已無策。豈知霽景八方開，雄鷄一聲天下白。將明暫暗不足懼，堅忍但當澄百慮。垂枯忽耀乃足悲，搖紅照席終無時。細推物理有如此，老夫清坐頻拈髭。

楚儉力子招集江蘇同鄉會，爲民國日報創刊卅周年紀念，并謀復刊。作
寄楚儉，并似同坐（五首）

黃浦江邊百鍊人，七星崗下九秋身。不愁風鶴晨昏警，但覺雲龍笑語親。一酌生朝感今昔，卅年世變雜新陳。賞奇鬥詭情何限，此事還須問手民。

己卯楚儉生朝，會飲于其龍
驤子寓齋，大醉竟夕。

一祖開山衍幾宗，潮音海上振洪鐘。黃梅法乳存衣鉢，鸞嶺威儀見象龍。蜀紙已收新史料，吳船長憶舊吟踪。太湖老桂天香在，笳鼓歸時更駐筇。

楚儉稱于醫公爲老祖。醫公游吳中
歸時詩有老桂花開天下香之句。

茗雪英靈日月光，遺容褒鄂自堂堂。曾看半壁東南振，更覺西湖烟水香。千載來岑有

餘恨，一時咸籍井非常。當年上將揮神筆，殘沈猶酣翰墨場。

英士先烈首創本報，果夫先生亦曾助勸其事。

曉風殘月山東路，往事能談今亦稀。歷歷平生誰得喻，寥寥我輩不相違。鵝窗酒盡

箸亂，蠹簡塵封淚墨微。地下顧錢應念此，一卮酌汝待東歸。

山東路即望平街館址。顧尹甫、錢病鶴舊同事先後下世者。

鵝鳳橫空各翥翎，獨憐鐵羽向南溟。幾年陵谷人間改，一笑風雷世外聽。文酒久教成

跌宕，江湖未許便沉冥。山中活計君應羨，自繞松根斷伏苓。

余于民七年離館赴星洲，主國民日報編輯事。鵝鳳謂倦鶴小鳳，倦鶴，

匪石筆名，小鳳，楚伯筆名也。

雨後作雪，晚望

嶺樹昏昏暝色催，疏燈巷陌轉車雷。浮沉簿領身今老，槃礴尊罍意自哀。微雪祇應添短鬢，愁霖且與濕枯荄。栖鴉宿鷺荒寒甚，更忍饑鴻作陣來。

雜詠（二首）

林巒朝日看冲鳥，淑浦微冰聽喝魚。忽覺小年情味在，鷄聲一枕夢回初。

余鄉畜鳥者，晨間携至荒野試啼，謂

之冲鳥。余家鄰魚行，冬日破曉即聞喝賣聲，謂之喝魚。此皆四十年前所聞見也。

雪壓烟籠一萬株，奇寒頗與向來殊。上津橋畔聞鵲客，識得南來地氣無。

邵康節津橋聞鵲，謂天下將亂，地氣自南

而北。渝州比歲嚴寒，頗有北方氣象，意者地氣自北趨南，天下將治之兆歟。

哀鄒窺鏡

鴻賓，湖州人

我適鬼方彌月留，時維盛夏疑已秋。翩然傳舍驚邂逅，我艤君駕初不謀。呼魚把酒聊送日，行不相謀止相得。周妻何肉解溷人，多愧時艱安藿食。翦燭窗前琢小詞，輕陰西北雨如絲。斜風吹斷憑誰續，惆悵危欄共倚時。秋來飛鴻社日燕，草草頻年不相見。却傳壇坫唱酬新，未信干戈文字賤。晨棋一局夕一燈，枯坐想對山嶙峋。忽聞覲化得真覺，欲通問訊知無因。羈人感逝多淒淚，盈川孤吟步兵醉。十年塵夢憶揚州，夜話聯床初避地。君與余同官潤州，壬申倭亂，避地揚州，同寓一夕而別。戊寅又相遇于貴鎮，凡月餘，過從尤密。

劉禹老七秩（二首）

松門逸籟柏臺霜，并作騷人氣鬱蒼。儒術漢家傳七略，史才唐代重三長。當筵厨顧車投轄，走壁龍蛇字有芒。更待收京還祝嘏，鍾山布席海添觴。

八儒三墨任咿嚶，一老能談大九州。實錄已成堯本紀，清言應壓晉名流。南樓風月鄉心在，玉壘烟雲倦眼收。身是金仙笑銅狄，問渠曾閱幾春秋。

漫興（二首）

搖落江山獨醉中，髭霜鬢雪久成翁。漫矜寂寞存微尚，真嘆蹉跎效小忠。挾策亡羊知

失計，搏沙作飯定何功。一家流轉君休笑，猶得燈前絮語同。

廢畦積水浸枯荻，時有歸鴉照影來。窗暗微妨書細字，壚深聊復撥寒灰。轅駒局促天何意，木雁荒唐老不才。世事乘除誰了得，頻年觀物祇堪哀。

題馬元放歸漢記

嚼雪吞氈未足奇，前猱後玃備艱危。身經陸相懸弧地，氣懾秦申攫國時。欲起忠魂訴肝膈，真回漢月照須眉。書成正待蘭臺采，信史流傳自不疑。

陸秀夫鹽城人。

寄喬大壯

韜精真比古沉冥，獨醉誰知是獨醒。酒長高情眼常白，詞多秋氣骨能青。釣竿詩卷掉頭去，玉瑄朱弦負手聽，薄暮路旁成邂逅。西風微嘆影伶俜。

戲作俳體（二首）

千古文章相亦皮，底須得失寸心知。段文昌出柳韓右，祖孝徵當徐庾師。鄰壤那堪嘲腐鼠，制辭初未失元龜。從來快語君應記，篆刻蟲雕有不爲。

曲檻重簾起穀瀾，虛堂窈窕晚多寒。未遑栽木成圖畫，頗見籠紗重達官。大道朱輪來透透，輕烟絳蠟散漫漫。故園東望胡塵滿，流落羈人一強歡。

甲申歲暮大雪，作寄汪寄庵（九首）

岩壑栖遲侶野僧，瓊樓玉宇夢何曾。今朝滿意游銀海，身在巴山最上層。
灞橋驢背太酸寒，學士煎茶亦強歡。箭似餓鴟弓霹靂，陰山獵罷雪堆鞍。
油衣鴛瓦計誰工，敕勒川邊雪意濃。差勝江南孱國主，臨春高閣看傳烽。
萬年一白兀嵯峨，虬柏龍松頂亦皤。夢到峨眉凌絕壁，陰崖古洞是行窩。
山坳處處積瓊瑤，眼顯初陽未旋消。一律遺蝗深入地，漫愁春雪祇飄蕭。
當年急雪灑輕裝，擊楫中流落日黃。不信老來寒澈骨，猶濡斑管借臺霜。
地壚灰冷夜淒清，絮被生綾睡未成。豈識健兒偏血熱，冰天躍馬鐵衣輕。
縛竹苦茅萬戶稠，雪深摧折直堪憂。我居雖陋猶完固，敢恨平時屋打頭。
汪子腹笥書五車，毫端仙人冰雪膚。詩老從來能白戰，試將禁體繼歐蘇。

所居金剛坡爲渝地最高處。

聞柳冀謀先生抵渝，尚未得見，日從報章讀其近詩，因作奉寄（四首）

此老淵淵無盡藏，來專一壑柏溪旁。霜花稻草暄妍日，更酌金尊壽孟光。
八年不見念髭須，萬卷蟠胸味自腴。雪後黃精猶可斷，雲中白鶴那能斂。
方志馮莊局屢開，碧山庵畔倚崔巍。從公曾泛江邊棹，不覺江聲暮轉雷。
南郊三寺夕陽明，感舊殊方共此情。流寓已看同版籍，戴公山下足平生。

契闊一首，用尹默韵 一九四五年

原作追懷黃晦聞劉季平。余於黃子未識面，獨與季平投分二十餘年，及其歿也，曾數爲詩哭之。茲誦沈詩，根觸夙昔，因用其韵。

晚看契闊愁相失，早憶襟期豈偶同。惻惻平生猶入夢，寥寥數子各成翁。百年欄檻迎秋雨，一葉亭皋下夕風。歸去應疑華表鶴，子遺誰可問遼東。

余祖明覓句圖（二首）

高吟林樾振清音，收取烟霞萬古心。不似徐州陳正字，空齋風雨閉門深。
紅蕉十丈華苗香，并作南州句律強。倘許相從問詩派，一卮先酌屈陳梁。

雜言 六首（九首）

寶氣金銀短夜，霜威騰隼高秋。好是彈蕉修竹，風傳西徼旄牛。
玉樹五雲漢闕，金城萬雉周京。杖捶一時戎偃，壺漿千里歡聲。
發篋丹黃爛漫，繞廬花竹便娟。獨抱古歡寤寐，有時危涕飄天。
老去披裘帶索，榆眠豆重誰探。榮期有三可樂，叔夜惟七不堪。
潤逼一簣微火，風翻滿架殘書。空自焙衣薰蠹，爭禁梅雨蕭疏。

窮巷長竿櫛鼻，華堂美炙牛心。邊笥真須日曝，鱖經却以酒淋。雨意蘊隆先積，雨聲澎湃如傾。已見蚊蠅奪氣，未妨蛙黾爭鳴。樹間轉黃栗留，烟外矯白苻鳩。翠羽山氓不識，翩然飛過芳洲。謹慎不如勇猛，孝友不如多財。賢者目指氣使，咳唾便作風雷。

夏夜大雨，口號（二首）

一決江河四壁穿，編茅萬戶廢宵眠。放翁老去空憂國，却道貧家似破船。北窗枕簟洗炎蒸，高閣飛樓歷幾層。豈識筆門無一可，晴愁日炙雨檣崩。油油千頃早苗滋，正是勞農喜雨時。願得家家飽藜粥，更教安穩結茅茨。

柏烈武將軍七十

淮泗助名百戰餘，近來墨突未安居。臨邊早却金鑄獻，憂國微看雪鬢疏。賓坐同傾千日酒，客星獨釣五溪魚。虎頭燕領原儒者，曾記高齋一曳裾。

讀史絕句（四首）

十萬舟師指石頭，提陶挽庾足綢繆。如何文酒稱名士，江左紛紛第一流。
編忿生心國事輕，維州棄信恨難平。藩籬撤盡爭門戶，太息頽風到晚明。

溫嶠

牛僧孺

相業全非心事違，老專一壑欲忘機。猶看詩格高天下，微雨鍾山獨自歸。
橋上鵲聲警陸沉，朝章謝病老山林。遂令高枕看兒戲，愁絕蒼儒世外心。
王安石
邵康節

楚儉六十一生朝飲席，歸賦呈（一九四五年）

神完有恃敵熊羆，記誦東坡介壽詩。天以鉅艱遺一老，晚師禹墨却千危。十年去國龍
雛長，百戰收京羽檄馳。吳甸諸峰應好在，爲公青上鬢邊絲。

磨盤山故居夜望

山圍江折聚樓臺，燈火繁星兩岸開。却憶當年如此夜，亂流一舸我初來。

秋感（四首）

遮眼梧簟亂綠陰，八年憂樂一江深。明燈清酒成今夕，語鳥啼猿盡好音。盛世抽簪知
有味，高歌彈鋏亦何心。秋風漫到龍山客，叢桂初香故可尋。

一紙除書四海知，驂騑爭道出新姿。真成衣綉行清晝，漫擬飄茵別故枝。作郡買臣馳
傳去，人間石慶下車遲。由來謹慎無如猛，敬梓恭桑倘善規。

漫捲詩書涕淚餘，底須長物壓歸車。帶牛佩犢民方困，問舍求田計總疏。芻豆本無千
里志，菰鱸好及九秋初。傾身障簾殊多事，幾納游山屐早儲。

踪迹何須問轉蓬，小留聊復爲輶筒。釣鰲豈意遮西口，回雁如聞向北風。已見明珠來日下，仍看天馬出湟中。腐儒意氣猶能健，閑索荆高一醉同。

游仙（四首）

西北神州杳靄中，王喬大藥壽方瞳。謾云豸虎分靈氣，但覺驂鸞厭疾風。日暖藍田曾種玉，波翻滄海欲歸鴻。散仙早得簪花法，小品黃庭字最工。

丹竈黃金漸化烟，看朱成碧自年年。淮王鷄犬移新宅，海市樓臺失故椽。眉嫵欲描先側帽，霓裳罷舞尚遺鈿。芙蓉舊主應無恙，莫爲天孫問聘錢。

休戀星冠侍上清，爭看飛鳥落蓬瀛。生天靈運人空許，縮地長房術未成。小宴沉酣千日酒，大羅仿佛五雲城。下看陵谷知何世，纔翦枯桑又棘荆。

往事分明誤局棋，兩奩黑白欲安施。愚公謾詡移山易，神女偏教解珮遲。銀漢有梁來已暮，靈風引舶到何期。仙家亦具滄桑恨，怕看揚塵再起時。

重九上清寺集，限韵成詩。呈右公并示同會

一勝拔千辛，江山增氣色。山城故自高，彌覺高無匹。雖高非出世，胞與念民物。安取古傳言，登以避瘧疾。寒空灑微雨，浮翳淨四域。聯翩來龍虎，屏從捐簪紱。畫舫比歐陽，聊復庖玄鯽。豈如瘴海上，蛙蛇亦強食。

東坡丙子重九詩，何以
稱一聯，鄙翁愧甚。

八年白雁飛，羈客念故國。東

籬不掩花，却作網竿立。心馳欲如何，淹留黔我突。逢辰領元老，選勝成此集。參簿盡俊流，高詠紛篇什。我窮似東野，鬢絲不堪織。敢擬杜陵翁，晚歲矜詩律。但當老縱酒，放歌嘻白日。明年復高會，鍾阜差前劣。風雅未遽衰，強健已可必。

覆雨

覆雨翻雲頃刻成，幾曾霑浹爲蒼生。牛車蹢躅泥塗裏，虛說人間重晚晴。

舒澤卿挽詩（二首）

芷江舒澤卿，早歲以明經官縣令，退隱有年矣。戊寅之春，余避亂過湘西，一見莫逆，主其家數月，晨夕談宴，雖平生故交不啻也。別後猶屢屬人問訊，兵連道阻，久遂不復相聞。頃朱君經農見告，澤卿以去年秋病卒。追念疇昔，哭之以詩。

略似遺山識寂通，相期快飲百觥空。流人差得安居樂，薄宦終存隱者風。偏地結廬心更遠，哀時投劾道真窮。龍津橋畔饒吟賞，剩欠芳辰一笑同。

客正月，君屢要游城外幽勝，輒以懶不果行。

鄉社猶能重老成，幽栖久已謝時名。醉人醇酒時投轄，送客芒鞋暫出城。遺墨今看疑隔世，寄書昔恨未休兵。東歸倘復經珂里，零落山邱百感生。

冬雷三首，和升默

急景凋年雨又風，半生人老歲寒中。誰憐積慘殊方久，却倚餘威一震同。井底陽舂猶汨沒，酒邊語笑謾英雄。窮冬足處呈荒穢，此日何堪起蟄蟲。

時世奔濤鬱怒雷，百年悵望重興哀。祇餘落日山邊盡，空負雄風海上來。黑白枯樗淹歲月，玄黃殘血委蒿萊。群陰仍作蚩尤霧，那許澄明霽景開。

柱折維傾了衆喧，祇應大義付微言。孤陽突起知陰盛，八表相看盡晝昏。避地年時成獨往，刺天日夕見群翻。從教古史占祥異，一姓紛紛豈足論。

哀薛原

松江人，字士芳。抗日戰爭中遊擊敵軍，被執不屈死。

松江有薛原，薛原豪杰士。以忘其生生，以志乎死死。紀元廿七載，歲戊寅之春。維余滯長沙，積雪埋車輪。有弟喜觀止，勞人各含辛。岸幘偉丈夫，闖然來叩門。瓠白七尺軀，一笑四坐溫。詢知故鄉里，脫賊餘子身。旅飯落屯溪，共載亡湘濱。其時國初破，慘淡天宇昏。流人聚如蟻，旦暮不自存。我生老逾迂，挾策隨朝敵。長吟晤鄰舍，豈恤甑有塵。蔣生亦踵至，畫具紛然陳。乳石可治印，花貌能寫真。君故饒雅懷，講論口生津。五日食花猪，十日膾紫鱗。烹炙出君手，不復思鱸莼。衆人岡一飽，厥事惟君勤。衆口各知味，厥責莫與分。以此卜大器，欣然無怨嗔。某夕戒裝纏，悄惻忽言別。爲言妻與子，棄

擲無消息。我雖罹國難，未至遽決絕。赴蹈必得之，耿耿腸中血。身雖落賊中，此手不揖賊。寒窗雪滿天，坐斃冷於鐵。天地有至情，鐵堅雪比潔。我老百不售，大義粗能知。簪筆入幕府，俯仰還隨時。七年坐看山，強言共艱危。其實無寸效，日費大官炊。頗聞君還鄉，殺賊賊不支。空拳奮奇襲，彈盡成繁羈。捐軀信堂堂，取義甘如飴。千鍾非世祿，四壁空卓錫。白屋受軍檄，身殉心不疑。誰謂百里奚，輕於五羊皮。丈夫報國意，計較無所施。知君城未盡，視君尤愧滋。敢竊一拜寵，覲顏爲君師。嗚呼！古井水，不如千年冰。蓼藍草，不如琅玕青。薛原豪杰士，百世詩是徵。

雜詩（四首）

人海浮沉意亦闌，歸來雲頂攬高寒。栖霞塵土粘襟酒，始識當時有暫歡。
黃鵠回翔思故林，江湖歲晚一沉吟。鄉書滿紙艱辛淚，老客難爲去住心。
黃櫨丹楓映碧漪，天教裝點草堂詩。江南未必宜栖隱，如此溪山却付誰。
一別修門卅四年，漫思駿馬刷幽燕。好看李杜掣鯨手，閑刺芙蓉北海船。

元日漫成（四首）

一九四六年元旦。乙酉十一月廿八日

比戶桃符入眼新，雨師先灑九衢塵。老夫猶有兒時意，暫借茶寮閱市人。
珠履華裾事亦闌，乘車何必到馮驩。山城一事真平等，爭看泥塗走達官。

猿鶴從來安薜蘿，雕籠玉檻欲如何。山人本不宜冠蓋，豈是朱門禮數多。
可鄰鐘鼓饗鸚鵡，黃鵠摩空意有餘。莫爲稻粱更回顧，江湖羅弋已恢疏。

恬養謄詩卷四

還都集 起一九四六年丙戌

訖一九四九年己丑春

雲間 姚錫鈞 鴻難著

一九四六年二月十五日飛機自渝還京作，分寄柳翼謀、沈尹默（二首）

漫向梅邊想戰塵，淮流照影入新春。自將天際回翔意，來作江頭蹢躅人。坊巷猶存聊感舊，酒壚重過獨傷神。時葉楚傖新逝龍潭老子應無恙，剩欲相從寂寞濱。寄柳

東歸無那鬢絲殘，綠漲淮流瑟瑟寒。準擬梁間棲燕易，却憐廬下賃春難。伶俜畫舫停閑步，歷亂春燈憶昨歡。離渝適逢燈節明燭裁詩子沈子，細書繭紙幾回看。寄沈

還都雜詩（六首）

敗瓦頽垣有燕歸，巷名猶是舊烏衣。江南父老誰相識，畦菜青青淡夕暉。見屋未得，假烏衣巷沈寓暫居。

秦淮依舊北流清，斫盡柔條野草生。却憶初堂明月夜，滿船簫鼓足歡聲。復成初堂舊址亦榛荆矣。

簿領沉迷事久諳，陳編聊欲恣閑探。王城如海身堪隱，試與安排老學庵。見屋未得

書味真勝酒味濃，寒窗繭紙課新功。坡陀犂确山間路，扶醉歸來一笑同。懷漆鑄城

奪席分經孰後先，圍爐閑話卅年前。青蔬白飯茅檐底，豪氣猶行藥玉船。懷曾洪父

湖海元龍氣漫豪，窮猿擇木事堪嘲。近來始信荆公語，問舍求田計最高。

寄答高一涵監使（二首）

天遣邊城馬角生，兩湖父老盼雙旌。知君西望隴頭樹，楊柳依依更有情。
黃鵠磯頭波浪深，西山九曲勝重尋。老來揮盡憂時淚，終識陶公百鍊金。

題黃葉樓遺稿（二首）

與劉季平先生交二十餘年，民元相見於滬上太平洋報社，民二三年間，各里居，時相過從。嘗聚飲松江酒家，君偶遺其束帶，明日復過曰，昔龔定庵與人劇談，輒飛其靴，人題其室曰定庵飛靴處，此則劉三解帶處也。相與大噱。民四五，君藝梅家園，鬻之滬市，余時過其居，劇飲夜談爲樂。其後余渡南洋，還寓秣陵，君北行，教授北雍，嗣移席南雍，中間曾長鎮江敏成學校，引余共事。民十六七年間，君來南京，主革命歷史博物館，復常得晤對。民二十年後，余移家鎮江，君入諫院。迨抗戰事起，消息阻隔。民二十七年，余在重慶閱報，則君已卒，諫院同人爲君集會追悼矣。西遷期中，余悼君之詩數章，存敝稿中。今得讀君遺詩，感不絕心，敬題二律，附識如此。時中華民國三十六年二月也。

却從豪宕見端嚴，書勢文心試合參。昔日酒人今略盡，暮年詩味我粗諳。滿樓風雨荒

三徑，舉世烽烟寄一龕。老作杜陵望收復，豈徒哀思賦江南。
從容閭里互經過，冷醉高吟有和歌。閉戶樹梅如種菜，引杯解帶比飛靴。卅年踪迹成
閑憶，百折堅貞自不磨。劫後遺編鬱光氣，華龍一角最嵯峨。

二月十五日，楚儉先生逝世一周年矣。愴懷夙昔，莫罄言辭，敬成二章，
即題其所著世徽樓詩集。

騰踔文壇四十年，疆圻密勿識才全。青雲不礙疏布樂，錯節能呈金石堅。一醉龍灘矜
舊侶，重臨吳甸感桑田。倉皇聞訃今經歲，風雨春來又滿天。

胸中肝肺忽槎枒，俊句雄姿自一家。偶對溪山安筆硯，每過園圃念桑麻。黃州酒醑長
江月，湖上梅留萬樹花。敬禮定文慚見許，尊前猶記鬥尖叉。

君居渝龍灘子時，生朝置酒，余飲醉，
大哭，後君語人謂爲知遇之感云。附記

簡碩公（二首）

老樹從容長醜枝，疏花着處更能奇。若憑畫境參詩理，妙手如君久得之。
揮霍胸中萬卷書，肯從字句下工夫。黔驢自覺無餘技，淺語拈來只自娛。

紀璋居滬山陰路文華別墅，寄之以詩（二首）

終朝眯目向千塵，清坐微憐水石妍。相對山陰道上客，蘭亭非復永和年。

爲憐客鬢拂塵沙，苦道吾家即汝家。黼黻承平何日事，墅名且自署文華。

丙戌冬月，前京師大學堂預科同學之在南京者，集於曬布廠汪國垣辟疆宅。

到開封曾繁昌

洪父

南京袁琦慶

叔韓

涇縣洪懷祖

思伯

新建胡先驥

步曾

與余

及辟疆凡六人。復邀番禺商藻亭世丈、武昌劉禹生先生、永新江毓麟

竹虛

同過。

辟疆具素箋，自藻亭世丈以次皆疏姓名里籍年歲於其上，談

宴極歡。改歲經月，余始成此篇，呈商劉兩先生，兼示同座。并由藻

亭世丈以寄雲亭師天津

江山文藻爭英發，磊落嶽崎人并出。彈指俄經四十年，昔日顏朱今鬢雪。青雲黃土不

須云，存者殘星拱孤月。憶余簞笈走京師，正是宣南春暮時。偶涉市樓隨履屐，口資斗酒

誦書詩。就中胡子

步曾

年最少，

石韞川藏潛照耀。八閩林五

庚白

天下奇，白眼高哦馬神廟。汪

辟疆

周公阜

挾策時往來，作畫研詩稱二妙。

曾三

洪父

袁三

叔韓

并清粹，江左洪生

思伯

尤玉貌。我

詩初賦嶺上梅，史衣王臘慚見推。

初學詩，作梅花嶺一律，詠史闕部事，頗爲辟疆稱可。

忽從宋骨參唐韻，海藏

集編

先開。

醒狂醉謬誰相假，酒陣歌場自喧囂。不成午夜事燈鷄，却共朝官競車馬。我師諄諄召與語，

任放披猖計殊下。賞其敏悟矜其昏，快牛尤當慎敗轡。春朝溫語許分俸，要須匝月不窺園。

截髮驅車西復東，頻聞祭酒罵狂童。籠收無棄真知我，甌墮能全始感公。一別修門如落葉，

清秋瀕洞看飄瞥。或登茵席或嘶風，相思剩有梁間月。今朝置酒復同過，執手何曾問窮達。

我師難弟穎濱僑，當年四海一子由。竭來三峽浮輕舟，王城坐隱無所求。撐胸典故貢父劉，高談大睨空九州。江右江生竹庵亦俊流，清言霏雪能相酬。尊前研箋疏姓氏，會散鍾山夕陽紫。歲星人望魯靈光，祇在天邊丁字水。

鳳九姑丈六十生朝，常州馮超然貽之以畫，時民國三十二年也，頃將付裝池，命鵜雛爲詩紀之

吾丈六旬壽，方當避地歸。慰情餘老屋，失喜看萊衣。藤古花猶發，泥新燕自飛。馮驩今妙手，落筆盡生機。

在渝時，尹默以「東川詩友合」語成詩，叙友朋文酒之盛，加以品藻。還都以來，踪迹稍疏，爰成此篇，仍以原句發端，寄尹默海上，兼眎旭初（二首）

東川詩友合，物外暫爲歡。地峻成高會，虛深坐冷官。人宜微雨過，書就短檠看。敢忘艱難意，當前路百盤。

東川詩友合，一散作蓬翻。松石虛相賞，車軒孰見存。通衢塵浩蕩，春雨夜潺湲。覓句陳無已，從來有閉門。

附和作

鵲雛自京寄詩，以東川詩友合爲發端，輒依體韵奉答 沈尹默

東川詩友合，各自數悲歡。道阻身爲客，時長影在官。江山仍有會，梅柳鎮相看。歷歷尋篇詠，明珠競玉盤。

東川詩友合，人夢蝶翩翩。青鬢堂堂改，心期往往存。杯停雲淡蕩，弦語水潺湲。楊柳春來訊，烏啼白下門。

將之松江，寄張叔通，琢成兩丈，并眎白蕉

乍寒乍暖漫紛紜，何去何來混見聞。海上仍爲煮字客，菰中舊有拜鵲文。橫流沉陸誰能挽，暮齒懷人意自勤。憑仗何郎足詩興，梅邊袖手欲從君。

白蕉寫似新詩，賦此却寄

危時陳力嘆霜顏，歸計難求受一塵。薄海騷騷此何世，中興吟望子能賢。流亡塞路從誰訴，憂樂關心只自煎。玉立青雲齒方壯，東山未許便高眠。

懷常任俠蔣阿仙二生

常生留印度講學，期二年，其行時與余相見重慶珊瑚壩機場，蔣生在貴州鎮遠師範，計亦當東返矣。

常生金石蔣丹青，違難相逢過洞庭。翔隼凌空天浩浩，揮毫落紙夜冥冥。亂離師友存風誼，寂寞篇章贈影形。滌水恒河兩羈客，幾時江上共揚舲。

題吳遇春詩稿

吳子狷者流，沉冥過半世。索居益自高，豈屑問生計。當日市隱樓，楊俞歡把臂。茗飲沃枯腸，得酒亦能醉。卅年資館穀，餐飯講經義。以暇理觴詠，緘口問時事。不圖海橫流，九州半騰沸。濁浪恣鯨翻，閑鷗定焉避。平生苦多病，蹙頞告憔悴。遂以病逃人，稔子明且智。篇章劇寒瘦，郊島意所寄。鍛錘費千哦，出手若平易。句中字字安，無復矜才氣。素琴有靜音，元酒乃至味。持此贊子詩，知稀逾可貴。

題沈天鶴殘灰集

海覆池枯事可哀，尚留佳句話殘灰。風流皮陸依然在，牢落青衫世外才。

寄懷王心織，王達五

馳驅英妙十年中，蜀水吳江兩轉蓬。文字寧爲斯世重，笑言當復幾時同。乍看微雨能蘇柳，却想餘寒近凍桐。

春晴兼月，宵來微雨，氣候轉寒，念蜀中三月驟寒，謂之桐花凍云。

海內干戈今未息，好留臂力事收功。

君鑄將歸松江，作此送之

旅食當春苦念歸，歸心祇爲老萊衣。行看舊燕尋巢至，已覺庭幃數月違。

小園

小園晴日柳初芽，聞說江梅亦已花。一暖一寒春未半，不須畹晚惜芳華。

戲簡辟彊

江山還我歸有廬，江船載得千箱書。拋書置酒一歡笑，展卷燃炬窮爬梳。彭澤先生出無車，黃塵漲天十丈衢。陂塘清淺才照眼，便覺城市如江湖。念我頭白無所娛，簿書堆案朝復晡。春風駘蕩呼不起，獨坐官舍誰相於。衝繁疲難子豈殊，丹鉛滿紙不告劬。紛紛落葉難盡埽，百城坐擁將何如。

題袁道冲松江懷古記

誰從洛下記名園，襟上難尋舊酒痕。無復疏籬收晚照，猶餘喬木兀盤根。卅年興廢池爲鑒，異代風流石可捫。欲把精廬供野逸，開軒盡日看鴉翻。

錢經宇^{智修}先生挽詩

文心句律彌精細，膽識能豪始見奇。介性不堪傍人熱，剛腸寧計合時宜。重來鍾阜登臨地，難續巴山唱和詩。却憶春燈泥滑滑，瀕行贈策耐長思。

寄王支林^{毓芳}于仲邃^{允鼎}松江（二首）

一齋不作東西屋，二士猶存嵇阮風。翰墨場中伏波老，揮毫渾似據鞍雄。
于郎灑落髭初白，王丈持頤意自閑。欲爲桃源指津路，閉門長日畫春山。

感興

黃浦灘邊舊賃夜，紫金山下老書傭。身微漫欲方明遠，祿厚終慚過曼容。天際雨雲猶
震霽，春來花木漸蒙龍。發書更動江湖興，柳澗烟波已盪胸。

道冲袁君又以青浦余山之行文一見示，中述峰柳之勝甚詳。

滬寧車中寄劉禹老，兼似伯欣居士

歲月堂堂去，江山冉冉春。平疇過雨綠，獨樹着花新。耆舊今猶仰，篇章老更醇。茶烟禪榻畔，歸日得相親。

車過蘇州作

烟凝遠岫雨涵空，風物江南自不同。萬頃湖光鷗滅沒，何人吹笛過垂虹。

過滬市追悼陳陶遺先生

仁者亦智者，窮理開前修。智者亦仁者，身先天下憂。夫子不世出，孤抱無與儔。寄心實方外，慮世乃爾周。墨有不黔突，孔有不暖席。杜陵詩之聖，奔走空皮骨。問子胡栖栖，畢生少安宅。晚年逾靜定，與世邈相隔。鬱鬱民物懷，并作腸中熱。柳下不辭卑，姬公不自高。抱關固可作，吐哺寧謂勞。江干駐車馬，荒徑叢蓬蒿。此中無揀擇，看子游逍遙。昨年我東歸，去滬念已熟。初春困夙疾，將夏戒大僕。嗟茲旬月遲，遺像悲到目。病深久枯瘦，意遠自清肅。今年復此來，春水漲新綠。驅車過廣衢，踽踽覺我獨。斯人誰得似，夜話難再續。推窗起徘徊，斜陽下鄰屋。

費潤泉

源深

要過其居，共飯，別後却寄。

少年冠佩出長安，綠酒朱弦罄一歡。亂世才名寧得路，潛夫心事強應官。雲間文派今誰起，市外桑麻地自寬。看取南華養生主，才捐尊罍便加餐。

同社姚君鳳石之歿，余方滯留渝州，莫申弔奠。頃過海上，從其邦人士飲席，得與君舅氏吹萬先生話舊，感念久之，成此追挽。

愚園社集臨江市，雜坐詩人兼猛士。中有長身皙且癯，鶴立過我尺有咫。和風濯濯扇春柳，不語能令四坐喜。捫胸潛氣乃如虹，欲與崇樓共雲起。

愚園樓名，南社雅集多在此。

君家張堰海之涯，

開國堂堂人民主，列鼎擁騶亦何取。拂衣長笑謝友朋，招我山中多桂樹。留溪一水久相於，黃石赤松欣作侶。閭里浮沉過廿載，身藏丘壑心湖海。龍馴只合老烟波，豹隱猶看鬱光采。風人溫厚泯怨悱，盛德鄉邦足模楷。十年厭逢倭寇亂，半壁忽看山河改。行吟澤畔獨傷時，收復江南需振凱。清蟬咽露終欲化，仙鶴橫空知不待。我來淞浦始哭君，酒邊感逝語親聞。歸程目極秦山路，出沒群峰掩暮雲。

呈陳景韓^冷世丈

飄襟曉雨綠重林，初識閑雲舊日心。閱世棋枯千劫過，憂時淚積一江深。夢我永嘆知關念，几杖相從肯見箴。人境結廬已清絕，回車惘惘欲抽簪。

民十八年，從先大人過公寓齋，荷勸勉甚至。

雪堂品硯圖，爲李中及題

雪堂落成在黃州，東坡之稱亦始此。摩挲硯石欲生冰，天下文章一滴水。

題于仲遜手抄改玉壺吳越紀游詩草

我少去鄉里，文獻未遑詳。頗聞嘉道間，風雅盛揄揚。玉壺擅繪事，妙手迫仇唐。詩詞殊少見，蟲管安能量。眼明有此帙，朱弦調清商。所錄鱗爪耳，婉約味逾長。于子故可人，細書襲奚囊。懷哉承平時，山水從相羊。

偕琢丈過叔建，即呈

管寧皂帽漫依違，仲蔚蓬蒿迹可逃。郭外小車穿徑至，海濱初日抱樓高。漸慵簪佩吾知老，堅謝津梁子亦勞。欲賦四愁共平子，應看吐語挹詩騷。

吳存甫姻丈重游泮水，徵詩

曾從德里接清襟，三徑蒼然花木深。老輩風裁知未替，名場跡迹得重尋。雍容猶記分經日，安樂頻傳擊壤吟。春至桃華牆萬仞，難窮鑽仰一生心。

題鄉賢徐孚遠

關公

先生遺扇

故國荆蛇淚，羈臣瘴海春。枕戈懷激烈，披棘事艱辛。氣誼存幾復，堅貞并夏陳。當時袖中物，期與障胡塵。

逍遙

是日，家人游玄武湖。

已秋願夏意何勞，是處春風足暮朝。開落雜花深淺色，送迎楊柳短長條。五洲一舸聊容與，白鶴朱霞亦久要。端信南華非僻典，開宗明義說逍遙。玄武湖中有五洲

徐正言學醫於鳳九姑丈，業成將去，師弟合攝一影，余爲題春風歸思四字，并系小詩

一水淵源通巨海，君家即在海之涯。登樓四望笏溪樹，無限春風桃李華。

四月七八兩日展先墓，追記（四首）

去國十年身萬里，孤兒頭白一歸來。無多親故看俱老，已盡松楸待再栽。閱市都非坊巷舊，入鄉稍見圃場開。相携杯酒墳鄰在，罷話桑麻話劫灰。

市尾橋頭望舊廬，先人於此長諸孤。當年竹馬看騰擲，今日鹽車尚道途。誓墓自知非逸少，壯門相許幾封胡。瀕河小立沉吟意，祇有清漪識故吾。

鄉社傷殘我所悲，更從身世痛恩私。少狂殊失承家望，遠去終辜大母慈。出後長支仍古意，難回衰白到兒時。平生飛動今餘幾，悶默原頭不自持。

逶迤十里貫城鄉，沙穢難通一葦航。不信吳兒狎濤浪，却看近事亦滄桑。扁舟待發烏啼曉，逆旅謀歸雁失行。斜日回橈破寒玉，看雲吟思落錢塘。

贈仁春學勤二生

豪俊沈潜各有成，燈前笑語話平生。重聽巴峽三秋雨，已慣滇南萬里行。一勺飲河聊自滿，十年樹木看交榮。他時車馬茅茨日，應共閑鷗證舊盟。

往來

往來日下復雲間，江上春殘又一年。故舊重逢傾笑語，一作「鄉里近游非汙漫」湖山新句忽流

傳。已幸觴詠菱洲曲，猶及筐籃櫻實圓。歸計未成留亦得，綠陰如幄坐翛然。

叔建寄示和遼字韵詩，賦此還寄

早傷斯世濁流橫，分付滄浪爲濯纓。老子婆娑有餘樂，平生趣向薄浮名。秋鴻社燕常千里，孤月長庚共五更。我亦江湖思自放，待君盤敦主鷗盟。

讀杜詩（三首）

野人曠蕩本無求，便擬蒼鷹歛下鞲。終是低徊念清渭，不成浩蕩沒閑鷗。
駿骨峻嶒世豈知，聊將羸病托神奇。杜陵垂涕中興日，題詠多傳畫馬詩。
小邑猶藏萬家室，開元盛日一咨嗟。於今原野蕭條極，但見雄都百萬家。

寒流

忽聞天上過寒流，三月江南暫作秋。浩蕩長風連朔漠，蕭寥淡日下林邱。終須膏雨霑阡陌，漫計衣裳倒葛裘。小待襟懷人晴曠，聽鷗夏木綠陰稠。

濮伯欣一乘來游白下，以所畫山水見貽，遂相與尋東園遺址，小憩白鷺洲，

清話移晷，旋將還常州，賦此贈行

別君祇益十年詩，念我能寬一日期。壁上烟雲看鬱翳，眼中名德嘆栖遲。游踪差覺城南熟，兵氣微憐世外知。相惜清歡宜水石，危闌疏柳話移時。

寄答沈瘦束其光見贈

煮字不療饑，坐窗令人瘦。觀君論詩作，所積良已厚。功深極爐錘，味永如醇酎。森
宰四十字，醞釀湖山秀。波光與嵐翠，往往繞懷袖。聞聲固相思，發緘抵良覩。更念望江
樓，當年成邂逅。

右任院長六十有九生朝

拍天春水彙巴池，幾度明漪映壽卮。在宮不忘萬里外，從公真覺十年遲。响湍應識江
湖意，披豁常存海嶽思。昨日八方歡一雨，待歌豐歲入新詞。

題張大千畫杏花蜀箋，即似仲少楣（二首）

百幅鸞箋出蜀州，却將春物付冥搜。小樓夜雨京華客，誰是江南第一流。

大千自題，用
元人「南朝自

此詩自體 第一
還應獨杏花 一語

吳江楓落客歸遲，澹月閑雲有所思。欲借一箋話平素，綠陰已及熟梅時。

江都卞孝萱乞詩娛親，作此贈之

霜筠雪柏歲寒時，烏鳥平生念母慈。澹泊儒門存至性，娛親惟有畫兼詩。

薄寒

薄寒昨夜雨侵帷，曉起園林綠意滋。坐想田疇翻麥浪，稍看桑柘入蠶時。萬方多難將焉放，一壑能專本素期。便擬繩床從管子，布襦單複與禁持。

讀尹默酌江月詞，更廣其意，反傷春爲願夏，依進退格

江南櫻筍已登盤，取次南薰破薄寒。雨柳平教添翠縷，風荷行見舉清圓。春歸夏至終長好，日淡雲輕政耐看。玄武湖波漾羅縠，待君來放米家船。

春暮思爲北湖之游，漫書

楊柳脩脩抱渚洲，湖陰菱芡綠回浮。坐窗已遣一春過，出郭猶思盡日游。搖兀小車仍趁市，周遭遠岫漫圍樓。平生自計宜邱壑，何似漣漪且放舟。

雜詩

日暖庭閑樹影重，明窗微度棟花風，先生詩思來何處，強半深居宴坐中。

贈馮心俠

四十年來老黨人，恰看翠葆染霜新。鮭嘲任昉何嫌少，米却胡奴不似貧。定有圖書供跌宕，漫從時俗問澆淳。一杯閑話滄桑了，總覺愁多酒未醇。

偶憶南徐舊游，即簡尹碩老

軒檻依岩上碧虛，明漪暖翠照幽居。平林雨迸頭番筍，細浪風翻合洛魚。江介履綦留迹在，方書汗簡出焚餘。何當更約尹山老，十丈紅酣看露葉。

雜詩（四首）

首夏清和得好晴，分秧時節雨還成，川原一綠連無際，愛聽家家布穀聲。紫筍朱櫻入饌餘，江風又見上當鮪。留連節物承平感，醞釀毫端未可無。猿窮所向無高木，魚淪頻看有動波。繞屋風雷兼雨橫，一燈明滅夜如何。海上扶搖舶艣風，驚雷急雨勢尤雄。陰霾應信須臾事，亭午終看日正中。

濮伯欣游太湖馬蹟山，以詩奉簡

新城貽上北方士，署名乃愛漁洋山。亦如菰中賦舟楫，跨馬不憚風沙寒。南艤北駕各有取，考風攬勝成往還。古人往往論南北，人才學術咸相關。要知神州本包并，文物啓發有後先。上開河洛下江海，沉雄懿美原天然。水深土厚俗樸茂，風妍日麗民清淳。但此亦僅舉大概，豈乏特起蒼頭軍。南徐北庾各樹幟，錯綜參伍數莫殫。北學如觀顯處月，南學如日窺牖間。此論慙恍出晉士，詎謂清激輸精專。湖山蘊秀句易就，原野曠浪搜剔難。或者吟思富南土，海藏持說我所安。因思騷人首屈子，李杜躑躅行江干。自宋以還更輩出，蘇黃范陸何磐磐。從來風氣所流播，山其所止行則川。方今四海成一匯，萬里庭戶常回旋。文化交融若流電，更論南北何有焉。君爲南士嘗北轅，據鞍餐麥亦有年。宜南夙稱人文藪，卓犖名字朝野喧。今來禪關偶栖止，贊公茅屋心所便。促裝忽有看山興，具區萬頃烟水寬。慚余疏質落塵俗，想望高躅難追攀。念君筇屐上巔頂，青瑤四面羅佩環。郵詩奉君博一噓，拙劣敢與漁洋班。

詠庭隅楓樹（二首）

嫩黃淺綠小扶疏，長樹濃陰不掩渠。他日詩人誇晚好，一天秋色醉霜餘。
砌下芳菲一兩叢，輕衫相對未方空。從來初夏勝春日，更許深秋見晚紅。

偶成

憂來端賴詩排遣，可用詩成更訴憂。時想盛平容曠蕩，稍從山水味清遒。細書屬草爲常課，小坐忘言付獨搜。江上故人足鷗侶，相期高詠振林邱。

論詩，似白蕉（四首）

十圍松櫪昌黎句，一水衣巾介甫詞。總是良工用心苦，莫將大筆擬粗枝。解以文言道俗情，却從雅達見新清。取材自合萊蕪翦，妝點何煩金碧成。臨川筆力穿堅甲，坡老思潮卷怒濤。萬古江河終不廢，一詩天地兩人豪。裕之氣象最崢嶸，鏗鏘噌吰發巨聲。却道詩須字字作，誰知才力本天成。

追悼張擷錢、企留昆仲，余嘗假元遺山集於企留，今殘本尚存篋中，展閱有作

二難兄弟醉鄉侯，日下才名四十秋。落落音書天北闕，匆匆行李海西頭。解衣爲念客貂敝，發篋曾無瓶酒求。欲向壺觴溫舊夢，年來我亦謝糟邱。

末二語一作長憶河沿風雪夜，蜀應三斗爲君留。

續論詩（十一首）

山川畫本豈人爲，槃礴燈前若可追。清絕一襟烟水氣，更吟春覺畫邊詩。
近時諸老各崔巍，生面聊從別徑開。莫向波瀾驚詭異，崑崙試爲溯源來。
清流一道湍聲遠，石壁千尋日氣青。詩得秋心君會否，蘇戡而外幾堪聽。
千秋古體樊山律，江漢湖湘共激揚。更見明珠出南海，獨饒秀逸數葵霜。
黃葉樓頭霜氣酣，騷人哀怨滿江南。時流似未知南社，但道摺摺龔定庵。
虎脊龍文世已驚，肯將羈蹶損縱橫。小詞餘瀝猶揮掃，研色揣聲那得成。
來覓秦淮散失秋，河梁數樹俯清流。却從大范思涵老，瘦菊寒螢筆底收。
讀曲爭傳絕妙詞，融唐鑄宋更誰知。袖園風雪青氍薄，愁絕霜崖劫後詩。
酒邊簫筑氣蒼涼，五十編詩出錦囊。黨錮餘生湖海上，秋風頽洞浩歌堂。
海南誰許捧珠盤，獨漉翁山定可攀。一種人間清挺氣，數峰蒼玉刻孱顏。
言外餘音狀景真，乍看閑遠益精醇。宋詩開派傳名語，綉上弓衣已絕倫。

龍蟠吟贈柳翼謀先生

滄溟浩渺龍一吟，雲氣鬱鬱四野陰。不成甘雨便高卧，倚天化作山嶽嶽。河東先生南
史氏，書城坐隱龍蟠里。馬班陳范久寂寥，嵯峨乃見龍門高。先生昔游巴子國，柏溪寒綠

染詩筆。先生今歸石頭城，龍潭一片風泠泠。錦囊玉帙十萬冊，避地携將冒鋒鏑。漫嗟重寶失楚弓，終見連城歸趙壁。藏珍不昧見古誼，盛德感人原素積。往者文瀾閣書掇拾灰燼餘，舐舐竹舟與嘉魚。茲來八千卷入江南庫，合浦徙珠還復聚。一樓復一樓，盈筭善本皆天球。樓外何所見，江烟山翠相盪浮。樓下何所有，松風竹雨鳴颼颼。樓中復何人，深衣幅巾古儒修。餐霞飲淥天所優，我欲從之苦無由。退之空嘆孟東野，上下四方何處求。

友人歸自于湖，爲言中江校舍懷爽樓已改建，赭山滴翠樓亦榛莽矣。感賦，并悼沈逋翁丈

人才異代常爭出，緬想江南未寂寥。風景不殊雙屬玉，詩壇稱霸幾嫖姚。赭山樓圯岩猶翠，避舍堂荒草自驕。更向蘇門念秦晁，橫雲千尺嘆松凋。

題覃孝方萬山吟草（四首）

烏臺簪筆盛詞人，枚速卿工各絕倫。遲我十年共酬和，麻鞋重踏秣陵塵。中年絲竹漫相關，揮汨桓箏老謝安。長記酒樓愁絕語，秦淮如夢獨憑欄。十圍鱗甲長青虬，烏柏池塘瑟瑟秋。尚許衡門着元亮，白衣送酒過牆頭。詞賦江關重老成，草廬橫劍更論兵。河山未盡風雲氣，叱咤憑君起楚聲。

作書

平生伸紙能鴉塗，屈曲秋蚓亦或如。少年意氣頗輕脫，蟲雕篆刻非壯夫。工如羲之請俗書，安用筆勢窮追摹。老來百事不足道，漸向氍毹嘆精好。龍蛇挂壁時凝眸，力弱焉能恣一掃。細筋纏骨秋鷹拳，怒猊抉石驥奔泉。或者小字簪花妍，烏絲作蘭鋪銀箋。此中差足遣長日，灑落明珠顆顆圓。

吹蜃

吹蜃樓臺霧已消，微聞螻屈欲魚跳。遺民藍縷情原苦，餘氣兜鍪夢尚驕。雖遠迷途猶可復，早成覆轍漫相要。中朝未有珠崖議，底遣鯨鯢暗弄潮。

題嚶鳴集，即贈頑鐵道人蔡北侖

少慕胡鉦奮鐵槩，中年卜肆老君平。鯨吞鼉作忽經眼，苦雨終風也解晴。端識要荒皆國土，未妨任俠出儒生。垂簾避世非孤絕，試看篇章富友聲。

端午詩人節分韵得後字

靈均跋扈離世垢，千載誰堪比其壽。忠情姱節委清波，長爲詩壇作冠首。古今能者紛

莫數，各極恢奇矜眼手。鑿開混沌別醜妍，抉發性靈排械杻。含咀醞釀原有自，刻楮亂真亦何取。不觀騷賦變風詩，豈曾窘步隨趨走。一時風氣起激蕩，萬竅齊鳴如指嘯。群山宗岱割陰陽，九派分河同承受。轉移譬以夜代晝，錯落終看星拱斗。要知不盡火傳薪，休嘆已陳芻作狗。主人開軒重令節，佳客雍容半耆耇。我雖末座不自薄，欲對洪鐘思廷扣。獨慚才弱苦追摹，敢謝心知開戶牖。涪翁有語定良箴，文章最忌從人後。

寄蔣山青

君以近作屬定云，請如廿五年前受業時。又以飲河集見貽。

諒無好語解人頤，二十年前強說詩。況我衰遲非向日，與君邂逅即芳時。飲河欲盡波千頃，閱世真同劍一吹。入手碎金勞見貺，江烟風雨耿相思。

越鳥

越鳥南枝漫自疏，北風胡馬豈相於。雲翻雨覆渾難準，天助人謀定未虛。空記樓船浮沮水，遂聞亭障撤康居。茫茫邊塞無窮事，慚愧閑官茆廬。

高曙青先生挽章（二首）

衝海旌旄肅，觀天象緯開。不緣著清節，固已重南臺。白髮還鄉夢，青門祖道杯。飛騰暮年意，鬱鬱未成灰。

公使法歸，任臺官。嗣出使閩浙，瀕行，以山水畫幅屬題，升獸大壯及余均有作。大壯詩云：「圖

中倘置盈觴酒，便是青門錢綉衣。余亦同韵。尹默笑云，衣字已爲君等用盡。

溘落瞻園客，猶叨禮辟音。片言知己感，先輩與人心。麥飯扶衰病，絳蕉坐夕陰。巴山陳迹在，冥想萬松深。

公病胃有年，不稻食，日啖湯餅而已。使法日，屬葉楚傖先生致意，將辟余掌記，余以事辭。迨客渝州，復相見於諫院，入夏居金剛坡山廨，與余比屋。

胡樸安先生挽章（二首）

困學深寧叟，多聞季野翁。嘶風仍老驥，藏海已冥鴻。勃窣行何病，溫醇內自充。日斜茗話罷，揮手惜匆匆。

曉月山東路，飄飛過卅年。摧蘭先露下，凋柏忽霜前。酒味思京口，吟懷近樂天。脫官甘苦筭，稽古定誰賢。

題庚白遺著（二首）

少年數詩侶，最早得林五。猛氣吞全牛，跳梁兩乳虎。斂才就刻意，雕鏤困肝腑。頗推近人作，淳泓即深處。攬時多感傷，哀音聽激楚。上溯及宋代，問復獵韓杜。我孱但抒情，一往稍自許。君銳出新意，振筆極健舉。卅年搜世網，所得成莽鹵。看君益閎大，睥睨空萬古。論詩豈誇詡，自道用心苦。要能意勝辭，驅遣了莫阻。縱橫武庫兵，入手輕片羽。晚真履虎尾，吐語猶鬱怒。雖然摧柵械，精粹劇含咀。從知矜創獲，端在厚積貯。我

固謝君奇，敢意開牖戶。或期漸堅實，無用作老樹。

稱詩冠某代，庶以便治學。一時轉風氣，儼若泉初鑿。循委溯厥源，了了見脉絡。唐詩至中晚，溫李極綺錯。西昆固組麗，辭工氣彌弱。梅歐揭筌起，振之以清約。王蘇逮黃陳，光氣逾炳燦。下開南渡鍵，上迫杜韓郭。豈知在多師，采摭各有穫。東坡出夢得，境界特恢拓。雙井非樊南，學杜同所托。清麗必爲鄰，愛古今不薄。即論清一代，演變亦屢作。王趙已紛紜，袁沈更攻錯。漸至道咸間，浮華歸刻削。卷軸稍紛綸，采藻蘄質樸。近年江發叔鄭子尹范肯堂，篇詠盡卓犖。文言道俗情，立真爲之篇。選意務去陳，遣辭求解縛。即今後視今，未必遂糟粕。我論適如此，與君較詳略。感喟著於篇，相成非相角。

金鐵芝貽余小印三，并爲治之，皆精絕。賦此爲謝

一印澄白羊脂方，兩印玲瓏蜜理黃。筆如游絲入毫芒，不半寸地能回翔。作者吳門鐵芝氏，手摹商周古文字。下法冰斯上籀史，我豈辨之但知美。六月火雲無微風，踞於爐上人人同。摩挲三印心自冲，忽憶前夜雨洗桐。

夏日休沐，讀國學叢選，有金松岑先生見贈詩，及周子芷頤論詩見及之語，兩君已逝，念之慨然，有作

數樹當風聽曳蟬，老陰篩日亦成妍。晝長聊共兒童樂，詩拙猶爲儕輩傳。愛好定知生

有癖，凋零苦憶歲頻遷。如今莫倚驚人句，托契輸心在少年。

草南社瑣記竟，意有未盡，再紀以詩（四首）

舒卷閑雲但自怡，不誇博麗不矜奇。獨將蕭散冲和意，領取龜堂一派詩。

胡石子詩。

芭蕉才調本天成，山抹微雲早擅名。若與近人較風格，清遒不讓項蓮生。

龐壁子詞。

幾園篆法作行書，老爲孤兒豈自娛。長記小樓揮翰罷，自移笛簟對高梧。

楊了公書。

烟水微茫意不勝，疏鴉殘月點吳綾。料知枯坐含毫處，海雨天風集一燈。

蘇曼殊畫。

題劉永平詩稿（二首）

北城蕭寺一燈清，排日哦詩自作程。標舉宛陵知共會，要須取境近寬平。
顏謝風華少陵骨，林翁詩法溯湘潭。儘教回味思青子，晚翠枇杷已自甘。
士衡年少獨才多，詩外工夫理不磨。滂沛寸心由積累，佇看浩瀚作江河。

寄浦江清教授北平

征塵記傍羽書飛，却對西山澹夕暉。長句已窺李白好，玄言且嚼漆園微。江湖能忘魚
猶淦，鄉社難依燕未歸。剩炫醜枝欺美箭，霜皮無用恣成圍。

讀采風錄（五首）

初秋熾餘暑，袒露坐中堂。把卷忽已夕，簾波生晚涼。

太夷

流傳霸才詩，用筆信剽悍。胸中收秋江，烟水恣裁翦。

寒歲未凋柏，婆娑入暮年。參天二千尺，猶見鬱風烟。

彊村

晚景終無藉，閑踪亦強歡。獨持腴秀氣，北地敵凄寒。

樊山

澀體能高步，妍辭見挽歌。春華亦秋實，子建信才多。

銀菴

秋暑即事，寄白蕉（二首）

煩鬱方知靜勝難，簿書堆案轉相寬。晶盤畫水瓜三白，溪硯生雲墨半丸。赤腳踏冰真自可，毫霜垂露不愁乾。先生槃礴南榮下，篩影風槐滿意看。

黑蟻行行暫掃除，雙瞳如水復抽書。金風預喜千倉粟，玉井方思十丈蘆。稍幸官閑便枕簟，却慚心苦事春鋤。平生之子真冰雪，姑射還成海上居。

高吹萬七十

弁州晚歲服熙父，絕嘆能事迫韓歐。方姚聯翩繼盛軌，名德先後良匹儔。中間望溪數困厄，遭羅文網非其尤。惜抱鍾山坐講席，蟬翼軒冕誰能留。廿年隨計震川叟，屈志百里

旋歸休。讀書飲水頗閑適，鄰翁野老相獻酬。文能感人在情性，朱弦三嘆神夷猶。句安字順不曄衆，衆所難道徐探喉。高君盛年擅文筆，方姚復作喧九州。瓣香載酒盡髦士，以文爲贄紛來投。端居時亦理清詠，弓衣綉出傳荒陬。平生名不挂仕籍，桑者十畝從優游。所嗟斯世酷喪亂，江渚未許長盟鷗。一隅遂撤半壁守，萬卷盡付南塘舟。今來滬濱賃屋住，胸中書味餘盎浮。桐城昆山豈遼阻，安亭之水清且瀏。試躋馬鞍記項脊，以游以處皆風流。俯仰一室絕塵鞅，擣齏百氏窮冥搜。語言恂恂體瘦削，神完氣足澄雙眸。陵寒不必盡怪偉，碧岑修竹含風柔。知君藏詩尚千種，牙籤玉笈珍琛球。我懷明哲聊短述，敢持蕪淺登葩樓。

七月十日夜坐，寄松滬故舊

豈有高吟動九州，當前清景略能酬。微雲河漢分明月，落木江山瀕洞秋。行止屢煩詩老問，卧游欲向畫禪謀。泖濱老桂風香起，乞取莼波一葉舟。

贈陳孟釗

一司邦教遂歸田，削轍滄江十五年。通海早看重鉛槧，啓山爭遣沒榛菅。逾淮爲枳言堪念，寶積還珠事豈然。且緩感時從攬勝，來飄玄鬢對孱顏。

高一涵寄示近詩，答贈

草密林深一擊難，長風惆悵惜修翰。深憂直欲廢天問，晚計相期共歲寒。萬族秋蟲喧短夜，半江斜日近危欄。南臺尚有浮沉客，爛漫京華首宿盤。

曉發南京，作寄陸保權

真成歸棹及秋風，乘興湖山意莫窮。稍厭車塵霾日下，欲從蒿徑問牆東。蠶鹽老我知非病，斑白先人恐未公。四十年來數朋舊，還應一笑士龍同。

車過常州即目，兼懷濮伯欣居士（二首）

飄窗一响雨冥冥，雲幕初開露帝青。才過常州試回首，數峰平地也成屏。

常州無山，然過站後遠眺，

頗有峰巒，不知何地也。

史局難留季野翁，佗城持節去匆匆。鄙儒不與石渠事，但覺風流談塵空。

伯欣謝史局事，歸常州，

因生亦去粵。

小憩雲深處，示白蕉

掣鯨手障遍西口，射虎交多右北平。四海何人解雲卧，自煨茶竈起秋聲。

金培德成婚，勉之以詩

尊公一生能好義，執業締交有終始。斷斷屹屹不可回，得此足以愧波靡。摧傷中路嘆埋玉，繼志象賢期之子。廿年苦節尤不易，母氏劬勞實無比。長幼養老作倫紀，相繫相成風俗美。莫隨時世競輕肥，藉履雖豐人已鄙。持躬清白真丈夫，修己娛親勝甘旨。及年有室見成禮，兩世交期吾竊喜。稔知端厚有父風，試味吾言倘亦唯。

樸安追悼會歸，作似高吹萬錢自巖

失路差池況尖群，十年一見遂長分。酒人罵坐狂堪憶，詩卷哀時老更勤。滿地江湖焉揭厲，入秋庭砌故繽紛。漫因悴落驚天下，配月長庚賴數君。

贈鄧散木

供人養目自養腹，能者區區爲瓶粟。豈知衣食當自營，計絀治生方竊祿。孤雲無依笑元亮，亦復劬勤同萬族。丈夫屹立天地間，托命長鑣詎非福。世今帶牛佩黃犢，安得青山

遠塵俗。盡驅耕耨入市塵，立國以農斯亦辱。市中有山山不荒，山骨稜稜繫蒼玉。斯冰簫史一爐錘，秦石商金幾揚榘。行書被洒小姚冶，略似秋花媚幽獨。其詩采錯聲激楚，最許哀弦迸歌哭。水中見蟹賦時風，花外提壺歡近局。名言坐落箭鋒機，聚訟閑爭葛巾漉。我行江介得此士，懷味芬芳過醴醕。裁詩且寄千雲姿，已有斧斤真散木。

水中以下四句，皆有實事。附注

松青紀游詩（十一首）

北郭清溪舊日妍，菜花徑畔踏荒烟。寒梢萬个新生竹，合抱參天待幾年。

同雪泥白蕉小游北郊，訪其地之大竹園不得。

泖澱涼波動白蘋，卅年陳迹漫傷神。平生最憶幾園老，柔櫓輕帆過一春。

沈柳舟中有憶楊了公先生

初元曾與同舟經此。

陳余錯落眼中青，斧鑿留痕想五丁。不獨樵真餘韻盡，空山白石亦凋零。

過東余山吊陳仲醇。

看到山平水亦平，胸中海岳失崢嶸。老吟漁具天隨子，且欲風波少處行。

舟中書所見二首。

吳家灣邊樹屈蟠，大盈浦上水微瀾。桔槔長閑阡陌靜，老牛將犢行歸欄。

吳家灣訪沈瘦東。

玄鵲黃鸝噪一村，荒蒲斷葦水昏昏。從來正字難溫飽，覓句何時得閉門。

贈瘦東。

論詩水乳意相歡，擁被燒燈語夜闌。試啖小魚美東野，旋裝老女艷都官。

我欲於君讀書處，題作陶桓運甓齋。莫教點綴閑風景，紅蓼黃葵秋一階。

戲示慧殊

料量筋力待艱虞，禹墨憂勤計未疏。縱使青山堪送老，橐中應有未成書。

再示慧殊。

小舟人似曉星稀，寒具粗茶已渴饑。一笑年來無不可，歸仍作客客如歸。

塵韻詩篇已競傳，琴心三疊感朱弦。低徊平子閑居賦，排闥秋山且拂箋。

詣塚丈話別二首。

京滬道中

斜陽淡淡樹依依，初見秋田白鷺飛。場圃畢登人有喜，風霜漸厲汝安歸。

九月將盡，熱甚偶書

秋令行過半，熾熱殊未已。晨興意稍涼，抵暮炙肌理。輕衫忽粘重，渙汗如沃水。老蚊坐得勢，豹脚毒無比。晚禾尚待收，酷烈或至死。無衣幸少延，疾疫又叢起。兵戈沸禹域，流亡每千里。田疇盡荒蕪，村落亦荆杞。何辜備荼毒，生機真盡矣。星月燦滿天，撫膺獨仰視。促織爾胡爲，殷勤猶聒耳。

壽金錢係兆蓀八十

逋翁磊落人中傑，逮其歿也公銘穴。吾爲私傳甫脫稿，一讀遂藏不敢出。居士集中酬和篇，天矯豐城兩精鐵。自此仰公如逋翁，今代龍門在西浙。安樂鄉詩藥夢詞，卒業未能但心折。石渠撰述更淵富，寸莛洪鐘那容掣。茲來過滬詣高叟，造像須眉皓如雪。江湖巍

然真達道，想見衣冠偉朝列。遙將瘦語壽大羣，南望鴛湖淡明滅。他年衝道遇韓公，倘許推敲爲我說。

崇讓篇

平原劉子真，誦書通今古。傷世闕廉遜，著論語頗苦。爭者欲自先，惡能者先之。世雖有孔墨，不能無毀辭。時苟不貴讓，譽至毀輒隨。賢名坐莫成，銓選復安施。按次而舉之，必先勢家子。遷之復無已，覆餗乃自此。漢魏屢大舉，用意良已美。有當不聞擢，未當不加罪。賢愚既無別，真僞亦同視。守道口挫退，勢門競奔馳。貴寵人所欲，微過俄叢矢。以是搖良臣，國事焉得理。今當革其俗，爲之實甚易。初除例表謝，有謝付掌記。諸官暨百郡，讓多者是畀。斯蓋集衆選，豈比任一吏。能聞然自修，推讓定交至。庶幾立修名，無忝在高位。營營自驚進，而欲人無忤。却行以求前，其志曷能遂。進身先修己，賢愚所勿貳。浮虛不禁息，游外無所冀。化行而俗美，惟讓乃可致。其辭數覆反，諄篤如聞聲，讀終三太息，世異情亦更。東京重名行，激濁先揚清。迨夫魏晉世，事廢已莫興。至今二千載，焉能返其淳。西哲倡物競，將以起惰氓。用之苟非正，滔滔遂莫京。稍去排詆風，相視和且平。崇讓或未遑，姑求使勿爭。

十月五日夜起，讀書作字，久之乃旦

初醒遽推枕，玻窗微有光。意爲曙色動，不知秋漏長。山公昨啓事，題品及毫芒。俯愧材力微，甚忝薦士章。匹如策駑老，歷阪銜風箱。縱之不識塗，明哲將毋傷。伏櫪亦爲起，長鳴心慨慷。一鳴務驚人，客氣似未良。要當出深穩，顧視安且詳。庶冀十駕功，黽勉酬孫陽。思倦取書讀，瀾翻愛歌行。伸紙旋作書，拙指如芽薑。須臾鷄果唱，明明在東方。

散木惠寄楹帖刻印及游臺詩卷，復謝代簡，并示白蕉

京華倦客頗思歸，海上名流故未稀。痛飲狂歌真磊落，大書小草況森隸。白蕉尺牘言殊雋，散木詩篇涕可揮。剩喜老夫出奇計，時將瓦礫換珠璣。

琢成丈繪風雨重陽圖便面見貽。作此奉寄

重陽殊未屆，奈此蕭寥意。晴窗試縱筆，風雨已交至。危樓雖自聳，四顧無平地。荒陂叢灌莽，雜樹更蒙翳。我儕攫變亂，老大真可棄。安能作堅城，屹立比壯氣。對菊愁令節，過雁挾兵氣。柳東聊小隱，避人復避世。蘸墨墨亦枯，注以憂大淚。

圖作高樓倚城，四圍坡陀雜樹。附記

琢丈寫巴江圖，爲紀璋甥題

危城歲月去堂堂，照影風漪夢豈忘。一舸洄沿流自急，十年揭厲意難量。看天倚檻空聲涌，臨水施床睡味涼。今日江南望江北，煩君着筆寫蒼茫。

重慶市有江北縣。

漕河涇冠生園農場

出郊倦眼送殘秋，小市陂塘景漸幽。魚鳥自忘在池檻，軒車相逐到林邱。桂香欲斂風尤澹，菊蕊微黃酒未謀。歸路飛塵將暝色，潮喧雨迸日悠悠。

車過鎮江車站旁荷池，舊歲經此，有「獨無人處作高花」之詠，今垂卅年，感而更賦

當年紅艷映清漪，曾爲高花一賦詩。直幹猶存擎雨意，素絲終有出泥時。勞人車過頻回首，好月宵來應滿池。遮莫秋江霜露重，西風殘葉亦成奇。

書感

疏柳拖黃曉地長，晚菰堆翠正經霜。曉寒便許大澄霽，初日能令山鬱蒼。坐念江湖輸獨往，不成風雨作重陽。南來新雁應愁絕，曾見烟塵遍朔方。

假日園望

雲殊澹白天澄碧，袖手今朝得好晴。霜暖微憐花晚晚，秋高逾見日精明。吟邊風葉疏陰轉，望裏陂塘野水橫。取次園蕪芟略盡，嘉蔬長養豈無成。

一涵贈詩，戲答

少竊佳名可笑人，却愁凡鳥署門新。長風高樹看公在，搏擊吾慚爪喙神。

朱念孝

廣慈

柳濱草堂檢書圖

當年弱冠謁先公，儒雅今看有素風。世上芸編論斤賣，多君燒燭向殘叢。

重九紫金山天文臺登高，余病未與，賦呈右公，并簡諸先生

雨霽花開顏，日出山破睡。臨江作重九，高會豈易致。賞奇屏凡近，攬勝先選地。緣阜升崇臺，浩曠遂無二。茲臺實司天，象緯人詩思。耆彥數近百，錯落星依位。逢辰領元老，髯鬢鬱霜氣。義寧七字詩，索解殊未費。行厨饌芳冷，庶比餐英味。維余病感寒，重幕成閉置。詰朝詢友朋，縷述頗詳備。鋪紙且具書，右史能紀事。

黃玄翁、施叔範寄示新篇，即答

結契忘新故，登樓雜醉醒。市喧回晚吹，杯醪浸初星。在野謀應獲，無聲句可聽。佳章紛滿眼，江介此沉冥。

柳翼謀、濮一乘二老見過

叢菊晚猶好，蕭寥倚夕曛。蹇然餘二老，還往鉢山雲。屐路分臺柏，裾薰帶帙芸。遙知淡相對，潭月已紛紛。

棲霞看紅葉，短述九首

經旬頗晴暖，朝爽豁心目。幽尋衆亦同，車馬滿山谷。今年霜訊遲，連林葉猶厚。相對如高人，蒼顏微被酒。蒼赭環山腰，風日與之永。何用窮躋攀，江天一覽盡。淺紫間嫩黃，映日致可玩。軒軒兩頰虬，朱霞綯天半。攝山白石爛，上有層層松。想見風雨來，奔騰舞髯龍。松根不帶土，堅瘦裂山骨。其下引清泉，其上布香葉。小市仍零落，桑田知幾更。偶成茶肆客，難覓舊題名。

山有南唐二徐題名。傳徐鎔後人於山前設茶肆。

道傍一兩樹，離離亦媽姥。秋色本無私，平分到茅舍。
勞歌人倚木，兵氣雁遮樓。轉恐晴成旱，龜田負麥秋。

高瘖安錄示近詩，作寄

瘖安詩中豪，睥睨空海內。示我重九作，勁旅實所畏。整如嚴陣待，擐甲極精銳。健若鼓而馳，噴沫騰萬騎。焉知真飛黃，肉搏不持械。赤手掣長鯨，於古定誰輩。相望念巴渝，芒屨滯荒晦。東歸得邂逅，小巫謝高會。勝賞歲一行，萬象窮藻繪。何如且撥置，放筆出天籟。不盡傍籬花，雋語致可味。我詩苦瑣屑，分合列曹鄴。豈堪飾衰落，但恐滋驚怪。舉鼎憂絕膺，避鋒先卷旆。

過金鐵芝家看金石書畫，留半日（二首）

泉涸桐枯莎徑荒，瓜棚零落北窗涼。數椽莫嘆秋風破，留得茅亭占夕陽。
評書讀畫語更端，魚美杭香一盡歡。集古我慚非永叔，却勞庖鯽有都官。

鄭權伯以便面屬書，走筆成此，兼謝其贈桂之華軒詩文集

東歸二年意苦懶，欲就清言期屢緩。翩然過我城南居，復作參商失留款。厚貽及我非世好，巨著精刊紛在眼。君家舅氏文章伯，當世爭推儷語善。同時王湘綺李越縕俱詩人，往

往宗唐祖騷選。公友張季子范肯堂齊恢奇，組麗雖精意無隱。三峰華岳氣相高，一勺長河腹已滿。餘杭頗謂雜宋體，時代嬗移疑莫返。汪君所重在澤古，不苟不矜言亦近。我寶其器豈能名，微論自緣俊難忍。君頒珍簪更督書，譬遣平莎卧春蚓。望洋向若書與詩，上下古今終不盡。

寄田楚僑

戴憑奪席舊無倫，國子先生老更貧。榷梓南州終挺秀，法元西蜀自傳薪。能吟蠻語嫵隅躍，肯信文辭芻狗陳。莫嘆掣鯨手遮日，經綸民物彼何人。

一嘆

填胸塵土苦難刪，且放高歌出牖間。時不汝宜誰謂可，人能自量故應艱。收身書冊堪忘世，搔首烽烟更抱關。一嘆懷崩僑壓語，沉冥爭許托深山。

聞友人談汴京事，感賦

清伊雙闕古皇州，衰草黃沙一片愁。獨爲河渠思賈魯，那從燈火覓樊樓。食單客自誇庖鯉，農戶人爭賣種牛。太息十年丁壯盡，荒田廢壘爲誰留。

雲亭師見賜字幅書遺山虞阪行，倒次其韵，作呈

我師早比翁山屈，嶺表聲華動南北。中年安定在太學，弟子衣冠天下識。宗懷檀栢八百上，礪琢割陶固非一。即今洩勃出藥籠，棄物猶爲人愛惜。剖珉得璞功豈易，種樹息陰事難必。廓然一片生成心，苦護繁英待其實。元都漸見春陰長，洛下遂聞杜鵑泣。卅年鼎鼎一幅書，肅對微哦淚沾臆。窮冬望眼程門遠，牆外雪深知幾尺。平生真覺負生公，偃蹇荒寒此頑石。

范伯子集有題東坡十六快事圖詩，率然繼作（十六首）

晨興半炷名香

推枕常爭宿鳥先，老來意趣亦翛然。更教傳遍湖樓句，挂起西窗浪接天。

午倦一方籐枕

北窗笛簟愛官閑，欹枕風軒暫閉關。世上幾人知睡味，眉山而外祇鍾山。

飛來佳禽自語

弋矰不發網難遮，雙翅翩翩到處家。與汝更除言語禁，小園晴日任喧嘩。

乞得名花盛開

鄰翁藝圃許相尋，廿四番風十畝陰。但使成功何必我，移來仍是愛才心。

接客不着衣冠

迫近周旋冠蓋場，玉魚金帶老相妨。忽然被褐逢田父，把酒桑麻話更長。

客至汲泉煮茗

平生茶亦能爲病，却愛清言坐夕曛。但汲玉泉成白戰，未妨一任井長勤。

花塢尊前微笑

人間久已失芳情，樂事焉能對酒成。今日花前聊莞爾，直同飛檄報河清。

柳陰堤畔閑行

吹絮飛花爲底忙，長堤烟水逼人涼。
攀條只有金城客，一對東風已斷腸。

雨後登樓看山

朔雪吳霜并作寒，噉鴻陣陣入憑欄。
江南烟雨春山好，只合倪黃畫里看。

暑際臨流濯足

蹣跚泥塗有底忙，老陰數樹意先涼。
滄浪本自無清濁，莫與冠纓較短長。

月下東鄰吹笛

月下花前縹渺逢，定知高隱在牆東。
陸沉尚有吹竽者，慚愧蘋州一晌風。

隔溪山寺聞鐘

度水霜鐘更覺清，十尋窰堵眼中明。
憑誰畫取深秋意，黃葉滿山人獨行。

清溪淺水徐舟

一去仙源若可尋，漫誇江海小蹄涔。篙師別有安心處，不向空波問淺深。

涼雨竹窗夜話

紙窗風雨夜冥冥，茶話更端共一燈。佳處憑誰閑領略，不妨剝啄有山僧。

開瓮忽逢陶謝

良奮韓亡謝客辭，荆軻亦入義熙詩。便如子美開班史，一醉欹歔博浪椎。

撫琴聽者知音

邂逅相歡亦暫時，那能識曲更無疑。頻來便欲令人睡，白雪陽春本不奇。

十二月十九日，赴滬道中作

群峰負雪各崔巍，眼纔初陽暖漸回。領略饑寒才一晌，低徊親舊此重來。求書自覺神先往，忍事誰言意易灰。便合嘯歌出金石，容身雁木豈非才。

白蕉爲余致書數種。

公祭張溥泉先生歸，感賦

急雪塵風作暮寒，衣冠臺省黯相看。路人亦復稱高義，定論如聞異達官。史局頻年勞涑水，車茵一昨引馮驩。祇應有淚酬微賞，名德宜難短句殫。

題陳仲陶劍廬詩草

都官樸老簡齋秀，不似寒郊織鬢絲。始見從容成好步，未妨掩抑發深悲。伶俜蜀棧留詩卷，倉卒湖亭理酒卮。拈出杏花消息句，六橋冰雪有春時。

戲簡慧殊

慧殊稱懶聖，高卧青溪邊。何時溪上風，吹子落市塵。海市多高樓，着子吟聳肩。飲酒如臨敵，結束張空拳。突圍雖作氣，熟視不敢前。杯遲白日速，俯仰成俄延。何怪古酒人，一醉常三年。平生耽讀書，青燈澈曉燃。午研撼四鄰，時亦拋書眠。子之視世事，芥子良芟芟。不如羅盆卉，庭角小嬋娟。黃葵兼白菊，石醜花逾妍。不如工啖噉，傾囊買魚鮮。紫蟹玉花鱸，道之口流涎。不如豢狸奴，擇地鋪青氈。此物令人喜，加膝莫墮淵。今朝發利市，唾手得三焉。兩白霜毫瑩，一驪斑紋纏。爪牙都媚嫵，健跳尾蟲鞭。籠歸視拱壁，論直萬萬錢。喜極要余和，曰否否不然。是性偏陰柔，軟美人所便。附熱依氈毼，足

下時盤旋。入夜逕登榻，我榻不得專。宋主於南唐，斥責辭甚堅。豈況此微物，奚必容曲蹠。子顧余而笑，所見一何偏。科罪止於是，物微終可憐。人賢方責備，於物乃求全。但當宏德量，一體無相鑄。政令妨渴睡，愛之未忍捐。譬如惡卧兒，布衾任踰穿。避世知子智，容物稔子賢。獨以懶自高，厥疾何當痊。杜老托長鑱，淵明穫西田。日月肆勞劬，皮骨銷風烟。子老幸未衰，當法天行乾。如何長偃蹇，驚緩筋力憊。願子爲伯業，炳燭猶精研。願子爲安于，自急且佩弦。我詩非浪作，念子意所牽。迢迢大盈浦，安得剡溪船。

答叔範，兼訂杭游

海風吹我又高樓，祖帳東門且小留。正惡情懷聊慰藉，偶塵言路愧搜求。詩來自惜流連意，世窄猶堪寂寞游。魚美杭香浙西道，相期一繫聖湖舟。

送葉楚儉先生靈樞歸葬吳門（二首）

此行不似過西州，送子堂堂息一邱。所幸收京猶眼見，幾曾華屋爲身謀。林巒回薄開新霽，父老遮看念故侯。躑躅墓門欲何語，西風吹暝已難留。

晨星寥落不堪看，世難如山況未安。往日風流終可念，畢生心力已全殫。綿綿川路城烟少，肅肅弓刀野色寒。却憶病深持節日，東南民力入微嘆。

有懷劬堂翁，即用其酬二適韵，并簡二適

鉢山清苦過微雨，望裏寒枝不亞風。鹽米尋常皆絕學，龍牛朝暮此雙雄。詩於韓孟真相逐，曲到卿雲始并工。亦欲竊窺潮與海，可堪廢井在胸中。

雨雪趨直，車中作（二首）

帶雪成珠兀自飄，車中縮頸欲安逃。一寒無數直身曲，我尚加身有緼袍。
臘雪漫山浩蕩泥，當年呵手且題詩。只今薄笨長安道，不似驢鞍獨往時。

臘雪（二首）

臘雪騰歡到老農，却教懷烈八方同。流民百萬如何過，可待明年見歲豐。
銀海生花粟在肌，有人無褐對清輝。要須着意茆檐底，可但閑吟柳絮飛。

雪

雪壓千家靜，天低四野陰。了無烏雀影，更覺屋廬深。風細猶剗面，涎冰宛在襟。長街如鏡面，蹉跌恐相尋。

懷人 六首（四首）

雪止山呈屋角，夢回月上墻腰。縮取穹窿几案，忽然無想爭高。

濮居士伯欣。

老去任傳句律，歸來且檢書籤。更門高三十五，梅花人日掀髯。

柳先生勉堂。

白下門邊談舌，越王臺畔官身。看到城圍烟絮，高樓應着歸人。

劉禹老。

北江論人五等，君當竹汀抱經。更許手持玉尺，去量天地詩星。

汪辟疆。

印度聖雄甘地贊

一九四八年二月一日作

偉哉甘地翁，挺生恒沙表。晦冥籠家邦，救亡匪以暴。爲天作春風，長年蘇百草。爲人作干城，柴立却強狡。力亦無所施，威亦不可撓。非伊不可撓，自由人所禱。老鷹蕪陽和，赧然縮嘴爪。墨者極自苦，孔言行大道。於乎此理同，聖哲共懷抱。住世雖有終，與天齊不老。

投陸保權

賦詩却作懸車語，小異恒情自鮮歡。季主唐生聊復爾，呂安叔夜定非難。石城雪瘦軒窗靜，盈浦風微岑簞寒。應有江湖閑歲月，告存書待他年看。

拂衣

日日陰晴變暖寒，春頭臘尾歲將闌。蟄冬便已瑾我戶，衝雪忽然詩在鞍。老學無功聊可說，孤踪雖冷亦成歡。拂衣未就南山計，數口終慚費大官。

讀濮居士湘黔道中詩稿

網緼真氣筆端流，沅水湘江記昔游。細路蟠空吾亦到，孤吟排日子能搜。當時膂力猶中歲，今日思量更百憂。豈似尋常閑豫意，雄精茅酒憶黔州。

丁亥除夕

匡時無策學無成，竊食修門黯自驚。唐老豈堪爲世用，郊寒只合以詩鳴。騰騰兀兀青燈味，烈烈轟轟爆竹聲。卒歲枝梧我厚幸，齊民一飽亦難營。

歲首有懷散木白蕉叔範

豈有清流溷濁流，眼中諸子共高樓。饑來肯乞胡奴米，醉後爭訶安尉侯。狼穎中書君未老，兕觥無算爵相酬。不知亦念遠人否，上直衝寒曳敝裘。

戊子元日過汪大_{辟疆}寓齋，戲題

誰云曬布廠，今足曝書亭。帶草看看長，編芸冉冉馨。湯翻渚芽白，燈亂剡藤青。待載一甌酒，從君更乞靈。

夜讀江

_{雙叔}

鄭

_{子尹}

莫

_{友芝}

諸家詩，率題

詩有清而怡，春卉發華滋。植根在庭戶，而有巖穴姿。夜月一相照，風香初動時。懷貞不絕俗，長與君子期。詩有清而苦，秋聲在孤樹。寒戰萬壑風，愁滴三更雨。枯枝曳斷蟬，霜空唳征羽。群籟盡闕響，一哀向天吐。兩者俱人雅，而我安所從。感人後者勝，娛己前是宗。人已當孰親，於懷樂冲融。要亦視其世，哀樂由遭逢。吁嗟諸先生，啓齒河清同。我欲強爲歡，稍蕩茶蓼胸。可憐百不如，所同惟奇窮。

久不見尹默，以詩問訊

書家自守一池墨，詩什相酬兩地心。豈以詩群見書獨，亦如海大異山深。山宜特立專風月，海擅宏通亘古今。試致小言挑大敵，會看瑤唱發大琴。

佳晴

人間但有夜冥冥，天上曾無星啓明。百計誰能祛鼠患，一鳴我亦待鷄聲。未妨搜句開雙眼，直欲呼人打六更。睡起却憐初日美，園蔬庭樹共佳晴。

雜詩（十四首）

白首銀缸下，蹉跎把一編。本無壯夫志，難到古人前。記誦膠終解，才華明自煎。祇應親氣味，畏虛師言，記誦如膠，枯物，日久解矣。紉佩得蘭荃。

半畝東風菜，侵階綠不勝。閉門誠不暇，抱瓮更無能。疏木仍翻鵲，陽舂欲化鷹。眼前時節感，惘惘近收燈。

瓶卉黃絕澹，閑窗亦自春。相看無世味，小憩笑官身。醴醴盈尊酒，栖栖九陌塵。靜中商去住，焉置此歸人。

莫莫復休休，春陰黯黯愁。豺狼自當道，鸚鵡在前頭。已笑穆生醴，寧論安尉侯。平生把釣手，肉食有深謀。

海上金銀氣，春來望更遙。引狼愁入室，吹蜃欲乘潮。水落魚龍靜，困空鼠雀囂。西江原自闊，河伯莫相驕。

蜍志復何說，滂膺豈可幾。伯才衰世物，今日看都非。人事籛籛仰，鄉心老薺肥。誰

令溷塵土，空自嘆緇衣。

一貧漸相迫，支絀到舟車。叱馭人今老，收身計未疏。剔冰磨破硯，拂几展殘書。亦有須臾樂，蕭然晚食餘。

人盡無安處，我寧戀一枝。因巢鳩本拙，繞樹鵲安之。能辦戴公隱，底須精舍爲。打頭宛邱屋，亦有欠伸時。

復此嚴凝候，凌兢欲不禁。驚雷搖夜寂，密雨長窗陰。詩自坐曹得，山慚着屐尋。閉門度休日，將懶答春臨。

朝馬金門下，真成坎井居。聚槐無奈蟻，游釜可憐魚。自耻當官避，終憐見事疏。古人詩定好，往往說田廬。

薄笨朝驅出，衡門晚放歸。鼠涎三斗粟，鶉結十年衣。信有駭機伏，寧唯生理微。艱危巴蜀日，猶未瘴成腓。

營營在僚底，亦復悅春華。惋惜梅行盡，張皇杏欲花。嬌黃裝稚柳，淡墨點栖鴉。洗耳多山澗，誰教聽暮笳。

椽屬慚三語，筋骸倦百勤。愁心見眉繭，笑面作靴紋。却老思黃獨，長閑看白雲。誰將并州翦，爲解治絲棼。

十日鳴檐雨，春來不當春。早知天亦醉，敢意國無人。峻阪方知驥，焦桐已作薪。長歌誰和汝，祇足惱比鄰。

題向伯祥^{乃棋}詩卷

詩人舊隱楚山靜，倦宦微吟柏署深。二頃劣堪供鶴料，十年寧許駐駒陰。已孤溫嶠東來意，難慰梁鴻大去心。遮莫邱墟罪吏市，新亭收淚要而今。

閱市答劉永平 太平商場書肆

古玩肆分自北平琉璃廠。

相携太平路，淡憶海王村。老賈淵源在，新欄笑語溫。將詩能啓我，挾策亦娛魂。一嘆思臧，空令微尚存。

商藻亭丈屬題寒燈聽雨圖

師門今日魯儒門，綿絕曾經笑叔孫。偶向圖中留爪印，未妨天上埽巢痕。黃塵東府情終倦，老屋西頭夢可溫。歷劫樓臺擁喬木，倉皇求賣更休論。

夏日家居

雜樹成陰一畝宮，灑然暫至愛涼風。江湖落落心長往，道路悠悠論有公。小聚圖書從佚老，尚供鰕菜不知窮。漢庭莫動積薪嘆，請告從容已過降。

散木郵示春游草，即題却寄，并示白蕉叔範

芳辰蠟屐幾春秋，海上三高足勝流。飲酒樂原過僕射，買山興亦托神樓。身親日月成閑憶，手攬星河自壯游。再見昌黎哦大句，十圍松樞付冥搜。

七月六日颶風大雨

廣濟橋抗日紀念前一日

山爲破碎日崩奔，卷地寒沙并一昏。具備四方惟氣使，驍騰萬騎挾驕喧。危疑震撼有如此，晦塞荒迷那可論。十載蘆溝鳴咽水，先驅淚雨瀉江渾。

喬大壯教授挽章

詞壇巨刃摩天手，却埽臺霜得暫親。永嘆彭咸有遺則，終看玉局是歸人。招魂笠澤山河邈，感逝藤州涕淚新。他日蓉城祠舊主，一龕合卜草堂鄰。

露坐口號

三畝荒園全受月，一株靜樹小梳風。枕中車轂京城隘，賴有藤床着此翁。

啁啾

日炎疏林綠未稠，娛情簫笛出枝頭。禽言莫辨聲哀樂，多恐啁啾是訴愁。

初暑

浹旬晨夕涼，初暑氣不振，颭風過已久，餘勢猶迅勁。園樹爲離披，驟雨挾風橫。積潦紛巷陌，泥行盡沒脛。江湖在門前，去闕不盈寸。岸然龜魚游，鬣鬣近床凳。黃梅真反作，莫謠雷隱輻。畫蠹那可薰，書籤觸手潤。陰陽忽差錯，當夏已秋令。微聞江漢水，猛漲故未定。往者歲辛未，蟻穴潰一瞬。淮南盡陸沉，出沒見蛟蜃。爾時民小康，拯救各奔命。槌石辦咄嗟，水官猶有柄。荏苒及今茲，生息出餘燼。豈堪更劫之，懷襄有饑饉。吾生飽百罹，經慣已不病。轉滋逾益烈，念此心亦震。天乎抑在人，蒼穹詎可問。

答散木

一篇珍重過瓊瑤，叢桂巖阿特見招。計熟豈唯懲醴酒，官貧初不異簞瓢。全身雁木寧非幸，放意山林詎可徼。小待秋花絢黃雪，一尊莫恨髮飄蕭。

豈意

成材豈意橘逾淮，變盡千林始可哀。多謝園丁勤壅溉，從渠誇道洞庭來。

延篤

叔堅師扶風，遂學勵節氣。一朝忤外戚，決去何所畏。歸爲閭里師，經傳老孺嗜。平生惟嗜讀，其言絕可味。昧爽起櫛梳，易書發局筭。春秋素癖左，少受唐溪義。高文極紛綸，聖諦口飮饒。及夕咏南軒，消搖步內砌。涵泳載籍中，愧然已復醉。不知有人己，寧更識天地。爰稽束脩來，爲人盡忠愛。上交不諂隨，下交無黷穢。嶽嶽立宇合，凜若華與岱。胡云但善止，一墮失巧秘。藹然仁人言，餘慕逮百代。

七夕

吾生亦但安吾拙，兒女紛然巧可求。老去風情真隔世，亂來江海易橫流。影移竹榻半規月，涼入桐陰萬井秋。槩礪中庭獨無語，太清雲翳幾時休。

投張雲石蘭州

身潛差喜世能容，逢掖高名在上雍。屢履知應迎節信，墊巾爭說效林宗。書商舊學難

君報，契結新知起我慵。題扇一詩聊作笑，憑將無用歷秋冬。

簡白蕉

望眼明湖秋又春，饑來說食坐逡巡。與游君自宜禪客，不飲我能近酒人。梅柳未應關世事，樓臺微恐損天真。此行倘復遭風雨，便是潭龍爲洗塵。

題唐玉虬人蜀詩稿，即贈

義士仁人道不移，蟠胸鬱鬱老難衰。知希始覺吾爲貴，志一真看氣自隨。先德言功起頽靡，流亡篇什見恢奇。昆陽淝水無高詠，絕嘆中原抗戰詩。

叔範爲洪太璞求題夢妃圖

聞在宥爲作記

精誠了不隔，倫理本長存。風動木欲靜，雲飛夢有痕。施書知氣類，聞記惻心魂。我亦鮮民老，潛然不可言。

九月七日坐雨至暮

颼風北來先以雨，灑向閑窗作秋語。淙淙竟日殊未休，一味清涼逼絳紵。聽雨聽風更感秋，淞江黃浦拍天流。浮家一舸知難得，聊比思光岸上舟。

藝樓飲席，作似叔範空我雪泥白蕉

禮失樂亦亡，六藝已喪半。唯書實後勁，妙手寄柔翰。畫乃書之餘，厥事匪近玩。專家得鄧白，槃礴驅醉腕。行楷極精純，蘭石逾蕭散。施髣耽苦吟，袖手但稱嘆。其詩固雋絕，所欠籠鵝換。孫老蔬筍芳，余生珠玉燦。我儕定何似，頗似樹下鍛。茲樓共一觴，雲物秋澹澹。出都真遁世，江海聊自竄。小車穿市塵，何異騎殺段。猶誇近酒人，清話不及亂。更過黃山翁，奇文析羸漢。

席散，偕空我白蕉同過黃賓虹。

上海豫園，同黃譜蘅、張叔通

海氣圍樓望，秋空涌市喧。重來廿載後，感舊幾人存。憤世才難盡，疑年道自尊。相思頻命駕，不獨爲清言。

游蓮花寺，作呈琢老

寺在松江北郊，有放生池。

秋原曠蕩收百里，一道溪流帶清泚。傍流窄堵面平池，藻密萍深魚不起。繞池頗開林木美，盡付芟夷定何理。青黃芟葉雜蒲葦，細白菱花初吐蕊。物情真見蔓難圖，惡草滋繁嘉植死。舊經佛閣那可見，寂歷斷橋枕流水。意行思憩失精舍，礙履莎蕪石齒齒。茲來恨早秋光淺，烏柏青楓未丹紫。遙看稍喜指寒窻，一片晚烟相起麗。歸途太息話長顚，昏瞶

風流重桑梓。道咸人物杳莫攀，斟乘空勞緝故紙。

鄉先輩張詩吟顧欽袞等
結廬花柱於此。

石家莊竹圃詩

松江北郭菜花溼石家莊，居民多藝竹，連畦接隴，無慮數千萬竿，蒙密翳翳，自外視之，徑路殆絕。漸即其下，披蒿棘，踐落葉，數轉而後，豁然開朗。瓦舍竹籬，螭墻瓮牖，隱見蒼靄中。陂塘放鴨，闌柵歸牛，童稚婦嫗，咸若有以自樂。夫武陵世外，本孤憤之寓言，巢由深山，非今世所宜有。若斯地者，密邇城市，旁通車轂，特游者偶鮮至爾，尤無足言。然其水木明瑟，田廬幽邃，秋氣清爽，筇屐相羊其間，亦未始不足供暫適于塵垢之外也。用紀小詩，以稔同好。

日色不到處，村龍時有聲。路窮溪漲碧，竹合槿籬橫。避地殊非計，勞生各有營。還將運甓意，勃窣試閑行。

散直歸寓，看家人種菜

夕飆應清商，輕寒感時節。言歸憩庭次，衆綠紛相悅。辛勤事園圃，負手愧我佚。霜露晚菰肥，沉吟待秋末。

曉起

曉起房闔寒，披衣意伶俜。隔牖恣窺園，畦菜綠更瑩。長空一鳥上，天容淡初明。疏林葉漸老，策策微有聲。澄慮在遺俗，佚志期寡營。逍遙宇舍間，焉用餌黃精。

許來青屬題所藏冒氏水繪園圖

國破園興非盛事，家國同傾知失意。錢君持論能勘微，莫嫌不爲巢民地。易主復還賴賢嗣，圖畫留題仗文字。却歸畫隱嘆興衰，三百年間聊可記。成壞觀空更不疑，誰主誰賓亦姑置。公園拳石濕蒼烟，中有遺民祈死淚。

黃晦木先生澄泥硯，叔範屬題

汾流潋潋萬鈞力，撞折鯨牙割蛟脊。獨留一片鱗魚黃，來配先生水坑赤。書生蹈義起倉卒，鬻婦園僮爭赴敵。白莊雲外沸繁弦，九死餘生尚腰笛。自本忠義本情性，慷慨從容原一脈。大洲拜疏星窺牖，皋羽招魂竹裂石。想見道嚴結寨時，剜肝爲紙血爲墨。晚儲剩瀝寫殘山，誰識軍前曾草檄。明亡及今三百載，頻頻幽光終不熄。亦如囊絹出澄泥，浪汨沙埋不可蝕。太行萬疊與同體，鎮覆四方真有德。策騎倘許過管城，戊己將軍號堪錫。三吳富口奮魁傑，窮走幽并悲秀麥。栖栖一代將毋同，古貌惟傳瞳子白。欲將遺物傲餘姚，

試向黃墩尋故島。昆山亭林先生故居遺履猶存。

重九集五臺山

秋陽灸山浮暖翠，留得樨蒸敵霜氣。不須晚晚說黃花，自惜尊前非我世。雁外風烟有古今，酒香茶熟獨沉吟。歸心流水休爭驟，坐愛籠窗一箭陰。

懷人詩（十二首）

河上憑誰訊起居，秋風吹雨暗前除。淵明定自懷親舊，山澤相招未忍疏。

張塚成丈。

聘猫來戲花陰蝶，裁絹先添頰上毫。喜汝明窗勤把卷，早捐旨酒讀離騷。

俞慧殊學兄。

細裁詩律沈休文，老抱陳編自閉門。賴有古人堪慰藉，居然可使婦無禪。

沈瘦東先生。

小磯山上十重樓，袖手來看萬頃秋。肝肺槎枒容一吐，應留醉墨在牆頭。

白蕉先生時方游錫山歸。

柏臺朝日墜清霜，細菊斑斑自作行。又到江湖秋潏洞，短籬已度幾重陽。

沈尹默先生。

花前車騎箭雲馳，酒霧香塵想盛時。獨有攢眉鄧夫子，持杯來洗壁間詩。

鄧散木先生。

一尊日夕歡相屬，每見斯人感酒觴。誰識詩腸更奇絕，寒泉秋菊試評量。

施叔範先生。

數行淡墨未模糊，行卷詩篇字字珠。誰信枯柴孟東野，邛嶺九折有長驅。

濮一乘先生。

近市差能適野情，藤床亂帙儘縱橫。喚回四十年前夢，紈扇輕衫載酒行。

費潤泉學兄。

秋風落木認歸途，練練寒江水欲枯。一段淒清誰會得，夕陽飛鶴繞浮屠。

袁道冲先生。

先生便是百年史，揚盡茫茫東海塵。寒歲更饒松意思，沉冥岩壑不知春。

黃賓虹先生。

鄰鄰盈浦繫船時，燈下頭顱已有髭。今日思君兼感逝，行間灑淚蜀州詩。

陸保樞學兄，時適歸閩劉三

詩稿。保樞劉三內弟。

琢丈河上來書，并示近詩，賦答都下市容淒寂，不可爲懷（二首）

殘年避地心殊苦，大隱居朝事已非。慚愧閑官猶乞祿，相從何計采山薇。
富春山色暮烟沉，一種悲秋兩地心。添我頃來懷抱惡，六街燈火晚蕭森。

叔範書來，知將歸姚江，附示近詩，詠味無盡，而余以衰老，重嬰世難，

前瞻却顧，根觸百端，漫浪成章，匪言投報（二首）

藝樓酒散憶猶新，胥浦潮過意未平。莽莽萬方多難口，栖栖九月獨歸人。雁來白下楓
初醉，龍卧姚江水欲鱗。他日鷗鄉分一席，敢辭王翰願爲鄰。

穗枯燈意萬千，民流政散更烽烟。病深難乞三年艾，物貴爭捐九府錢。莫挽滔天私
耿耿，相思異地獨拳拳。乾坤牢落儒生腐，剩許同君哭逝川。

胡節母陳氏誄辭

有大殉父子報國，守志撫孤心匪石。鄂州胡母女中豪，衆向漂山自安宅。素髮練裙躬力作，頰斥簪瑱拯窮厄。廣田夏屋不自有，截髮撤茅爲賓客。閉門風雪恤兒寒，手縫親縫雜刀尺。門開忽睹鬻桑餓，舉以周之無吝色。兒寒猶得擁衾眠，彼凍呼天活不得。大兒慕義比張儉，跳走遐荒面埃墨。潛歸繞舍獨彷徨，呼人且教藏複壁。破車快犢不須怒，冬日奇溫北堂北。人間惟愛無終極，磅礴彌綸天地塞。口傳細事盡堪書，莫道庸常真絕特。崇封原上妥慈魄，左櫬右松渾列戟。白雲回首尚孤飛，漢陽烟樹參天碧。

穠春（二首）

十一月初旬當農歷小春之候，日晴轉燠，而時事紛然，感之成詠。

穠春早去不堪留，小暖輕寒送暮秋。弈局全非端袖手，危機經遍又從頭。焉逃天地生今日，待化蟲沙到九州。倘有盈虛占世運，河清人事奈悠悠。

八年師旅勞民力，興復誰知事盡乖。敗壞已嗟蒿作柱，移栽終嘆橘逾淮。上排閭闔吾誰語，老抱叢殘古可懷。兀兀孤燈耿殘夜，不知門外有昏霾。

朝暮

朝暮沉沉百慮并，行愁坐嘆欲何成。已從溝壑論饑飽，更向楸枰決死生。內閣相公當受代，近畿列戍正磨兵。困空市閉民流散，寒日荒荒下石城。

余以叔範言瞿禪聲越兩先生文辭之美，遂因陸君微昭以求通焉。既而夏君書至，乃盛道余卅年前舊句，以爲嗣响黃陳。感推挹之過情，維荒落之滋懼，俯仰今昔，書此奉投（二首）

江山文酒番番盡，四十年來一笑哈。祇有哀音關世變，那從末路論人才。矛頭漸米朝朝饌，爨下知琴處處材。多謝龍泉二三子，憑看牙頰迸風雷。

髣髴施吟口說奇珍，口下雲間并絕倫。挂夢西湖遲奉手，醉心越酒可方人。平生廢學非無友，斯世如君未許鄰。更向茂陵問遺稿，一時矯首望西秦。

瞿禪書詢王陸一君遺稿刊否，故有末句。

偶述（二首）

飯罷明燈獨詠詩，徐徐駒隙與相持。便延片刻安閑意，直到河清一笑時。燈前縮頸覺肩高，上距寒鷄已不號。手罷翻書還捉鼻，先生日月此中逃。

雜感

城北城南意若何，敝車布褐口經過。宵巖市肆收燈早，巷僻人家得月多。寒氣已深搜篋笥，歡裏漸盡對干戈。餘生托契知誰可，且擁殘編自詠歌。

瞿禪損和詩，詞意并美，連句愁坐，百緒索然，勉成此篇，聊答嘉貺

霜後湖樓好風日，稔子蹋舟清興發。四山倒影入寒晶，綠淨真堪數毛髮。爾來世難愈相迫，窮羽枯鱗失空闊。尋常一面阻千山，那更求聲望洶濕。詞流海內定誰輩，手疏鈞天記宮律。野雲滅盡去來踪，一一鶴聲猶可識。舊時波外曾相語，細意鉤稽舒藝筆。異哉此老信多聞，想見群書遍爬擿。燼殘掇拾喪亂餘，同光魁儒子其匹。顧我一衰牙齒豁，竊食大官解偷活。敢將玉貌擬魯連，剩着賦顏逐高密。簿書叢里抽身出，日對黃花還抱膝。腐儒何必屬乾坤，求穴區區亦無術。子知黃九與秦七，樂府高名誰得奪。此事何與人饑寒，後世徒教笑痴絕。老坡空說學士眼，斥逐南荒窮徹骨。終風苦雨幾時晴，田野放歌行戴笠。元豐元祐論因創，尚許詞臣私激烈。挺生倘在靖康年，肯讓氈裘獨持節。每觀自比典屬國，此意堂堂俟來哲。子縱阿我謬見推，鴟鵂鯢鵬非所及。因風裁報更彷徨，歲晚石城寒欲雪。

檢書納藤緘，將寄之滬，感作

納楹插架總消沉，挾此何之百感侵。學廢難期萬卷破，宵來頗愛一燈深。豈真識字憂能肇，直自勝衣亂到今。却憶渝州臨發日，卷書所喜是歸心。

夜讀元遺山江弢叔詩，因憶民廿六年避寇西上，携是二集以行，今又十年，感喟書此

伏敵堂與遺山集，曾伴江行上武昌。離亂餘生足回憶，風流異代許相望。高天蕩蕩山河遠，疲馬蕭蕭道路長。比似老坡差可意，南遷二友共徜徉。

檢朋舊書札，得葉楚儉吳瞿安喬大壯遺箋，感喟不已，各系一詩

宿草山邱過十年，重拋哀淚漬遺箋。入湘子美詩尤苦，蹈海魯連世可捐。美玉良金終不易，秋鴻社燕特相憐。長沙二月風如虎，一諾深孤訪戴船。

瞿安避地湘潭，余在長沙，得訊各驚喜，數通書唱和，互約相過，均不果。旋君去桂轉滇，遂歿。君溫純和易，友儕翕推，因有美玉良金之喻云。

辛苦伶俜不自知，殊方積慘各存詩。盧深頗憶拈髭語，酒散常多擁被時。荷鍾久判身是贅，回車更嘆路多歧。鹿潭晚歲同憔悴，枉費流傳絕妙詞。

壯翁酬余詩云，似君辛苦我鈴齋。歿後其家受弔於毘盧寺，倦鶴語余，挽詞乃無用蔣鹿潭事者何也？意謂君與蔣同從屈靈均游耳，亦可傷已。

當年草草記東歸，淚滿黃壚醉後衣。畫舫呼魚陳迹盡，白頭授簡故人非。詩篇巴雨誰重話，墓樹吳山漸合圍。沃野江南三萬里，綢繆今日解人稀。

楚僧書九口登高一首，沃野云云，詩中語也。

慰林立山喪偶，兼答來訊

暫拂兵塵賦遂初，故人江介便懸車。不成偕隱看遺挂，且喜營齋在舊廬。老矣親知半存歿，懷哉世事有乘除。練湖湖水兼天碧，可許平分狎釣漁。

院宿，酬陸微昭

四壁玻璃月影低，一聲曉角引荒鷄。已嗟枯鮒望江海，敢厭衰年聽鼓鼙。水樂自成古韶濩，山居原有屋東西。移家我亦漚波侶，好辦棕鞋涉九溪。

燈下讀詩，率題

念亂憂生往往工，詩人隨例得途窮。誰知深谷高陵事，真到微吟冷醉中。獨以有涯作無益，相看異代自同風。小年一卷銀釭畔，尋味依然到老翁。

寓感（四首）

籠袖偎窗坐橐駝，稍憐庭樹共婆娑。肥羊醇酒看人醉，寒吹頽雲挾雨過。大屋猶煩烏愛惜。餘年判與墨消磨。伯鸞賃廩平生事，掩袂高歌意若何。

駭燧驚烽望眼偏，嚴城鼓角入凋年。殘英自墮無風地，積霰長低欲暝天。應有微陽回井底，合哦大句向梅邊。劇憐夢熟西湖路，雪盛冰堅始放船。

棘地荆天一腐儒，強將歡笑慰羈孤。飄蕭衆木風初入，黯慘平蕪日易晡。滿腹優游真偃鼠，白頭辛苦亦啼烏。望門投止今難擬，愁對家書問道塗。

跌宕圖書感不勝，沉迷簿領老堪憎。高言契稷知非分，屈意孫劉病未能。道左故應全苦李，民間頗已厭甘陵。蕭然擁褐南窗下，手寫新詩戛硯冰。

十二月三十日，自京去杭州

起携殘夢上征車，飛雨敲窗坐嘆嗟。水闊鷗鳬爭出沒，山貧樹石特槎枒。年豐不救村墟惡，日短翻嫌道路賒。便到臨安安未得，流亡滿眼說無家。

車過松江，有懷張琢丈（二首）

來爲鱸魚已恨遲，此情惟有故人知。漫天寒雨松江路，惆悵重哦訪竹詩。

秋間在松有石家莊竹園詩。

草木荒城萬事非，繞城山色獨依依。危樓燈火淒迷處，舊燕經過不是歸。

湖上

漫誇莊麗借樓臺，十日愁陰撥不開。出市車聲度髡柳，過橋湖氣濕枯荄。低徊文物將何語，寥落朋交信可哀。畫舫清尊廿年事，白頭誰識我重來。

游湖歸，得徐聲越手寫詩卷，因題即寄

伶俜一舸亂流去，剗吹崩奔縮頸迎。歸讀君詩如嚼雪，坐依瓶菊想餐英。留司聊得成中隱，綿絕何緣致兩生。仰屋著書萬山底，料應不負短燈檠。

湖上雜詩（五首）

玉砌朱欄映碧虛，春風楊柳想條敷。故應不似灞橋路，能著驢鞍一字無。
段橋殘雪，今為臺榭，碧瓦石間，甚麗。

黯慘平湖萬木殘，平生詩思合荒寒。白公堤上天風急，只作幽燕刷馬看。
過白堤，風陰寒甚，戲成。

重見黃山九十翁，柴門斜日射霜紅。孤山更禮詩僧塔，枯木翻鴉似畫中。

訪黃賓虹，歸謁曼殊上。

人草。曼殊畫好作古木寒鴉，與此似也。

不成岩壑且烟波，百頃明漪漾碧羅。憑對樓臺問人物，寒蘆衰草夕陽多。
游三潭印月先哲柯劉莊諸處。
一棹非關興盡回，霜風雪浪苦交催。此生與世恒相左，不是游時却自來。
歸舟風甚白嘲。

題韓子穀荀廬印存

通儒嗜古搜金石，研考偏傍證經籍。手追秦漢抑次之，朱白爛斑媚几席。藝成豈獨供珍賞，逸氣高情人所式。平生亡友念喬大壯費龍丁，遺世沉冥見風格。不然玩物亦區區，刻畫雖工復何益。我鄉韓氏圖書府，世守觀摩終有得。雋流粉社失邂逅，雅度清聲殊藉藉。問奇載酒過玄亭，結習尋碑裝翠墨。偶然小技事雕篆，神味醴醴出簡策。何須法乳溯老缶，枉向良工嘆繩尺。優游藝海天靳之，轉塵王郎未四十。紛綸四卷珎穿珠，後世珍之過球壁。

平襟亞屬題秦十二字瓦硯拓片（二首）

民國紀元二年，獲交龍丁費君。時君居松江東城之邱家灣，署其齋曰「佛耶」。讀書臨池，刻畫金石，間與友人飲酒歌詩其中，余時一與焉。數年後，余奔走衣食，去其鄉，歲時一歸，與君或見或不見，漸成疏闊。又十餘年，各垂垂老矣。某年之冬，訪君北城林橋葉氏之第，君自言衰病足軟不良於行，偶過城中會鶴樓，或不克登。會鶴樓者，蓋曩與君及楊幾園吳遇春俞白壺輩嘖茗燕譚之所也。更數年，日寇亂起，君遽遇難。君更署所居曰「商金秦石之樓」，不知始於何時。而是二物者，余亦迄未得一摩挲焉。今歲至滬，平君襟亞以秦十二字瓦硯拓片見示，斯硯

已歸半君，即所謂秦石者，故君所藏也。披覽興感，輒題短章。民三十八年一月歲在戊子。

不見故人見故物，故人風格比貞珉。山丘零落非金石，金石而今亦故人。

片石團團出土遲，補天心事後人知。劫灰已盡阿房瓦，天下康寧是幾時。

瓦文未詳曰「天下康寧」。

藝樓酒集，作似獨鶴、空我、白蕉、秋翁，并寄叔範

止飲偏宜看舉杯，帷深閣暖暫追陪。老蒼強半尊前客，歌哭差容世外才。樓影嵯峨風料峭，街燈錯落夜淒哀。歡場易散渾經慣，却笑先生不賦來。

汪東寄庵自言畫法出錢叔美。余方讀東生詩而好之，爰成一絕，似寄庵溪山秀筆冠當時，妍骨清姿鑄好辭。誰是惠連誰謝客，松壺畫本玉山詩。

黃賓虹繪梅見貽，賦此寄謝（二首）

風格如梅自不慚，冰霜氣味老來諳。天教更傍孤山住，萬樹香中雪滿簷。廿年塵土謝岩阿，澗愧林慚意若何。乞取西湖山一角，圖中容我小婆娑。

讀金鶴望却金記

修齡不索胡奴米，永叔頻嘗玄鯽羹。喬梓東南清望在，晦庵脫粟是平生。

記言朱書樓先生喬梓不受人錢米之饋

事。余於青丈爲忘年交，其嗣君季海亦訂新知，時見訪清談，或共飯粗糲，不以爲褻也。

野人

一畝寒蕪繞曉暉，便看生意出衰根。野人飽飯無餘事，自領南檐曝背溫。

惻惻

惻惻辭巢燕，還來止海濱。巷深難見日，樹老不知春。憂患鑄真性，干戈送病身。猶看甘肉食，未稱住山人。

兆豐公園

寒盡樹初綠，春原一望平。小風欹帽影，淺草散車聲。沐日來游屐，清流感濯纓。平生丘壑想，垂老欲何成。

慧殊節飲，索寄國史館刊物，媵以此詩

山居薄酌几濡脣，洒德空教頌伯倫。此際婦言端可用，古來史筆豈傳真。飄搖道路鷄栖窄，零落田園鶴料貧。束觀文章羅衆妙，未妨野獲付閑人。

答叔範

詩仍瘦，貌加豐，重到江樓數過鴻。元亮偶辭三徑畔，巨源不入七賢中。憂多自覺書難卒，春至端知轍未窮。殘局殘筵終一散，尚貪片晌話言同。

贈散木

邪蒿不御直如弦，未免瞋心想莞然。瀉酒青簾餘瀝盡，窮經白首大書傳。驍騰劍氣儒兼俠，離亂詩心聖亦仙。微嘆浮名空誤我，勞君磨石再三鐫。

贈空我

對字霜燈夜半紅，卅年先後兩勞工。胸中塊磊澆仍在，海外兜鍪訝許同。五字後山師老杜，幾回劉尹過王濛。停杯又作匆匆別，春雨蕭蕭忽滿空。

懷夏瞿禪

承齋

荏苒孤山路，寒香想滿枝。暫拋烟外策，閑檢篋中詞。柳岸魚吹浪，松扃月到墀。宵分理旁譜，心許只經師。

懷徐聲越陸微昭

早勵箕山志，仍傳甫里吟。檐梅飄剝雪，瓶粟餉饑禽。邂逅停杯語，低徊撥棹心。兩峰高不極，蠟屐更相尋。

孝陵衛探梅（二首）

連林初口破春寒，蠟屐來看及未殘。寶靨朝天添酒暈，國香和雪上詩鞍。坐慚俗士應回駕，終信幽姿不屬官。揮手北山雲更遠，塵埃九陌任漫漫。

緣岡度嶺恣幽尋，捨宅爭墩迹久沉。桃李未裝三月景，松篁自合半山陰。廢興樓觀頻經眼，咫尺風香淡會心。長被橫斜疏影照，一陂淺碧忽然深。

贈白蕉

江湖塵事已渾忘，卧雲深是醉鄉。矮紙爭傳修楔帖，清齋時過費公房。不知腐鼠成滋味，且借粗甕作道場。莫恨伊人在空谷，縮來良與伴孤芳。

把誦瞿禪叔範惠投篇章，率題

瞿禪酷似江弢叔，施子當爲吳野人。湖海一時仍二妙，風流此日不相因。飄搖萬族將

馬托，寂寞千秋也自神。更覺懷賢意無盡，拂檐春雨細於塵。

遣病

信有安心病，身閑覺日長。瓶花春澹澹，檐樹晚蒼蒼。吏久腰真折，舌存齒苦剛。觀身蕉共脆，住壞可都忘。

懲過

樂易存真性，其如動有違。空饒數馬慎，不救啖名譏。日月堂堂食，年華冉冉非。廣心兼定志，道勝自成肥。

上巳

踟躕偏隅感永和，崇山修竹已無多。不殊風景從人說，寡要浮文只自訶。一室晴光飛野馬，千年能事笑籠鵝。閉門且覓調心地，墮絮游絲照鬢皤。

李夢彪劫餘剩稿題句

久竹長松四序春，春華偶吐氣彌醇。後先憂樂都無盡，情想飛沉各自純。陽五今爲臺下客，渭濱終識丈人真。懷人感逝篇篇在，始信文章此有神。

題黃晦聞手寫詩稿後

榮枯一葉當年語，已覺江邊風雨深。嘉什每貽蘇子穀，雅言晚舉顧亭林。蒹葭秋望踪如寄，桃李春穠息有陰。諸大齊名能縱筆，何如鍛句獨長吟。

海霞白蕉見過，明日奉簡

心悴兼身病，頽然始覺衰。過吾一執手，爲子暫開眉。樹有遮風號，樓多受日時。祇慚華屋底，不稱叟支離。

所居四圍多異樹，直干孤挺。海霞云，西名爲「避風樹」。

恬養謠詩卷五

老學集

起一九四九年己丑夏

訖一九五三年癸巳

雲間

姚錫鈞

鵠雛著

一窮兩首，似慧殊

一窮成閣筆，萬事付虛舟。賴有啁濡者，要爲壙垠游。百年求蟻穴，五月可羊裘。白木長鑱柄，嗟余不自謀。今夏涼甚，長至已近，尚複衣數重也。

一窮成閣筆，兩尖等亡羊。破籠書爲命，閑窗日已長。詩疏頻易稿，病退尚留方。遙愛青溪上，槐尊坐夕涼。

前見范伯子集有詠東坡十六快事圖詩，漫爲繼作。夏中多暇，輒復廣其意，別擬如干則，命曰廣快事，仍系以詩（十六首）

病起明窗對客

得閑因病起猶閑，禪榻茶烟拂鬢寒。客至不勞頻問訊，自携談麈續前歡。

閑中冷肆搜書

無分牙籤擬百城，過門快嚼一含情。殘編愛好誰先我，小印玲瓏記姓名。

夏夜池亭小憩

誰家亭館翠陰圍，微度荷風香滿衣。掬水團團明月在，颺花一一暗螢飛。

雨餘庭卉爭妍

得雨滋榮雨旋摧，一庭興廢亦堪哀。閑身且可支頤坐，蛺蝶黃蜂作隊來。

苦吟忽得好句

畫壁爭誇絕妙詞，弓衣綉遍宛陵詩。不知賈島推敲處，何似泉明俯仰時。東坡和陶詩：俯仰各有態，得酒詩自成。

午眠手倦拋書

北窗欹枕夢羲皇，萬卷撐腸亦暫忘。好是清和剛首夏，紙屏布被一爐香。

小閣臨江看雨

數峰江上列烟鬟，草閣真成五月寒。不獨虛窗宜看雨，好山更愛雨中看。

扁舟小港潮生

蘆荻蕭蕭沙岸高，居然細水暗通潮。漁舟只傍村墟宿，千里江陵亦太勞。

雪夜地爐煨芋

羹藜飯豆自恢恢，手撥爐灰剥芋魁。莫笑酸儒甘糲食，檐前凍雀只虛來。

酒邊莼菜調羹

酒渴旋消小下鹽，流匙甘滑美能兼。食單客裏猶常設，何怪羈人耐久淹。

小圃寒蔬如玉

晚菰坼甲飽經霜，薄暮茅檐匕箸香。點綴秋容知更好，翩躚瘦蝶粉衣黃。

秋山楓下支筇

爲惜秋光淡不支，蒸霞天半忽離離。寺門流水千輪咽，何似幽人獨過時。

竹塢遙聞鷄犬

叢篁密篠綠參天，數掩鹿籬曲澗邊。何必淮南飛拔宅，祇教平地作神仙。

柳陰風送鳴蜩

槐汀柳岸趁閑行，一路蟬聲送晚晴。捲起湘簾移竹榻，家家水閣好風生。

客久歸帆竟挂

殊方積慘不堪論，日日江頭祇送人。今日便教經破冢，風波敢愛不貲身。

身閑閱市徐行

扶身得力一枝筇，無復回車嘆道窮。但向世間閑着眼，條條路自辨西東。

燕京行，贈費磊安源深

清社將移政多失，燕京猶是承平口。貲郎補缺一千年，貴酒徵歌銷歲月。君年十六隸學官，珠帽鸞旗夾道看。二十擔簦適京國，握瑜懷瑾瞻天閭。經師絕嘆酷似舅，張文遠先生稱君酷似其舅，蓋指沈

連翁也。

濯濯風神春月柳。北碑端勁案頭書，南味清醇巷口酒。車馬翩翩畫省郎，斜街花發麴塵香。珠歌一曲頻回首，綽約當筵錦瑟長。陶張丁姚稱五虎，君與采彬企韓子官及余皆能羣飲，鄉人目爲小五虎，曰小者，以伯齊

諸詞諸丈在前也。

邬藩之丈

秋伯齊丈

拈髭頗相許。

沈侯醉寫七八朝，犯夜常遭街卒怒。

沈子剛曰七朝君，約齋先生之子，能文善飲，嘗爲人作書，

或稱爲六朝書體，則暗八朝耳。醉歸或爲街卒所苦。時館店春卿尚書家，輒爲保出之。

大張微酣多雋語，小張探喉欲狂吐。

獮錢企韓兄弟皆善飲，好客，尤與余交厚。

趙岐不

飲獨高吟，艾虎香衣艷重五。

趙韵臣丈世修以詞賦名，見余詩頗吟賞。端午節同鄉聚飲福州館，丈示詩，有「艾虎最憐伊」之句。江亭即陶然亭。

八宮主府地安門，我時輟

業走竣竣。日誦萬言酒一斗，科頭忽上江亭墩。

大學爲乾隆八格格府故址，江亭即陶然亭。

賤儒跌宕自取謗，悠悠

天地誰我貧。北方苦寒雪天下，衣不掩骭肌常皴。誰知醉卧酒壚側，潦倒不顧司業嗔。湯

湯江漢風雲起，十萬禁軍鼓聲死。達官避地半津沾，君亦翻然念田里。我歌黃鵠識闌方，

出都時作詩別大學，有黃鵠摩空夜有霜之語。

津沽待船，信宿君寓。

一散萍蓬那有根，卅年櫪馬徒增齒。鬢霜髭雪各

成翁，滄海揚塵幾度逢。贈詩姑當王喬藥，還汝朱顏映酒紅。

江南水樂辭（五首）

平生佳興在陂塘，清簟疏簾水閣涼。
十里藕花紅掩冉，不須更炷瓦壚香。
平湖萬頃浩無邊，沙鳥風帆坐渺然。
更下碧山樓閣去，橫吹尺八上湖船。
散人身世本江湖，一棹烟波盡不如。
晚傍西巖炊脫粟，盤飧分餉及游魚。
江風江雨晚冥冥，港口潮來鏡面平。
小待前山新月上，一枝柔櫓擊空明。
寒蘆衰柳暮江濱，漚鷺依依自近人。
寄語石頭城下客，一生不識庾公塵。

爲慧殊題了公先生遺墨

早歲矜狂誤見知，老來成就了無奇。
虛承元禮通家誼，長念維摩示疾時。
手墨猶存端可喜，心香久炷倘非私。
小樓微雨清尊畔，感逝相看動酒悲。

瞿紹衡屬題淳化閣帖殘本

平生不解書，奇鈍笑肘指。縱觀古人作，偶會似可喜。
心畫豈小道，千古浩莫紀。魏晉擅能事，餘波自成綺。
端莊雜流麗，百態不可擬。傳刻祿後人，得者嘆觀止。
陶公賞焦桐，錫老辨側理。精鑒非所及，斂手但唯唯。
陳陶遺朱錫自皆有題記。

叔範將行復留，以詩訊之

將發且留信有諸，淵明山澤尚踟躕。夙便鞍馬曾投筆，旋喜筋骸任荷鋤。酒碗詩囊終浩蕩，棟風梅雨鎮蕭疏。相忘未忍相濡拙，哀此江湖掉尾魚。

處暑日雨止轉燠，偶書遣興

殘暑未盡雨復晴，庭陰漠漠蟬無聲。書籤裏潤枯蟬活，笛簟不卷饑蚊鳴。複衣晨興已可着，一領絺蕉晝相索。陰陽乖忤日相攻，安得藤蘿裊裊生秋風，一洗煩灼傾郵筒。

答王巨川

鉅濟

雪爪風萍莫漫憐，相存客館共青氈。廿年邱壑埋疎躅，數世園亭蕩暮烟。秋氣自悲看木落，冬心長往托薪傳。謂君師金鶴亭南飛烏鵲原非鶴，月爛星稀一惘然。

贈朱書樓先生

孔文

及令嗣季海尊兄

學浩

（二首）

虬公湖海豪，掉首謝鞬絜。寄孥闔閭城，買屋小於牒。六門塵滂滂，老脚不堪插。浩歌春酒熟，閉戶啖羊腍。廿年過彈指，一坐了百劫。頗聞少溺苦，夜卧席不脅。堂堂八十翁，毫學睨伯業。修辭規方姚，雅淡故難及。簪筆壓省曹，鳴琴冠畿邑。奚翅識獄能，衡

平稱執法。昔余侍文宴，強酒恣一呷。尊公丈人行，絮語稍親洽。拋擲歲幾何，灑然念離合。惠風來庭戶，好月落几榻。三嘆古先生，可近不可狎。

於木維喬梓，烏維鳳與雛。材美世并重，五色紛充間。季海實秀出，術業籠八儒。神京浩萬野，賃我城南隅。面圃窗玲瓏，晴案羅圖書。一日軒然來，坐語遂至晡。勃窣周孔窟，馳騁莊騷衢。倚撫盡九流，傾寫出五車。詩詞特末耳，聊可供怡娛。謂我比有作，亦若差識途。知君擇所與，齒不挂凡夫。裁量舊肄習，不中作僕奴。較年適更惡，已矣白日徂。作詩上虬老，我言曷敢諛。明蜍固無盡，嗣以照乘珠。

題松陵贈言圖卷

圖爲明萬歷間吳江訓導馬鳳池移官行唐令而作，吳默因之有叙。

廣文擢令實破格，爵秩雖卑俾理劇。近畿治重抑豪強，倘許儒生著風力。銓司按籍乃首舉，濟物有心欣捧檄。惜哉稽史莫能詳，地小無稱垂竹帛。牧養何時霑仁澤，但見奔走儕力役。漢家黃趙數循能，守相穹高二千石。吳君觥觥能重友，臨河欲贈繞朝策。文辭微婉意則顯，唯令親民斬舉職。三百年來渺陳迹，笠澤烟波至今碧。故書雅記不可徵，我撫斯圖三太息。

題牧牛圖

瞿然恭核園書牧牛圖歌。周洽竹岡補圖

明亡百年間，人主來異族。牧民如牛馴，大地富苜蓿。瞿叟書此歌，猶痛牧者酷。牛瘦兒長肥，苦語歌當哭。豈如青邱詩，長吟生意足。東岡復南澗，短笛閑相逐。饑勞牧者知，牛亦安其牧。坐卧相相依，行遲忍鞭撲。兩歌意各具，聆音當辨曲。周老補作圖，平川水草綠。紛然百態陳，可作牛經讀。浮鼻過前溪，摩癢倚高木。就中母子心，老牝將其犢。天地之大德，有生遍長育。諦觀風灑然，老我一茅屋。

與圖誰所作耳。或謂爲高青邱作，然高另有牧牛歌，非題圖也。手邊無青邱集，未由考證，姑志於此，以俟異日。

瞿所書爲牧牛圖歌，必先有圖，而歌系焉，故周所繪爲補圖，事甚分明，惟未知原歌

陳蒼虬挽詩

余不識先生，方以友人誣諉，輾轉求其詩，尹石公書來曰，先生卒矣，子可爲詩，以道向慕。

貞元諸老無平素，獨識匡廬一面來。落落篇章窺氣象，湯湯江漢聽風雷。禪拈曹洞忌死句，迹泯羚羊詫別才。正欲摳衣參半偈，寶山未到只空回。

世言同光詩以闕轅諸老爲巨魁，先生稍後起，遂欲分鼎一足，余獨識義寧陳先生耳。

送張琢成丈北上。兼示令坦浦江清教授清華

海市初收暑，霜風已成寒。江湖浮日遠，鴻雁得大寬。七十心猶壯，尋常話未殫。西山冰映玉，歲宴足清歡。

過尹默談詩，歸賦簡

純情純想飛沉異，見智見仁了澈同。銀漢無雲纔識月，秋香滿院不關風。冥心鑠入誠齋叟，體物昭融洛社翁。回溯兼葭知未遠，試從涵泳課新功。

讀莊列

榮期林類亦休休，晝夜唯川不舍流。非有嬰孩停不易，問於少壯老將休。蚊虻觀雀任相過，鴟鵂鯢鵬各自囚。嘆知方猶有累，被裘拾穗豈無求。

雜詩

饑鴻懷稻粱，戢翼翫青冥。秋樹紛隕葉，既悴不復榮。勞苦四十年，一簞恒自營。時序有代遷，造厄非所驚。委順固勿疑，豈不憂餘生。惟嗟臂力怠，耕鑿焉有成。推食亦已常，重足親戚情。顧儻滋愧顏，閤默銷我精。

尺鷃

尺鷃蓬間亦易安，況更霜露惜修翰。百年世短分榮落，四序功成異燠寒。弱弟音書愁
米盡，舉家風雪又冬殘。鹿裘帶索彈金石，誰信先生善自寬。

贈法審仲

杜康白墮尋常有，水碧金膏出京口。麴師舊法今亦亡，但把清醇推吾友。吾友半生坐
橫舍，盡日春風暄戶牖。盈庭桃李燦如雲，滿瓮黃蠶堆作阜。織不成衣絲在鬢，老猶運甓
抵生手。已從書馬辨四五，却許食鮭具三九。我爲金焦留十稔，濡沫唯君意尤厚。江頭勞
燕怨天長，海上鯨鯢驚陸走。歸來數稷還契闊，迢遞一書疑邂逅。爲言經亂佚故藏，斷幅
零縑記誰某。我書春蚓縮秋蛇，失笑區區勞典守。仍將絮語溯交期，那計他年供覆瓿。聯
筇何日更南郊，先辦雙柑兼斗酒。

寄吳次藩鎮江（四首）

歲晚臨江路，相逢便說詩。雨深泥活活，酒盡漏遲遲。積水牛浮鼻，窺燈鼠弄髭。山
城一分手，踪迹耐長思。

落日長淮上，倉皇撤戍營。寧幃辭病婦，策杖竟長征。歲歉村墟惡，風高草木驚。關

山戎馬裏，焉置此書生。

同作南徐客，喁于亦有年。翦蔬邀近局，折簡寫新篇。流宕我安往，窮愁子獨煎。短檠風雪夜，且證在家禪。

黃浦江頭月，盈虧幾度看。獨行秋草白，微嘆海潮寒。落寞猶多幸，衰殘強自寬。百年分如此，粗糲腐儒餐。

簡呂鳳子丹陽

自別呂微仲，漂流歲月賒。文章交有道，風雅思無邪。紺鬢^譚千縷，枯枝茁一花。零

縑歸敝篋，時復向人誇。

舊得君畫古妝美人一幅，尚存敝箚。又見爲人作老樹微花，一叟俯而諦觀，意趣雋上。

虬公書言，治乙部箸述成稿，并附和詩。走筆再寄

虬公謂朱青樓

東原實齋森壁壘，六經皆史言非詭。要看枕肱出鴻通，何必是非生彼此。先生古之隱君子，免歸閑居徵藏史。比踪惟有潛研堂，皋比十年主紫陽。堂中充棟定何物，寶書百國騰輝光。涑水長編未斷手，書局自隨今豈有。祇應野史付遺山，乞借還費百瓶酒。先生大笑此勿須，撐腸拄腹千卷書有餘。星摭雪纂日幾紙，乙乙記事皆明珠。古之爲史傳狀人物事第一，其次朝章國故劣能備。至於殊物異俗農工百職焉得詳，補拾闕遺在方志。方志作者千萬家，文辭典則非所誇。工藝農產富無算，不精統計難梳爬。自來執筆盡名士，言不

雅馴播紳鄙。胼胝汗血億萬衆，生活何人爲一紀。我生未識邱索與典墳，但從腐遷盲左偷齒芬。下逮班陳范歐俱所慕，譬如道逢麴車口生津。依然結習在文字，雕鐫語句徒斷斷。不賢識小固應爾，安得如公穿穴百代窮本根。客星獨向吳城朗，高詠山林振清響。書來治駕待春鰈，海上方期奉几杖。胸中全史話何從，且對清尊溯疇曩。

呈自嚴丈

矯如老鶴蔭長松，爭看堂堂八十翁。深谷高陵彈指頃，和風霽月舉杯中。廿年庭草思書帶，一棹江楓足釣筒。枕簟北窗閑睡起，知應清夢落垂虹。

金錢係先生挽詩

詩步稗翁駸欲幾，詞迫朱十不食多。大年駐世聳喬嶽，名德如公重澗瀾。下里倘邀霏雪賞，高軒似見爾雲過。篋中語業待繩削，悵惘今來唱挽歌。

松隱雜詩（四首）

本無華屋況山丘，零落衡茅盡可愁。二十五年如電過，滿衣涼月埭西頭。
坎止平生水不波，繞門新漲碧於羅，故園一繫仍難得，奈此虛舟逸棹何。
半畝魚池蘋藻荒，褪紅欄檻近斜陽。偶逢蜀叟談飛錫，坐領經樓半日涼。

松隱禪寺經樓寺僧蜀人。

過陶遺故宅二首。

蕭颯鬚眉有倦容，籠頭絮帽想殘冬。枕溪終日無人過，便作津梁意亦慵。瞻陶遺遺像。寺外石橋亦陶遺所倡建。

暑晨乘車之松江

綠樹叢蒲水一灣，白鵝花鴨對閑閑。三旬流轉黃塵里，錯被人嘲飯顆山。

贈豐子愷（四首）

飄然雲水得閑身，布襪青鞋踏軟塵。指出護生歸一念，美髯手眼信無倫。
畫舫滄桑記聖湖，湖樓秋爽想安居。不辭炳燭懷鉛槧，要讀西來未見書。

鶴化雲歸不可尋，寒潭秋月兩愔愔。維摩禪榻依然在，小坐猶看長道心。指君至漳州坐弘一大師化時禪床事。
倪迂空有蕭寥趣，不着楚音丘壑中。乞與鵝溪三尺絹，冠巾丫髻盡春風。付善典人物山水。

追挽阮芙士志道（二首）

廣廈三千士，浮家六十翁。空聞史魚直，不救步兵窮。誓墓身當隱，彈冠世豈同。櫺
書應有托，惆悵問鱗鴻。

湘水巴陵路，蒼茫共雁征。十年回首，大地久無情。晚計津梁倦，危途性命輕。杜
陵悲末契，激烈想平生。抗戰中。君赴前線爲省教育有所感。故有第六語。

豐子愷贈畫，畫作一童子牽老婦行，手前指，題曰「鑼鼓響了」。戲成二絕

鑼鳴鼓響喧園處，柳暗花明浩蕩春。稚子阿婆無老小，大家來作自由人。

士寫簪裾女翠蛾，千篇一律不嫌多。作家自有平民手，只向農村畫四婆。

宋楊僕處士詩，二壺春酒膠牙。

飯，數個胡皺澈骨乾，隨着四婆，

裙了後，杖頭挑去養蠶官。

追悼丁秋舉

同歲四人余最少，君於茲夏厄龍蛇。借書別去遂開病，襖被歸來焉置家。踪迹久疏懲

我懶，里間可望嘆人遐。祇餘管子應相憶，聞道年來鬢亦華。

宗良義華及君與余皆壬辰生。君與余久，

寓小坐，假書閱之。旋聞君病卒，卒未得一語問。晤陳仲達八，君卒矣。管即義華，亦居絕。

亞子函索近作，既雜錄詩詞爲報，復成此篇再寄

楔集臨河事幾更，重尋綦迹不勝情。斷雲無分逐東野，殘月還期伴啓明。秀水圖書排日理，半山湯熨及秋平。慚余鈍鳥栖蘆久，何啻三年欠一鳴。

喜亞子至，奉贈長句，即題其北長集後

雨散星飛二十年，魯連玉貌亦霜髯。合教史局隨君實，已見除書返子瞻。京國壯猷存草稿，江鄉秋思入葭蕕。文工雅樂和平舞，百族團圓喜共占。

第四句用蘇詩「除書欲放逐人回」語。

百老匯大樓夜集，迎亞子莅滬，流連勝會，慨念舊游，聊復短述（八首）

卅年磨劍鬱雄奇，熱血冰心天下知。四海一家今日事，挑燈起寫月圓詞。

磨劍室，亞子齋名。

霖雨綢繆半壁振，功成百戰爲人民。安居載得元聲叟，磨石銘勛大海濱。

主人饒主席漱石，陳市長仲

弘，亞子同饒主席車至起。

海東衲子笠齊眉，遺墨零星好護持。冷落龍華黃葉盡，待君懷舊鑄新詩。

曼殊遺墨將由文管會保存。

劉三藏書開多散佚。

故人宿草久凋零，鷓鴣餅青裙剩小星。嘆擇鄰鄰笛在，元龍樓畔不堪聽。

擇鄰處陶道故寓所在，今其家人仍居之。

沈郎杯酒便酡顏，灑墨羊裙萬口傳。更約登高老詞客，花腴霜飽九秋天。

尹默，旭初。

避地頻年相伯鸞，干戈兵火共艱難。不須詠絮推才駿，自作清流顧及看。

佩宜。

禮堂剩墨亦風雷，桑下枯僧具異才。付與先生勤掇拾，酒邊閑話劫餘灰。

蕭初秋藏有太炎章先生書及

高談炙輠卽石老，萬卷蟠胸柳翼翁。笑我早慚袁豹半，欲從炳燭課新功。石公，翼謀。

重九前一日偕亞子佩宜石公白蕉諸君游梁溪，居城南賓館，翌日而病。兩首

因病得閑真不惡，且將宴坐代登高。明窗朱閣成深竊，藥杵茶筌伴寂寥。時有清風穿檻戶，忽看初日上牆腰。諸君不負幽尋興，行到梁溪第幾橋。

濟勝原知膂力慳，扶床數武嘆蹒跚。尻輪神馬無窮境，蟲臂鼠肝如是觀。山鳥啼時官樹綠，菊花蒸後雨雲寒。北窗盡日惟欹枕，那用旁人爲正冠。俗以九月熟爲菊花蒸。

錫游病歸，作似亞子石公白蕉

踞壁三日卧，重陽便已過。江山分手遠，風雨閉門多。吹帽行厨酒，揚舠秋港波。東南賓主美，此別更如何。

再簡亞子（二首）

九日光陰第二泉，與君飲啄且隨緣。盪胸雲海成高吟，打枕風濤且熟眠。勝地重來秋湏洞，故人久別話纏綿。鴛湖烟雨蘇堤柳，屈指相期更放船。

步卓吟筇坐捋髭，不須騶從爲扶持。歸程待禮南能塔，行卷先增北阜詩。龍起豈同皂櫪伏，魚游惟有濮濠知。卅年文字因緣在，結習誰憐老更痴。

題柳弢廬食古齋詩錄二首

管窺蠡測欲何求，萬宿光中指斗牛。不道分湖在眉睫，靈芬應讓此清遒。
涪幡格律孟郊骨，堅瘦蕭森并一奇。始識三吳宗派在，江河萬古弢詩。
余擬選近代九家詩，於江南止江弢叔一人。今讀弢廬詩，氣骨意境不在伏船堂下。道咸後作者多寢饋蘇黃，而摩韓孟之壘，錯綜變化，不離其宗，鄭子尹江弢叔而下，如肯堂散原乃至漸西寐叟皆是也。越縵浸淫三唐，湘綺高言騷選，乃爲別出，然從而趨者稍稍稀矣。附記

連日過翼老雜談近事，因書所語成詩（二首）

待把吳閭擬石城，攝山霜葉似天平。鳩來黃浦伶仃客，仍欠青溪勃窣行。窗暗窗明書萬卷，愁深愁淺雪千莖。凝陰作雨寒初勁，自撥爐灰待晚晴。
是日及暮微雨。

焦岩勝會集簪裳，樓觀迢迢近就荒。臣疾祇應箴七發，公才奚止備三長。不須觴詠懷金谷，且喜溪亭度石梁。一片龍潭定無恙，未妨重到駐桃榔。

潭石橋，故六句及之。

張廣雅薛廬詩：「溪亭徒兀兀，無梁不可涉。」先生主圖書館時，曾拜治烏龍。

周熙臺索詩，即贈

郡庠同席過卅載，頭白眼昏幾人在。昨來屈意忽相過，授簡徵詩稱久待。玉人善琢亦時有，白壁黃琮發光彩。顧我十指拙如槌，刻鵠不成容有悔。聞子閉戶樂有餘，高鳳漂麥能讀書。牆東高隱非牛僧，燕市酣歌謝酒徒。布衣敝履出無車，恂恂下人實若虛。子之質樸我不如，焉用文字相雕摹。垂名身後一杯酒，子試自擇將何居。

久不與瞿禪通問，寄詩道意，與君兩度相見，皆以寒冬，今又朔風燎烈時矣

絮帽衝風挾策回，舊借書於君鳴廊暗雨把離杯。別時方盛雨坐慚獨學虛青眼，常恐頻行損綠苔。多病四時親藥裹，微吟盡日撥爐灰。與君自合盟寒歲，不爲冬湖兩度來。

入冬多病，畏寒特甚，戲詠星嘉坡熱帶風物，星州故舊游也（二首）

曾向炎荒泛海槎，燒天滿眼赤城霞。橡園日暮微風起，一盞冰涼椰子茶。

唐人不慣是冲涼，爍石流金那可當。好是夜來微雨過，輕衾小簟竹方床。

土人稱新由中國至者，曰唐山人。午間冷水浴。

涼口冲。

題舊月簃詞卷，即似沈羹梅

舊聞疆村今夢窗，鄭況鼎足姜與史。

世以大鶴似白石，變筆似梅溪，與朱古老齊稱。

手鈔語業未終卷，辭奧意隱卒難

理。遁堪作引

張爾田孟劬

擅發微，謂玉溪詩致堪比。鈞黨紛紜事畢同，落葉哀蟬聲酷似。晚年

稍縱入東坡，肝肺槎枒真得髓。頗疑揭槩拙重大，巨刃摩天世能幾。異軍突起有蒼虬，舉重若輕語流美。不須寸鐵作堅利，百鍊精金柔繞指。以我不可學其可，莫逆故宜笑相視。補之驂靳秦黃間，氣格自高猶小綺。詩壇持擬誰其倫，聲家簡齋倘非侈。瞿禪夙告極推重，定本人手尤可喜。閉門三日聽蕭寥，里耳箏琶爲一洗。觥觥東陽出門下，校讀遺書刊亥豕。借觀縱使得荊州，還書一瓶其可已。知公雅尚在流布，橐有餘糧饋貧子。從此閑齋夜景新，舊時月色清於水。

寒夜松江寓次，作似鳳九姑丈潤泉學兄

壁上青銅照雪顛，尊中白酒送流年。人非徐穉慚懸榻，世有鍾期漫絕弦。寒甚冰花如刻縷，風微香篆自纏綿。身謀莫道都無着，晚計猶堪受一廛。

松江南關歡迎農民子弟參軍

簫笛聲和轉好禽，旌旗日暖影篩金。已從瑞雪占豐歲，更見雄風掃積陰。三日於菟饒

猛氣，六千君子盡鄉音。爺娘鼓舞妻孥喜，一反兵車杜老吟。

歲暮雜感 一九五〇年

擲流光逝水同，強從鴻迹記西東。紙窗竹屋巴山暮，帆影江聲北固雄。豈意羈人歸故國，居然同輩盡哀翁。凍吟冰柱誰相共，擁被高樓聽大風。
余十年前此時居重慶，廿年前居鎮江。

門西雜詩（十二首）

小住松江西關大街，寓屋三楹，小樓南向，雖無花木丘壑之勝，而窗軒明淨，瓶爐妥帖，竟日婆娑其間，意有所感，隨手短述，無復銓次，時庚寅歲暮也。

殘年生理未全貧，曝背知宜着野人。借得市樓三尺地，一窗晴日暖於春。
所居樓，南窗晴暖，甚宜讀書。
嚴霜萬瓦曉淒淒，漸轉和風柳欲萌。岑寂明窗少人語，臘梅花下午鷄啼。
破曉霜嚴，午間必暖，驗之不爽。
四十年間去國時，歸來遼鶴有深悲。尋常貰酒呼魚地，榛莽難尋壞壁詩。
經舊游酒肆故地，遺址都盡，有懷當

日同游。

故人第宅蟬爲牆，數樹河梁夢未忘。坊巷只今無覓處，一筇歸路滿斜陽。
兵燹後市廛租復，城中則廬舍爲墟，

故人居宅多不可問。

題詩酒半聽松風，老輩風流有舊踪。寂寞草堂南埭上，何人衝雪訪髯龍。
松風草堂耿伯齊丈曾結吟社。南埭草堂有白皮松兩株，余曾以詞記之。

繞郭溪流漾碧羅，家家水閣好風多。

近郭水木明瑟，近多淤淺。

竹徑幽深隔軟塵，蓮池荒澗絕纖鱗。

祇餘一派龍潭水，更照觀河鰈面人。

有詩。

城東古寺舊經游，斷隴荒烟一片秋。

記得禪堂收茗盞，數聲雲木叫鉤輈。

公吳遇春翁白，壺諸君游憩。

大母當年顧覆心，跳梁一去負恩深。

老來吾土偏多戀，目斷荒阡淚滿襟。

望歸撫台，舊戒以勿遠游。今某在竹隱庵畔，松楸盡矣。

鵲原一慟鬢絲殘，四海何人共急難。

也似樂城風雨夜，外家客舍短檠寒。

舊偕舍弟揆仲，投宿外家客舍，其後舍弟亦歿。

深谷高陵事豈同，長河一綫葑泥封。

東頭老屋還無恙，慚愧雲間陸士龍。

今亦歿塞。余家老屋即在灘上，今屬他姓。

斷砌頽垣話劫灰，百年生聚委蒿萊。

好憑再造河山手，廣廈名園次第開。

文化區，闢校園，事藝植，規模宏遠，聆之折然。

薄游梁溪。夜侍自嚴丈小飲市肆，尊俎蕭然，而意味殊勝，丈謂不

可無以紀之。歸後成此，奉呈

大蓬聞望今無匹，小飲經綸亦自殊。爲愛水居來散策，忽聽山鳥勸提壺。到齊從事渾

難得，入市屠沽倘可呼。興盡翩然歸踏月，只愁明日畫成岡。

壽陸小波七十（二首）

衛賜廢居術，白圭棄取經。助公成大業，積厚見修齡。北固崇人望，南州聚德星。仍聞魁嘖室，宏議聽赫霆。

自識滕宗諒，巍然見偉人。江湖終浩蕩，肝膽最輪囷。風雨尊邊話，金焦戶外春。鯁魚櫻筍候，嘉會未嫌頻。

三月十五日，偕支會同人慰勞本縣浦濱泖口等處圩堤工程人員，舟中作
春波晴軟遠連天，一葉中流坐渺然。岸草漸青經宿雨，江風微動起炊烟。鼓鐃成隊歡相勞，畚鍤如雲肯自便。慚愧袁庸無寸效，欲持嘯詠答豐年。

余自癸丑歲賃居松城，不數年携家流浪，迄無一椽之托。今年還里，下榻洪錦隆小樓，軒窗明淨，終日婆挲其間，戲拈此解（二首）
賃春勞苦愧前賢，略似僧房借榻眠。二十八年頭白盡，依然無屋更無田。

清明才近即端陽，客燕巢成傍畫梁。暫止何妨休便去，尚思消受北窗涼。
吳芝瑛題西湖小寓柳堂，額曰「暫止便去」。

初夏閑居，偶憶前歲青浦之游，因悼俞君慧殊，時君以余病，邀至浦城小住，留九日而別

夢醒江城已換年，持杯真欲滴重泉。殘燈細字三千卷，君藏書甚多，余假以消夏。瘦石疏花五月天。君好蒔花，尤愛月季，有佳種，余紀以詞。旬口流連原偶爾，幾回離合自悠然。撫膺不獨山丘感，盈浦湯湯哭逝川。

病腰痛，困甚，書以自遣（二首）

老去深知膂力愆，餘年疾苦更相纏。端居元亮真止酒，病卧維摩不是禪。

晉人雋語耐閑思，敢道津梁已久疲。見世說。六十收身無礙病，令人尋味石湖詩。石湖致仕後，詩多說病，年不過六十也。

偶書排悶（二首）

時在辛卯農曆七月

謁醫市藥日匆匆，衰病居然六十翁。一夏頽唐疏筆硯，零篇斷句滿胸中。卧病蕭然枕曲肱，朝餐半九暮雙弓。枯腸猶愧蟬飲露，一片高吟振晚風。

秋日寓興，簡費磊安

坐看初日抱樓明，繚白縈青作好晴。嘉穗已成知樂歲，狂飈盡散少秋聲。一瓶可乞編

摩共，三日相違鄙吝生。同是衰翁多疾困，不辭止酒餌黃精。

重九書感

回車惘惘罷登臨，門掩疏花坐積陰。秋氣漸深憐節物，市塵不到即山林。已衰筋力慚優禮，在遠朋儕隔苦吟。稍喜斜陽開晚霽，里鄰鷄黍倘相尋。

是日日本與槐安約諸朋好若瑟樓登高，以事不果。余衰病，深荷當道優容。

照顧備至。又去年此日，與亞子聯吟過錫道中，今亞子居北，音訊久疏，故有五六語。

投張聊止（四首）

曾陪坡穎醉春明，今見斜川具典型。禪榻鬢絲相望處，也如殘月伴晨星。

余困風疾，聞君亦多病。

先謝歌場後酒場，老夫無復少年狂。却看著籍淵源在，同燕南豐一瓣香。

余民元後即不甚聽歌，近復止酒，君

與余皆畏廬弟子。

夢影梁塵尚可尋，董狐執簡是知音。粗疏我愧陶元亮，敢道無弦琴趣深。

君精歌曲，著述甚富，余素不解音。

西河沿畔飲中仙，零落山邱復幾年。江海故人頭白盡，持杯端欲酌重泉。

舊獲與君先公昆仲賓客之末，尤荷令

季父企禪解推之誼，卅年電逝，念之滋然。

題沈約齋手書詩稿（五首）

祥龍

選理唐音一手兼，先生少作便精嚴。未妨身世歸漁釣，胸次龍潭玉一壺。
自署龍潭釣客。

亂後生涯百不堪，故應彌勒與同龕。當年理詠銜觴處，衰草難尋蘆隱庵。

詩人詞客飲中仙，三事能兼豈偶然。我笑酸咸有殊嗜，細書古拙致偏妍。
手寫稿行書細字，頗饒古媚。

前攀張嘯山郭友松後張伯賢楊了公，中與蘇堪楊古儒并擅場。更有阿連連翁稍後出，逼人咄咄

詠池塘。

門生白髮說韓休，蠶簡陳編盡意搜。欲抱叢殘俟知者，夜光玄圃發潛幽。
劉融齋藝概之一。

友人頗以時花相餉，插瓶獨賞，率然成詠

萬千紅紫總匆匆，秋盡何來錦作叢。日色風香交淡蕩，脂光粉暈各葱蘢。偶成俊賞留高詠，獨許閑情付病翁。今日小樓誇晚遇，已回搖落入春融。

報載北方寒流南來，將有劇冷（二首）

天際寒流欲向東，蕭蕭風雨滿房櫳。老來稍厭淒清味，留取銅瓶數翦紅。
復帽重茵坐不溫，蕭疏殘菊掩閑門。年時酒病支離甚，無復芳辰舉一樽。

旬前松漚道中，得此詩前半章，久不能續，頃以蘇南急徵，復自松江赴無錫，車中有感，始足成之。

數峰淡冶出疏林，一水縈迴罨曉陰。勞者自歌車歷鹿，華年不返樹蕭森。凍吟還往閑能憶，孤抱微茫墮莫尋。一笑好懷輸隔座，風窗擁褐酒瓢深。

前次車中所見

題張海澄詩稿（二首）

早歲同登選佛場，多君意氣最堂堂。刷燕騏驎無千里，運海鯤鵬藐四方。長揖將軍聲鼓靜，牽衣父老酒杯涼。滿橋網解饑鴻活，驢背詩人涕滿裳。

抽身戎馬上江船，橫舍春風過十年。去亂真同歸趙壁，辨奸誓作在山泉。門堪羅雀況車馬，居近聽鸛勝管弦。惟有清詩時一出，雄姿橫槊尚依然。

頻年筇杖藉扶持，鷄棚魚梁百事宜。志切先憂小范語，退爲老圃稚圭詩。商量舊學文焉用，締造新邦計豈私。風月婆娑自無愧，鳳雛奮翼副恩慈。

費韋齋集中有蔬枰詩，爲錢自嚴先生作也。感成數絕句，即寄自老（五首）

苦雨窮陰未放春，德星獨耀浦江濱。韋齋集裏分明見，一代蔬枰着隱人。

蔬枰我亦曾一全，盛設咄嗟未翦蔬。此景迢迢三十載，虛堂清絕祇琴書。

窗橫海日小樓寬，廣厦團瓢一例看。比似蔬枰何美惡，年來詩夢更輕安。用放翁「一枕輕安夢，數聯蕭散詩」語。

清言名飲氣彌醇，舉案況看一室春。比似伯倫應絕勝，不須斷酒誓明神。

蕝鱸張翰念歸田，遺墨閑看想惘然。爲數酒人傳韵事，未安匕箸已酣眠。青浦張頻錢先生，自老同年，有遺墨

方求題語，張君工文豪飲，官京曹時，嘗與筵會，甫至即索酒搏戰，未入席已醉眠矣。

大風雪中，經城北吳遇春故居，感賦

二月十六日

(三首)

驅勉收功事未難，滿衣風雪不知寒。水邊籬落仍清絕，漫作尋幽選勝看。
憑誰詞館問青梅，斷壠荒畦隔岸開。一丈柴門斜照外，過橋曾爲借書來。
懷人感逝意如何，哀樂頻年罷嘯歌。不獨阮嵇亡并世，黃公墟亦邈山河。

二月二十四日夜坐

兀兀孤燈夜向闌，高樓雪後尚多寒。殘年飽飯真餘愧，老眼陳編亦強歡。兒女漸親悲
別酒，輩流無幾共春盤。北游倘遂明年計，絮帽衝風未覺難。遺山別程女詩，「別酒青燈語夜闌」。

以石印汲古閣仿蘇寫本陶淵明集投潤泉，易杜詩鏡銓，戲成奉簡

青燈白首四十年，耽吟積稿千百篇。敢言尚友古作者，插架亦復羅時賢。魏謠漢什遍

撫採，三唐兩宋來聯翩。登臨衆山失泰華，日迷鉅海尊百川。茲事咄咄我自怪，獨缺杜陵老子之遺編。袖珍細字記坊本，車塵莽莽珠沉淵。五湖三畝俱未遂，爭買安得不計錢。古磚硯齋萬軸懸，過門大嚼我亦然。物聚所好雖可信，哀多益寡原無偏。慨然貽我抵瓊玖，楮墨陳舊光騰騫。再拜捧歸輒自笑，如遇名酒流口涎。狂搜敝篋效投報，藏庋貧薄君所憐。彭澤先生琴無弦，好書樂酒古有傳。清吟持較浣花叟，差足旗鼓相周旋。我雖飯顆山頭秋風茅屋掩卷嘆憔悴，還欲坐君南窗白日羲皇前。

題張伯賢孔廣鑄史軒詩稿（四首）

雲間三士齊楊沈，各放光芒張一軍。禪悅詞心俱有托，浮沉戎幕獨憐君。我邑文學耆宿，余及見者，楊幾園沈

通翁及先生，年齒輩行相若，文譽亦略等。通翁晚嗜填詞，幾園時入禪悟，皆不專于詩。積稿最富，始終如一，殆莫先生若也。而兩于生理，入籍依人，憔悴以歿，其遇之窮，亦以先生爲最。

規模韓杜浩滄溟，排比鋪張見典型。讀萬卷書行萬里，瓣香應爲曝書亭。

熟精選理筆翻瀾，無縫大衣織亦難。自是雅言非鄭衛，莫將時世廢高鬟。先生精選學，曾集文選爲文頗工。王

湘綺言，湘人之文，如高髻雲鬟，不同時世。

文場酒陣少年狂，白首無成亦自傷。賦罷高軒勞獎借，茶烟麝鬢一徜徉。壬子癸丑間，遇先

寮，小坐談詩，嗣遂不復相見。

大風雨夜，偶書

三月十八日

(二首)

孤懷寥落夜燈前，風雨漫天只慨然。銷盡平生飛動意，聞鷄猶欲破高眠。
風聲如虎雨如繩，筇鼓開營氣倍增。想見衝寒齊殺敵，歸來笑拂鐵衣冰。

閱白香山詩，戲用其意自嘲

扁舟出世定何如，薄治資裝待戒途。生老病原循次第，去來今亦只須臾。偷閑便理新詩什，感逝常懷舊酒徒。欲畫衣冠從九老，小留更得十年無。

鳳九姑丈六十九壽詩

少壯體苦羸，清癯如鶴立。晚年轉完固，寒暑無少疾。豈以攝衛宜，夙擅活人術。豈以服食方，茹芝能却粒。斯固未盡然，公蓋別有得。用心仁且慈，律己儉且嗇。于世不多取，爲人每周急。浮雲視聲名，土芥輕貨殖。禦冬唯緇袍，登俎鮮肉食。以是養天和，生機自洋溢。今年已六九，齒貝髮尚黑。明年即古稀，轉詢開八秩。平生無他好，藏皮富篇什。壽公亦無他，濡我手中筆。

若瑟樓小集，示費潤泉王槐安（二首）

春在憑誰覺，層陰向晚開。登樓還作健，送老也須才。山遠猶橫髻，林疏待補梅。歡情兼病思，端自怯新醅。

近局招要屢，芳辰笑語傾。杯盤仍里社，節物近清明。讀畫懷先哲，論詩渺舊盟。南梁清絕水，記與濯塵纓。

王君出山水畫，有張詩餘諸人題識，話南社故事，因憶民初海上同盟諸子。南梁，槐安釣游地，余以前沈通翁曾三宿焉。

夜聽京劇唱片，因寄張聊止（二首）

翠舞珠歌口放顛，幾回崔九畫堂前。江南風景渾無恙，花落花開四十年。菊部霓裳譜未殘，宮牆擲笛夜深寒。可憐戢影江頭客，手界烏絲寫墜歡。

城西巷陌中見桃花，戲詠（二首）

銀瓶錦帳漫豪奢，風味還宜處士家。濯錦江頭杜陵老，滿園橙竹間雲霞。數樹嫣紅近水開，經過莫問幾時栽。風光還到滄桑眼，也似玄都觀裏來。

友人貽牡丹一枝，插瓶成句（二首）

姚黃魏紫當時重，淡白輕紅今亦稀。好是尾春連首夏，暖蜂早蝶歛成圍。

紛紛桃李委芳塵，雨過虛庭日色新。莫恨此花開較晚，猶堪爛漫駐濃春。

偶閱張廣雅詩，有懷漆鑄成（二首）

鑄老嗜酒，能誦張詩，同客渝州，醉後恒聽其誦詩爲樂。

巴山聽雨最情親，縱酒高歌四坐春。今日陳編還獨把，滿衣風絮更懷人。
送別江干酒半酣，四年焦遂隔高談。殷勤誦取臨川句，暮齒相思豈久堪。

檢得劉三黃葉樓詩稿，翻閱漫書（二首）

不緣才盡嘆吾衰，草草勞人自有辭。安得如君娛老日，杯盈琥珀墨盈池。
回腸盪氣卅年前，枯木寒灰那放顛。忽有悲歡心上過，屢看名字在遺篇。
君詩有「池水朝朝黑，春林夜夜紅」之句。

奉酬張聊止見懷，即用杜工部秦州雜詩首四章韵（四首）

瀟茗成清話，因君憶舊游。飛騰悲暮景，邂逅豁離愁。曼倩金門客，成連海水秋。還鄉無故侶，甥館且淹留。

宣武門前路，蕭疏畝宮。歌餘秋雨近，客散酒尊空。灑落存交道，談諧有父風。更看嫺顧誤，公瑾擅江東。

黃墟消歲月，白袷滿塵沙。飲者名千古，書成自一家。狂吟動寥廓，醉墨任欹斜。余

亦能叉手，追陪已足誇。

臣叔豈痴者，空嗟不遇時。解衣霜月苦，挂劍壘雲悲。龍性馴非易，鳳毛翥未遲。嶽崎風概在，吾黨定思之。

冒鶴亭廣生八十壽

德星魯殿杳難攀，白社玄亭記往還。聞望自高家世外，風流未遠晉堂間。一時勝集堪回首，指上年茅店小集近邇事。四座春和接笑顏。更喜聰強如務觀，老年清詠滿湖山。

立秋漫書（二首）

拔木狂風旋已收，却成微雨過高樓。兼旬炎赫還陳迹，一葉涼飄便到秋。

浮瓜沉李事何如，病胃難禁盡埽除。自笑殘年百無似，欲將飽飯學髯蘇。

蘇詩「幾年飽飯東坡老，一壺能專萬

事灰」。

新秋即事

八月二十七日

漸消殘暑午猶狂，漫展陳編夜已長。林影鳩聲收宿雨，籬花蟲語入新涼。兒童也解驅時癘，父老相從話歲穰。邂逅城南豐產手，彌天四海此堂堂。

逢陳永康君于縣府庭中。

窗間見蜥蜴，俗傳此物能毒人，證以科學，則非也。偶成此篇，庶理其枉。

守宮蜥蜴名非一，號以旋龍誰所錫，

我鄉俗稱如此。

工摹物態記東方，脉脉跂跂善緣壁。俗

將此物儕五毒，蛇虺螫人故非匹。又傳尾墮能貫耳，瞥見驚呼恣一擊。梧鼠五技但自衛，舍尾全身緣見逼。況看辟疫著微功，白鳥轟轟供飽吃。心良貌醜亦信有，爾遂爾生非買德。潛行覓食偶一覲，急竄牆間如避敵。作詩詔爾勿我虞，我自拂床圖宴息。

蜥蜴食蚊，故于辟疫有助。

七月十四夜坐有懷，分寄瞿禪西湖，旭初海上。

老去端宜與世疏，故山歸了恰懸車。相思誰復輕千里，不面空教覲百書。檻外湖光閑繞鬢，樓頭海雨曉侵裾。強寬秋興詞人事，肯枉新章慰索居。

寄酬章行嚴

虛堂共聽巴山雨，汪

旭初沈尹默

聯裾數唱酬。稍喜星辰圍獨坐，自携筇笠攬高秋。東歸

頗已傷衰病，西笑還應憶舊游。海內詞壇幾雄伯，真看嘯詠奪曹劉。

原作 東鵝雛 十釧

雙潮門外共瓜廬，誰計雲間返舊居。勝日喜纔餘涕淚，青春狂已捲詩書。武功長句聲名遠，日下豪情吐屬殊。剩欲與君揮腐鼠，鳴鴉猜意定何如。

夜坐偶成四十字

中秋前二日

謁病成閑坐，蕭寥且探秋。牽帷清露警，滅燭素暉流。碧落何曾滓，微雲任自浮。年時平淡味，早謝酒澆愁。

秋夜，養疴寓居，小詠

老愛閑居好，秋憐獨夜長。安床狼穎健，發篋麝煤香。玉璫青田石，碑留翠墨裝。平生此長物，障簾笑人忙。

我老而嗜墨，僅得十餘品，自以爲佳。又有田黃壽山白印章數事，狼毫兩枝，漢禮器碑石門頌墨拓各一本。平生長物所珍如此，亦可笑也。

繆子寫似近作，拈此奉柬，兼報近況（四首）

中秋真見木樨蒸，攤飯繩床睡未能。恰喜故人眎新句，兒時竹馬蹴河冰。

君生長蘭州，頃方送其公子上臚。

孟公投轄款嘉賓，江賦吳詞筆有神。問訊南徐尹居士，可還笑口爲鱸莼。

石公頗誇吾鄉鱸魚之美。

退食蕭然獨擁書，秋心瑟瑟對菰蘆。晦堂老子應相笑，聞得木樨香也無。

久向重陽謝酒杯，更因多病罷登臺。花腴霜飽吳君特，應許逢辰作健來。

謂吳眉孫

論詩絕句。讀遣山作，隨有所感，輒書（十二首）

浩歌忽復說荆軻，便作夷齊志不磨。此意晉賢渾自別，飲醇揮麈并時多。

淵明于晉人中志趣特出，未可以北窗

詠脚一語，儕之上阮劉許輩也。

代品性均別。

豪宕山陰迥不同，散關鐵騎夢秋風。香山秀句休相擬，解道初三月似弓。

後人白陸并舉，余以爲有不然者，時

休將孔雀擬鸞鳳，酖毒文章總不祥。畢竟後人誰省記，鈴山堂與詠懷堂。

有感于遣山「誰信安仁拜路塵」之

語，更廣其意。

南詩雋永北堅迺，好尚難將一例求。若舍豐神論骨力，江西那得比并州。

陣馬風檣百態新，縱橫回斡筆如神。一篇虞阪長歌罷，却與坡詩作替人。

遣山虞阪行等篇，筆力直逼東坡。

巉刻精純得未曾，莫將詩派廢金陵。荷花陂水江南夢，更付何人續一燈。

後人選詩，不及半山，以爲不開派也。

採藥尋梅各有機，深山幽寺坐忘歸。澹然雲石分輕重，誰似須溪語入微。

述劉須溪評草孟詩語。

妙手天成似偶逢，筆端真氣釀醇濃。論詩實下蘇州拜，長對勞農有愧容。

歐陽修宴會風詩云「誰知蠶衣

燈火竿歌甲第深，窮邊戍帳雪霜侵。

直教丞相噴風漢，誰會歐陽此日心。

陳澈言，四十餘萬屯邊兵，晏相大怒。
〔至歌歸院落，燈火上樓尋〕，晏詩也。

楊范齊登大將壇，劍南壁壘更崔巍。
偏師獨許姜夫子，小隊弓刀緩轡來。
樂譜書評并闡微，漢宮祇動伯鸞啼。
誰知輦路垂楊外，懶卧虛堂一布衣。
炊韓饋杜盡珍奇，饜飫精豐療荊饑。
淡茗一甌澆舌本，不妨下取四靈詩。

重九作似磊安

壬辰九月

（二首）

秋光雖漸老，稍喜開澄霽。沉吟起添衣，頗覺風力厲。
相呼作重九，重此比拔楔。登高云避疾，豈伊疾可避。
我儕少勞動，一室窮年閉。試以登涉勤，庶祛筋脉滯。
戶樞流水喻，此意倘共契，雲何徒飲啖，爲口羅甘脆。
養腹亦自可，勝情殊未濟。悠然對庭花，霜紅滿階砌。

淵明事田疇，耕鑿乃其常。偶然息勞筋，滿把籬花黃。
寄意取暫適，何必薄衆芳。我輒師其意，負手聊相羊。
鷄冠與秋葵，墻陰相低昂。彼雖列下品，一例酣風霜。
慣見固無奇，賞會殊未妨。輝輝雁來紅，七尺珊瑚長。
贈君君不取，歡然傾一觴。

重至吳門，感懷金

鶴望

吳

鵬安

兩亡友

壬辰十一月

吳會故人零落盡，下車惘惘夜深來。
屢邀鶴望酬新句，常共鵬安撥舊醅。
何處山丘空悵望，重經坊巷亦低徊。
蘭臺二妙今無復，衰白孤吟只費才。

硯銘

新得一硯。名之曰玄璧，而系以銘。

平生相守，禿管殘箋。晚乃得此，助爾力田。筋力雖憊，或者豐年。

枕上得一絕句，時壬辰臘月十七日也

芳辰杯酒身常健，美睡明窗日已高。此事暮年恐難得，無功竊食敢言勞。

讀沈約齋潭東雜識，感懷先哲，詠嘆成此（二首）

東南亦有鄭公鄉，暫借園林作禮堂。舊榜難尋舒藝室，一庭書帶雨中香。

張嘯山
文虎

萬言出手筆如飛，談辯紛紛雜罵譏。風雪漫天披敗絮，笑他卒歲嘆無衣。

郭拙衡
友松

韓鳳九姑丈七十索詩

去年壽公詩，預期滿我筆。駒陰如決驟，轉瞬果七十。公我皆勞人，從政如療疾。所愧治術疏，欠公肱三折。衝寒晨出門，忍饑晚歸室。公劬乃過我，篤老不自逸。我年實少公，念此每自失。東西各有程，卒卒便終日。相見動逾月，輒如居異域。何當謝人事，容易歡促膝。舉酒更壽公，明年七十。

每日公西之於所，余東入
居，故有東西可。

三月十五日近游書感

十九日作

鹿鹿車聲拂曉行，故人鷄黍意先傾。追陪老宿成高會，閑話春明已隔生。欲束悲歡歸暮景，漸看節物近清明。瀟瀟風雨虛庭畔，一往猶餘舊日情。

絕句

四月九日

(二首)

欲從駒隙借春陰，又聽淋漓嘆雨深。油幕未張風未息，巡檐惆悵護花心。
園林風日易摧殘，折向銀瓶亦暫歡。乞取徐黃寫生手，紅芳常在畫圖看。

張琢丈挽詩

北行執別幾經年，苦道南歸札屢傳。無復圖書娛晚景，只將衰病付高眠。詩筒往復餘真賞，畫概紛綸有補編。惆悵吳門曾一至，款扉清話更無緣。

丈曾以劉融齋藝概缺畫概一種，補撰成編，載春聲雜志。丈南歸後，寓居吳門，余數月前曾一至，匆匆不及詣訪，遂成永隔，不勝慨然。

友人饋芍藥一枝，戲爲絕句

四月廿五日

(二首)

粉艷脂光刻意濃，芳辰一笑寂寥中。病軀便覺春寒減，小閣明窗過午風。

病來減盡尋花興，風味渾同退院僧。忽着一枝屏几側，伴余兀兀復騰騰。

浦南雜詩（五首）

才見陂塘便眼明，晚烟桑柘一川平。詩腸鼓吹無多子，清絕蛙聲似雨聲。

葉樹禹樓夜坐。

漫持龍骨祝滂沱，試看溝車捲白波。萬頃水秧齊入土，先生擊壤日高歌。

時方組織抗旱。

旌旗獵獵曜朝陽，小隊紅巾出廣場。中國主人須健者，衰孱如我愧津梁。

浦南中學少年兒童隊操演，要余檢閱。

塵土東華笑季鷹，半生自飽柳湖莼。一枝尺八南窗下，華髮蕭蕭岸角巾。

贈張思純。

玉潤金溫兩有之，與君一面便相思。劍南詩裏揣風度，菡萏香生雨過時。

贈陳白荷。

喜雨詞

五月二十七日久旱得雨作

三旬赤雲烘烈日，萬頃水田龜兆出。村村群衆抗旱來，時乎惟時不可失。溝車汨汨翻波濤，鋤耙欲拂天門高。天高聽卑事信有，天亦斂手欽爾勞。懶龍奮作商羊舞，陽烏匿影何處所。墨雲四合不知午，倒瀉銀河忽如注。先生歡然坐草堂，湘簾斐几生微涼。舉酒祝天無別語，五風十雨歲豐穰。

讀劍南詩鈔，戲書（二首）

月白庭空句律新，與翁少小便相親。卅年電駛頭如雪，開卷真同遇故人。

十餘歲讀放翁詩，即喜其「庭空月白」。

「夜燒香」之句，至今憶之。

小樓子夜讀書聲，童稚耽詩動老成，畢竟與翁何所似，流傳海內只虛名。

放翁詩「海內虛名不救貧」。

偶成

絮飛花落軟游絲，新綠成陰日影遲。閑數一年風景裏，殘春初夏最宜詩。

兩老翁行 溪北費潤泉，城西則余也

溪北老翁微有須，跬步亦藉邛杖扶。偶然高興握禿管，腕底灑落千明珠。城西老翁興不孤，短衣窄袖時走趨。高眠健啖俱不惡，所恨風濕侵其軀。兩翁相濡相爲娛，翛然濠濮如江湖。糖茶小設供淡話，有如東坡逢蜜殊。三百青銅酒莫沾，翁昔豪飲連朝晡。世間萬事相乘除，今屏涓滴原非迂。鱖魚蔽渚玉雪如，紫筍解籜櫻桃朱。匙抄雲子羹莼菰，一飽俾爾神敷腴。無能乃受衆人養，崇文敬老千載無。嗚乎崇文敬老千載無，翁倘一旦爲壯夫，耕耘畢力無踟躕。不然捍國身執殳，少竭驚鈍誠區區。兩翁相顧相喁于，安得一旦爲壯夫。

「衆人共養老無能」，陸放翁詩。

自題詩稿

得句已無前輩賞，

放翁句

定文敢望後人知。一生心力聊堪惜，敝篋塵封數卷詩。

碩公書言，偕江翊老游京口三山，因憶舊日焦岩之集，勝概稱最。廿年
電逝，往來於心，作寄石公，并塵翊老。二老夙有松游之興，次首并
及焉（二首）

廿年不踏焦山土，惆悵何人話舊游。蔽渚鱗魚看出網，傍林宰堵恰維舟。四圍石氣渾
欺酒，盡日江聲自繞樓。聞道俊游歸二妙，留筇佳處倘終酬。

九點青螺艷我州，近來勝迹漸難搜。臺高應見月全食，客至差憐酒可謀。華藻江山諸
老在，徘徊鄉土兩年留。百無一用嗟衰疾，唯可隨公壩浪游。

聞蟬

憶卅年前，偕楊了公先生消暑松江孤兒院。

滿院驕陽小暑天，忽聞高柳有鳴蟬。玄亭人去黃墟邈，清簟疏簾三十年。

八月八日晚，松江舉行慶祝朝鮮停戰協定簽字大會，是夕大雷雨

慶祝呼聲抵怒雷，良苗萬頃及時栽。暑和戰地餘埃盡，秋送天邊喜雨來。畏熱安居慚
厚祿，聯歡笑語滿高臺。漫愁盛會匆匆散，仍盼甘霖續續開。

是日晨四時立秋。

八月十九日偶成

牆角莎根響暗蛩，坐憐涼意入房櫳。農勞正要分秧雨，海近時來拔木風。燕市酣歌容我再，吳箋索句與誰同。老來剩喜加餐飯，客疾行看一掃空。

余不北游已四十餘年。近爲防務會事將去京，此間唱和頗鮮，故有五六語。

北游草（三十二首）

一九五三年癸巳秋，余重作北游，自離燕京，四十有二年矣。解放以後，新都建設突飛驚人，耳目所接，概非舊貌。余以老暮，獲睹斯盛，豈非幸歟。又曩日途行，率由海運，自津沽舍舟而陸。今則鐵路火車經滬寧渡江，道齊魯以達燕薊。過泰安濟南，岱宗在望，嘆其崇闕，明湖非遙，想見瀟灑，亦俱非余丁年所曾歷也。沿途口占小詩，以識感想，暨抵京後山水游涉，朋舊往還，輒記數語，聊備遺忘。總名曰北游草云。七月十六日，鵝雛附記。

初發上海。

稻隴青黃錦綉堆，列車蜿蜒走輕雷。紵衫葵扇黃塵裏，一笑先生觸暑來。

過蘇常。

衰病經年罷遠行，叨膺民社亦何情。縱教揮汗能成雨，灸背田間愧力耕。

過蘇常。

具區萬頃想烟波，眼底蘇常一瞬過。三畝五湖俱不遂，祇憑詩卷慰蹉跎。

過鎮江。

傭書簪筆送華顛，旅食南徐近十年。今日經過重回首，故人鷄黍記流連。

懷吳次藩鎮江。

故人最憶吳藩老，健酒耽詩每過余。料得客居頭不白，金焦分翠上眉須。

金陵城外小駐，即過江。

石頭城外駐車輪，自別鍾山四見春。九軌徐行渾不覺，新秋月色渡江人。

鸕輪鹿鹿夜冥冥，酒冽泉香何處亭，一自醉翁仙去後，環滁山色爲誰青。滁州。

倦鳥歸飛本不謀，稻梁逾分飽閑鷗。却愁老作羊公鶴，雙翅毵毵舞未休。

東坡領郡得徐州，猛士詩人一例收。真信官閑緣政美，羽衣吹笛上黃樓。徐州感東坡事。

觀日升顛豈素期，車窗縱日亦成奇。染濡大筆無遺憾，惟有杜陵老子詩。經泰山下。

槐柳成陰臺榭交，白蓮花謝態尤嬌。濟南瀟灑非虛語，不到明湖意已銷。過濟南。

江南殘暑不肯去，才過颺風又却回。不道寒溫如反掌，秋風吹面渡河來。過黃河鐵橋。

闡易裁詩想老成，興言祖德念趨庭。溫恭如子真無忝，何怪相逢眼便青。贈同行者松江德瓊醫院院長何德瓊。

相逢萍水恰同車，南海歸裝不廢書。他日丁沾踐嘉約，便應把酒話葦禾。贈同事胡屈君。

海舶迢迢望帝京，市樓弦管一關情。擔簦還往常留止，慚愧三年欠一鳴。過天津。

都門夜靜雨如傾，火樹銀花照眼明。願得江淮同沛澤，及時灌溉喜秋成。抵京遇大雨。

西城賃屋屋如舟，老樹濃陰恰及秋。夜半叩門吾竟至，解裝一笑慰離愁。至東斜街楊婿家暫寓。

紅樓名自滿天下，我憶西齋燈火紅。四十年來頭白盡，驅車還過景山東。過景山東街北大門外。

南歸置酒菊花黃，十日歡悰江水長。今日一軒來舊雨，霜顛相對罷傳觴。亞子佩宜杭儻同游中山公園，飯於來

今雨軒。

即鄰了胡。

薊北江南萬里餘，才逢旋別意何如。猶存濠上觀魚想，更願長通尺素書。前贈亞子詩有濠濮觀魚之語，君寓

濟勝無能久自知，登山腰脚嘆吾衰。烟波浩渺扁舟去，獨愛沿堤萬柳絲。北海二首。

漪瀾堂下水天涵，楊柳鳴蜩綠意酣。只欠荷花紅落日，白頭來此話江南。

贈漆鑄城。

淞濱分手送君還，重見宣南鬢漸斑。健飯高談真矍鑠，更憑尊酒駐朱顏。

邂逅白蕉于徐悲鴻氏畫室。

相望百里經年別，豈意披襟在上京。秋色一庭圍畫幌，小留且莫數歸程。

訪章士釗先生。

魁儒名德並來歸，敬老崇文事豈微。花木東城門畫掩，高齋長日亂書圍。

天壇。

天壇曠遠更蕭森，出郭車聲試一尋。欲識樹人百年意，君看松柏自成林。

陶然亭逢李印泉先生，茶話小坐。

山色依然到畫廊，盡芟蘆葦出波光。偶逢詩老携筇至，小閣茶烟坐夕陽。

文懷沙坐上，即紀其語爲贈。

紉蕙滋蘭萬古心，鄭箋後世有知音。更誰論定考亭注，淺語由來意最深。

贈楊萬里先生。

畫是無聲詩有聲，琴書妥帖晚窗明。却從畫理參琴理，惟有汪倫不世情。

文化部古樂演奏。

流水高山一再彈，箏琶相繼足清歡。誰言古樂難娛衆，四座無言至夜闌。

寓齊即事。

棗樹齋中十日留，悵悵琴德古情幽。榮枯早道尋常事，殘葉隨風自感秋。

崇臺傑閣勢難窮，迤邐長廊畫筆工。魚藻亭中枯坐客，披襟來受翠微風。

頤和園即目。

不識秦黃七九，差喜玉田抗手。南社翫年芳，數
當場。等是飄零黔蜀，國難鄉愁歌哭。觸撥舊時
心，引杯深。

敬題

松江姚鵠先生蒼雪詞遺箬一閱調寄昭君怨

歸夢春山笋蕨肥，華亭一鶴尚孤飛。攀檻排闥都
草草，堪笑，湖船來琢暗香詞。溫李堪供驅使否，

搖首，平生坡谷有深期。綠鬢紅簫無我分，何恨，一
枝霜竹伴君吹。

定風波里詞奉題

鵲雛先生蒼雪詞卷

永嘉夏承燾倣稿

蒼雪詞卷一

約在一九三八年至一九四八年作

雲間 姚錫鈞 鵝雛 著

望江南（十二首）戊寅在正江

余不諳倚聲，某年謁朱彊村先生，問語及之，而苦其律度。先生曰，詞之功，不徒事此也。先生以嚴治聲律，宗主壇坫，顧其言如此。蓋審乎初學畏難，將望而却步，用誘而進之，匪獨善易者不言易而已。頃避寇兵，轉徙辰沅，提携弱小，經涉冬春，蒲酒榴花，又過令節。瞻念鄉園，賊烽猶熾，傷時感事，輒托小詞。文隨情生，音無繁縟，等之竹枝楊柳，信口可歌，固非嚼徵含商，竊渺刻深之比也。

江南好，北固雨瀟瀟。柑酒從容過竹院，刀鐏絡繹上江潮。門外是金焦。
江南好，暢好是金閶。十里珠簾紅叱撥，一船簫笛小排當。閑醉過端陽。
江南好，勝賞在雲間。夏服有衣皆白紵，酒人無日不酡顏。塔影射荒園。
江南好，虎踞復龍蟠。儀鳳門邊山影合，莫愁湖上水雲寒。攬轡幾回看。
江南好，好是熟梅時。霧縠初裁涼壓酒，湘簾半捲雨催詩。淺夏比春宜。
江南好，臨水盡朱樓。數樹垂楊黃似酒，一溪新漲碧於油。無地着閑愁。
江南好，酒罷已涼暉。園樹老紅和雨落，池塘深碧見螢飛。扶得醉人歸。
江南好，綠野有躬耕。萬樹篩陰聞叱犢，數聲布穀勝啼鶯。閑話豆花棚。

江南好，黯慘望烽烟。起陸龍蛇吞象腹，臨江湖馬斷流鞭。此日是何年。
江南好，處處夕陽多。倉卒寒潮沉鐵鎖，周遭蔓草卧銅駝。去國意如何。
江南好，消息雜驚猜。阿閣綺窗雷破柱，雄城巖邑劫餘灰。遼鶴忍歸來。
江南好，父老望克旌。秦隼三千齊射口，橫磨十萬快屠鯨。東海始銷兵。

蝶戀花（三首）秋思

戊寅在貴陽

夢淺愁深無意緒。簾掩新寒，乍覺秋如許。涼葉自飄檐畔樹，不關日日風和雨。
上層樓還獨竚。山盡天低，惟有雲來去。蟬曳殘聲聲又住，晚鴉三兩歸何處。
殘醉初消人意懶。繞砌涼蛩，猶解吟幽怨。幾處紅樓絲管暖，商聲只在閑庭院。
雁不知關塞遠。滿地菰蘆，湘水烟波晚。風裏橫斜吹更亂，關心莫被風吹斷。
疏柳寒烟天一角。閣雨痴雲，黯淡還長壑。漫拂金徽塵漠漠，書來依舊悲離索。
曲屏山涼夢覺。醉也難成，醒更情懷惡。愁與西風還有約，拼教永夜聽檐鐸。

雙調南鄉子（二首）瓶中紅梅

以下己卯後在重慶

竊袂想臞仙。洞壑沉冥不計年。一酌人間金谷酒，翩然。醉舞霓裳也自妍。
春淺月初弦。小驛孤村夢化烟。誰記舊時高格調，堪憐。開向銀屏畫燭前。

疏影倚春寒。閑颭屏風玉漏殘。漫擬小紅桃杏色，誰看。強學時妝轉覺難。
香雪

海漫漫。歸去江南認故山。只恐他時還憶着，前歡。酒污羅裙淚有斑。

臺城路 枯樹

西風斜照婆娑意，蘭成昔年曾賦。雨暗虛籬，烟荒斷壑，瘦影鬢髭誰顧。秋聲最苦。更闌榭蕭疏，幾家庭宇。減盡清華，不馴龍性尚如故。溪山依舊寂寂，笑輪囷坐老，終遠斤斧。脫葉難留，盤根自出，一任支離寒暑。前游暗數。是白鷗來時，碧柯交處。五

畝嘉陰，喚人閑認取。

浣溪沙 (二首)

山雨疏疏濕晚鴉。霜燈點點透窗紗。餘寒漸欲凍桐花。商略閑盟鷗滅沒，矜持芳訊柳天斜。茶香酒釀在天涯。

一尺焦心綠漸抽。半篙春漲碧于油。收燈過了晚風柔。老計眠蠶將作繭，孤懷病馬不宜鞦。十年人事總悠悠。

柳梢青 本意

東風愁眼。鵝黃嫩綠，絲絲初綰。雨送山寒，烟分溪暝，淒清無限。江城又見垂條，恨只在離亭候館。冷落鶯簧，差池燕剪，冶春誰管。

蘇武慢 馬元放歸漢記題詞

蘇武歸來，秦關漢塞，故國那期重見。兵塵漲陌，戰血連江，也抵幕天冰霰。叫雨鷓鴣，嘯風豺虎，人境轉成迷眩。嘆琅璫霜夜，雲山空繞，夢回愁釀。休更憶，海上穹廬，車中旂節，總是斷鴻飛倦。瓊枝繼佩，鶉鴉先鳴，又惹一襟幽怨。惟許長歌，日星河岳，正氣兩間無欠。向短檠深幌，銀箋湘管，自書生傳。

高陽臺 梨花

柳綫縈青，苔錢綉綠，一簾春雨瀟瀟。數樹溪灣，恰看野水平橋。餘寒猶滯芳菲節，甚山坳、殘雪難消。祇輸他，枝上流鶯，啼夢聲嬌。年時載酒尋花意，付潘郎愁鬢，相對飄蕭。門掩黃昏，銀燈炙了無聊。東欄幾日清明近，又香綿吹盡柔條。剩宵深，淡月溶溶，移影牆腰。

小重山 春晴

日照春山花滿枝。東風齊著力，醉游絲。綠燕一徑柳飈飈，簾開處，掠地燕爭飛。小病怯單衣。翠尊渾寂寞，負芳時。平生惟有白雲知。難成雨，出岫不妨遲。

臨江仙 和倦鶴

禪榻茶烟便小病，病中瀟灑無愁。夢乘春水放扁舟。柳塘新綠滿，花溼淡烟浮。薄宦久宜員外置，尊前閑數清流。一簾寒雨漫疑秋。四山紅濕處，扶杖且登樓。

虞美人 和倦鶴

鄰鄰南浦初消凍。細浪驚鷗夢。梨花雪後亂鶯飛。不信春光如此不思歸。怨鵲啼罷千山暝。酒與閑愁競。那須更作斷腸聲。已是他鄉過了幾清明。

千秋歲引

陌上垂楊，欄邊芍藥。澹月疏簾尚如昨。秦箏罷彈玉砌靜，吳箋省記銀鈎弱。鳳臺空，鯉波遠，奈離索。歌罷漫翻金繫落。欹枕獨聽斜街柝。戶外酸風射羅幕。今年未歸春社燕，明年去作秋河鵲。篆爐雲，縠紋水，沉前約。

風蝶令

玉柱新筍雁，金鑪小篆香。冰絲彈怨一行行。忘却黃昏，猶自理殘妝。溝水東西去，春風上下狂。殘花剩絮滿銀塘。待得圓荷，何處覆鴛鴦。

水調歌頭 壽右公

帶甲滿天地，霜鬢久論兵。終看長劍十萬，破浪待屠鯨。東海鯨鯢風利，朔漠熊羆結陣，勝算合圍成。舉手謝江月，寰宇待澄清。烏臺簡，黃髮老，獨崢嶸。凝香燕寢心事，常念白鷗盟。此日芳垞小墅，坐對棋枰酒盞，歸思薦朱櫻。花外捷書至，鏡吹竚飛聲。

謁金門 爲鄭權伯題畫

慵睡起。明鏡黛螺初試。嬌鬢妝成雲髻翠。畫羅雙鳳紫。

紅淚文姬洛水。夢斷胡

笳聲裏。雁磧龍沙三萬里。春風才繞指。

江月晃重山 初夏

舊事雙柑斗酒，餘寒小簾輕衾。芳辰一笑已難尋。吳蠶老，惆悵到而今。城上朱幡捲雨，檐前碧樹成陰。北窗散髻更斜簪。青銅在，消盡昔年心。

踏莎行

已老鶯簧，漸繁蛙鼓。一春鴛瓦長飄雨。柳陰取次又薰風，晚窗商略聽蟬處。天遠高樓，舟回別浦。畫橋西去隨花路。老紅落盡綠蕪深，雙飛胡蝶閑庭暮。

望江南 (三首)

行不得，投止向誰邊。身似羸驂臨峻阪，心如驚雁落空弦。岐路更茫然。
留不得，接淅道真窮。醴酒端知非昨日，鱸魚何計待秋風。一笑恁匆匆。
歸不得，故國事全非。深谷高陵迷遠夢，秋鴻社燕只分飛。真個不須歸。

小梅花

宮車陌。王侯宅。長安城烏盡頭白。彩雲收。露盤秋。芙蓉小苑，浩蕩入邊愁。橋陵
松柏悲風雨。銀榜千門污塵土。擊圓聲。舞銅鞮。凝碧池前，豪竹復哀絲。南八指。

睢陽齒。壯士軍中半生死。佩鈴弢。弭蟬貂。烽明野闊，一戰覆陳陶。彎弓突騎今何有。
專閫論功印如斗。布威靈。動歡聲。鳳閣鸞臺，簪筆頌河清。

憶舊游 聞傾公自貴陽至，因寄

共詩筇訪鶴，酒幌呼魚，人在天涯。暫忍哀時淚，又螺峰送翠，小駐征車。候烽旋閃
邊壘，殘堞動胡笳。嘆斷雁驚弦，窮猿覲木，舊燕無家。堪嗟，十年事，有寂寞玄亭，

憔悴京華。雨散南樓客，剩相看衰鬢，飄飄塵沙。款門一笑先許，清話付茶瓜。便夢繞吳
船，荒江淡月啼曙鴉。

抄以上均爲抗戰軍興，匹遭淪黔，迄居渝時所作。白記

青玉案 和尹默飲茅台酒

塵送老知何地。漫料理，收身計。忍淚看天還歲歲。子真谷口，君平西蜀，商略沈冥意。花前且倚尋常醉。酒被花消定誰會。入手鄲筒思舊味。白沙清渚，粉江如練，春軟游絲委。

浣溪沙

遲日輕陰半過春。石泉槐火一番新。絲絲柳陌惹閑塵。啼夢流鶯空瑣屑，定巢社燕故紛紜。綠蕪盡處下斜曛。

南歌子

院齋清晝，碧桃海棠盛開，風日妍麗，拈此寫之

素面朝天淡，宮妝暈酒深。霞光粉態晝沉沉，便有悠揚蜂蝶鎮相尋。暖護青絲障，香分碧玉簪。儘教火急借春陰。可奈花前消盡少年心。

鷓鴣天

明隼沈君公葬日，余阻事未赴，賦寄琢丈

合郡衣冠掩淚過。故人新冢已嵯峨。亂餘節物臨寒食，老去心情感逝波。
花怒發，鳥悲歌。瑁湖風月托漁蓑。吞聲死別兼生別，頭白匡山奈我何。

唐多令 玄武湖同易君左

烟艇似輕鷗。晴波點點浮。更垂楊、綰暝絲柔。祇有茶棚兼餅肆，何處是，舊紅樓。

三隱最風流。湖山奄五洲。問而今、詞客誰留。許買菱塘來結屋，西着汝，我東頭。

中時，署門聯曰：是三隱，奄有五洲。

田北湖僧二友居湖

鵲踏枝 上已後湖修禊，分韵得地字

湖白山青風細細。柳外橋邊，安穩流觴地。酒避愁腸茶破睡。茫茫非醒還非醉。試溯永和當日事。烟水南朝，飄盡新亭淚。勝日清游今又是。桃花微笑人間世。

減蘭 李義山硯

韓碑大筆。比似昌黎無愧色。濡染淋漓。一片端溪轉麝煤。
鮮痕盡浣。清露涓涓生鵲眼。錦瑟華年。留與何人寫鄭箋。

踏莎行 百駿圖

虞坂車踪，東郊毛色。嘶風誰記長安陌。當年一顧已群空，世間安得乘黃百。 洗

甲銀河，消烽邊壁。買來烏特安耕齋。平川水草勝天閑，形模不上昭陵石

鳳凰臺上憶吹簫

紫陌新烟，畫堂故巷，湘簾難掩春寒。看過雨紅消杏火，舞困榆錢。辛苦芹泥未穩，參差羽，空繞梁間。隨風共，匝地絮飛，飄泊誰關。 徘徊綠蕪處處，只腸斷斜陽，依舊危欄。漫瘦影，輕穿綉幌，低掠箏弦。恁自商量不定，偷相覲，花外銜蟬。無憑事，幽

恨寄與吟箋。

和作 汪東 寄庵

漸入清和，已過修禊，卷簾猶怯餘寒。漫綠染縈牆薜荔，疊砌苔錢。雙燕來從紫塞，銜泥共軟語花間。應知得，覓遍舊痕，隨處情關。 誰家數重院落，空閑煞當年，碧檻

朱欄。料未忍琴書自占，蹴斷塵弦。屈指春能幾日，薰風起，又聽初蟬。歸時節，憑寄半幅銀箋。

南鄉子 思歸未得，寄雲間諸故人

緘札未沉浮。亦未程塗嘆阻修。爭遣一春忙里過，休休。赴壑驚蛇不轉頭。
浩難留。不爲鱸魚也買舟。瑞草橋邊淒惻意，眉州。炒豆瓜犀吃得無。
歸思

浣溪沙

榆莢楊花作雪飛。怨鵲乳燕訴春歸。夕陽巷陌舊烏衣。

題壁僧虔宜疾去，上書孟

六苦多違。五湖三畝計全非。

鵲踏枝 滬寓曉起，聞烏聲甚美，時將去松江

百舌呼春春已暮，夢覺疏櫺，夜色連初曙。落盡深紅無覓處。樓陰長日冥冥雨。老計
抽簪渾自誤。酒飲兵厨，乞米須仁祖。辦得歸帆宜暫去。征衫先浣緇塵污。

點絳脣 松江呈琢成丈

破帽殘衫，棟花風裏江南路。鵲鳩自語。明日還當雨。
相逢處。衣裘漁父。怪道寒如許。咏石嘲花，微減閑情緒。

陽歷五月，春夏之交，餘寒尚勁，琢丈復衣數重。

壺中天 游南埭草堂，觀白皮松，作似琢丈、慧殊、念孝

春末假歸，與張琢老、俞慧殊、朱念孝同游郊外，訪南埭草堂白皮松，堂爲姚春木先生故宅，其後「讀有用書齋」，韓氏居之。松凡二株，離立堂外，數百年物也。嗣歸雷氏，譜桐丈晚年修邑志于此。其旁爲長公子潤民舍，潤民亦博覽，富藏書，今并下世。余等以不欲驚主人，自側門入，徘徊頃之而去。

烘晴紅紫，笑春風不到，千年喬木。化作玉龍仍偃蹇，破壁將飛還伏。卷地濤殘，倚天霜坼，空有雲相逐。槎枒冰雪，舊時鸞鶴曾宿。遙念綉虎檣文，仙蟬食字，餘韻誰能續。換劫池亭寒雨外，仄徑苔錢淒綠。釵落鈎衣，根欹礙屐，欲去頻凝矚。主人知否，悄然來似看竹。

甘州 寄濮伯欣居士，兼呈柳幼老

正鶯雛風老雨肥梅，飄蕭滿江城。嘆登樓皂帽，精藍寄榻，久謝浮名。杳杳青瑤千仞，鄉思黯愁生。簾底瓶笙沸，歸夢初醒。無想依然是想，倘兩忘物我，一泯虧成。誦詩題雋語，戲比謝墩爭。恰頻年，閑雲踪迹，祇鉢山叢桂共清馨。還堪憶，舊憑欄處，蘆竹冥冥。

讀清真溧水無想山作滿庭芳詞，因成此。王伯沆先生舊號無想山民。居士云：欲乞以自號，王

先生未許也。自記

浣溪沙（二首）六月四日書感

青女娉婷鬥素娥。憑闌心事托微波。雕鞍綉轂一時多。
勸玉顏酡。愁深酒淺定如何。

紺吐猶留衫袖碧，螺杯漫

短夢蘼蘼轉覺長。銅龍漏斷篆烟涼。疏星澹月共茫茫。
盡去年香。風傳環佩隔銀牆。

鳳尾掐殘千古恨，燕泥落

踏莎行

潤逼衣篝，蠹生畫軸。縱橫流潦妨車轂。出門一笑我何之，鍾山濃黛如新沐。
廓吳天，炎蒸澤國。登高望遠傷心目。漢京詞賦自西東，甘陵賓客長南北。

寥

南歌子

雲作奔濤白，天真過雨青。輕雷隱隱夜冥冥。獨自虛庭欹枕看疏星。
高歌祇自聽。亂來無恙是東陵。依舊微風深巷賣瓜聲

奇字從人問，

鵲踏枝 酬包朗生天笑自臺灣寄詠近詩

慘碧蕉林初過雨。野葛齊紈，時有清風度。眉月窺人低綺戶。海天小閣渾無暑。開遍庭前招隱樹。道是中秋，恰是春光暮。春水方生君可去。鷗邊夢熟江南路。

春水句用孫仲謀答魏武帝書。

虞美人（二首） 院庭湘桃海棠已花，休沐日獨賞，賦此

脂香粉艷閑庭午。遮莫驚風雨。近來衰病負春紅。却許破顏一笑寂寥中。枝頭翠

羽啁啾久。燕子歸來否。定巢無計莫思歸，祇有鬧花胡蝶滿叢飛。

嫩黃萬縷門前樹。慣送離人去。便教相守老江潭。也復孳條惆悵說何堪。緇塵九

陌長安道。儘翫春光好。板橋流水月如銀。肯向東風閑鬥舞腰新。

臨江仙 寄倦鶴渝州

問訊嘉陵江畔客，載愁重泊吳船。一溪清水且留連。殘梅飄作雪，寒日淡於烟。一昨抽簪容佚老，草堂合住詞仙。伴人明月幾回圓。蠻花巴子國，靈雨蔣侯山。

浣溪沙 病起，有感大壯「自持殘燭照樓臺」之句，作此

病起殘燈特地明。樓臺無數夜淒清。不須銀燭淚同傾。

曠望關河希雁信，相思風

雨冷鷗盟。東欄紅藥幾枝橫。

以上自青玉案起至此，均爲丁亥戊子至本年己丑春之作，合湘黔渝旅中所作，編爲第一卷，都六十一首。自記。

蒼雪詞卷二

約在一九四九年作

雲間 姚錫鈞 鵝雛 著

虞美人 初秋與客話渝州舊游

風蟬斷續閑庭角。玉簾寒初覺。涼柯葉葉已難留。最是梧桐身世不禁秋。燈前細雨誰相過。與我周旋我。十年一夢話山城。記得四山木落酒初醒。

拜星月慢 檢篋得大壯詞數闕，誦竟，書悼

笛里懷人，尊前溫夢，愴絕樓臺殘燭。幕府清歡，覆深杯醺醖。記霜釀，別館伶俜，獨夜誰語，酒盡人生何促。往事都非，祇憂來相續。賦招魂，霧掩寒山綠。波紋蕩，恍度靈風肅。那向落月江楓，問魚龍歸宿。琢新詞，桂棹滄浪曲。騷蘭怨，蕙變荆高筑。把蠹簡，淚灑行間，耿秋檠重讀。

翁齊有詩云：「白持殘燭照樓臺」。居渝日縱飲，夜深瓶罄，輒嘆曰：「酒盡，此生亦盡矣」。語絕沉痛。

宴清都 瞿紹衡飲席，呈自嚴、叔通、譜衡諸老

又見秋風起。闌干畔，露凝叢桂初蕊。流年暗換，清游如夢，墜歡難理。憑教日系長

繩，總莫挽春隨逝水。映艷蠟，綠蟻金尊，白頭短髮垂耳。簪裾洛社耆英，當筵惟有，南董良史。文潛韞藉，涪皤健筆，顧厨齋美。幽姿寫入橫幅，頓埽盡，粗桃俗李。恍冷香，亂落詩襟，氤氳竟體。

是日，紹衡以畫梅一幀見貽。

永遇樂 積雨初霽，秋綠四圍，拈管賦之

脫葉嘶風，遠燕沉雨，秋已如此。蘚徑螢吟，蕉窗漏靜，一片涼侵袂。姮娥消瘦，相依青女，妝薄恁禁憔悴。透縠紗，烟浮艷燭，離愁暗沁芳蟻。蕓鄉夢到，露葭蒼白，迴入扁舟大地。羅縠空明，瑤簪倒影，千尺涵頽翠。澄澄碧落，瓊樓玉宇，那許淡雲輕綴。滄江晚，深叢數點，蓼花吐綺。

木蘭花慢 黃葉

正蕭條極目，秋欲盡，雁南歸。又平野霜濃，孤村烟淡，觸緒興悲。尋詩。記携舊侶，好園林恁便綠陰稀。錯認金章鳳子，翩然飛上疏籬。憑伊。俊語堪思。聲滿樹，醉休辭。嘆旅褐栖塵，衰顏褪酒，憔悴誰知。雄姿。最憐漢武，對河汾草木也沾衣。莫恨風雲氣盡，還欣芳菊同時。

木蘭花慢 題吳遇春小鹿樵室詞卷

拂塵箋蠹粉，卅年事，夢無痕。漫問里浮沉，晴窗潑茗，水樹開尊。衡門。嘯歌送老，恁司勛傷別復傷春。一律空中寄恨，竹垞南北吟身。

鱸莖枉引歸輪。經卷畔，暫相親。便長教隔絕，杯盤草草，燈火昏昏。懷人。更悲逝者，嘆延津龍合竟須分。寂歷秋窗夜雨，品詞好續靈芬。

抗戰後，余與君僅在里中湛然庵一面，曾荷以詩詞稿屬爲訂定，余時正病中，辭之，遂永決也。

渡江雲 讀青梅館詩詞稿，有懷曩日里中文酒之歡，依聲賦此，感不絕心

江湖清絕處，菜傭酒保，也似六朝人。綺辰聯俊侶，刻燭傳觴，拈筆已如神。鷗閑鶴瘦，料只應啄雪眠雲。聽歷歷烟中鸞鳳，長嘯出蘇門。

逡巡。星飛斗沒，海淺桑生，便重尋舊隱。空想象，花前邛竹，雨裏綸巾。匡山頭白歸來晚，負杜陵詩句殷勤。誰更共，尊細與論文。

法曲獻仙音 和逋居士遺作

逋居士集詞法曲獻仙音注云：「南塘秋泛歸，得鸕鷀新詞，且有發剡之約，依韵成此，因以趣之。」

蓋卅年前余偕龍丁費君過居士南梁新居時事也。星移世換，誦之惘然。余詞既無存稿，茲更和原韻，非曰補亡，聊摅傷悼。

遼鶴飄零，蜀鵲淒咽，又閱蓬萊清淺。南郭幽居，西州華屋，應看巷坊都換。剩扶醉羊曇過，秋塘敗荷卷。陣雲遠。記遐征，洞庭湘水，人自去，衡岳幾曾回雁。邂逅許歸來，話巴池，窗燭須翦。永隔黃壚，條淞江，添淚長滿。縱莼鱸無恙，忍把劫餘芳盞。

西子妝慢 憶昨歲西湖之游，寄夏瞿禪

一九四九年

枯木酣霜，凍雲釀雪，笑我此來何暮。白公堤上一支筇，記相過，恰逢微雨。霞殘黛苦。渾不似西施媚嫵。黯吟懷，共翦蔬呼酒，層陰庭宇。匆匆去。淺瀨浮香，冷落孤山句。雁書不到又秋深，昔游非，後期還阻。寒盟漫許。便留着誅茅佳處。轉萍蓬，同是天涯倦旅。

夢揚州 和寄庵，即贈

暮江頭。正冷烟斜照當樓。笑指鬢絲，又惹天涯新愁。袖銜詩卷還憑眺，共去鴻，身世悠悠。登臨事，重陽近，悄然風雨都收。長憶南都俊游。紛畫幀詞箋，坐嘯冥搜。泛舸素波，醉裏曾盟沙鷗。老來桑海銷清淚，譜綺琴閑寫幽憂。遙與和，梅邊白石，笛外齊洲。

原作

汪東寄庵

迫於生事，重爲海上之游，示尹默、鵷雛、元龍。

晚烟稠。看市街燈火星流。盡卷翠簾，百尺蒼苔朱樓。舞衫歌扇天斜女，記舊時，爭擲纏頭。今都改，花腔圓鼓，數聲新唱伊州。風化追還召周，嗟運轉中興，愈感漂浮。故苑萬家，一望荒寒如秋。醉懷鉛槧嘲難解，甚稻梁，惟許身謀。愁賦永，歸田未遂，聊共淹留。

法曲獻仙音 吹萬滄叟諸老招飲，實爲懷超社集，余以局外獲與，賦此簡吹萬，并謝滄叟

薦菊泉寒，結蘭雲寂，秋入江樓弦管。手馥籤芸，鬟搖杯醪，聯吟繭箋滿。比洛社山陰宴。流風定非遠。海波淺。向蓬壺，自成栖逸，元亮老，常恨意多世短。萬軸散

戈船，怕重翻，松槩殘簡。置驛飛書，恰招要，林竹清蒨。笑安豐俗物，把臂忽逢嵇阮。

俗字人作平

浣溪沙 寄庵詞有「蠶蛾絲盡只留桑」之句，戲反其意，成此解

儘道無何別有鄉。從游終欲宿春糧。却堪煮字療饑腸。秋菊雖枯猶聚瓣，春蠶未

死已無桑。江湖那許便相忘。

金縷曲 題四十年來之北京

往事東流水。記津沽，吳船乍泊，載來客子。釋笈地安門下路，燈火芸齋迤邐。休沐暇，徜徉郊市。廠甸江亭登覽遍，聽梨園斜日清歌起。如電謝，卅年矣。憑誰創造新

岡志。最崢嶸，長城北繞，太行西峙。三海芙蓉天壇柳，一片葱蘢佳氣。便真到人民之世。藍縷山林齊着力，好家居，今日看重理。班固賦，從頭記。

定風波 慧殊藝月季佳種，曰藍田碧玉，南皮張之萬譜列第一者，未花而萎，作此慰之

清簾疏簾午夢回。瓦盆珍重手親栽。聞道風姿驚石相，無兩，姮娥端自月中來。小別每愁風日損，長恨，秋陰只解護蒼苔。留得相思應更好，且道，花開何似不曾開。

滿江紅 論詞（二首）

老去填詞，原只是空中傳恨。試閑數，晚唐十國，溯源循本。蘭畹金荃香草弱，陽春白雪鶯簧嫩。問誰將雅鄭別風詩，漱芳潤。東坡去，門庭峻。辛劉出，遙驂靳。挾古懷騷

意，更無餘蘊。不落元人推作手，獨標南宋非高論。看曝書亭上倚新聲，玉田近。

山水方滋，容老子婆娑風月。撫一曲，海天風雨，鬢桐清絕。啼鴉悲春仍掩抑，秋蟬咽露終芳潔。小回旋花外白雲間，聊怡悅。

成項謝，陳朱歿。鹿潭起，重揚挖。逮彊村

高密，

鄭文焯

敦盤相接。七寶樓臺迷架構，十圍大木森蒼鬱。比秦王扛鼎我何任，心先懾。

月中行 朱念孝惠墨，賦謝

兔毫老禿硯生塵。空寫送窮文。龍香一劑許教分。濡染便如神。

寒燈相守年年事，

微啜着齒沁清芬。輕雷徐轉起元雲。誰解墨磨人。

踏莎行 題夢秋詞卷

紅豆箋經，皂囊焚草。獨醒何計開懷抱。秦雲巴雨舊羈愁，江山蕭瑟才人老。

秋

夢無溫，春叢如掃。酒邊自譜陽關調。東坡莫道近粗豪，詞壇今恨粗豪少。

東坡酒酣，自歌古陽關。君自謙近作不耐修飾，未免粗獷云云。余論詞頗不主禮麗，固猶嫌同調之少也。

綺羅香（二首）落葉

琢老郵示落葉詩四律，奉酬

帶雨敲窗，因風疊砌，身世飄零如許。試上層樓，映日漾空無數。墜又起，碎影鴉翻，聚還散，故根蜚訴。問誰攀杜若芳洲，洞庭波遠九秋暮。

繽紛山徑半沒，聲亂筇枝屐

齒，幽尋何處。幾夜清霜，換盡漲陰庭宇。仰添薪，古樹槎枒，杏題字，御溝延佇。且移燈細理丹黃，誤書能校否。

其二

委蛻蟬枯，巡畦蝶瘦，故苑荒殘千樹。閑澹秋光，那有落紅飛絮。甚墻陰，一例紛紛，祇催起，暗蛩淒楚。更銀塘露冷蓮房，枯荷聽到幾聲雨。啼烏商略去住。隨分青山汨沒，休沾塵土。野銍疏烟，付與數家炊黍。便成灰，培壅新苗，還贏得，課功場圃。佇明年，新綠枝頭，好花長護取。

月下笛 題俞慧殊藏陸宣公墓古柏重青圖

時際興元，飛書羽檄，舍公誰屬。忠州竄辱，想騎箕，萬家哭。子胥飲劍同孤憤，靈爽寄千年宰木。甚參天蔽日，垂垂枯盡，更來樵牧。白鷁。重來宿。又細葉香凝，老柯鱗簇。圖成小幅，遞傳吟賞難足。婆娑此樹猶堪惜，況易世孫枝翠矗。好留取歲寒姿，還爲逐臣張目。

月下笛 瞿紹衡招飲，爲陶冷月畫家祝生日，因賦贈

才過重陽，黃花翠醕，又憐清夜。淵明醉也，且開眉，遠公社。解衣槃礴推能事，只

磊塊填胸自寫。看毫端醞釀，荆關邱壑，尺縑無價。休詫。神樓假。似畫出停雲，天懷嫺雅。連茵共話，故人三五疏野。上池分與醒醐味，便抵得長裘廣廈。乞妙劑起創痍，須待楊枝遍灑。

花犯 初寒懷故鄉節物，即寄琢丈北京

卷晴沙，商風乍緊，羈愁便紛起。水鄉情味，是紺蟹初過，蕤雉微紫。暗飄霰點燈窗細。鱸魚看正美。記似說，拂衣曹掾，歸程輕萬里。重尋舊游賦北作平聲征，知應繞旅夢，東籬花綺。山翠近，園蕪淺，瘦筇閑倚。悲秋葉，仗拈俊語，還歲晚，迢迢通素鯉。漫問取烟波生計，橫雲斜照裏。

減字木蘭花 自題詞卷，時有人都意

縹緲自擁。六口蟾兒無世用。除却封侯。儘許詞人有白頭。空山一葉。吹落琅玕飛作雪。劍筑粗疏。去覓荆高舊酒徒。

定風波 閑意

己丑十月初二日作

寶馬香車過眼塵。寒花瘦竹掩閑門。坐聽虛檐烏鵲噪，爲報，今朝已是小陽春。仰屋著書誰更問，休恨，蟲魚自了百年身。柳口漁翁頻寄語，須去，雙波一曲上銀鱗。

尾犯 寄費潤泉，并謁袁道冲

送老託書城，金檢翠函，猶護頭目。長夜鉛黃，想燃藜天祿。閑記取，霓裳舊譜，更搜羅，花間萬軸。藝芸堪亞好，問先生，瓠酒定容熟。牽蘿何處補，澹口暮，且對修竹。病惜衰根，渺孤芳如玉。剩相就，桑麻清話，颺茶烟，袁安卧足。謂道冲夢隨春去，雨暗紺窗搖艷燭。

潤泉歸里後，迄未定居，故有後段首數語，時方向之借閱所藏詞集也

側犯

亂山作音傲

暝，晚烟約柳栖鴉定。人靜。對瘦石疏花步荒徑。殘檠映醉墨，短髮羞明

鏡。愁聽。深院隔，罨更夜初永。

平生自斷，文字終憎命。還乘興，動江關，隨處門

高詠。倦逐名場，且娛暮景。須等一葉，五湖漁艇。

減蘭 近偶發興，擬輯清道咸以來詩，爲九家詩選。茲于所選諸家，各系小詞，聊

攄詠嘆云爾

縱橫馳驟。袒馬騎來看赤手。枕簟閣深。此是陶公百鍊金。

韓蘇睥睨。窮過寒郊

陳正字。梅妃花開。懷古何人踏舊苔。

鄭子尹

攤破浣溪紗

一片哀音不忍聽。幽蛩怨宇訴飄零。盡關山戎馬裏，鬢星星。儘許庾新兼鮑逸，

從來白俗勝元輕。晚歲西湖容傲吏，水風清。江弢叔

臨江仙

一自龜堂仙去，鑒湖烟水荒寒。憑誰力挽古風還。妍詞摩二謝，清籟振三山。病

酒耽花狂客，靴霜鬢雪郎官。雜家乙部筆瀾翻。樓臺夸七寶，還仗萬珠船。李莚客

李審言云，莚客之詩從實處入，似即言其博雅耳。

西江月

宮樣雲鬢高髻，妍姿蕙雪蘭風。不妨鮑謝便途窮，俯視三唐兩宋。結束湘沅騷怨，

別開燕趙悲歌。銅駝荆棘老摩挲。又見淳于炙輞。王壬秋

湘漪白云，詩至鮑謝，便無級可登。

點絳脣

二妙蘭臺，自來袁沈齊名久。半山高秀。奧折宗黃九。籤貝葉雲，妙挹浮邱袖。

樊山叟。富夸萬首。並舉終非偶。

袁爽秋

琴調相思引

詩學詩功不厭深。彌綸百代振孤吟。樓觀滄海，自寫楚騷心。

不薄李何緣俊朗，

上方朱厲更淵沈。樊南雙井，清瑟和瑤琴。

沈寐叟

寐叟自謂詩學深，詩功淺，意指作詩少耳。然其後篇什之富，功力之深，迥不侔旱日之言也。

浪淘沙

書勢人詩論。瘦硬通神。借人設喻語能新。玉屑金泥俱作病，秋水無塵。

三士最

交親。張肆朱醇。海門潮起月如銀。淒絕殘宵寒澈骨，倚杖看雲。

范肯堂

伯子晚年病甚，作中秋對月詩，語特悲惓，未幾謝世。

清商怨

松門詩老倦倚。問人問何世。淚化松煤，剗肝將作音做紙。

聲牙鈎棘細理。好認

取匡廬雲氣。逐孟追韓，差池憐夜起。

陳散原

鷓鴣天 慧殊屬題泓一大師遺墨

鶴去雲歸不可踪。獨持精苦暢宗風。晦堂老子無言說，滿院秋香一笑中。留墨妙，

想音容。故應謹重似溫公。青溪小閣燈如月，橫壁繖緗認象龍。

司馬溫公書謹重，兄張廣雅詩。書家謂右軍如龍，北海如象。

虞美人 和旭初

垂楊一樹秋聲在。枝葉朝朝改。祇今葉盡更無聲。愁見亂烟殘照影伶仃。劉郎久

謝糕盤宴。且祝明年健。重陽過了已多時。恁信滿天寒雨尚絲絲。

原作 汪東

年年強預登高宴。醉把茱萸看。今年偏賦却登高。怯上層樓何處望平皋。淒風又

送瀟瀟雨。飄向閑庭住。垂楊還似舊輕盈。恰便一枝一葉是秋聲。

雨中花慢 十月菊

塢竹繁青，汀蘆點白，扁舟一繫荒寒。恰將秋雁老，啼夢蛩酸。夜冷蜂妝未褪，杯深鵝醪微瀾。黃絕綽約，好持金屑，爲駐容顏。嚴霜身世，倦倚東籬，不知今夕何年。

看次第，荷塘綠盡，蓼渚紅殘。道是陽回葭管，依然薦共清泉。枯香自抱，憐渠憔悴，肯落風前。

霓裳中序第一 和白石

蘭釭照倦極。細滴虬籤偏聽^{去聲}得。徐墜瓶花無力。更簞盞早捐，青裘難索。殘蛩砌隙。嘆忍寒，猶共吟客。嚴凝甚，石苔澗竹，慘淡變顏色。淒寂。暗烟縈壁。漾萬縷愁絲似織。江關遙念舊迹。蜀道郵亭，謝墅坊陌。夢回聞太息。認浣袖，酒痕褪碧。還能否，狂歌聯袂，醉帽笑看側。

浣溪沙

入秋以來，課詞白遣，旬月之間，遂得數十闕，合舊作凡百章矣。漫題其後。

炳燭餘明亦有涯。殘年何意托聲家。摩娑病眼對空華。

橫笛舊曾親子野，載甌空

許過侯芭。懷人感逝一長嗟。

平生師友，如沈遁翁丈、吳瞿安君，咸殫精倚聲，瞿安尤邃于音律。雅忝游從，而未嘗一請益，以爲憾事。

踏莎行 題雲間邦彥圖刻本，寄張琢丈

巾墊林宗，毫添裴楷。機橫自昔多蘭茝。經書遙寄埽門情，鱸莼微動還山喟。 袞

鄂烟消，滄浪石在。風流不逐山河改。翠尊綠萼似江南，客齋更下東坡拜。

是書爲顧香遠先生所刊，曾以寄其師翁叔平于虞山。翁有題詠，茲爲李海霞兄所得，以示琢丈，將捐贈松江圖書館，以存文獻，琢丈有詩屬和。前年海霞琢丈等在松作東坡生日，故末語及之。滄浪石謂蘇州滄浪亭五百名賢石刻也。

風入松 送漆鑄城還北京

廿年黃綬滯江濱。閑醉客中春。荷熏淨業長回首，悵西風，吹埽巢痕。元亮上京阡陌，季鷹江左鱸莼。今朝真是北歸身。別淚漫沾巾。齊烟薊樹憑窗處，剩山川，閱盡行人。書到光浮燕雪，夢回冷帶江雲。

君故居在淨業湖旁，已售去，今方謀僦屋，故云。「江雲」或易「吳雲」，然觀名家詞，于重字不甚檢點，且此似尤無害，故仍之不易。

倒犯 寒林

正掩映，重重艷葍，旋看催埽。莎枯徑悄。斜陽澹，亂鴉猶繞。西園靜夜，疏影空憐

風烟少。但付與李成筆底傷懷抱。歲寒心，向誰道。呵手題詩，舊夢閑尋，松楓青未了。醉里望，故國暮天，遠粘衰草。泛桂楫，歸須早。恁淹留，朱顏俄已槁。有樹不零秋，或者人難老。翠陰隨處好。

清平樂 補九家詩選系詞弟九首

阮公鮑謝，落落陳王下。晚榻亭林如啖蔗，此意今誰會者。七言攬遍唐賢，清如佳苑名泉。康樂芙蓉初口，浪仙兩句三年。黃晦聞

鷓鴣天

葛天民清明訪白石不值詩云，「老懷那得似錫甜」，心有所觸，成此
黯慘窮冬冷欲砭。暮年貧病一身兼。空花遮眼衰堪笑，世態翻雲老始諳。
數銅籤，老懷那得似錫甜。舌根忘味誰能辨，嚼蠟茹荼也屬饜。挑灑燭，

探春慢 懷曾洪父

野蔓黏筇，村牆圍炬，巴山應共回首。水檻金尊，秋巒紅樹，風里龍鍾雙袖。病長孤高意，漫自訝，沈腰消瘦。只餘肝肺槎枒，腸枯須潤清酒。
此別蒼茫誰省，問草沒梁園，巢燕歸否。下瀝猶存，長鑱自把，料理晚菘春韭。頽經傳書未，聽一派、河聲東走。

莫恨伶仃，梅花寒夜相守。

浣溪沙 衰草

薄植衰根自古嘆。何方空谷宅荃蘭。平皋送盡夕陽寒。
官道泥深車轍亂，山橋霜盡馬蹄乾。一般狼藉不堪看。

泛清波摘遍

衡山景短，濱海潮寒，風雨歲闌歡意少。映空如雪，點點蘆花共人老。閑眠早。樓臺近市，弦管飛聲，歸夢最憐紛紛破曉。淡墨題箋，細說離愁付青鳥。浦江表。沙岸正平，素波遠岫，半黏衰草。安穩扁舟，故園甚時能到。聖湖渺。蕭寺飯客，笋香重崖討。春梅小。待看蘇堤翠陌，畫船應繞。

采桑子 雨絲

綿綿脉脉何人見，比似愁絲。更少休時。街靜燈明徹夜垂。
芳菲過眼成蕭瑟，潤物難期。且自迷離。飄向荒村濕酒旗。

洞仙歌 冬至夜，書所見

銅龍滴盡，正樓高大迴。此夜迢迢四邊靜。度寒窗，恰早斜月西沉，庭樹暗，驚起啼鳥無影。稻梁休更覷，阡壠都蕪，飛傍沙洲最淒冷。凍霰又彌天，翅羽催傷，周遭見，山昏川暝。便盼得，春風有時回，奈不似呢南畫梁栖定。

隔浦蓮近 簡旭初

名山無計閉戶。索共圍燈語。霧重郊墟暝，彈長鋏，嗟修阻。堆阜還自吐。譜琴趣。細理霓裳譜。繞弦柱。新愁舊恨，清桐多少心苦。嵯峨衰鬢，那更閑情能賦。陵谷番番夢破處。憑訴。哀絲聲攪風雨。

和作 汪東

明燈遙映蓬戶。不共如花語。賴有良朋在，飄輪疾，來無阻。酣醉裊任吐。閑中趣。漫把新詞譜。倚筇柱。斜飛雁影，知人心事良苦。江淹有恨，況更別情重賦。掄指繁弦驟近處。淒訴。聲聲窗外寒雨。

摸魚兒 夏瞿禪月輪樓校詞圖

傍蒼崖，水風無價，曾懷鉛槧相守。年時夢到垂簾處，匹練卧虹依舊。君記否。付橫笛樓陰，幾度梅花瘦。重來對酒。笑江月隨人，山靈識我，凝眺屢招手。湖瀕客，松篠蕭疏半畝。湖光還映吟袖。烟波一棹終遺汝，抵得桂輪雲岫。煩子久。仍寫取深宵，畫舫穿紅藕。船舷更扣。似白石新詞，赤欄橋畔，惆悵淡黃柳。

和作 賓虹翁爲余作月輪樓校詞圖，鵝雛填詞見貺，作此報謝 夏

承燾

仗梅花，華予歲晏，花開還似人瘦。一枝照影簪絲鬢，不似前番攜手。人去後，記細雨孤山，總是愁時候。東風似酒。莫辜負明年，鶯邊春事，無數六橋柳。丹青事，多謝殷勤黃九。江天挂眼依舊。少年竊窺相哀意，未老不妨回首。君信否。便傳恨空中，不是尋常有。代薪覆瓿。且運去由他，興來從我，瓦缶爲君扣。

鵲踏枝

蜃氣千年浮作霧。待采明珠，咫尺蛟龍怒。更欲登樓非我土。四山紅殺啼鵲雨。洞口白雲飛似絮。暖翠晴烟，玉箭鈇鈇舞。籠袖松陰鐘院暮。棋聲吹落人間去。

瑞鶴仙 巨川見示放翁生朝社集分韵詩，余亦成此

茶山門弟子。比第二名泉，鏡湖清瀾。詩情澹烟水。嘆平生踪迹，干戈雲沸。衣塵未洗。榜吳艤，峨岷萬里。候烽明，大散關頭，喚起渡河心事。

堪記。淮湄寒雨，乍試

英啼，正看大醉。遷延暮齒。收京詠，總虛費。便年年家祭，傷心北望，斜日虞淵自墜。只毫端，吐氣如虹，永留故紙。

干戈雲沸句擬改「斯人斯世」。又作「嘆臨安風月，人間何世。」或有詩云「清如月出初三夜，淡似湯烹第二泉。咄咄逼人門弟子，劍南已見一燈傳。」謂曾茶山與翁也。

水龍吟 東坡生日作似詩庭諸君

天仙游戲人間，宦跡直送江東走。湖樓望海，苕溪浮雪，垂虹置酒。施帶精藍，留茆修竹，金焦靈秀。便廣陵賦別，姑蘇作記，鴻泥印，匆匆又。

今日銀尊紅燭，恍同聽

南飛清奏。丹青貌取，行歌筇笠，翩躚雙袖。陽羨溪山，曾聞有約，數椽相守。倘停雲欲問。人民城郭，似當年否。

末三句，一作「問陵雲邈矣，人民城郭，鶴歸來否。」

蒼雪詞卷三

約自一九五〇年至一九五二年作

雲間 姚錫鈞 鵝雛 著

鷓鴣天 題明鈔本玉田詞選，即用集中題周草窗武陵舊事原韵

莫向東京紀夢華。南朝往事更堪嗟。錦街月暗驕塵滿，紫曲風高白雁斜。

言有盡，

意無涯。定場聲里撥琵琶。笙歌散盡王孫老，流水空山賣落花。

所南翁序，有賣落花而陪笑之語。

虞美人 題謐廬過眼錄

人生萬事雲烟去。催迫成遲暮。豈如過眼有烟雲。却仗烟雲供養壽松筠。

吉光片

羽休論價。軼事猶堪話。雲山變幻自無窮。誰識寒梅苦雪是春風。

用錄中蔣子和雲山變幻圖意

浪淘沙 自滬至杭，過松江，已昏夜

潑墨滿江山。何處雲間。疏燈罨霧更凄寒。夢醒惺騰還入夢，長夜漫漫。

花信漸

番番。共盼春還。柔條冶葉便情關。只恐春來風雨惡，又嘆紅殘。

定風波 庚寅初正，重經湖上，距戊子仲冬之游，朏息年餘，人事多更，

躋攀亦倦，聊賦短章，索瞿禪和

寂寂寒奩倒碧簪。垂垂水柳帶春陰。堤上濕雲流不住，無語，一襟殘夢懶重尋。

前度看花來恨早，堪笑，漂零香雪又而今。絮帽衝風誰更問，銷盡，翠尊橫玉舊時心。

和作 夏承燾

饑鳳無聲病鶴暗。東風無力豁沉陰。春訊冰柯霜簾外，誰會，一枝紅萼見天心。

招手故山携鋤伴，來看，滿前翠巘與丹岑。垂老種花無分戴，何礙，明年紅紫任人簪。

洞仙歌 西湖呈蠲叟

蒼烟老葑，換明波十里。閑領坡仙舊風味。占高寒，小閣獨坐人豪。圍四壁，葉葉只多文字。湖山非寂寞，微震雷音，已有天花半空墜。欸起箭鋒機，活潑源頭，參聖解，鄰鄰春水。問千劫人天是邪非，只淡對番風，一簾芳事。

和作 馬一浮

洪翁

逃禪避俗，縱栖遲人境，枯木寒鴉近僧味。記呼船放鶴，隔竹窺賓，相見了，幸免到

門題字。
清詞霏玉雪，寄簡朝來，只恐芳馨袖中墜。積雪又千山，休問東風，任吹縹
一池春水。看年年、烟柳送斜陽，早倦倚危欄，頓忘花事。

小重山

初日籠湖柳意蘇。小風分翠縷，已堪梳。冲烟倦羽自相呼。拖筇去，微覺客懷孤。
作計侶鷗鳬。中流吹尺八，宿菰蒲。春來人事劇蕭疏。經亂後，鹽醬未應無。

望江南 分詠近代詞家十二首

左列諸君子，彊老鶴老湛翁僅得奉手，彥通陳君尚慳一面，其餘皆投分有素，劇切相
期者，卅餘年來存歿參半，懷人感逝，淒結彌襟，豈獨尋攬篇章，懷味芳華而已。
至于薄殖寡聞，甄搜苦隘，其有遺缺，無關愛憎，大雅亮之。

荆駝淚，侍從最憂時。隔闊滄江青瑣夢，淒迷錦瑟玉溪詩。一代大家詞。
朱彊村

華亭鶴，勁翮看凌霜。近接二張嫺律呂，還從雙白漱芬芳。人去海山蒼。
沈適翁

相思子，鵲血結虞山。雙槳芙蓉人似玉，小風鈴鐸夢驚寒。哀艷此才難。
龐榮子

精聲律，曲海作梁津。儘許關王供刳度，未妨秦柳斗清新。橫笛向江濱。
吳瞿安

身將壓，肯信骨難灰。酣放幾曾三日醒，伶俜已忍十年來。殘燭下樓臺。
〔白持殘燭照樓臺〕君臨殘前句

也。
大壯

揮塵尾，談辯語生棱。留命滄桑家世事，一園水繪久荒塍。吟望舊山青。目鶴亭

飛仙語，不帶稼軒粗。獨向寥天窺象緯，魚龍蛙黽盡區區。識得霸才無。馬洪翁

秋明老，點筆發春妍。側帽紅樓微醉後，拖筇芳草短籬前。花氣淡于烟。沈尹墨

男兒事，西北有神州。蠟淚蠶絲消費盡，不辭垂老近辛劉。無地住溫柔。汪旭初

傳法乳，師說獨斷斷。流派評量參正變，宮商含咀見精勤。尊酒記論文。陳倦鶴

宗白石，樂苑耿傳燈。清苦江山留且住，野雲孤鶴是平生。無迹任飛行。夏瞿禪

妍雅處，淮海比豐姿。三十六坡秋水滿，扣舷誰唱惜紅衣。心事冷鷗知。陳彥通

高陽臺 西湖春雪，作似湛翁、瞿禪

姚冶波奩，璵璠山髻，新妝初試冰綃。纈眼園林，模糊檜頂松梢。玉鱗已作狂塵散，甚獮龍，貝闕猶驕。任荒茫，海氣樓臺，頃刻瓊瑤。當窗一白渾疑曙，笑姮娥寒噤，怯上墻腰。折斷衾棉，依然夢影如潮。穠華裝綴應成稿，怕東皇，呵手難描。漫商量，喚起花風，染柳熏桃。

浣溪沙 清漣寺

衰病年時負好春。登臺腰脚剩逡巡。強扶茗碗睨潛鱗。

深淺湖光紛受日，周遭草

色漸親人。一筇歸路冷烟分。

踏莎行 題吳野人陋軒詩集

將淚滋蘭，禁寒倚竹。枯腸盡日餐秋菊。河山風景總成非，頽陽衰草蝸牛屋。

海

徙沙新，庭荒酒熟。義熙甲子容歌哭。東淘比得富春無，不知舉足加誰腹。

末句意，見集中垂釣行答鄭絳州詩

望江南 續詠近代詞家六首

寐叟靜安所作不多見，而論詞抉發精微，有裨來學。錢老、眉蓀、蕙農則篇什繁富，無愧作者。祖蔡女士閨澹之秀，雖出寄庵門下，而短章神韻，直欲勝藍，故宜并及也。

翻鯨海，翡翠亦踰躔。拈出弇州香弱語，詞家宗旨托蘭荃。錦瑟仗誰箋。

沈寐叟

人間話，微旨細推尋。好景當前無阻隔，風荷一一水深深。萬象入詞心。

王靜安

當湖叟，雅韻茗柯同。刊落綺羅薌澤習，哀蟬落葉詠能工。花外想宗風。

金錢孫

文字飲，邂逅便情親。授簡舊聞數枚馬，雅歌時欲轢黃秦。頭白氣彌醇。

吳眉蓀

登樓客，花月占春江。書格簪花文艷錦，烏絲闌上譜新腔。秀韻故無雙。

王蕙農

黃花詠，異代更誰偕。十載巴渝望京眼，西風簾卷在天涯。成就易安才。

沈祖棻

虞美人

（二首）

武林歸滬，得潤泉松江書，漫題，即寄

飄輪來去天如墨。驛柳疑人立。故山歸計總難成。又是冷烟疏雨近清明。

新來懷

袖餘何物。唯有西湖月。照人無寐對鑪薰。直到香消燭盡更思君。

沉冥自了人間世。詞賦消英氣。明窗十日雨如繩。袖手虛堂堅坐味無能。

嬌紅樹

樹明玄夜。消息春陰借。經過湖水碧平堤。只是有無山色至今疑。

南鄉子

簾戶帶餘寒。隨水年芳到社前。早信東風如過客，年年。不待啼鶯已惘然。

梨雪

柳籠烟。倦倚朱闌獨自看。一種閑愁無住著，微關。明日陰晴事萬端。

齊天樂 憶龍華桃花

玄都殘夢無尋處，黃昏瘦鴉淒嘆。疊障蒸霞，穠妝眩日，曾付游車千轉。年芳未晚。已負了當時，避秦心眼。歷劫華鬢，翠瀛彈指便三淺。飛英隨水幾度，簇荒波滿地，

漂恨無斷。廢圃盤鴉，枯形聚蚊，留與窮檐新鬢。流鶯漫問。儘哀鬢重來，景光都換。頽墨春陰，倚樓人自懶。

烏夜啼

柳絲遮斷西欄。雨聲殘。爭信杏花開過、尚春寒。

銀箏曲，繁弦促，不堪彈。燕

見畫梁歸燕、絮新歡。

點絳脣 憶俞慧殊家月季

楚些魂消，藝蘭樹蕙知無地。瓦盆身世。好作移家計。一尺妖紅，簾底春風起。

今償未。去年秋味。碧玉成烟墜。

去年「藍田碧玉」一
種奏於秋闕，余曾有詞。

望江南（二首） 再續詠近代詞家

三峽水，橫絕涌詞源。折檻燒車無用處，扁舟下殿便還山。費淚看桑田。
稱綉虎，文采鬱爛斑。詩界天寬供跳擲，詞場地小限回旋。下筆看瀾翻。

趙堯生

章行嚴

臨江仙 題杜詩庭雙壺書屋圖

方丈蓬萊導几席，瑤漿爲駐朱顏。城西瘦杜足清歡。從教嘲飯顆，且許碾龍團。
竹里樵青知日課，瓦壚微起松瀾。草堂領取半生閑。玉塵浮翠盞，烏帽倚雕欄。

金縷曲（四首）

俞慧殊挽詞

撒手君歸矣。正西窗、暗風吹雨，淒其如此。衰病難言生人樂，瘦骨枝梧而已。尚眷眷平生交契。旬日連床貪清話，且傾尊，莫問瓶無米。知許事，蛤蜊美。閑中檢點書盈笥。爲寒燈、慈恩罔極，報之文字。萊彩板輿尋常有，那似啼烏血汨。只念念壽親萬世。風木蕭蕭長不息，又麻衣搶地諸郎是。休更叩，彼蒼意。

君有寒燈課讀圖，又名其齋曰「風不寧」，皆紀念其太夫人之作。

又

誰省閑踪迹。卅年前、郡齋燈火，流光輕擲。六代鶯花春爛漫，乞我一船簫笛。喜與子、流連晨夕。駐馬江樓聽暮雨，贈鱗魚如雪斟重碧。揮手去，夜如墨。刺天海水鯨鯢集。送冥鴻、巴渝萬里，關山真隔。身欲奮飛雲路斷，老屋荒江栖息。更魍魅喜人相逼。辛苦賊中無好計，掬肝腸。自照吳波白。歸見了，淚沾臆。

又

魏晉風非遠。論襟情、剛疏簡傲，步兵中散。與物無傷唯絨口，忤俗終成冰炭。寄癖好、也如嵇鍛。種藥栽花閑活計，喚烏圓花底長爲伴。春日午，閃晴綫。典琴乞米焉雲免。自區分、胡奴仁祖，外和中狷。四壁蕭然書插架，翳戶蓬蒿都滿。賴清聖濁賢陶遣。

拔却金釵藏斗酒，看練裙來舉梁鴻案。身後事，動淒嘆。

又

分手方秋暑。忽駸駸，枳盆除歲，好音無阻。細楷芊綿尺魚簡，但道食貧非苦。只舉體凜然冰沍。僵卧恍逢袁安雪，布衾單，并少吳棉護。存一息，宛如縷。

三句在苒西

湖住。獨憐予，衝寒皮骨，栖栖何所。寢疾維摩無言說，尚意餐眠如故。便寂寂、道山歸去。千里巨卿鷄黍約，甚盈盈、一水偏難渡。生死別，恨終古。

君病狀體溫大降，余去杭，君以書抵余婿海地址，然無書，殆已大

漸，余不知也。

齊天樂 任渭長百花手卷爲張青蓮

冰綃六尺番風起，繁英便如潮怒。細染蓉砂，輕鈎麝墨，活色生香無數。綿聯歲序。訝秋菊春蘭，并時嬌妩。艷雪蕉陰，却思摩詰畫中句。

丹青馳譽不朽，夜燈槃礴頃，遙念風度。舞欄留仙，冰奩寫影，消得情懷如許。良工最苦。恨春色三分，旋成塵土。貌

取娉婷，斷縑堪萬古。

玉樓春 春盡口，讀彊村詞，至「似酒流年，禁幾度觥船狂瀉」之語，悄然興懷，作此，即當春歸驪唱

剩寒著袂西堂夜。半臂吳棉猶未卸。房櫳含潤雨初收，櫻筍登盤杯又把。啼鴂淒惻閑相惹。歸燕徘徊空過社。穠春似酒慣醺人，到手觥船禁幾瀉。

減蘭 兩首 讀海藻所收趙韵丞朱錫百兩先生詩，感題其後

蒲觴艾虎。五月宜南花掩霧。殘雪江亭。素壁留題耿佛燈。縱橫詩酒。橋上鵲啼留滯久。噴笛淮流。斷句猶思趙倚樓。

余識韵丞先生于清宣統己酉庚戌間，京師福州會館酒坐，是日端陽，先生於友人便面見余詩「五月登臨收冥色」云云，爲稱善。嗣游江亭，壁間先生詩中一聯云：「不意人間小除夕，來瞻佛殿大光明」，餘不復憶。先生旅京，實在斯時，海藻小傳云國變後者誤也。民國十六年，余在南京，朱錫百先生以先生遺稿一帙見示，謀其刊行，卒卒未果，至今遺憾。海藻所收僅數章，窺豹一斑，微恨其少。

巖巖風力。何必青雲方玉立。直諒平生。被酒高談一坐驚。清才雅藻。館閣幾人如此老。排闥鍾山。白髮危巖獨自看。

錫百先生晚入江南幕府，剛腸正色，上官同列咸嚴憚之，奚止循謹而已。嘗便坐論事，言人所不敢言。詩文書法安雅精邃，至老不衰。後客金陵，數年而卒。遺著未刊，此僅收一首，殊

有子敬人琴之嘆。

霜花腴 暫歸故里，薄游城郊，風日不殊，坊巷猶是。夜與磊安清話，援筆紀之，用夢窗韵。

舊時巷陌，試散行，迎風自整游冠。臨水人家，落花天氣，陰晴預料應難。亂愁可寬。恨燕歸，常著人前。映閑門，似雪荼蘼，半庭苔點晚陽寒。紅瘦綠肥節序，看愔愔院落，待換初蟬。鄰笛塵飛，黃壚客盡，悲歡并入蠻箋。罷行酒船。挂桂輪，簾外娟娟。伴殘燈，細話前踪，鬢霜重認看。

浣溪沙

薄暝樓臺近水明。楝花開過綠陰成。愁如江汐退還生。危苦風枝烏獨立，清夷雲路月長行。小窗晏坐一蚊鳴。

水龍吟 海上春暮，逢陸保權，賦贈

沂濱春服班聯，相看今日頭都白。四科鉛槧，五陵裘馬，低徊今昔。倦翮青冥，衰根風雨，暮年蕭瑟。剩江干淺夏，棕鞋桐帽，重携手，酒壚側。休數青雲黃土，賦歸來，衡門栖逸。君平遁世，堯夫觀物，古情遙集。柳浦涼波，機橫軟翠，春晨秋夕。假餘年禽

向，扁舟棹罷，蠟尋山屐。

八聲甘州 鳳石歿後五周年，今歲五月二十七日，正其在世六十生朝也。
海上知舊假覺林奠醊，成此抒哀。其遺書捐贈上海文物管理會庋藏，嘉惠來學，因并及焉 一九五零年

問山丘一往五年來，西州近如何。總寒烟細雨，雕梁燕去，喬木鶯歌。檢點金題玉躐，手澤遍摩挲。盡出琅嬛秘，助詠菁莪。風貌長身鶴立，嘆崩松千尺，猶想嵯峨。借高樓澆酒，淚比綠筠多。信勞生，筋骸同弊，較年人衰鬢，我先皤。淞濱路，正斜陽里，哀笛荒波。

洞仙歌 雲間雷太母百齡壽詞

古稀兒子，尚牽衣依側。孫行賓朋半頭白。看華堂宴坐，姑射仙人，瞻視處，一片神凝金石。翠瀛三度淺，親見揚塵，記事明珠不須覓。待問鍊顏方，粥飯尋常，更何用茹芝却粒。縱海上安期棗如瓜，渾未抵，綏桃三千年實。

哲嗣君彥言，太母常膳外，不事服食，即棗脯之屬亦屏勿進。

玉樓春 瞿禪郵示新詞，戲題

辛姜一手陽春曲。咫尺便看追玉局。興來平地看青春，詩人空腸宜萼綠。君詞多骨吾多肉。瘦硬通神君所獨。與君同合字懼仙，昔有吳儂歌裂竹。謂吳驪安

浣溪沙 施養勇六十

六十霜顏獨感春。曙鷄啼罷倦吟身。輕衫且許浣征塵。百瓮黃齏天玉女，半生鉛槧墨磨人。聊憑一笑度芳辰。

霜花腴 題片玉山莊詞存，即似叔建

碎金片玉，對短檠，芸籤暗炯英光。填海精禽，集池鸞鳳，謂陳卧子張詩齡枌榆代有秦黃。錦心綉腸。被懽愁，風月千場。放閑身，布襪芒鞋，夢無青瑣老滄江。哀樂未妨人覺，儘移宮換羽，細按霓裳。憂積潘帷，寒生姜被，吟毫頓閣繡緗。敬拈瓣香。喜定文，還付東陽。

沈通翁有序及校助記更雙飛燕子名篇，小山叢桂芳。叔建近亦事倚聲家言，當不遜小山之繼元獻也

鷓鴣天（二首） 松江海塘堤上作

胼胝勤勞過十旬。口斜畚插尚紛紛。烟分島樹穠于黛，潮落沙灘軟似雲。神禹迹，

策殊勛。誰知偉力在人群。蛟龍退舍鯨牙折，萬石巖崎護岸痕。

委迤長堤望眼寬。天容海色總高寒。不知明月幾時有，却向歸艎盡意圓。

驚宿鳥，

動回瀾。十分夜色赴憑欄。舵樓汽笛衝波起，合作山陽賦裏看。

舟過松隱，感逝亡友陳陶遺故居地。

鷓鴣天 夏日，松江笏溪草堂小住，作

策策雙梧受口偏。北窗敷簟綠陰邊。唯將多病酬佳節，可有閑歡似往年。

攤卷坐，

枕書眠。置身且到古人前。狂名湖海今餘幾，老向家山乞一廛。

浣溪沙（二首） 松江海塘雨中望戚家墩作

毒蜃狂鯨盡退藏。綱船板戶亦豐穰。荒墩懷古重南塘。

未辦撈蝦行草屨，漫思縛

艾泛蒲觴。天風海雨度端陽。

出水秧針萬畝齊。徐看白雨跳珠璣。斜風微捲綠蓑衣。

吳越陶人留古甬，開元工

事話長堤。金山烟樹總淒迷。

其地有吳越陶器出土。海塘始唐開元時築。土塘也。

虞美人

琤琮徹夜鳴檐溜。梅子黃時候。江南謫宦最堪憐。却道新來衣潤費爐烟。

柳昏花

暝渾忘曉。貼水荷錢小。筇枝屐齒踏千山。只是出門一步已愁難。

望江南^(二首) 秋已過半，風意含霜，鹿鹿道路，久疏詞翰，明窗晚坐，淒感

忽生，作此分懷吳越間故人，聊代書簡

湖濱住，篙徑渺羊求。一客叩門籠絮帽，半窗斜日對茶甌。天際月輪樓。

夏竦

落葉詠，北國擁爐初。但使重巒銷翳蔽，何曾一樹計榮枯。歸興忽蘊蘊。

張琢成

定風波^(二首)

費龍丁作鱸鄉去思圖，爲張秉三

秉三徵權五茸，歷三載，寬簡爲政，去而人思之，費龍丁爲作是圖。龍丁妙畫畫理，不輕下筆，山水尤妙見，洵足珍也。爲題二闕。

聞道莼鱸別有鄉。好看塔影卧波光。飛霰彌天村舍暮，何處，亂山寒汐響漁榔。

自昔官閑知政美，三載，呼魚把酒送年芳。却借畫禪留後憶，淒惻，江湖他日未相忘。

峰柳堂堂此逸民。書心畫理并通神。槃礴解衣微醉後，搖首，肯將一筆買千緡。

減蘭

去夏自瞿禪許假得彊村語業，手自遙寫，頃甫畢事，倚此誌之

此下辛卯

相從几杖。海口江雲瞻氣象。獨殿詞場。楚澤東籬并一芳。平生低首。欣賞不辭

傾斗酒。神理綿綿。索解何須待鄭箋。

舊以先生詞爲艱澀，今讀之殊不爾，惟其氣格凝重，筆力蒼堅，爲不可及耳。世徒以夢窗質實目之，非真知先生者也。

虞美人 初春寒甚，戲作，用彊村除夕高陽臺詞中語發端

虛堂冰雪凌兢甚。
樹無留葉。但有歸鴉集。殘年閭里自沉浮。除是能專一壑更何求。
寒林樹

南歌子 寂寥中，忽憶數年前巴中歌樂山視旭初疾，日月不居，情事

如昨，而有感于近年之離合也，因拈短章，爲故人問

柏燭巴山雨，筇枝北阜雲。年來蕭瑟負芳辰。祇是相思暮齒轉殷勤。
簾燕窺欹枕，
園花笑閉門。茶烟澹澹雜爐薰。絕憶維摩禪榻尚論文。

減字木蘭花 辛卯二月二十四日作，寒雨中春過半矣

卧聞百舌。清曉江城泥活活。花事匆匆。漸近清明舶棹風。
小樓徙倚。猶是市聲
難到地。夢雨如塵。留住春寒老却春。

蝶戀花

壬辰二月將盡，沉陰作雨，春寒彌峭

九十日春容易度。一半沉陰、一半風和雨。待到晴暄衣拆絮。輕羅紈扇迎端午。
底事傷春無一語。不見春來、那惜春歸去。鍛鍊冰霜梅萬樹。不妨桃李無開處。

附錄一 唱酬 題贈 像贊 題詞

唱酬 題贈

次韵答鵷雛

柳亞子

平生姚季子，差喜共清游。說部才無敵，文章鬼亦愁。浮生同夢寐，良夜一勾留。君住吾先逝，離懷滿酒樓。

酬鵷雛

前人

落魄姚生鬢未殘，難忘鴻印舊宣南。

君有兩雪印已說部爲梅蘭芳作

弇山才調原無匹，可有人間李桂官。

再示鵷雛

前人

失笑相看我老矣，眼中如汝信能文。華年未晚才先盡，獨步江東合讓君。

君詩有「怪底詞人回護甚，憐君杜牧也中年」句

次韵答姚鵷雛

前人

寧少南陽二頃田，江湖聊浪劇淒然。廿年游俠今知誤，一笑生平豈護前。握別故人憐未死，忍言老子不爲先。傷心飯顆山頭客，出處難憑清濁泉。

紅桑一首用姚鵷雛韻

前人

紅桑黃竹幾番更，卅載難忘盟社情。老我壯懷猶磊落，蔽天霾霧漸光明。斯文何幸弘新國，撥亂終期定太平。漫道填胸恩怨盡，宵來長劍作龍鳴。

鵷雛以詩稿寄示因贈

沈尹默

公事非難了，世情良易知。亂中憐客久，江上念歸遲。婉變何多感，辛勤更遠思。流傳入蜀集，不減武功詩。

次韵奉答鵷雛先生

前人

我亦黃葉樓上客，尊前相親問語默。蓬飄萍泛會合難，雨散雲收光景疾。曼殊久作塔中骨，劉三已失雲中翼。新知歡樂信難量，感舊傷時增太息。向人懷抱聊復爾，高談豈敢輕捫虱。書生何計赴時艱，應慚詭爲蒼生出。几輩牢愁出忠憤，競誇新詞惜往日。要知讀書重肝膽，未怪舉世輕儒術。天生我才必有用，不賢識小須量力。經國事業付英豪，游藝精誠專楮墨。時論未公我不憑，古法欠疏今當密。直從點劃究根源，某几堪書聽削拭。有用無用各一時，王翁扇論資口實。妙語抵我撩我答。君由何處得此筆。

次韵奉答鵬雛先生

前人

雨晴風靜絕塵沙，籬落清疏意有加。豈少新詞酬九日，不因故事愛黃花。平生最領三秋趣，此際休驚兩鬢華。凡百相違復相與，門詩勝似門名茶。

次韵奉酬鵬雛先生

前人

燕處學書寧好事，澄觀得句本無心。每逢春至知年往，却憶邱高望海深。南社酒悲君過我，北臺官冷古輸今。交游遲暮情彌淡，莫道無弦不解琴。

次韵鵬雛悼舒澤卿

前人

姚子新篇咳唾成，不因南社有名聲。恢恢風月光騰座，寂寂江山霧掩城。萬里流遷憑膽劍，一樽冥漠息心兵。高懷人世誰相與，伐木吟成念友生。

和鵬雛

汪東寄庵

消息循環理不磨，試徵陳事敢誰何。功高奴僕貂爲珥，勢盡門庭雀可羅。四海即今憂板蕩，吾儕寧得免蹉跎。不如一棹乘流去，同聽滄浪孺子歌。

壽鵷雛

辛巳十二月初九

前人

歲星尚在巳，舊臘從新正。維子值初度，五十忽已盈。是日獲休沐，鵷雛無所營。過我靜石灣，杖策乃徐行。山翠染衣履，松風落歌聲。入門且安坐，卷冊縱復橫。清談亦已縱，稍覺饑腸鳴。脫粟供一飽，怡然忘寵榮。臨別始告我，子當紀其誠。我愧不能起，無由傾一觥。國初論文學，頗亦稔子名。及同金陵游，杯酒方要盟。相知恨未盡，倏忽東西征。戎馬生四郊，志士心怦怦。投筆事隴蜀，意欲誅長鯨。陪都又改制，戎服還冠纓。旋拜諫官職，喜子共使令。天未賦鵬災，吟詠徒硜硜。群蛙雜亂沸，難救如狂醒。子獨於篇章，肆古相剗鏗。閑適有真意，微婉無競情。于此始見子，泊然澹以寧。靜必有大年，高會期耆英。鐘鼎何足羨，富貴何足榮。便當撫寥廓，一舉同鷗鵬。

壽松江姚鵷雛五十

貴筑漆運鈞鑄城

避地陟巴山，于今已四年。柏臺一老吏，食粟愧華顛。松江姚夫子，多聞冠群賢。詩壇有令譽，寮案列班聯。虛心樹法度，贊襄策萬全。嘉會張文宴，數典腹便便。同寓金剛坡，每誦新詩篇。婉婉風人旨，大筆信如椽。堪嘆烽烟滿，神州危累卵。何日慶收京，九域得舒緩。渝州羈旅愁，如垢思薄澣。茫茫世上人，狂歡若醉春。一席千金擲，笙歌百戲陳。追風遍城郊，文綉照江濱。何曾見危難，軍前戰骨新。人物自芻狗，造化何不仁。君

年欣五十，修名既早立。吏隱在深山，屋小群書集。放懷觀古今，不肯入城邑。卓然劃策才，得位資綏緝。此日暫優游，干戈希裁戢。佇看起翱翔，鳳池清露浥。賦詩代進觴，天風來習習。

過鵲雛兄寓廬未值。意有所感，就兒輩學畫殘紙賦留呈 葉楚傖

義理相映發，積乃成文詞。萬物皆有本，奈何倒行之。翩躚今少彥，煊若擅奇姿。道路爲側目，聊可快一時。栖栖念君子，抱拙安於飴。樸學三十年，猶懼爲人師。昔者京洛間，笙歌酒百卮。相看兩年少，如驂怒則馳。自非困屯久，何由神趣弛。出處無常故，寤寐同良知。守此百世經，庶幾鮮邪詖。四川信浩瀚，三峽尤岐嶷。山水意不惡，平生宜與期。

簡鵲雛

劉三季平

點竄正如醫使藥，膏肓起疾古云難。人才到此真堪嘆，大海能容未信乾。註誤真應千掌擲，傳觀已動萬人看。從之絕業名山侶，終似幽禽識羽翰。

新居即事用鵲雛韵

前人

想見紅旗一丈強，悠悠往事欲停觴。海棠鱗骨人多恨，柳絮禪心我不狂。女爲耽書羅

墨妙，妻能治膳覺杭香。僦居自占江山勝，不是堯臣苦竹岡。

梅堯臣詩：「泥滑滑，苦竹岡」，余所居紅旗口竹竿巷。

示楚儉鵷雛鈍劍作

前人

途窮但取眼前醉，世窄能容天外狂。掩袂出門作乾笑，誰家新屋有微霜。

鵷雛家夜飲，歸已入戒嚴時間，被迫下車 前人

饑腸得酒易爲醺，歸轂車留近夜分。一事差能勝李廣，未曾自道故將軍。

反鵷雛行路難

俞罈劍華

勸君莫負杯中歡，勸君莫唱行路難。人生百歲同一瞬，況乃中有悲歡離別千萬端。天地無涯思有涯，何爲嘔盡心肝勞嗟嘆。春花秋月等閑視，青衫布襪不識暖與寒。閉門快讀齊物論，乾坤爲小方寸寬。有婦有婦可我意，妝臺奔走休勞避。君莫笑妝臺奔走休勞避，屠狗功名古來鄙！

次韵和鵷雛

涇縣胡韞玉樸安

四海皆秋不獨春，書琴酒劍自相親。乾坤已亂誰爲主，名實相淆盡是賓。賴有文章紆

鬱結，恨無花鳥寄精神。滄桑變幻渾難料，世局茫茫莫認真。

題鵓雛菊影記傳奇 黟縣程莚碧心丹

分明別館候桃華。雲髻新裝出內家。兒女多情原是夢，英雄有血便成花。傷心應在
么弦外，真面何紡綉帕遮。一卷流傳千古恨，好將幽怨付琵琶。

候桃花館，上海攝影館名，劇中人陸子美在此攝影。

鵓雛先生偕金君過山館貺詩敬酬乞正 柳詒徵翼謀

青山不可買，小葦潭上屋。言松素心人，共就殘書讀。森森梧柏陰，僕計列賢躅。畫
意存古筓，霜華沁叢菊。山僮拾黃葉，汲水煮茶熟。晴曦正當窗，佳客來不速。滄桑廿年
事，回首幾歌哭。蕭然問樵漁，語不及朝局。引袖貺新詩，泠泠聲叩玉。禿翁附大集，私
願良已足。外史擴儒林，還期泚筆續。

奉酬鵓雛先生贈章 前人

馮莊志事同揚榘，劉耿清尹石公詩鐘溯揆張。驚電驅人十年夢，名篇綰我九回腸。乾坤

闔闔丁奇局，文酒從容味故鄉。問訊金坡君寓渝郊金剛坡元夜月，倘同京口接清光。君在鎮江主持詩壇，命元

尹石公共呈口，「顯元學派傳河北，除夜詩才重濟南」，君劇賞之，以藏雅齋幅畀劉耿清貽余，忽忽十年矣。漂流天末，石公旅黔貧病，耿清墓草宿矣。已酉孟春柳詒征時客蜀之江北柏溪。

敬酬鵝雛先生貺寄長篇

前人

烏龍潭水清瀾瀾，靜閱興衰殆千禩。一閉近世署龍蟠，馬糞烏衣聊況擬。望溪晚居教忠祠，毫荒屹屹治士禮。雲汀述祖祀桓公，院榜息陰詔多士。理初講壇開俶落，巨著兩編標癸巳。胡竹村馮林一繼武迨桑根，梅村石公響颺起。經師人師盛津逮，實使群儒虔仰止。陶齋建樓謀貯書，本師藝風銳經始。嘉惠堂中捆載歸，榘香范氏爰媲美。編摩耆宿聚王道農丁秉衡，橫山浩博尤自喜。下迨支郎偉成研樸學，頗舉師承識塗軌。守藏兢兢懼顛越，直至鰥生最無似。面山鏡水愧前賢，樗櫟焉能侔杞梓。風塵瀕洞八表昏，赤燁怒鼓蝦夷侈。善本倉皇寄故宮，行滕顛沛奔邗水。崎嶇萬里到巴渝，扶曳殘軀瀕九死。不緣國運懿中興，敢冀生還睹遺址。劫餘財獲四之三，散佚孔多難灑耻。姚侯腹笥富不貲，臺省矜嚴冠獬豸。瀾翻三峽偉詩豪，囊括萬流造文綺。大篇辱獎老禿翁，故爲石城羅往史。清涼山徑洵清幽，一拂荒祠堪徙倚。茗樓遐想龔半千，畫意空濛梅雨裏。更過薛廬諷掌故，陳鄭游踪猶尺咫。嗟余衰病百不堪，孟韓上下慚鞭弭。傳癖惟當束高閣，書淫奚啻擲虛牝。屈蟠私幸免屠鯨，蟄伏皇祁舒爪嘴。欲追邵亭求閣本，尚虞米賊憑戰壘。自嘲破廟虱枯僧，聊爲名都司故紙。竹深荷淨倘追涼，佇枉高軒論詩旨。

丁亥端午後一日。

敬酬鵷雛詩老

前人

烏衣巷口三尺雪，虎踞關頭五日風。四山朗徹照書隱，一箋蒼瘦鬥詩雄。市聲浩浩譁選士，政家汲汲趨勞工。何當掃徑沾濁酒，嘯侶縱談時一中。

次韵奉答鵷雛先生見懷之作

喬大壯

樓外驚塵涌四圍，日憑危檻羨冥飛。每逢書至風生座，如見詩成月在幃。到手一杯相屬晚，當頭萬事所關微。多君同歲寬衰鈍，今益難言昨固非。

奉答鵷雛詩伯見寄（二首）

前人

薄寒如翦中人時，滅盡熏爐廢酒卮。暫借臺霜成却掃，真耽山爽事支頤。逆流雙鯉書難致，赴壑修蛇歲正移。生事任從詹尹卜，滔滔江海此何之。

騷士初驚幼服奇，仙家也動長年悲。一簪華髮逢秋短，四壁寒颼與醉宜。金鑰曙侵花外漏，玉塵宵覆橘中棋。羨君獨奮司助筆，有味無能似昔時。

次韵率報鵷雛先生見貽大製

前人

夫容宿霧冷冥冥，城主高歌醉易醒。是處足塵衣各素，一時同甲髮誰青。賓鴻影裏逾

年別，邊馬嘶來向晚聽。執手疑遭法華轉，似君辛苦我伶仃。

辛苦伶仃，五十餘年，二語見妙法蓮華經。

次韵鵷雛先生寄懷大壯

葉元龍

官衙寂寂暮鴉圍，細雨無聲作意飛。日盡又驚秋雁影，夢回空記蕙香幃。蓮如游子心常苦，蝶抱寒花力漸微。借問東山舊時客，中年哀樂恐全非。

奉答鵷雛先生歲首見懷即和元韵

鄧散木

眼中涇渭豈同流，一箇傳看酒滿樓。屬草知虛青瑣闥，避人權拜醉鄉侯。官閑轉覺詩叢脞，士賤惟餘鬼唱酬。莫怪年時姚給諫，王城敝盡黑貂裘。

次韵答雄伯學長

汪辟疆

去年一舸歸有廬，今年兩板方叢書。掃廬攤書斷朋友，攬鏡白髮忘朝梳。門前亦無長者車，何論飛步踏天衢。盲然藏身萬人海，誰其相响忘江湖。雲間姚子同嘻娛，坐曹猶喜研未枯。東華曉月秦淮水，依然一笑情相於。我今視子無他殊，灌花抱瓮方勤劬。當春紅紫方挂眼，肯來呼酒參如如。

鵝雛先生京滬道中賦詩見懷，奉晤後次韵 濮一乘時客毘陵天寧寺
舊識城南路，來尋劫後春。江山終古在，花柳逐時新。閱世身嗟老，歸田待俗淳。白
頭姚秘監，相見劇相親。

鵝雛先生枉顧贈詩，次韵奉和

前人

烏龍潭上客，負手負朝曛。竟辱高人駕，來衝隱士雲。天寒魚避餌，書舊蟲憎芸。旅
况方狼狽，纓冠事解紛。

鵝老召飲寓齋，次日袖詩贈別，歸來步韵奉和

前人

奔車聲里誦新詩，京國重游會有期。對酒寧圖千日醉，披緇方悔廿年遲。別來頂踵俱
無恙，老去筋骸但自知。慚負故人勤款接，春城偏值落花時。

寄姚鵝雛

沈惟賢思齊

暫息崎嶇付一尊，寒梅拂檻柳搖村。坐看神駿方徐步，欲斥雕蟲與細論。扶病轉思養
生主，饋貧終藉治農言。村有「實業雜誌」。秦淮水閣班荆處，應有新詩畫壁存。

奉和鵷雛先生見贈之作

朱書樓孔文

粵稽古帝舜，流澤深且長。陳胡多俊杰，姚氏更繁昌。遠裔無須論，文壇挹近光。桐城有巨子，惜抱一軍張；學繼歐曾軌，扶輪達四方。五茸姚春木，旗鼓抗顏行；至今都人士，俯首奉瓣香。矯矯鵷雛市，其才難斗量，珠璣生咳唾，寢饋窮縹湘。江南開府日，記室暫回翔；遷階冠解豸，執簡鋤豪強。允矣真名士，蔚成百煉剛。憶昔宦京華，風雨數連床。剖符綰下邑，芳躅跋循良。學書恒掣肘，篆隸愧鍾王。述職重相遇，一登大雅堂。座中多佳客，拔萃與庶常。興會各飄舉，情文洽壺觴。罡風譬天來，大地易滄桑。比隱浦之濱，披陳古錦囊；日錄手自編，珍重名山藏。老夫逢殘暮，四顧慨茫茫。雁足傳書至，低徊喜顧枉。吾老嗟何及，稚子未成章；兩世承褒語，汗顏何敢當。轉眼春明媚，脂車返梓鄉，期君同一醉，櫪驥或騰驤。立言求不朽，勉之毋相忘。

鵷雛老友偕琢成同門見過，別後寄詩，情見乎辭，依韵奉答，博一粲

朱叔建

井絡從亡阻且遼，肯將孤寂易遁逃。故人大隱名難掩，隔世重尋誼獨高。欲向青溪搜劫燼，偶經白燕憶塵勞。相看裘馬飛騰意，何似四愁變楚騷。

鵷雛詞宗又以長句見貽，次韵奉酬，仍乞教正。

前人

咳唾珠璣眼底橫，喜心翻倒絕冠纓。全收太白金精氣，不數長離京洛名。憶昨瞻園同結夏，一聲玉笛警殘更。風微不共滄桑歇，白首還能起舊盟。

和鵷雛

朱鴛雛

不堪王粲又登樓，極目中原萬里秋。荊棘何緣埋洛陌，龍蛇終古起神州。書生挾策成何用，黎庶亡家負重憂。翻是忘機鷗鳥好，衣食且欲署無愁。

答呈姚師鵷雛

常任俠

十年不見頭更白，一醉重溫舊誼深。眷戀江山添畫癖，摩挲碑板做書淫。搏空欲奮南溟志，羈旅愁聞越鳥音。此日湘濱重聚首，不堪西笑寄鄉心。

九三八年，抗戰發生，先生西遷巴蜀，蒞止長沙，得以重晤。余欲迎師避寇潁濱，先生則欲偕我同去南洋編報，兵火彌天，兩俱未成。家鄉潁上產桃花米，故先生原詩有「飽飯桃花潁水曲」之句。（編者按姚公原詩見《恬養移詩》第二卷《懷二生詩》）

次韵答鵷雛學長

費潤泉磊安

居纔容膝幸相安，釘坐猶堪一晌歡。念我無家歸作客，輸君珥筆號稱官。民間力竭軍書迫，豪右多金法網寬。滿眼婆娑生意盡，病軀何忍獨加餐。

七月十日鵷雛在京夜坐見懷，次韵却寄

張琢成

閑依北斗盼皇州，喜得良朋一箇酬。文字故能抽萬象，功名何必定千秋。階前蟲語隨風咽，枕底潮聲與耳謀。料得京華羈宦者，故園心事一歸舟。

鵷雛回里掃墓，三日即返京，明晨啓行，賦此爲贈

前人

一聲汽笛愁千疊，百轉輪蹄山萬重。買棹虔申孫孝享，飭車詳示弟行踪。業，自杭來見兄。今弟達如將去南通經營運輸參差屐迹依桃渡，磊落襟期挹蔣峰。珍重共尋來日約，城隅息影剪溪葑。

次韵鵷雛見贈

前人

何用頭銜署度遼，敢辭塵鞅向禪逃。援琴恍接剡溪戴，擊筑愁聞燕市高。百戰功名筭鼓競，一埤政事室家勞。養生我愛東坡說，長日義窗讀反騷。

次韵鵷雛題拙畫巴江圖，即以奉酬 前人

一官蜀返擬龜堂，底定中原志豈忘。詩史上追家國痛，才華下視斗筭量。投暇轉覺人情暖，觸熱那知世界涼。物論未齊倘察爾，是非彼此兩迷茫。

謝鵷雛先生書，次韵却寄 青浦 沈瘦東

巫峽歸來夢，江城劫後春，百年詩筆到，一別鬢毛新。名業應焚硯，交期已飲醇。雲龍如可化，掃席口相親。
近代之詩惟足下至爲雅正，深所低首者也。餘子以舉盞不通之句號于人口，是江西派也，是閩派也。不太欺人乎？一笑。

丁亥秋夕，奉和鵷雛丈南中見懷之作，軫念危時，秋懷彌惡。年前失寄此詩，解放後海內澄清有望，非其詩矣，仍錄追乞粲正。浦江清

冥想庭梧一葉飛，含情雲漢度斜暉。飄風忽有南音至，旅夢將隨北雁歸。千里江湖秋水闊，十年烽火壯心違。匡山頭白知相待，乞與餘年問道微。

鵷雛吟壇以佳篇答寄，依韵奉和，亦見大雅之引人人勝也。黃玄翁

相逢惟飲酒，宜醉不宜醒。戒律清餘水，
兄違壽命以水代酒仰空畏亂星。壁鐘催夢賦，筇歌雜風聽。海市喧如昔，江聲入杳冥。

鵷雛老友寫示近作，倚醉長吟，感慨靡已。和博粲正

前人

薇蕨西山茁更難，秋風瑟瑟惜霜翰。龍潛水底原無定，鶴上天空未覺寒。世亂當研惟哲理，詩狂詎使倚雕闌。重陽乍過余殘菊，懶視尊前蟹滿盤。

敬步鵷雛詩老原韵

白蕉

閑日迫隨意自親，姚侯文學吾鄉尊。却思車下倉皇別，又作相逢隔世人。

歲首餞姚鵷雛入京

施叔範

草草春蔬一薦盤，無羈野語法能寬。寧因地僻容狂士，猶待時清重諫官。老輩風流嗟漸盡，新年氣象不多歡。日斜分手繁霜下，飛轍東西意萬端。

答鵷雛先生歲首見懷

前人

都門初柳拂輕肥，誰着敝裘更忍饑。冷署清堪對白簡，全家艷說住烏衣。鵷公東歸，住烏衣巷。心隨木舫湖邊約，筆蘸春雲海上飛。吟事終先憂樂感，知君爲補諫書稀。

散步鵬公前輩見贈元韵，佇候郢政

余空我

幾日清樽借酒紅，閉門無己苦難工。燈前鉛槧殊今昔，眼底玄黃雜異同。草色漸舒春惘惘，車塵猶浣雨濛濛。看收江水添新卷，一嘯真教萬竅空。

遣懷四首寄鵬雛兄

包天笑

四七年七月來臺灣已八度月圓，錄呈拙詩四首，聊供一哂，盼賜佳章

空驚歲月去堂堂，攬鏡幾忘兩鬢霜。閑與嬌孫爭果餌，偶逢野老話滄桑。生憎撼雨蕉林碧，却喜終年桂子黃。

庭有桂樹常年開花

漢殿秦宮何足道，北窗一卧傲羲皇。

願迴智慧入空濛，掃地焚香小閣中。爲濯滄浪除履襪，好迎皓月卷簾櫳。低頭細捉花間虱，翹首常期海外鴻。

盼水兒書來

忽隱蘆中人不見，蕭蕭白髮一衰翁。

輕衫細葛軟風含，千尺深情指碧潭。

碧潭爲臺游勝地

早起離巢同曉雀，夜眠裹被比春蟬。

山茶雖冷偏多艷，林橘微酸不礙甘。誰道先生歸去也，落花膩雨憶江南。

驅車曳杖出春城，靜聽風聲雜市聲。小婢臨妝常作態，好花滿院未知名。每因得句偏忘韵，不喜圍棋却有枰。何事家禽頻報曉，窗紗緩緩透微明。

喜鵲雛見顧

陸保權

人生重離別，況復薄哀暮。睽違二十載，抒情稀尺素。游松約未償，惠然忽見顧。君鬢已斑白，我顏亦非故。相對各無言，語多急難吐。抵足長夜談，斯情良足慕。墮溺與飄茵，升沉會有數。物我兩相忘，慚愧贈佳句。守拙度殘年，要當慎舉措。六十禮懸車，期君誌我墓。

鵲雛郵示近作，書此代簡

前人

鄉里已呼翁，江湖猶作客。出山泉仍清，勞生鬢全白。宦拙守常調，鷄肋詎堪辭。故舊半鬼籍，能復幾綢履。石火迅電光，瞬息逾半百。盛年寧得再，血肉異金石。人生貴適意，底事苦形役。薊鱸美秋風，峰泖有故宅。谷水清漣漪，良可樂朝夕。何當歸去來，淡泊繼彭澤。

鵲雛先生以讀廬陵集詩見示，次韵奉酬

錢智修

一代相逢皆短後，十年真悔曳長裾。敢思暖老庖玄鯽，且事尊生閱素書。結屋何須人境遠，掩關早與世緣疏。梅翁酸句我知羨，用東坡語祇惜粗豪氣未除。

鵷雛先生賜詩揚翹過當，戲作豪語亂之，仍次元韵

前人

堯石何能方李杜，竹汀亦未學孫吳。雕蟲篆刻非時用，社稷生民要我扶。太息橫流無直道，輕量豪士作迂儒。行年六十雄心在，安得松煤染鬢鬚。

再用嬌字韵柬鵷雛

前人

無鹽刻畫不成嬌，敢向人前浪作驕。僚底功名原爾爾，山中詩事亦寥寥。偶因沾酒愁同遣，未覺圍棋劫可消。世變方長身已老，那憑強弩射江潮。

雄伯兄榮任監委新職，口占小詩博粲

高一涵

批鱗抑幸氣偏豪，郅治開元起宋姚。一去梧枝栖柏署，鵷雛鳳翼變南鷗。

立秋日，作呈鵷雛兄

前人

一葉飄零物候更，鴻來燕去客心驚。試嘗枯蠟知官味，欲與秋雲校宦情。唧唧蟲吟矜得意，疏疏蟬噪費虛聲。銀河人夜明如晝，獨爲人間照甲兵。

洗耳一首呈鵬翁

前人

洗耳清流樂意濃，悠悠鄉議幾時公。獨行品重銓衡外，高士名慚薦牘中。漫向風塵求駿足，枉從藪澤慕冥鴻。閑鷗穩卧蒹葭國，秋水寧波淡蕩胸。

鵬雖先生去年底，海上來詩相慰藉，歲事迫促，缺未報章，忽忽已屆清

明，感觸成篇，寄以代簡

吳其轅次藩

臘鼓催人候，枯禪正打包。踟躕行脚地，寥寂拙鳩巢。雙鯉東方落，新詩癢處搔。溫辭熨寒鐵，挾纊到胸均。

慚愧瓊瑤報，稽遲斗柄移。萍蓬憐我轉，踪迹費君思。癖好同爲累，推敲克忘饑。條條鬚髮醜，拍手笑群兒。

戟府論交日，新霜已上顛。廿年幾離合，百幅盡纏綿。

余藏君所貽詩箋甚富

俄頃邯鄲夢，風

流魏晉賢。試看黃浦月，今古有虧圓。

何事苦留滯，膏騰歲又更。空江阻歸夢，錦瑟歇殘聲。寒食松楸淚，災黎骨肉情。輸君有嬌女，老去得將迎。

松江懷古，步鵲雛兄懷韻

袁道冲

茫茫何處認歸途，十載飄零淚已枯。荆棘銅駝城廓換，僅餘方塔一浮屠。

陪都奉陪雄伯師過訪太平商場書肆

劉永平

多壘潜研重未燒，肯因無益慰無聊。府泉欣換麻沙本，箱蠹能溫冰雪宵。風雅襟懷存墜緒，遺文搜括損同招。虔藏二酉難求備，況值兵烽澤若焦。

雄伯師賜詩次奉

受業蔣明祺

高咏真教快朵頤，記曾前席乞裁詩。慚無妙手鎔新史，剩有愁心望盛時。絕塞驚聞胡馬入，降幡忍受夜風吹。杜陵白首悲歌裏，大筆神來記所思。

奉懷鵲雛先生，即乞誨正

成惕軒

府柏森千尺，檐冰拂四圍。神仙今鶴斃，門巷舊烏衣。先生時寓烏衣巷社飲匆匆負，東坡生日白門青溪二社同人假鵲園集以事未赴。飲，先生及余車聲緩緩歸。呂詩留健筆，還望彩箋飛。

醉落魄 酬答鵷雛

汪東

亂山青疊，松陰徑曲苔階滑。新詞每共商音節。萬里歸來，轉恨兩華髮。人生何苦輕離別？去年花下閃鶻鵲。明年春酒須芳酌。未了情懷，都待見時說。

臺城路 枯樹和鵷雛韻

前人

綠陰曾訪茗溪畔，杜郎先自愁賦。睨睨啼鶯，留連戲蝶，事往不堪回顧。游春味苦。甚花境全休，草芽方怒。謾撫修篁，欲參禪語更非故。東坡好寫枯木竹石，人謂之枯木禪。婆娑生意盡，又支離拳曲，難中斤斧。無葉鳴秋，留根障水，幾閱江風嵐暑。形模細數，在夕照明邊，亂雲堆處。不見營丘，問誰同畫取。

踏莎行 鵷雛先生以近作渝州春暮高陽臺詞見示，且囑同作，因賦奉教

沈尹默

未要啼鵲，幾曾飛絮。匆匆便道春將暮。枝頭新綠漸宜人，可耐芳紅無着處。倚近高樓，望窮遠樹。分明不見江南路。馬蹄陌上滑春泥，驚心一夜風和雨。

太常引 寄鵷翁教正

夏承燾

離愁未了醉先醒，驪歌忍再聽。垂柳傍長亭，向淚眼人前最青。大意，去住兩無憑。數盡亂笳聲，尚不是人間四更。

燈占鄉夢，星占

法曲獻仙音 秋泛南塘歸，得鵷雛新詞，且有發刻之約。依韵成此，因以趣之

沈惟賢

深竹藏鴉，軟莎眠鴨，一葉凌波秋淺。短髮慵梳，瘦腰羞折，溪奩也隨人換。望星火衡門近，疏簾晚來卷。故鄉遠，步蒼階，白雲西上，憑記取，南浦幾回歸雁。有約肯來游，晚菰肥，春非堪翦。醉墨留題，定羊裙，濡染都滿。奈鷗波綿邈，負了綠筠清盞。

虞美人 得鵷雛書，錄近作小詞爲報，時同客渝州 陳匪石

一年一度桐花凍，獨醒翻疑夢。伯勞東去燕西飛，夾道啼鴉，依舊勸人歸。高樓望眼長空暝，笳鼓中原競。因風吹送賣錫聲，才信客中時節近清明。

臨江仙 寄鵷雛

前人

捲地霜風侵客夢，幾回華鬢添愁。簾紋如水屋如舟。好音魚浪闊，殘篆獸烟浮。夢

裏渾忘筋力減，狂呼擊節中流。高天九月冷於秋。山河新舊恨，一笛正當樓。

鷓鴣天 訪鵲雛先生於上海山陰路寓樓

奚鐵堂

換却羅衣便幅巾，山陰落葉掩重門。八聲韻向唇邊辨，九子詩從腕底甄。

先生正選。九家詩。

消白日，淡紅塵。西風吹盡故鄉蘊。圍棋成敗終餘劫。繞榻茶烟話夙因。

題詞

鄭肇經

一代詞宗 典型猶存

像贊

全椒汪岳尊

敬題松江姚鵲雛先生遺著《恬養簪詩》扉頁造像，即次作者自題造像詩原韻，

原詩見恬養簪詩卷二

杜陵詩筆富騷蕭，晚律真看伏二豪。虎虎自憐有生氣，星星神妙到秋毫。清言屢媵丹青畫，介節應嗤黃白饕。一卷借消忘夜永，庖丁愧我說藏刀。

自注：清異錄：近日事仙道者，不務寡欲，多搜黃白術，貪饕無厭，謂之黃白饕。

附錄二

冒效魯函

紀璋先生：姚翁詩拜領，謝謝。在民初吟壇兩大派，一奉陳散原文爲宗師，以令岳領銜爲首；另一派則吹捧海藏詩者，有我之故人宋大可、莊呂塵等。兩派對壘，在報上打筆墨官司，幾致火并，此則六十多年前往事，恐知其事者亦無幾人矣。蟄存翁一序甚佳，渠亦曾推崇散叟，惜未拈出此一段公案耳。便祈轉告。姚翁入蜀後，詩又一變，甚肖香宋老人（趙堯生）。傳散叟家學者，師曾弟兄中惟有彥和（隆恪），殆法則內傳，義獻當如此！即請年安

弟冒效魯頓首 一九八五年十二月廿五耶誕日於安徽大學

附錄三

附記（一）

先君早歲耽詞，多金荃蘭畹之作，後乃一意爲詩，以綺語爲不足存，漫不收拾。抗戰期間，流移黔蜀，復稍稍爲詞，而境界格度異矣。此蒼雪詞三卷，先君手自寫定，皆戊寅後作也。剗剗維艱，姑以油印數十本奉鄉里故舊，亦以免於散亡。早年詞刊於南社諸集及爾時雜志者不下五六十闕，未爲附益，遵先志也。汪旭初丈嘗爲撰序，錄於別紙，遽爾亡失，汪丈故後，欲從其家乞稿，則云無有，遂不克登，疚恨實深。先君詩有搬薑集、西南行卷、山雨集、還都集、老學集，總曰恬養簪詩，都一千四百餘首，亦有寫本藏於家，欲付繕印，力未逮也。

一九六五年九月二十日，女明華、玉華同識。

附記（二）

先大人嘗自定其平生所爲詩文，曰恬養簪詩五卷，曰蒼雪詞三卷，曰鵷雛文錄若干卷。大人既棄養，余姊妹守遺稿，謀刊梨棗，天時人事，輒有阻厄。荏苒至一九六五年，始得

以蒼雪詞三卷付繕寫，印一百五十本，分贈公私藏書家，不虞亡佚。方擬續印詩集，而文化革命起，事遂寢。迄今倏忽又二十年，始克繕印，亦一百五十部，每部上下二冊。二書之得以先後付刊，皆賴鄉先輩施蟄存、宋學勤二世丈經營擘畫之功，高誼大德，感荷無已。大人於其詩去取甚嚴，芟削所餘，尚哀然成帙，當別爲外編，與文錄姑藏於家。大人早歲爲說部不下百萬言，以爲不足重，未嘗掇拾。有長篇龍套人語一種，甚爲柳亞子先生所賞，嘗請人手抄一部，解放後，由明華大婿楊紀璋整理，今已付文化藝術出版社易名江左十年目睹記刊印，論者以爲反映當時金陵政海波瀾，亦稗史之佳著云。

一九八四年二月十九日女明華、玉華謹識

先岳丈鵷雛公遺著《恬養簪詩》五卷，倩平湖金錫琳君蠟繕印成，喜賦

遺編卅載歷滄桑，喜見書成古色香。鐵筆鏤裁工八法，烏絲界劃直千行。縹囊瓊什流芬遠，插架芸籤到館藏。心力端知終不泯，杜陵文采故琳琅。

鵷公集內《自題詩稿》有：「一生心力聊堪惜，敵篋塵封數卷詩」語，故末聯及之。

婿紀璋拜題 一九八五年乙丑冬月

後記

先父《恬養簪詩·蒼雪詞》合集，承河海大學出版社給予出版機會，欣幸殺青有日，特再贅數言。

一、本書扉頁所刊名家法繪四幅，作者均系先父生前文字深交。程十髮鄉世丈所繪《日照春山》一幅，系采先父詞作《小重山·春情》首句「日照春山花滿枝」語意繪成，專為紀念本書出版而作，承慨許製版并諸卷首，彌足珍貴。其餘黃賓虹、呂鳳子、豐子愷三位世伯作品，均為作者生前繪贈先父所遺留，先父受贈後，珍同拱璧，曾各賦詩誌謝，具載於詩集中。此次一並製版刊作本書扉頁插圖，一為紀念老輩交誼，二為本書增光。惟未及一一徵求三位世伯哲嗣同意為歉，尚求顧念通家之誼，而曲予諒解，則幸甚焉。

二、新近故世民革中央主席屈武老前輩，生前抱病為本書題耑，未及親睹本書問世，遽爾長逝，莫名哀悼，敬以此書之成，告慰於長者在天之靈。

三、為支援本書出版，上海松江電子儀器廠鄭大膺廠長慨任印資，河海大學講師楊周道多方協力促成出版，松江師範沈元吉老師幫助校閱，付出辛勤勞動。合並誌感。

一九九三年九月十九日女姚明華 玉華謹記

不要歸鵲笑曾飛紫忽便道春將暮
枝頭新綠漸宜人可耐芳紅多著露
倚近危欄望窮遠樹分明不見江南路
鳥蹄陌上滑春泥驚心一夜風和雨

謝離先生以近作渝州春暮高陽臺詞見示且屬

同作因隨踏莎行奉教
于默呈稿



魏總先生詩客日前奉

焦旅所

天大任敬佩无数都下

致力於此言常謂柳

幼童尸形之惜雅

子斐然於著作一林之

如伯鷹鶴何許子則沈

子虛而算及下則東澤西

味甘自鄧矣此如通一

人之私言也通於天文

至解渴語古十章後遺

山與之升世自持本指少

疎冲一稿亦清

三因信以神為報格乎玉

之中心以為格幸名為濟徑

二天地間自有以明理

清必漢漢中

時袖

古二通子

一景





恬養簪詩

蒼雪詞

姚鵬雛詩詞集

河海大學出版社

